

近代中國史料叢刊第二十四輯
沈雲龍 主編

秋

讞

輯

要

剛毅輯

文海出版社印行

秋

讞

輯

要

光緒己丑季秋
刊于江蘇書局

44193/14

秋讞輯要卷首

目錄

綸音

歷年有關秋審案件欽奉

上諭

乾隆七年九月初三日一道

乾隆十四年六月初六日一道

乾隆十四年九月二十八日一道

乾隆十四年九月二十九日一道

乾隆十五年正月初二日一道

乾隆十六年十月初四日一道

乾隆十六年十月十二日一道

乾隆十七年九月十八日一道

乾隆十八年九月二十五日一道

乾隆十八年九月二十六日一道

乾隆十八年十一月初四日一道

乾隆十九年閏四月二十一日一道

乾隆二十二年六月二十六日一道

乾隆二十二年九月初九日一道

乾隆二十二年九月十一日一道

乾隆二十二年十月十三日一道

乾隆二十三年九月初八日一道

乾隆二十五年十月初六日一道

乾隆二十七年八月二十七日一道

乾隆二十七年九月初五日一道

乾隆二十七年十月十一日一道

乾隆二十九年九月二十六日一道

乾隆三十一年九月二十六日一道

乾隆三十二年九月十四日一道

乾隆三十二年十月初二日一道

乾隆三十二年十月初九日一道

乾隆三十四年九月初二日一道

乾隆三十五年八月二十三日一道

乾隆三十六年十月初三日一道

乾隆三十八年十一月十六日一道

乾隆三十八年十二月初十日一道

乾隆四十年四月十六日一道

乾隆四十年閏十月十八日一道

乾隆四十二年六月二十四日一道

乾隆四十二年九月初六日一道

乾隆四十二年九月初八日一道

乾隆四十三年九月初四日一道

乾隆四十四年四月初六日一道

乾隆四十四年十月初七日一道

乾隆四十五年九月初五日一道

乾隆四十六年二月初三日一道

乾隆四十七年九月初四日一道

乾隆四十八年十月二十八日一道

乾隆四十九年五月十二日一道

乾隆五十二年四月十六日一道

乾隆五十二年九月初二日一道

乾隆五十一年九月十七日一道

乾隆五十五年七月二十九日一道

乾隆五十七年十月十六日一道

乾隆五十八年四月十九日一道

乾隆五十八年六月十五日一道

乾隆五十九年七月二十九日一道

嘉慶四年四月初三日一道

嘉慶四年八月二十日一道

嘉慶四年八月二十七日一道

嘉慶五年三月初三日一道

嘉慶五年四月初三日一道

嘉慶七年八月二十五日一道

嘉慶八年三月十五日一道

嘉慶八年七月二十日一道

嘉慶九年二月十九日一道

嘉慶九年六月二十三日一道

嘉慶九年八月初五日一道

嘉慶十年九月初三日一道

嘉慶十年十月二十四日一道

嘉慶十一年三月二十二日一道

嘉慶十二年十二月二十日一道

以上六十七道悉遵刑部原本

光緒十五年十二月十五日江蘇巡撫臣剛毅敬謹摹刊

提調書局事宜江蘇補用知縣諸可寶恭校字

秋讞輯要卷首

綸音

乾隆七年九月初三日內閣奉

上諭從來節烈之婦祀于其鄉所以旌美端化樹之風聲也刑以弼教其致死本婦之犯法無可貸是以乾隆五年福建秋審蕭充一案該撫擬以情實九卿改爲緩決朕曾經降旨申飭蓋以烈婦之死由於該犯之調戲若將該犯輕入緩決非所以重名教而端民俗也今正值九卿秋審之時其在蕭充以前定爲緩決之案俱係九卿集議經朕覽閱降旨者此番毋庸改爲情實其在乾隆五年以後此等案件各該省督撫多入於情實之列九卿執法自不得輕縱但強姦未成本婦因調戲而羞忿自盡者其中情形不一朕辦理勾到之時自有權衡如果一線可原仍當免勾既經一次免勾之後下年即可改爲緩決如係停止

勾到之年入情實者下年不得卽改緩決將此傳諭九卿知之
欽此

乾隆十四年六月初六日內閣奉

上諭八旗滿洲互相殺傷案件向例俱從斬決至雍正年間乃按律以謀殺鬪毆分別斬絞亦卽行正法自朕御極之後以旗民條例輕重懸殊特諭九卿八旗會同定議一切命案俱著監候至秋審時苟非謀故重情概爲緩決但思立法之道與其狎而易犯不若使知所畏而不敢蹈向來立法從嚴具有深意惟是旗民事例旣經畫一今又改從斬決舊制朕心有所不忍嗣後滿洲與滿洲毆殺案件著於秋審時俱入情實庶旗人咸知警惕不犯有司著八旗都統通傳知悉務使各該旗人等惜身畏法不懼罪譴以副朕好生之至意欽此

乾隆十四年九月二十八日內閣奉

上諭向來勾到本章俱係新資御史承辦此相沿陋例初無意義不過備員塞責非所以肅政典也今既分定十五道各有專責自應分省辦理嗣後凡遇勾到某省本章卽著某道御史辦理近經去其冗覆本章已簡其令該御史必悉心詳對設有魚魯惟該御史是問其朝審令河南道專辦監視行刑著刑科給事中刑部侍郎中亦著一人去著爲例欽此

乾隆十四年九月二十九日內閣抄出奉

上諭廣東南海縣民劉德蒲繼妻關氏搭死前妻之子劉應周致令伊夫絕嗣一案朕因其情罪可惡於法司核擬時特爲存記今經秋審墀入緩決據刑部查稱乾隆十一年直隸省張心堯繼妻張氏藥死前妻之子依律擬絞監候每年於秋審時查明張心堯續娶有子將應否減等請旨定奪如終至絕嗣將張氏正法關氏案照此辦理等語朕思繼母如母名分甚尊其於前妻之子究無屬毛離裏之愛果其撫如己出則子自當事若所生然忿戾殘刻非理凌虐者比比而是皆由法雖設而不行人心無所儆畏故也夫謂親雖不慈子不可以不孝豈非扶持名教之言而從古之爲閔損王祥者能有幾人顧可以是責之庸眾之流乎律載故殺子孫者杖六十徒一年嫡繼慈養母殺者加一等致令絕嗣者絞律文之以加等科罪正以其與親生者

有間當其戕害軀命則母子之恩已絕況致令絕嗣則得罪於其夫得罪於其夫之先代原其初雖曰母子也夫婦也至於故殺而母子夫婦天倫盡廢執國法以繩之固殺人之兇犯耳揆之天理人情毫無可恕朕意子果不孝經官驗明有據則雖繼母亦不必治以加等及擬絞之罪如其無罪致死則但當治以國法而不當復追論其名分其絕嗣擬絞亦但當論其現在之有無子息而不必計其後此之續娶另生凡情罪可惡者以情實定擬與謀故人犯一併正法如此則慘毒之行有所畏憚而不敢肆庶足以正刑章而厚倫理著大學士九卿定議欽此

乾隆十五年正月初二日內閣奉

上諭國家欽恤民命德洽好生至於鰥寡癯獨尤所矜憫是以定有獨子留養之例凡屬情輕俱已霑恩減等惟是愚民無知往往輕身鬪狠不知留養爲格外施仁或轉恃此爲倖免之路以致罹於法網因其案情稍重或理曲尋釁金刃重傷雖經督撫聲請仍以原罪定擬不准留養固屬該犯罪所應得但聲請之案不過尋常鬪毆等類斷不至入於情實徒使淹禁囹圄不得侍養而窮老孤孀無所倚賴深可軫惻朕思此等罪犯本非有謀故重情爲常赦所不原旣經定擬本罪拘繫逾時已足馴其桀驁之氣應量爲末減俾得自新上年秋審此等案犯經九卿定擬矜減者止有二起餘仍監候著該部查明各犯祖父母父母現存果無次丁侍養俱以可矜減等請旨發落嗣後獨子犯罪未邀寬減者該督撫於秋審朝審冊內聲明九卿覆核時照

此辦理以昭軫恤無告之意著爲例欽此

乾隆十六年十月初四日內閣奉

上諭刑部進呈湖廣省秋審本內斬犯滕有伯該撫原擬情實具題九卿會核以其救母情切改入緩決殊失輕重滕有伯棍格致斃大功服兇從前三法司按律核覆擬斬立決經朕降旨改爲應斬監候免其卽行正法是該犯救母情切之處已邀格外寬典矣若於秋審之時復擬緩決僅虛予以重辟罪名久且入於矜減之列是乃輕視倫紀豈明刑弼教之意此端一開將使挾讐干犯者轉以父母爲起衅之由得肆其毒手愚民益無畏懼且各省督撫以九卿旣經改擬凡屬此等案件必有以緩決爲請者九卿因其情節稍重又必有改爲情實者而言官復援前案相較益致聚訟紛紛非所以明法紀而崇簡要也嗣後由立決改擬監候人犯俱應入於情實勾到時卽或原情免勾下次亦應仍入情實或情節果輕免勾數次之後遇特旨寬減則

可耳法司惟應執法問擬此所關於人倫國憲者甚鉅將此論問刑衙門知之欽此

乾隆十六年十月十二日內閣奉

上諭直省秋審案內調姦未成致本婦羞忿自盡各犯雖非有心
致死人命而風化所關法難寬宥前經降旨甚明設經一次免
勾下年卽准改爲緩決此亦寬嚴允協矣內外問刑衙門自應
一體遵照今奉天省之絞犯二達色湖廣省之絞犯石紹於山
東省之絞犯張振欽三犯該撫等又卽擬以緩決具題豈朕所
降諭旨皆未之見乎九卿會核改擬情實固屬允協但在督撫
等辦理此等重案非一時錯誤偶失輕重可比九卿等應於改
擬之後卽將該撫等附疏題參方足以昭慎重若止照常辦理
將來必有仍以緩決請者九卿又復議改則亦徒煩案牘殊非
國家明罰敕法訓俗型方之意著傳諭九卿等知之鍾音等著
嚴行申飭欽此

禾謀朝夢
卷首

乾隆十七年九月十八日內閣奉

上諭各省由立決改爲監候人犯均係服制攸關其改擬監候已屬原情酌減若秋審時入於緩決則減之又減殊非慎重倫常明刑弼教之道是以上年降旨令改入情實此其中情節多端如父母被毆致傷或勢在危急救護乃其至情使父毆叔而子助父以斃叔亦得謂之救父則是長不友不睦之風非止碎之意但散在各省招冊中有勾決者有未勾決者或未悉朕輕重權衡反滋疑議著該部將此等案犯查明彙爲一冊與官犯招冊俱先期進呈候勾其有應宥者亦可卽與減等發落朕於各省招冊反覆研究務協理法之大中人命至重大德好生何忍不以哀矜爲念但執法違道務在活人斯乃婦人之仁中外問刑者其其知之欽此

禾訓車夏
卷七

乾隆十八年九月二十五日內閣奉

上諭各省由立決改監候人犯情罪本重歷次秋審仍列入情實上年四十起內未勾者二十三入此次已勾矣祿一起但節次存留監禁將積而愈多是因緩死而屢次綁赴市曹亦非所以重刑章也嗣後此項除本年未勾人犯下次仍入情實外其餘著大學士會同刑部堂官將招冊覆加詳勘其有實在情節可寬如弟毆兄斃或果因其兄干犯父母迫於親命或素有瘋疾一時病發凡似此類酌量分別敘述案情確加看語請旨卽入緩決蓋倫常所繫不厭周詳朕於勾決冊內已再三審量更加一番公同斟酌則情節益明庶協明慎用刑矜恤民命之意著爲令欽此

人

乾隆十八年九月二十六日內閣奉

上諭福建秋審案內聚眾械鬪致斃人命之陳茶張杭陳質及呂案之施教施孔施錢等六犯詳閱案情實係各斃一命乃該督撫止將已正法之蘇伯侯施珍以爲首問擬情實陳茶等俱以聽從僅擬緩決此皆捏敘案情舞文開脫本非信讞實爲外省相沿陋習不知人命至重此種聚眾械鬪互斃數命若止以一人抵償則情重法輕人不知畏將來械鬪之事必多是所全者目前之兇犯而所害者日後之良民非所以除奸惡而昭懲劊也以上案犯經九卿改擬情實俱已予勾嗣後各省督撫遇此等案件俱應執法辦理務必研究兇犯一命一抵不得有意姑息縱惡養奸并出示通行曉諭俾愚民知殺人者死無可倖免則兇頑有所警惕不致輕罹法網亦辟以止辟之意著傳諭各督撫知之欽此

禾調車豆
卷一

乾隆十八年十月河撫蔣 題禁卒陳得魁賄縱申玠等

越獄脫逃一案十一月初四日奉

旨三法司核擬具奏禁卒典守監獄乃於斬絞重犯受財故縱此非尋常因事受財者可比自應按照本律與囚同罪但則例又載有擬絞緩決候逃囚得獲審豁之條未免法輕易犯嗣後監犯脫逃該督撫審出禁卒得賄情節卽視其囚犯之罪本律科斷如本犯應入秋審情實者亦入情實應絞決者亦擬絞決應斬決以上者亦卽擬以斬決著爲例并通行傳諭典獄官役知之欽此

乾隆十九年閏四月二十一日內閣奉

上諭福建巡撫陳弘謀奏稱諸羅縣奸民吳典等糾眾奪犯及同安縣賊犯林對等糾眾拒捕兩案內爲從各犯俱已擬絞候具題尙未准部覆例應人於次年秋審但此二案情罪重大已令臬司歸入秋審會勘等語兇頑之徒糾黨抗官肆行不法自應明正典刑以示懲創著照該撫所請入於本年秋審情實具題併傳諭各該督撫凡遇此等案件俱照此辦理再停止勾決之年情實案內有糾眾聚匪劫犯辱官及侵蝕虧空各犯與尋常謀故鬪殺等犯不同若輩予以監候已屬法外之仁使更久稽顯戮地方百姓日遠漸忘非所以肅刑章而示炯戒嗣後停決年分著刑部將情罪重大案犯開具事由另行奏聞請旨正法欽此

形講車馬之
名目

三

乾隆二十二年六月二十六日奉

上諭律載鬪毆殺人一條均擬應絞而案情輕重迥異如係彼此互毆致斃正與鬪毆律意相符若其人並未還毆而逞兇肆毆以致殞命其去故殺一間耳卽如刑部審擬李四毆傷張氏身死一本緣張氏索欠詈罵該犯拳毆跌地復連踢重傷致死張氏因索欠不與而罵人之常情並未與鬪而李四直不欲償其宿逋毒毆斃命卽謂釁起一時情非謀故顧安得謂之鬪毆殺乎嗣後鬪殺案內遇有此等情節較重者秋審時俱當擬入情實或有類此而情輕者卽量從寬典亦祇可歸入緩決卽不應在可矜之列庶兇徒知儆讞牘漸清正碎以止碎之意也著通行傳諭問刑衙門知之欽此

禾諺車夏

名

三

乾隆二十二年九月初九日內閣奉

上諭秋審官犯冊內擬斬之原任湖南布政使楊灝一案定擬緩決甚屬紕謬閱之不勝駭然楊灝身為藩司乃侵肥尅扣至三千餘兩此其貪黷敗檢本應立行正法以彰國憲監候已係朕格外之恩朕以爲該撫審擬招冊及三法司九卿科道等廷讞時自當入於情實冊內妄以該犯限內完贖歸入緩決試思藩司大員狼藉至此猶得以限內完贖概從末減則凡督撫大吏皆可視婪贓腐帑爲尋常事侵漁尅扣肆無忘憚幸而不經發覺竟可安然無恙卽或一旦敗露亦不過於限內完贖仍得保其首領其何以飭官方而肅法紀耶廷臣等於此等案件並不權事理之輕重竟爾恣意欺罔朦混照覆將視朕爲何如主朕臨御二十二年所辦案件內外臣工所共見其聞尙敢如此竊弄威柄施黨庇伎倆朝臣亦可謂有權今日檢閱之下實不勝

手戰憤慄原擬之蔣炳著交部嚴加治罪三法司著交部從重嚴加議處其與審之九卿科道等俱著交部議處嗣後凡有新案官犯無論情實緩決概行粘籤聲明毋得遺漏朦混在京票擬之大學士等依樣葫蘆並不夾籤聲明是何意見著明白回奏欽此

乾隆二十二年九月十一日奉

上諭秋審官犯冊內該撫以及九卿科道其存黨庇焚贓侵蝕之原任布政使楊灝竟擬緩決其情實屬可惡已降旨分別治罪議處矣夫明刑弼教乃國家刑政之大綱是以臬陶曰殺之三堯曰宥之三此非古人以仁愛歸其君蓋法之所在所謂天討有罪罔敢縱弛誠有如是者近日內外問刑衙門習氣不求其情罪之介當惟事婦寺之仁則如事關倫紀必曰釁起尊長卑幼並非有心抗拒一若其叔若兄適與其人挺刃相值巧其辭說爲開脫生者之地轉以依律科罪爲不免過當成何政體然此猶曰在愚民耳至儼然服官從政自當知凜遵憲典而猶悍然作奸犯科此而可寬則誰不蔑法營私小民將必深受其害如楊灝身爲藩司爲闔省屬員表率乃侵扣穀價數千兩是其肥囊橐者皆民之脂膏也而遽以限內完贓欲貸其死夫限內

完贓姑從未減在微員猶或可言豈有方岳大員婪贓纍纍而尙藉限內完贓俾得偷生視息有是理乎朕臨御二十二年試問在朝諸臣有敢竊弄威福能生死人者爲誰今蔣炳辦理此案豈不知事理之不當如是其意以爲朕於前歲去歲俱經勾到今歲或當停勾所有緩決諸案未必寓目遂將楊灝擬入緩決迨至明歲則係擬准緩決之犯便可倖邀寬典是其有意朦混欺罔徇私居心實不可問九卿科道每於秋審櫺內嘵嘵致辯不過求寬一命或爲自己積福地而於此等要案則無一人見及雷同附和公爲矯誣此而不加懲儆紀綱安在冊內又有鄂寶審擬黜革千總經應斗踢傷胡德泗身死一案該犯因途遇胡德泗蹲地喊其讓路胡德泗未經趨避並無抗違該犯用腳踢傷殞命其逞強行兇卽常人亦屬故殺千總雖微固偏裨也詎可以尋常鬪毆論而鄂寶乃以事出鹵莽情非逞忿入於

緩決亦屬錯謬但鄂寶尙屬所見偶偏囿於姑息之積習非如
 蔣炳有心作弊可比鄂寶著交部察議其楊灝一案審轉之按
 察使夔舒有專辦刑名之責乃亦朦混如此著一併交部嚴加
 議處爲官相護之錮習朕必力革而後已楊灝革職審擬係去
 年九月之事去歲卽已應入招冊且各省官犯爲數無多嗣後
 應以該省行刑之日爲斷官犯審題結案在行刑之日以前者
 著皆補疏題請或情實或緩決其情實予勾者卽行刑之日已
 過亦著行刑其在行刑以後審結者乃入下年招冊內新事該
 部仍粘籤聲明如此庶爲有所差別所謂制官刑儆於有位持
 憲執紀其慎體毋怠欽此

乾隆二十二年十月十三日 閣奉

上諭內外問刑衙門辦理刑名案件往主惟事姑息一切情罪之應正法者苟可巧爲開脫輒文飾獄詞擬入監候緩決一入緩決則每年秋審例得屢邀寬宥該犯徒負一斬絞之名轉得偷生視息以囹圄爲送老地幸遇寬典或且安然事外坐使冤死者無償命之期而才惡莠民益無所儆畏近來刑名案牘日多一日未必不由於此卽如一毆殺也獄成定讞必以爲曲在死者其有事關服制以卑幼而傷及尊長不曰救親情急卽曰尊長起衅凡若此類招冊中不可枚舉總以輾轉迴護曲爲之貸殊不思人命關天必期死生兩無所憾若徒爲生者力爲保全則死者不且重被冤抑乎將謂生者之命可惜則死者獨非命乎在督撫州縣等以爲如此辦理可使該犯留一綫之生而部臣定擬亦以已成之案樂於從寬完結不知事關刑獄務期情

罪允當有意從寬與有意從嚴其爲刑罰不中一也如今日山東省秋審情實冊內丁士賢丁士麟二犯不能查察伊弟丁文彬造作逆書及劉海劉馬二犯不能查察伊叔劉德昭造作逆詞該部均照大逆緣坐律擬以斬決朕改爲監候此等關係國家體制非殺人抵命可比轉可爲之原情至人命所係朕倍加留心獄詞稍涉朦混必推究實情不稍寬貸是諸臣雖欲曲爲開釋亦終不能也且並有明知不能開釋而故爲一可上可下之語以爲吾救命之心盡矣此何爲耶不可笑乎昔皋陶曰殺之三堯曰宥之三朕亦何樂而不以宥貴爲恩但諸臣舉無一執法之人則朕轉不得不存廢法之懼若果但爲積陰德之舉則每年不勾到卽勾到而於情實者皆不勾斯朕之所存陰德必較諸臣爲大而天下政理其尙可問乎夫馭民之道不貴刑治而貴以德化吾君臣不能以德化民是可愧也然德所不能

化非刑其何以治之若徒博寬厚之美名因循姑息致奸匪毫無懲儆讞獄日益繁多豈所論於刑期無刑之道哉將此通行傳諭內外問刑衙門知之欽此

乾隆二十三年九月初八日內閣奉

上諭秋審官犯冊內絞犯高聯登私派加徵李泌知情徇縱一案該撫莊有恭俱擬以緩決三法司九卿等將高聯登改爲情實甚是此案浮收銀米至數千兩之多亂法病民蠹弊已極李泌知情徇縱訊無得財情弊較之婪贓入己尙屬有間高聯登貪黷至此何得以其接虞學灝之任因循陋習與自行創意者不同遽爲末減如此則凡踵習舊弊婪贓無忌者皆可以弊非己創爲開脫地何以警官邪而飭吏治看來莊有恭顯有市惠沽譽之意著交部嚴加議處欽此

秘議朝野
卷首

ナ

乾隆二十五年十月初六日內閣奉

上諭刑部秋審情實招冊內有案犯定讞時已逾該省熱審之期而九卿秋審卽提入本年冊內請勾者此雖該犯情罪重大法無可緩用速憲典以示懲創但朕詳閱招冊見其中情罪等差尚有應行區別者如一人連斃二命暨妖言惑眾傳習符咒並官員侵漁帑項勒斂民財之類非殘忍已極卽有關於民俗官方自不得不早正典刑以昭炯戒然亦應於秋審時該部將此等案件另開罪犯清單奏明至尋常謀故等案雖情節本無可緩而定案期限適在秋審後此亦時會偶值自可令其幸延一年之生何必亟亟爲也將使天下好名無識之徒不揆本末反議法司亟議勾當未免意存刻覈甚無謂也卽如前此按察使阿永阿奏因姦謀殺本夫條內有姦夫應按律斬候者恐定讞時已過秋審請令刑部卽行歸入本年秋審情實一節該部亦

已議准此等謀殺之案若係姦夫起意則姦夫已按律斬決毋庸更俟秋審若起意本由姦婦則姦婦亦已凌遲其姦夫自不妨照例監候如慮其遲至下年或遇停勾益致稽滯則該部原有停勾年分將重犯另請正法之例亦可無庸置議朕辦理庶政從不預存成見其應速行正法之犯令其具奏入於秋審固非有意從嚴其可以不必速辦之案令其仍照往例亦非有意從寬惟斟酌情理期適當於協中之治而已將此通行傳諭知之欽此

乾隆二十七年八月二十七日內閣奉

上諭本年秋讞屆期九卿等將秋朝審各審核議分別具題所有可矜各犯例應減等杖流但其中有同有可矜之列而情節各殊者如子婦不孝嘗毆翁姑而其夫忿激致斃或因該犯之母素有姦夫已經拒絕後復登門尋衅以致拒毆致斃者此等尙因情切天倫一時義忿所致與尋常鬪狠者原屬不同然僅一例減流而終身遠徙不得完聚其情亦堪憫惻著該部會同九卿嗣後遇有似此罪犯案情旣確俱量爲區別照免死減等例再減一等發落仍逐案隨本聲明請旨副朕矜恤庶獄至意欽此

和漢軒要
卷首

三

乾隆二十七年九月初五日奉

上諭朕閱刑部秋審招冊內有參革四川綿州知州程嘉當婪贓妄斷一案該督開泰擬入緩決經九卿改定情實初以爲原擬姑息邀名已失司憲之正及詳核全贖開泰於定擬後復將該犯限內完贓聲請減等此則謬戾乖方殊出情理之外於讞典尤有關繫前以污吏獻帑情罪重大陳臬者率引限內完贓減等之條使不肖劣員平日既可恣意侵漁事犯又可出資未減使不爲執法嚴懲是視帑項爲重而弼教爲輕豈國家慎重刑章轉爲言利起見所降諭旨甚明夫蠹國與戕民爲害維均而因事魚肉窮簷其罪視盜臣尤重程嘉當與家人婪索陝民季興詩贓銀入已至六百兩之多是藉聽斷爲肥橐之謀而置民事於不問九卿核駁以情與枉法無異實爲百喙難辭開泰乃曲爲議貸思以保全墨吏自謂可積陰德試問伊自負讀書於

陳編所載一家一路之喻豈尙未之知而顧欲縱奸頑以長民
害可乎在開泰原以溺於積習遂至案情輕重失倫雖不敢攬
官犯之金巧爲開脫然推其流弊所極無識之徒踵而效尤勢
將賄賂公行細民含冤莫訴夫朕之嚴於墨吏乃所以安民也
開泰久任督撫遇此等重案不應出入任意若此此案設令九
卿等依樣畫題亦自必同干重譴然使非朕于一切讞案悉心
衡量逐案細閱在九卿等安知不以模稜塞責而開泰又安知
不以改入情實委其責於九卿終自以散法曲全爲得計哉朕
於官方民膜所關維慎持三尺俾情罪一歸平允決不因若輩
妄逞伎倆稍爲遷就以撓定憲開泰著交部嚴加議處並將此
通諭中外知之欽此

乾隆二十七年十月十一日內閣奉

上諭國家秋讞大典上繫刑章下關民命慮囚時設情法未衷於至當何以昭彌教之用心每歲刑部進呈各省情實人犯招冊朕必將逐案事由一一批覽使獄情毫無遺漏而各案適輕適重又詳爲稱量比擬有其跡雖涉疑似而情尚一綫可原者概於冊內折角存記卽情罪重大於法萬無可貸不得已而予勾之案亦反覆推勘於犯事實款隨其節目次第折角及勾到前一日與臨勾之時必三經檢核務俾毫髮無疑然後予勾所謂求其生而不得則死者皆無憾也夫緩重犯須臾之命使被害者銜冤不得自由申婦寺之仁刑官尙不應出此何況天下其主若以旣麗三尺均屬應斷之刑而不爲銖量權衡將案內細微同異之由並歸無憾則此輕掉之心已乖與眾共棄之本義此朕自揣兢兢明慎固不肯稍存寬嚴之見卽督撫九卿已數爲

擬議猶未敢稍緣因任者也第向來勾到事畢原閱招冊祇存貯內閣其問刑衙門不過預聞臨時商確之言而先事全局折衷所以一再不釋者未能盡喻又何以定司憲之準所有本年各省情實招冊可於勾到後卽發交刑部其近今二三年內閣所貯冊一併檢發該部俾詳悉披繹因端領會庶幾體朕意以求協中則成牘不爲無助著爲例欽此

乾隆二十九年九月二十六日奉

上諭向來期功服制情實人犯內停勾二次者曾經降旨令大學士會同刑部省錄改緩其服係總麻案件因非由立決改監候者散入各省讞冊本非前旨所概雖勾到時有以情節稍輕酌予免勾而積至數年竟未得與服重人犯一體改緩誠屬不免向隅然既有此情節刑部堂官何不早奏核定而於秋讞時遂將傷斃總麻尊長之杜廷順等三案遽行改緩是其意在因事沾名而於條例之應加酌劑者轉未通行籌議司憲之義謂何今日勾到四川冊內核杜廷順情罪本不甚重因子免勾可見刑部前奏之謬誤祗以意中鈞譽遂致節外生枝而於明刑勸教之本意全未體會也朕辦理庶獄事無鉅細一秉虛公詳慎從不稍存成見嗣後遇此等總麻服屬人犯亦照期功以上例於停勾二次之後著大學士會同該部一體省核改入緩決著

和謫軒要

卷首

爲例并將此通諭中外知之欽此

臣

乾隆三十一年九月二十六日奉

上諭前勾到情實官犯內湖南省饒佺一名以其迴護已過業已予勾嗣因閱看浙省招冊內諸暨縣書吏侵糧一案知縣黃汝亮卽行正法知府高象震承審迴護經侍郎四達等審擬發往軍臺効力因思兩案情事相類而一寘重典一發軍臺同罪異罰不足以昭平允特命速諭該撫將饒佺暫停處決一面令刑部詳查高象震供詞與饒佺案情逐細核較再行降旨今據查奏高象震因生員陳駒控告書吏侵糧經巡撫批發親審乃並不詳細根究隨卽轉詳復因錢名標等俱未到案心存成見一時迴護前詳遽將原告陳駒詳請斥革至饒佺則明知印串較冊浮多恐干失察處分欲圖迴護授意知縣等改換印串以符徵冊幾至重犯漏網實屬骫法欺朦是高象震與饒佺雖俱係迴護而情罪迥不相同高象震承審時受人朦混不能究出實

情繼復固執已見仍照前詳率結昏憤無能尙屬無心之過發往軍臺効力已足蔽辜若饒佺授意改串則因袒護舞弊屬員曲爲徇縱以知府大員敢於有心欺罔於法實無可貸著該撫仍將饒佺卽行處決秋讞爲明刑大典朕披覽招冊必詳慎再三以協大中至正之治雖匹夫匹婦稍有一節涉於疑似者亦必悉心推究俾無枉縱卽如饒佺一犯初疑其與高象震案或相類雖已予勾仍令停決以待詳核今旣查較得實則予以纒首並不爲枉朕於庶務鑑空衡平從不預設成見輕重悉視其人之自取將此明白曉諭中外知之并使凡爲知府等大員者知所炯戒欽此

乾隆三十二年九月十四日內閣抄出奉

上諭本日勾到官犯內因公勒派侵蝕堤工銀兩擬絞之黎慕蓮一犯刑部九卿因其業經司鐸卽入於本年官犯情實但該犯歛費修堤時尙未服官不過以地方劣衿充當首事遂爾起意作弊派收堤費其情罪究與現任職官貪婪者有間是以姑免勾決至案內陳世鏌身爲典史輒指稱撞騙至二百餘兩而與黎慕蓮同辦堤工之余函秀曾任教職於前且侵用銀兩亦比之黎慕蓮爲數較多計贓論罪何以反輕於黎慕蓮是原審原擬均未得輕重之平此案著該部另行核擬明白回奏至貴州省奪犯毆差一案起意之楊傑士業已勾此案內該犯之弟楊靈巖糾約多人復又毆傷差役而楊哲士附和前行隨同助毆二犯僅擬以爲從杖流夫楊傑士時已就拘繫不能動手奪犯則奪犯毆差之爲首者究係何人並著該部一併另擬明白

和 奏 欽 此

回 奏 欽 此

三

乾隆三十二年十月初二日內閣奉

上諭朕檢閱朝審官犯冊內李因培辦理馮其柘虧空一案始爲減數具題繼復授意彌補甚至將據實揭參之知府錫爾達不惟不加賞識轉欲別爲構釁摘參其爲昧天良而戩國憲實非尋常干犯功令者可比封疆大臣受朕深恩分應奉公守法乃因迴護曾經保題庫貯虧空而甘心罔上行私推其流弊勢將何所不至卽明白顯戮亦其罪所應得第念前此和其衷狗庇段成功之案雖同一彌補虧空而先經收受賄遺其貪黷欺朦情尤可惡是以卽行予勾以李因培較之尙無得贓之欸與和其衷究屬有間若概令肆市權衡殊未允符然欲更爲曲貸則準之情法均不可以爲訓因命侍郎四達御前侍衛索諾木策凌前往傳諭加恩賜令自盡以存大臣之體特恐庸愚無識之徒或謂李因培與莊有恭皆係巡撫狗庇屬員獲譴而一則竟

與復職一則僅令自裁未免妄生擬議殊不知莊有恭於段成
功之巧爲開脫與臬司知府等有意從寬彼此一則無言尙未
有顯然授意指使情節猶屬外吏相沿積習是以定讞示懲仍
施恩錄用揆諸李因培之任意舞文乖張挾詐者迥不相類並
非輕於莊有恭而重於李因培也再如湯聘身爲撫臣目擊總
督楊應琚欺謾債事並無一言入告自不得不加重罰然湯聘
不過一庸懦無能隨人俯仰之人耳使以他人處此亦未必不
蹈其故轍求其一蒞滇境卽具摺盡發其奸不過鄂寧等公忠
體國者能之豈可以之深責湯聘哉是其罪尙可量從未減已
命法司改入緩決以昭平允夫刑賞國家大柄朕臨御以來慎
重刑章雖細民案牘無不詳加較核務使無纖毫之爽況以大
員重案視其情罪虛衷斟酌適輕適重各如其人之自取而無
所容心其犯出無心者雖必示之懲創未嘗不許其湔滌自新

且或棄瑕錄用若其營私藐法孽由自作此而曲爲姑息將使
職任封圻者互相效尤如用人何如國憲何如四人皆係大臣
其治罪差等判然難以概例者如此不得不明切曉示俾各省
督撫知朕明罰勅法一秉大公卽朕亦不得自主惟其人之自
取尙其共知儆惕副朕整飭官方澄清吏治之至意將此通諭
中外知之欽此

和漢輶要 卷首

三

乾隆三十二年十月初九日內閣奉

上諭朕檢閱朝審招冊內有太僕寺及商都達布遜諾爾達里剛愛等處牧廠虧缺馬匹三案所有官犯二十三人俱經刑部九卿核擬情實候勾但詳核案情其中輕重迥殊有不可不爲區別者如達里剛愛十四犯不惟馬匹虧缺數多且於牧丁錢糧內攤扣彌補甚至自行侵蝕銀四千餘兩核其情罪實屬重大然其中亦自有首從差等俟勾到時月爲酌定至太僕寺及商都達布遜諾爾兩案內九犯則並無扣派侵肥情事其罪止於虧少馬匹安得以其均係牧廠犯案遂爲一例概視所有兩案內之索諾木達爾扎五巴什雲敦阿敏達瓦羅卜桑巴忠車里瑪巴忒瑪古木扎布俱著改爲緩決以示平允欽此

利護軒要

卷一

三

乾隆三十四年九月初二日內閣奉

上諭前據鄧時敏奏秋審會讞時有貴州省吳喬元鎗斃吳正才
福建省陳元鎗斃孫琛二案並經簽商刑部俱未允從一摺就
鄧時敏所論似乎近理但恐鄧時敏原伸其說祇據所見而言
於案內緊要關鍵未經敘入因令刑部堂官明白回奏今據奏
到陳元一案係互相鬪毆且陳元曾先擲傷孫琛復擅放鳥
鎗致死孫琛例以故殺應擬情實吳喬元一案吳再國遷怒尋
釁糾約伊姪往吳喬受家拉牛吳喬元尙未分家牛亦公共原
係應捕之人不得謂之無涉而吳再國白晝搶奪卽屬有罪吳
喬元追捕放鎗致死罪人與尋常鬪毆火器傷人者不同應擬
緩決等語是二案情節本自分明果係鄧時敏原奏未經詳敘
刑部定讞尙無失重失輕之處著仍照刑部原擬辦理鄧時敏
原摺及刑部堂官覆奏摺並發欽此

毛詩卷之五

卷五

五

乾隆三十五年八月二十三日奉

上諭本日據託庸素爾訥奏稱秋審班內有福建省陳招弟與湯宋氏通姦毆死木夫湯乃明毀屍滅迹一案九卿等會審時將湯宋氏仍照不知情擬以緩決未敢隨同書題等語朕初閱情節已降旨令刑部會同九卿再議繼閱溫福摺亦奏及此事因係伊前在福建巡撫任內所改情實之案言之較詳此案湯宋氏本係犯姦之婦且目睹其夫爲姦夫毀屍滅迹尙以檢柴溺斃誑告夫兄卽擬以情實亦不爲過但向來辦理因姦謀死本夫之案其審係本夫故縱賣姦者雖由姦婦起意同謀尙以斬決論罪不擬凌遲則姦婦之不知情者其罪更當有間若以爲伊夫令其賣姦則從之教以拒絕則不從且目覩支解夫屍並不阻擋是乃責以大義天下之不知大義身犯刑辟者不知凡幾尙不能盡以禮意相繩何獨於此等淫蕩之婦而爲之斤斤

責備乎總之湯宋氏之入於情實與否俱無不可而秋讞大典滿洲三尙書與刑部九卿異議交章論奏則於政體有關所繫甚大在溫福曾經承辦此案於分原所當言而託庸素爾訥則何所激而出此若係國計民生要務滿尙書數人獨能持正不肯依阿眾論據實入告朕必深爲嘉許而此種尋常讞牘無關重輕實不值如此矯矯示異設伊等意在從寬或案犯亦係旗人則已將伊等治罪念所言尙係懲治淫兇且心無所爲故不加責但不和衷商確顯立異同恐啟門戶之漸於事體大非所宜至劉統勳任大學士已久刑名又其專責當託庸等講論時自應委曲婉轉極力盡言以衷一是卽朕現在所降之旨非劉統勳不能見及者何妨如此明白開說早爲定案乃竟聽其兩議入奏劉統勳亦不得謂之識大體矣若僅令刑部九卿再議尙恐未喻朕意著傳諭劉統勳與託庸等虛衷集議仍與九卿

等合詞妥擬入冊具題毋各稍存意見原摺併發回欽此

大欽單
卷一

三

乾隆三十六年十月初三日奉

旨刑部將秋朝審情實各犯情罪重大者照例摘敘事由請旨正法繕摺具奏朕詳加閱看官犯內如王鈺奈子良俱係將鉛斤工力銀兩扣剋入已段宏深於銅斤運費自行動用均屬侵蝕官項色赫訥因俸滿進京藉詞科歛得銀二千餘兩長福攬事說情從中受賄甘廣向銀廠課書索取津貼添平至六千餘兩之多俱屬翫法婪贓陳師愈身爲大使乃於鑄印時授意匠役灌鉛抵換銀兩雖爲數無多而情罪甚爲可惡以上七犯於法俱難寬貸均著照刑部所擬卽行正法至錢嵩芝雖亦虛出通關與王鈺等之侵用入已者有間戈濟預買米石歸倉事後折錢多收錢二百餘串固屬見小貪利然尙非枉法股民者可比三格於工程銀兩扣留營運貪鄙不堪但管工人員此等弊竇多所不免三格特因事敗露自可暫追其死至羅源浩陳昌元

程之章孫焯承管銅廠辦理不善以致積欠無著賠項又不能依限清完罪所應得念其究未入己且本年又係停勾不妨緩至來年秋審再爲核辦此七犯俱仍著牢固監候其常犯徐三黃氏覃兒文趙珍吉洪玉楊成貴張廷桂張五漢喬士宏盧裕榮黃彥廷白揚興劉士英崔登節十四犯核其情罪均無可寬亦俱著照部議卽行正法秋讞大典勅罰所關其中情罪重大者自不宜因停勾之年久稽顯戮若稍有一線可原者仍爲寬其時日朕綜理庶獄惟期明慎不但罪之輕重視其自取卽辦之緩急亦一準於平將此併諭中外知之欽此

乾隆三十八年十月十七日奉

上諭秋讞大典經九卿會核定擬繕冊進呈朕親爲再三批閱覈其情罪輕重分別勾存其稍有一線可原者必爲求其可生之理予以停勾而實在情真罪當者亦不能曲法市恩稍存姑息以期無枉無縱並於勾到時將應勾免勾之故詳晰諭示大學士刑部等官皆備聞之蓋以民命至重從不肯掉以輕心也第國家明罰勅法原以協刑期無刑之義今秋審招冊內情實應勾人犯每歲總不見少豈朝廷之化尙有未孚抑愚民罔知犯法之由輕蹈重辟乎古云刑人於市與眾棄之原欲使家喻戶曉其知儆畏今刑部及外省奉到秋審勾決之旨不過遵照辦理而其所犯何罪律應正法之故民間不能周知無怪乎歲舉明刑之典而犯法者仍眾也自當於秋後處決時將該犯必應正法情節摘出簡明數語揭示通衢俾愚民觸目警心庶

不致輕羅法網但今年各省應勾人犯業經辦竣已屬不及著
自朝審勾到爲始大學士會同刑部將予勾不予勾各犯並經
朕酌核情罪分別辦理之處節錄情由呈覽隨時榜示市曹俾
眾知朕明慎用刑至意嗣後辦理各省秋審勾到時並著大學
士刑部每次將各犯應勾應緩情節一體摘敘數語奏聞行知
各該督撫於處決時出示曉諭以昭儆戒庶幾窮鄉僻壤皆知
辟以止辟之意著爲令欽此

乾隆三十八年十一月十六日奉

上諭御史柯瑾條奏秋審朝審案犯未勾者同一情實其量予矜恤非名言所得而罄恐淺見之徒妄意窺尋致啟希倖迎合之漸所有未勾犯罪案由可否停止曉示一摺所見非是秋諫大典經九卿核定進呈朕親爲再三披閱覈其情罪輕重分別勾存其稍有一線可原者必爲求其可生之理予以停勾而實在情真罪當斷不能曲法姑寬期無枉縱第勾到時惟將應勾未勾之故詳晰諭示大學士刑部外間無由周知是以降旨今年朝審勾到爲始分別榜示俾愚民觸目警心不致輕罹法網庶幾辟以止辟之義今該御史稱恐啟希倖迎合之漸殊不知各犯情罪輕重初審時外而督撫內而刑部並係就案訊供按律定罪題奏及至秋審時卽照原題節敘繕冊經九卿法司會核進呈復經朕詳細閱定分別勾存各罪犯何由存希倖迎合之

心卽問刑衙門亦斷不敢意爲高下爲希倖迎合之舉況案情皆朕臨時詳加覆核酌理準情期於至當又豈臣下所能希倖迎合至勾不勾各案之畧覺顯然易見者惟羞忿自盡一項有僅係語言調戲卽不勾而手足勾引者從無倖免其死生分別似可預料然當審錄之初俱有屍親質證該犯又何由施其避重就輕希倖迎合之計乎且卽此一條或罪犯希倖迎合而避重就輕亦不過多寬數人所謂寧失不經初非若謀故之令死者含冤於地下也柯瑾所奏甚不曉事體原摺著發還所有秋審朝審勾決犯罪案由仍照前旨辦理並將此通諭知之欽此

乾隆三十八年十二月初十日奉

上諭昨據刑部題覆巴延三審擬李治國扎傷石通致死一案以該犯救母情切照例兩請減等並聲明獨子家無次丁例得留養核其情節李治國因伊母高氏被同母異父之石通拉走擦傷手腕脊背李治國恐母年老傷重用刀嚇扎以致石通殞命實係救母情急已照議減等發落矣例載救親情切一條原因父母被人毆打勢在危急伊子聞聲救護實有迫不得已情狀因致傷人其情實有可原是以向例准於疏內聲明兩請候旨若其父母與人尋衅鬪毆其子踵至從而加功致斃人命是父子逞兇共毆並非情殷救護豈可不嚴究實情照律論抵若復巧爲援引開脫竟使濟惡重犯幸逃法網何以昭勅法之平又獨子養親一條定例必先查核死者並非獨子而兇犯實在家無次丁方准聲請然亦須核其情節本輕又毫無別故者始可

照例援請至其中案情稍重雖經聲請不准留養者前經朕以此等尙非謀故重情常赦不原曾降旨俟其拘繫經年馴其桀驁之氣量爲末減亦不必於定案時將命案正犯遽行開釋是於明慎用刑之中更寓法外施仁之意第恐愚民無知恃有留養之例凡係獨子動輒輕身鬪狠易罹法網是隨案辦理留養非惟無益而且害之與其急於縱釋而民輕犯法何知稍加慎重之轉得矜全乎嗣後內外問刑衙門遇此兩項案情務須確覈罪由審酌至當妥協辦理毋得意存姑息以副明允協中之意將此通諭中外知之欽此

乾隆四十年四月十六日奉

旨三法司核擬錄墳絞犯逃後二三年被獲之王學孔敖子明仿照上年諭旨擬改立決一本所辦未免誤會朕意前旨所云凡有重罪應入情實人犯經二三年後始行就獲應改爲立決者原指謀故殺等犯情罪重大而言以其事關人命者應卽抵償若復潛竄稽誅其情尤爲可惡一經弋獲自應決不待時以戢兇惡而申憲典若此等錄墳爲首及三次人犯雖例應擬絞入情實然皆貧民無奈爲此有司民之責者當引以爲愧而其犯實無人命之可償也卽入本年秋審情實足矣有何不可待而改爲立決乎朕辦理庶獄凡權衡輕重一準情理之平從不肯稍有過當王學孔敖子明卽著照此旨辦理嗣後問擬斬絞監候之犯經二三年後始行就獲者何項應改立決何項仍應監候並著刑部悉心核擬酌定條例具奏餘依議欽此

乾隆四十年閏十月十八日奉

上諭今日御史王寬奏請將各省秋審經九卿改輕改重之案酌定處分一摺所奏甚屬非是朕辦理庶獄一秉大公至正卽有更改惟在準情酌理務得其平從不存絲毫成見至每年辦理各省秋審俱經細閱數次其中稍有一線可原者臨時卽不予勾或各督撫有問擬失當經九卿改正者朕量其改駁案件少者傳旨申飭多者或交部察議其事亦只可如是而止卽如今年四川省改駁多至五案亦止將署臬司顧光旭嚴加議處而署督文綬尙因其承辦軍需特予從輕此眾所共知者乃該御史欲請將秋審改多之案明定處分此必私心揣測妄以朕爲有意從嚴若果行其說其無知之督撫自皆避寬縱之名共思從重以免過勢必致失入者多於民命所關甚鉅國家設立刑章辟以止辟聞尙德緩刑未聞尙刑緩德王寬此奏斷不可行

向來御史每遇給事中缺出時多有封奏事件希冀轉科朕用人自有權衡豈以一言爲去取況身爲言官藉以干進亦爲諸臣恥之同日李殿圖奏請陸續刊刻

開國方畧一摺此書現在纂輯告成後自當敬謹刊行若纂辦未完豈可零星刊布然所言不過書生迂見尙不足深責是以止將原摺發還而王寬之奏爲明刑大體所繫不應妄陳若此著交部議處並將此通行傳諭知之欽此

乾隆四十一年六月二十四日奉

上諭據國泰審擬竇十調姦拒捕逞兇斃命一案據稱竇十乘張氏之夫夏三與子夏喜外出用言調戲當經夏三邀同妻弟張祿等及子夏喜赴竇家理論竇十卽持刀開門將夏喜砍傷斃命並砍傷夏三張祿等四人畏罪逃逸旋於熱河地方拿獲審明定擬並稱該犯情罪可惡僅按律擬斬監候不足蔽辜請旨卽行正法等語此等淫惡兇犯情節固爲可惡但按律擬以斬候於法已無可加若因其情罪較重只須趕入本年秋審情實不使久繫稽誅尙非決不待時之犯乃聲敘以爲不足蔽辜請卽正法恐無識者轉疑爲有意從嚴所辦未免過當朕辦理庶獄惟期公當不肯稍存畸輕畸重之見內外問刑衙門均當體朕此意著傳諭各督撫嗣後如遇此等案犯按律定擬後卽夾片聲明趕入本年秋審情實較之尋常案件歸入下年秋審者

才高車馬

卷一

三

已屬從嚴毋庸將不足蔽辜字樣聲敘此案除交刑部存記辦理外並著傳諭國泰及各督撫奏事之便諭令知之欽此

乾隆四十二年九月初六日內閣奉

上諭近日刑部進呈雲南貴州秋審本朕詳加披閱其中情節有械鬪各傷一命及以金刃傷人者同一案而分擬情實緩決殊未允協已交該部另行改擬矣夫殺人者死漢初約法已然今擇其情輕者列於緩決已屬寬典若糾眾械鬪爲害於世道人心漸不可長是以朕於勾到時遇有械鬪各傷一命之案並予勾決邇年來其風稍戢然尙有未能盡熄者至鬪毆之案情形本自不同有並非互鬪亦援鬪毆律條問擬者因係積久相沿姑仍其舊而秋讞時之分別情實緩決則輕重當有權衡如彼此俱以手足相毆及各持金刃互格因而傷重致斃者兩造情事相等原可入於緩決若死者僅以詈罵起衅或用手足先毆而兇犯輒持金刃抵拒殺傷其爲逞強斃命已可概見且金刃本可殺人之物若死者並未持械豈能徒手相當卽非頓起殺

機其與故殺亦所差一間此等而不入於情實又何以懲暴除兇况爲法司者惟當準酌情理務得其平若稍存陰隲之見曲從開脫實乖明允之道且死者何辜寧不含冤地下乎嗣後內外問刑衙門於秋審鬪毆案犯並當遵旨悉心定擬毋有枉縱庶好勇鬪狠之徒共知儆戒不敢輕蹈法網所全實多是卽辟以止辟也將此通諭中外知之欽此

乾隆四十二年九月初八日內閣奉

上諭昨刑部進呈秋審本內有死者僅用手足先毆而兇犯輒持金刃殺傷者同一案而分擬情實緩決未爲允協因降旨令嗣後內外問刑衙門於秋審鬪毆案犯悉心定擬毋有枉縱今刑部奏請將本年已入緩決各案內查明死者並未持械兇犯以金刃格傷致斃者俱補繕黃冊改擬情實進呈所辦又屬過當斷不可行朕昨降諭旨通飭酌定情實之意原因近年金刃傷人之案較多而秋審時每列入緩決且數年後仍得減等發落於是好勇鬪狠之徒妄謂殺人可以倖生遂罔知儆戒輕蹈法網不可不示以嚴懲俾知用金刃殺傷徒手之人者斷難邀免庶可稍戢其逞強之心以免罹必誅之罪是以前旨有嗣後之言欲使眾共知曉凜刑章而不敢復犯若教而不從則是自取其死於情理均無可恕矣今刑部請於本年卽行改正竟似朕

急欲多勾百十人實屬悞會朕意且立法自有次第何不可待之有而爲是汲汲乎著刑部轉行各督撫將朕前後兩旨徧行出示曉諭雖窮鄉僻壤咸使聞知如此曉諭之後倘有仍用金刃殺傷徒手之人者卽當擬入情實朕酌定其情卽不勾而以金刃鬪殺者概不予以減等庶幾辟以止辟之義至明年秋審內尙有未聞此旨以前之案亦不必辦及俟後年各省秋審時再行分別辦理俾共知朕仁義並施化民約法之意將此通諭中外知之欽此

乾隆四十三年九月初四日內閣奉

上諭刑部會同九卿秋讞已畢當以次繕冊具題聞今年各省情實人犯較上年多至一百八十餘人其因金刃傷人擬入者較多是各督撫均未能深體朕意朕上年明降諭旨以彼此鬪毆之案若死者僅用手足而兇犯輒持金刃殺傷此等好勇鬪狠之徒不可不嚴示懲儆自當入於秋審情實但不教而殺朕尚不忍因令各督撫徧行出示咸使聞知俾各畏法悛改并予限一年俟再下屆秋審時始行分別辦理若教而不從則是自取其死情理俱無可恕矣因思今年秋審案件俱在未奉諭旨以前愚民尙未周知若卽行予勾何以副朕前旨辟以止辟之意所有今年秋審情實金刃傷人之案著刑部於黃冊內夾簽聲明其已經具題者於進到時交行在刑部夾簽呈進原可扣除不勾但此等案犯情節較重卽不予勾亦止應照情實未勾之

犯辦理不得援尋常緩決人犯之例三年後卽予減等是於從寬之中已寓戒好勇鬪狠之意矣恐僻壤窮鄉遽難家喻戶曉著再予以五年之限令各督撫將朕此旨明白曉諭實力勸導務使人盡儆凜以化其桀驁不馴之習勿致輕罹刑網若五年後仍然怙終不悛復有用金刃傷斃徒手之人者則殺人者死律令抵償且屢訓不悛法難更宥卽當概行予勾無稍矜恤各宜感悔省悟毋負朕諄切教誡化民約法之至意將此通諭中外知之欽此

乾隆四十四年四月初六日內閣奉

上諭刑部奏駁文綬將金刃殺人之案定限問擬情實咨請部示一摺所駁甚是已交該部仍照上年秋審辦理矣殺人者死情罪本應擬抵況鬪毆而用金刃傷人其兇惡尤甚更屬無可矜原乃向來於此等兇犯入於緩決者多致愚民無所懲儆犯法日眾殊非辟以止辟之義是以節經降旨令各督撫出示曉諭定以限期使僻壤窮鄉咸知儆凜奉法化民之道止能如此原難必其果有效也是以上年辦理秋審時令刑部將金刃傷人之案於情實冊內夾簽聲明朕於勾到時仍核其情節輕重或勾或緩計夾簽各案未經勾決者不過十分之二今年秋審刑部自應仍照上年辦理卽各省督撫並有上年辦定之式均可循照妥辦題達刑部夾簽之處亦有昨歲章程可做至朕於各犯等之應否予勾反覆詳閱臨時自有權衡毋庸督撫等之過

慮也今文綬定期咨請部示之處殊屬非是著傳旨申飭文綬
既有此咨恐各省督撫未能領受朕意者亦所不免著傳諭各
督撫將秋審冊內金刃殺人之犯均照上年之例辦理刑部亦
仍照上年核辦現今將屆秋審題本之期著將此旨分別各省
遠近由驛發往傳諭遵照並諭刑部知之欽此

乾隆四十四年十月初七日奉

旨本日勾到江西情實人犯有曹守祥一名因向總麻服叔曹振榮索欠起釁致毆傷曹振榮身死刑部審辦秋審將曹守祥擬入情實而冊內看語稱死者理曲甚屬非是曹振榮係曹守祥總麻服叔賒欠錢文曹守祥本不應向其取討常人於鄉黨間敦睦姍任卹之道尙宜緩急相通知有服叔姪何得以賒用錢文屢向逼索致啟釁端犯尊毆斃曹守祥之罪情理均無可寬更不必復論死者之曲直况叔用姪錢理本非曲刑部無端加入此語尙欲爲干犯尊屬之兇徒開釋乎明刑所以弼教似此妄加看語何以飭風化而正倫常嗣後刑部辦理秋讞務當斟酌允協舉一反三勿再舛誤今日江西勾到曹守祥業經予勾刑部堂官著傳諭申飭并通諭中外問刑衙門知之欽此

和訓軍要 卷一

一

100-1-011 AD

乾隆四十五年九月初五日奉

上諭本日刑部將川省秋審緩決人犯本進呈內曾子開致死胞弟曾保開一案刑部因曾子開忿伊弟作賊起意致死尙無圖謀財產情事擬以緩決所辦非是曾保開屢次行竊不聽教管反被出言頂撞曾子開原可鳴官究治或自行管束鎖禁俱無不可乃該犯因有代伊弟賠償行竊錢文一事恐此後復犯再行賄累心懷忿恨登時斃命實爲殘忍該部自應照例問擬情實將伊弟行竊緣由加片聲明自可免勾卽該部不行加片此等案情朕無不留心綜核持平辦理乃竟依該督原擬予以緩決將來數年後與常犯一律減等未免失之寬縱著傳諭刑部堂官將此案另行問擬嗣後如遇有此等案件均著照此案辦理將此傳諭知之欽此

乾隆四十六年二月初三日奉

旨刑部因經朕看出核覆山西省梁崇祿圖姦竇生宜之妻被竇生宜毆傷身死將竇生宜漫照罪人不拒捕而擅殺律擬絞監候一本請另立罪人雖拒捕而並未傷人之例此案梁崇祿竇亦拒捕但未傷事主向來辦理此等案件俱有成例可援如罪人不拒捕而擅殺者自應照例緩決數年後遇赦再行減等若罪人既有拒捕確實證據致被捕者殺死則捕者無論已未受傷均當於本年列入可矜刑部祇須於秋審時就案核辦不必另立科條竇生宜一案卽照此辦理欽此

禾謔鞋要
卷首

四

乾隆四十七年九月初四日內閣奉

上諭刑部進呈雲南招冊內有該撫原擬情實者鄭起黃禹鼎二案有由九卿改入情實者三保羅士朝二案核其情節俱有可原如回民鄭起與民人管宏亮合夥開槽彼此爭論管宏亮因鄭起係屬回民忌諱豬油抱住鄭起將豬油抹口該犯因持刀切物一時不能掙脫用刀嚇戳致中管宏亮右腿壹傷越日殞命黃禹鼎因沈姓酒醉查詢沈姓卽行詈罵并揪扭推跌毆打該犯掙扎不脫順拔身佩小刀戳傷其臂膊肩甲貳處殞命此二人者傷由圖脫殺本無心與逞兇疊戳者有間乃該撫定擬情實刑部亦照擬核覆皆因曾降諭旨有金刃傷人應入情實一條遂爾不權輕重及傷痕多寡未免過於拘泥至九卿所改情實二起如三保向孫皮匠索欠被毆該犯回毆致斃事本理直死出無心羅上朝因被黃春元父子二人抱住疊加毆踢該

犯一時情急用刀嚇斃致傷黃春元身死與持刀逞兇者不同九卿改入情實亦未免過當夫金刃殺人所以令入情實者原以此等人犯彼此逞忿輒用金刃殺人不可不嚴示懲儆至其中稍有情罪可原者勾到時原可不至予勾此等人犯經十次秋審便可入於緩決各該犯久坐囹圄既可抑其強悍之氣使眾人亦知懲惕此朕辟以止辟刑期無刑原非有意從嚴也且卽以金刃傷而論亦當核其情事之曲直傷痕之多寡今不詳細確核一概入於情實又豈朕矜慎庶獄之意乎秋讞大典人命攸關理宜悉心推究以期無枉無縱蘇軾所謂臯陶曰殺之三堯曰宥之三朕嘗著論闢之蓋讞獄之道必須準酌情理其情真罪當與夫一線可原者應宥應殺俱有一定權衡不得存畸重畸輕之見若罪應殺者卽堯應曰殺之三應宥者卽臯陶亦應曰宥之三設如所云則是君臣相率爲僞以取名豈可以

爲法乎總之兇暴之徒不可不嚴加懲治若意存姑息欲積陰
 功則每年秋審竟可不辦令死者含冤地下有是理乎然欲避
 寬縱之名而故爲刻深周內則失入之咎比失出爲尤重凡內
 外問刑各官皆不可不深體此意也除已進各冊朕逐一親加
 詳核所有未進各省招冊著刑部堂官再行覆核遇有此等案
 情者俱著黃冊內本案條下粘簽聲明候朕親定並將此通諭
 中外知之欽此

A large, empty table with multiple vertical columns and a thick border. The table is oriented vertically and consists of approximately 12 columns. The lines are thin and black, and the interior of the table is completely blank.

乾隆四十八年十月二十八日內閣奉

上諭秋讞大典由各省巡撫分別情實緩決核准具題其中罪名或稍有出入經九卿核改從未有如今年之甚者山西省改入情實三十一起河南省改入情實二十三起直隸省改入情實十九起福建省改入情實十五起朕初以爲大學士阿桂係本年新命管理刑部秋審招冊由伊核定或未免有意從嚴以致改入情實者多及將改擬各案於勾到前確核案情詳加披閱俱屬情真罪當法無可貸所改頗爲允協卽如執持金刃殺傷及持械逞兇一死一傷竊賊贓至滿貫等案向例外省具題俱擬入情實乃此次山西河南等省將此等案犯列入緩決九卿循照向例改駁亦得謂之有意從嚴乎各省秋審失出每五起吏部處分卽議降一級然具題時朕每加恩留任伊等或因每邀留任無所做畏轉致相沿成習藉以博寬厚之名殊非明刑

弼教策勵辦公之道雅德著停支巡撫養廉一年直隸秋審雖
係劉墉接署後具題而罪名生死出入係袁守侗核定辦理著
於袁守侗名下追罰總督養廉一年劉墉署事雖不久仍著交
部照例議處何裕城著降爲三品頂帶停止二年巡撫養廉至
農起前經降旨詢問令其明白回奏乃其覆奏之摺竟於朕前
強爲陳辨一似九卿核改各案盡屬非是並稱核之連年秋審
擬入情實數目適爲相準等語此何言耶審擬案犯祇論其情
罪確當豈有較論上年人數多寡之理使必執人數而論設遇
案犯較少之年豈竟將無罪之人有心羅織以足其數耶農起
此奏不是尤大且河南省人犯經九卿改入情實朕核其情稍
可原未經予勾者尙有三起而山西省核改三十一起之中未
勾者祇有一起可見農起辦理秋審較他省更爲弛法卽予以
革任亦所應得第念其平日留心民事著革去頂帶並停止三

年巡撫養廉仍留山西巡撫之任以觀後效所有硃批農起覆奏摺並著發抄交九卿閱看其餘各省秋審失出及由情實核改緩決失入之案仍著該部查明起數將該督撫臬司照例分別議處朕於秋審案犯詳閱招冊鑑空衡平不稍存畸重畸輕之見苟其人有一綫可生之路卽免其予勾以體

上天好生之意而情節之重者斷不能屈法施仁所謂辟以止辟旣非有意從寬亦非有意從嚴也倘外間無識之徒或謂阿桂迎合朕旨而刑部堂官又順從阿桂意指以致改入情實者多是以私意妄爲揣測豈知朕矜慎庶獄務期平允生死總視其人之自取全無絲毫成見乎將此明切宣諭知之欽此

无謂車馬之勞

三

乾隆四十九年五月十二日奉

旨刑部具題直隸省王添富毆傷伊妻于氏身死一案又宛平縣陳明貴勒死伊妻林氏一案俱照故殺妻律定擬絞候自屬照例辦理朕細閱本內兩案罪名雖同而情節各異陳明貴因林氏嫌伊家貧輒與伊母盧氏吵鬧屢欲找房另住經陳明貴責斥林氏復將盧氏大聲辱罵如此悖倫逆理之婦實爲法所不容陳明貴一時氣忿將林氏用帶勒死是陳明貴之殺妻實由伊妻忤逆與逞兇故殺有間娶妻本爲養親而明刑卽以弼教陳明貴一犯將來秋審時卽該部按例入情實亦不予勾也至王添富因伊妻于氏不肯同寢輒行毆踢用火篋燙烙下身以致遍體傷痕逾時殞命該犯年已三十餘于氏年甫十七乃以不肯與伊同寢頓起殺機毆烙並施殘忍已極刑部定擬絞候固屬故殺專條將來秋審時自當情實予勾以儆兇殘朕辦理

刑部議事

庶獄期於至平至允如此二案罪名雖同而一由義忿一逞淫兇其間權衡輕重分別辦理無非刑期於中之意將此諭刑部存記並令九卿閱看欽此

乾隆五十二年四月十六日奉

上諭刑部核覆福建省李吳氏砍傷李魏氏幼子李連生身死一案將李吳氏依故殺例問擬斬候閱其情節吳氏之夫雖係魏氏之總麻服叔尊卑名分猶存吳氏與魏氏口角爭論又被魏氏用刀割傷手心然業經勸散何至相隔數日後復至魏氏家中吵鬧輒將其四歲幼孩用刀連砍致斃兇殘已極未便照尋常故殺例辦理使兇悍之婦久稽顯戮上年刑部具題楊張氏致死八歲之李么兒一案以其因姦謀殺僅以斬候不足蔽辜曾降旨改爲立決並諭該部嗣後遇有謀殺十歲以下幼孩俱照楊張氏問擬斬決原欲使兇惡之人共知懲創童稚亦多所保全但立法固已周詳恐愚民未能家喻戶曉仍不免無知逞兇自罹重辟雖國家定律如行劫大盜應問斬梟因姦謀死親夫者應問凌遲處死此等立案愚賤皆所稔悉而姦盜之案仍

所時有困屬莠民愍不畏死然教化不能臻於刑措致尙有淫
兇殘忍之案我君臣當引以爲愧夫世風日下作奸犯科者實
所難免今既不能道德齊禮不得不道之以政齊之以刑而不
教而誅非辟以止辟之道著各直省督撫卽將上年所降辦理
楊張氏一案諭旨遍行騰黃出示並轉飭各地方官務宜隨時
剴切訓誡俾窮鄉僻壤咸知戕死幼孩法在不赦庶兇暴有所
創懲童稚免於戕害此卽明刑弼教之意所有李吳氏一案著
該部卽趕入本年秋審情實辦理並通諭中外知之欽此

乾隆五十二年九月初二日奉

上諭刑部具題四川省各案犯本內九卿從緩決改入情實者共有九起朕逐案詳加披閱內惟絞婦杜氏因姦好之僧元淨搭死伊夫梁大潮一案元淨因姦敗露將梁大潮搭傷斃命杜氏見梁大潮搭斃卽行哭喊被元淨用言嚇禁回家隱忍並不告知屍父此案杜氏因姦起釁致伊夫被元淨搭死又懼恐嚇隱忍不言核其情節本無可寬但杜氏見伊夫被元淨搭斃卽行哭喊究有不忍致死伊夫之心尙有一線可原雖罪應情實尙可免勾至李明一案因伊勾伴李娃子竊取葫豆煮食李明索食不給隨拾柴塊毆傷斃命欺凌幼孩兇毆致死又復棄屍攫物龍現鰲一案因向匡珍元索找田價致相爭毆匡珍元拔刀相砍互相搥奪因刀落地龍現鰲仆身拾取又被按毆卽拾刀連砍殞命理曲肇釁刃殺多傷馮玉一案因郭榮向伊索欠求

緩不允被其毆罵馮玉用刀架格被揪隨用刀砍傷殞命刃斃
徒手理曲傷重倪世斌一案因七十五歲之道人王復元向鄰
寺借宿倪世斌恐來歷不明囑勿容留王復元爭言相毆該犯
奪棍毆傷因被腳踢復取甌香爐擲傷殞命毆斃老人傷多且
重周興舉一案因妹出嫁喚伊弟不與點燈持刀欲砍碎伊弟
所紮轎子劃傷伊弟經葉太趨勸拉住周興舉掙不脫身用刀
戮傷殞命逞忿遷怒刃斃徒手解勸之人郭元斌一案因曹芝
試告知該犯九歲幼孩竊摘包穀郭元斌勸令不必理論被其
毆罵隨用刀格傷因被腳踢復用刀戮傷殞命護子理曲刃斃
徒手王潮禮一案因赴鄧焞家行竊被鄧焞追及抱住用刀戮
傷事主竊匪拒捕刃戮事主多傷梅自重一案因李佐向伊父
定買麥子未經交還途遇向索致相爭推被李佐棍毆梅自重
用刀砍傷殞命負欠理曲刃砍傷重以上八案俱係情真罪當

法無寬貸部改甚當自應入於情實乃概行列入緩決殊爲寬縱陳奉茲身爲臬司於此等案件並不核其輕重悉心定擬致九卿改擬多案實屬有意從寬以爲要譽沽名之地陳奉茲著交部嚴加議處鄂輝署理總督於該臬司辦理失當不能指駁改正亦有不合但鄂輝本係將軍於保寧來京陛見暫署督篆於刑名案件素所未諳應免置議至保寧身爲總督秋讞大典關係緊要該督雖經准令來京陛見但應俟秋審事竣再行起程乃竟諉之署任總督辦理以致讞案不能核議允當保寧著飭行嗣後各省督撫除奉旨令其來京陛見者自當卽行起程此外奏請陛見允准後如遇該省有大計軍政及文武科場秋審等項要務俱俟辦理完竣後再行起程來京陛見不得移交署任卸責致有遺誤將此通諭知之欽此

乾隆五十二年九月十七日奉

上諭刑部核擬山東德平縣劉致武毆死伊妻龐氏一案因照凡論將劉致武擬斬並聲明追入本年秋審情實所辦殊屬過當秋讞大典人命攸關該部於核議時自應斟酌情理詳晰妥辦以期無枉無縱其間有趕入本年秋審情實者原因案犯情罪重大如關係倫常及連殺多命殘忍逞兇編造逆詞邪教惑眾者未便日久稽誅是以趕入情實辦理所以懲儆兇頑申明法紀實明刑弼教不得已之心並非速欲置之於死也若此等夫毆妻至死之案不過尋常事犯該部祇應按例核辦入於下年情實辦理乃遽行趕入本年情實豈所謂維持風化乎轉使無識之徒妄以朕有意從嚴輕視人命豈朕矜恤庶獄之意耶朕辦理讞典務持情理之平每年秋審勾到時於案犯招冊無不詳加披閱逐案惟求至再至三其予勾之犯必係情真罪當法

無可寬若稍爲曲貸轉令死者含冤於地下不得不予以勾決以示與眾共棄之義所謂求其生而不得者此也該部堂官辦理秋讞有年豈尙未能深喻朕意乃爲此刻覈過當之語殊屬無謂除將原摺交刑部另行照例改正並著該部嗣後遇有此等尋常命案俱止須按律辦理毋庸趕入秋審情實外將此通諭知之欽此

乾隆五十五年七月二十九日奉

上諭本年屆朕八旬壽辰自當照例將秋朝審情實人犯加恩停其勾決而刑部九卿科道等因係停勾之年於各省秋審朝審招冊案犯核議具題時想亦不過虛應故典未必照每年詳慎辦理但其中有情罪重大者如糾眾匪劫奪犯傷差妖言惑眾逞兇殘殺並官員侵漁帑項勒斂民財之類非殘忍不法卽有關於民俗官方予以監候已屬法外之仁使更久稽顯戮不特死者含冤莫釋而莠民奸吏日遠漸忘非所以肅刑章而昭炯戒刑部以爲應仍於秋後勾到者案本不多朕矜慎庶獄不厭詳推所有此次刑部另開情重各犯仍著會同九卿科道和衷研覈倘有核其情節尙可緩至明年者九卿科道等不妨切實指出簽商讞獄大典在常時尙宜詳慎況際此行慶施惠之時乎至御史謝清問前次條陳各款內有刑部問擬罪名不宜加

從重字樣一條顯係沽名邀譽已明降諭旨抉其隱微但既有此奏刑部九卿科道於核議情重人犯時卽著謝清問在旁聽察將此等人犯是否實係情真罪當不能不從重辦理之處逐案指示以服其心若謝清問另有所見亦不妨隨同籤出以示朕慎重刑章大公至正之意欽此

乾隆五十七年十月十六日軍機處交片內稱軍機大臣
面奉

諭旨嗣後竊案贓至五百兩以上者俱入於秋審情實辦理等因
欽此

乾隆五十八年四月十九日奉

上諭刑部具題議駁陝西省趙宗孔毆死趙糝麥改擬斬候一本此案趙宗孔因伊父趙大典被趙糝麥扎死擬絞減流釋回觸起前忿將趙糝麥致死向來子報父仇之案情節不一倘有兇首漏網寃無可伸者其復仇原屬可原今趙糝麥前已問擬絞候國法旣伸祇因遇赦減流十年無過釋回原籍並非倖逃法網是揆之公義已不當再挾私仇若盡如趙宗孔之逞私圖報則趙糝麥之子又將爲父復讎此風一開誰非人子皆得挾其私忿藉日報復勢必至讎殺相尋伊於何底趙宗孔自應照部駁定擬斬候第念該犯究因報復父讎起見竟予勾決究覺有所不忍若仍得援例減等釋放又恐被讎之家往來尋覓逞兇報復轉非辟以止辟之義其在未經奉旨以前者仍照舊例辦理外趙宗孔著入於緩決永遠牢固監禁嗣後各省遇有此等

案件俱照此案辦理將此通諭知之欽此

乾隆五十八年六月十五日奉

上諭書麟等奏審擬溧水縣知縣陳璜於縣民陶仁廣在無服族叔祖陶宇春典鋪內爲夥竊物潛逃該縣將陶仁廣之兄陶仁慶及同典之周記爽輒用刑求一案將陶仁廣依竊盜贓一百二十兩以上絞無服之親減一等律杖一百流三千里陳璜訊無嚇詐故勘情事已經參革應毋庸議所擬均未允當夫律設大法理順人情親屬相盜較之尋常竊盜得邀末減者原因孝友睦婣任恤之道本應矜急如果嫡親卑幼貧乏不能自存而尊長置之膜外其卑幼因而竊取財物者律以親屬相盜免議之例情屬可原自應末減其罪今陶仁廣係陶宇春無服族姪孫支屬甚遠陶宇春令其在典管理首飾並非素無照應者可比乃陶仁廣輒敢竊取金珠銀兩潛逃楚省以致同典商夥周記爽及伊胞兄陶仁慶均被嚴刑況村鎮典鋪資本不過千餘

金而陶仁廣所竊估贓竟至三百餘兩致累陶宇春照數賠補又遭訟累中人之產不因此而蕩盡耶此而尙得照律減流其何以懲竊盜而安善良嗣後親屬相竊五服以內者自應照律未減其五服以外而贓數逾貫者仍應按律問擬絞候但念其究屬本支秋審時入於免勾情理實當所有陶仁廣一犯卽應照此辦理蓋明刑所以弼教朕之所以從嚴辦理者正恐愚民無知恃有親屬議減之條肆意攘竊如陶仁廣之贓數逾貫累及尊長受刑並至破家不得不加重懲治正以維持孝友睦婣任恤之道而定擬絞罪後秋審時復予免勾是於懲創奸宄之中仍不失孝友睦婣任恤之義庶情法兩得其平著刑部卽將期功總麻以及無服相盜之案另行分別等差並按照贓數妥議具奏不得仍照舊例概予減等免議至該縣陳璜於陶宇春被竊一案事主並未控告到案而該縣以無據風聞輒將無辜

之陶仁慶及周記爽疊事刑求自因陶宇春係開設典鋪之人
意圖訛索情節顯然該督撫摺內所稱以事干人命迹涉可疑
是以該縣用刑訊問實無嚇詐故勘等語不過曲爲開脫殊不
可信此等貪酷劣員僅予革職不足蔽辜陳璜著發往軍臺効
力贖罪餘著照所擬完結摺併發欽此

牙
車
三
牙
車

三

乾隆五十九年七月二十九日奉

上諭刑部等衙門將乳母徐許氏壓捫幼孩身死一案問擬絞候
固屬照例辦理已照籤發下矣但似此乳母壓死幼孩之案如
誣係所乳幼孩之外別有子嗣而壓捫致死實出於無心自應
照舊問擬臨時尙可免勾若其家祇此幼孩一線別無他子此
等蠢愚乳母不知小心撫養竟至壓捫身死甚且挾嫌懷怨有
心致斃以致其家因此絕嗣不可不分別核辦嗣遇有此等案
件若乳母壓死之幼孩誣係獨子以致其家絕嗣即使出於無
心亦應入於秋審情實以昭平允欽此

禾諫車馬
卷首

二

SIB

嘉慶四年四月初三日奉

旨刑部核議河南省郝和尚毆傷總麻服叔郝太花身死一案因該犯情急救母並非無故逞兇干犯於本內聲明請旨內閣亦票擬雙籤並夾片聲敘此案郝和尚因伊母郝徐氏與郝太花爭詈起釁郝徐氏被郝太花推跌並用木鋸向毆郝和尚自應上前救護但郝太花所持木鋸業被郝和尚奪回郝太花已屬徒手並非事在危急郝和尚又用木鋸回毆以致傷重殞命自應照律定擬又何得以救母情切卽照擬該撫聲請減等轉失平允郝和尚著照例應斬監候秋後處決屆時入於緩決餘依議嗣後如有此等似此案情皆應照例定擬毋庸本內聲請內閣亦毋庸再用夾片欽此

嘉慶四年八月二十日奉

上諭據鄒炳泰奏秋審案內刑部改擬緩決之湖北省李中才一犯應照原勘入於情實等語特命刑部將原案進呈朕詳加披閱李中才因陳恪挾陳世德夙嫌誣指學審邪教誑令該犯等往捕李中才誤信應允陳恪與劉明友先至放火戳傷陳世德被燒身死李中才並不在場隨後走至勸阻因陳世得之媳王氏詈罵輒向趕毆並未毆及王氏奔逃失跌致將所抱陳世得棄被燒身死是此案李中才先不知挾嫌妄捕情事其時放火殺人俱係已經正法之陳恪等所爲李中才並未在場祇被罵趕毆致誤斃王氏之女若僅趕毆一節祇應與同案之王澍有一律擬杖刑部照鬪毆而誤殺其人之女擬絞改緩尙得情法之平無故出之咎即使入於情實亦斷不必予勾刑部辦理此案並無錯誤李中才一犯著仍照該部改擬入於緩決向來

秋審時九卿會看原應各抒所見鄒炳泰亦無不合嗣後秋審各案九卿等仍當秉公僉商以期案無枉縱欽此

嘉慶四年八月二十七日奉

旨三法司具題四川省秋審情有可矜人犯一本經朕詳核案情各犯內雷三貴唐通謨依議免死減等發落周萬成楊作元毆死伊妻固因其詈罵翁姑但俱係故殺著免死減等發落毋庸再減一等至黃奇一犯因王文魁王文堂偷竊伊家豬隻黃奇邀同鄰人袁公禮葉大成追尋見王文魁等牽豬在前行走黃奇喊拏王文魁拔取身帶尖刀黃奇恐其轉身拒捕卽拾石將王文魁毆傷彼時王文堂轉身救護亦經黃奇用石毆傷同袁公禮等將王文魁王文堂拏獲捆縛用樹條毆打因王文魁亦肆叫罵連毆致斃王文堂傷經平復該督將黃奇擬以可矜三法司亦以罪人拔刀拒捕有據照擬核覆此案黃奇被竊找尋見賊贓俱在當喊拏追趕時如果王文魁拔取佩刀轉身向賊有傷則實有拒捕情事自應入於可矜免死發落今閱其情節

黃奇因王文魁拔取身帶尖刀恐其轉身格拒卽拾石毆傷是王文魁並未轉身無護賊抗拒情事不得謂之拒捕且賊犯旣經就獲並不送官究治輒因私忿兇毆致斃正合罪人已就拘執而擅殺之例卽不擬以抵亦未便遽入可矜黃奇著改入緩決餘依議欽此

嘉慶五年二月初三日奉

上諭每年刑部辦理秋審呈進黃冊俱係將各省情實官犯及服制人犯首先進呈一經分別予勾後該部卽行文各省不論遠近部交到日卽遵照處決其餘常犯則按照省分遠近進呈黃冊以次勾到此係向來辦理成例也惟念勅法明刑務存矜恤所有犯罪應斬絞人犯除立決外餘令監禁俟秋後處決原係於執法之中寓哀矜之意該犯等未屆勾到以前或在監所病斃得免肆市亦屬法外之仁今因係官犯服制卽將黃冊先行進呈其予勾人犯部文一經到省卽日行刑是同一秋審而此等官犯服制較之各該省情實處決日期近省或早至一二月遠省亦早至月餘及數旬不等先行受法且各省官犯中多有令其解交刑部監禁者例應歸入期審辦理其勾到之期又在各省常犯之後是同一官犯轉因解部監禁而處決日期較之

在本省監候處決文到施刑者又復遲早懸殊未爲平允著以
本年爲始刑部辦理秋審其官犯服制黃冊毋庸先期進呈俱
於每次進呈各該省情實常犯招冊時將此二項人犯另繕黃
冊列於常犯之前一併呈覽聽候予勾以示格外矜全用刑務
得其平至意欽此

嘉慶五年四月初三日奉

上諭刑部核擬河南省封邱縣民人樊克敬砍死姦夫郭信郭行請改依本夫姦所獲姦非登時而殺例擬以滿徒並酌改條例一摺殊欠斟酌據稱樊克敬自鄰村回家見郭信郭行同在伊家內與伊妻杜氏說笑見伊奔避伊向杜氏究出姦情當將杜氏毆罵經樊良等勸散樊克敬睡至三更復攜刀尋至郭信郭行門口將郭信郭行先後殺斃等語此案郭信郭行與杜氏在屋談笑形跡固屬可疑但此等鄉村小戶男女聚談亦所時有且郭信郭行兄弟二人同時在彼談笑並無行姦實跡樊克敬素知郭行等在門口睡臥於毆罵伊妻勸散後候至三更持刀將郭信等殺斃安知非有別項情節今既經該撫訊明據供定案亦不必以此揣度情形深究且此等人犯雖經定擬絞候將來辦理秋審時亦係列入緩決卽情實亦不予勾若竟將該犯

未減則與姦所目觀行姦非登時殺死者無所區別樊克敬著
仍照原擬辦理其並非姦所獲姦登時追捕殺死姦夫之案亦
仍照定例辦理毋庸議及餘依議欽此

嘉慶七年八月二十五日奉

上諭前據廣興奏會看本年秋審冊內原擬緩決之犯廣東省姚得輝四川省許臻威二犯應改情實一摺當經批令三法司核擬具奏復經大學士董誥等面奏請將刑部衙門迴避茲據普福等核擬覆奏前來朕詳閱情節姚得輝毆傷梁恩泗一案係梁恩泗先拾石塊擲傷姚得輝該犯始將鐵嘴禾鎗連戳梁恩泗肱肘臆肚均非致命因梁恩泗仍向撲毆該犯情急復用鎗回戳致傷梁恩泗左太陽殞命是死者先行動手回戳委係適傷尚非有心致死廣興以案內尚有姚華士毆傷梁兆泰身死一節今姚華士監斃祇可抵梁兆泰之命若將姚得輝問擬緩決與乾隆十八年一命必有一抵欽奉

上諭不符殊不知一命一抵原指聚眾械鬪等案而言至尋常鬪殺各斃各命自當酌情理之平分別實緩若拘泥一命必有一

抵之語則是秋讞囚徒凡殺傷斃命之案將盡行問擬情實可不必有緩決一項有是理乎況此案姚華士姚得輝原係各科各罪姚華士罪應情實如未經監斃自當照擬辦理姚得輝罪應緩決豈有因姚華士業經監斃遂將應緩之犯改問情實之理又許臻威鹽鹵灌傷呂大賢身死一案呂大賢曾向該犯之父借欠錢穀未償轉捏稱欠伊穀價攜帶篋索索討上吊恐嚇該犯將呂大賢反縛欲行送官呂大賢臥地嫚罵辱及父母該犯氣忿順取浸蛋鹽鹵灌令止罵聞伊聲喊難過旋爲請醫用藥解救不愈越三日殞命是死者負欠本屬理曲又復捏欠訛詐情同擾害況該犯權飲鹽鹵祇欲止其詈罵見伊聲喊卽爲延醫救治可見並無致死之心辦理秋審所以令大學士九卿會議者原以人命至重必當詳慎研求期合於罪疑惟輕之義若如廣興所奏將本應緩決之犯有意從嚴改問情實轉失欽

卹之本意矣普福等所駁尙是姚得輝許臻成一犯著仍照原
擬入於緩決該部知道摺併發欽此

嘉慶八年三月十五日奉

旨此案穆日英將大功服兄穆日發砍傷身死刑部將穆日英問擬斬決題覆固屬按律辦理但核其情節穆日英先因瞥見伊父穆光緒被穆日發扭跌倒地用手掙按卽將伊父拉起該犯本意原在救護伊父設其時穆日發因此而止並不復向伊父爭毆而該犯竟敢逞忿向砍卽屬該犯有心于犯乃穆日發又將伊父揪辯欲毆該犯拉勸不開情急用刀砍傷穆日發腋肌自係欲其卽行放手而穆日發仍不鬆放該犯復砍傷其左膝腳腕倒地越日殞命是該犯實係救父情切與無故干犯者有間穆日英著從寬改爲應斬監候秋後處決仍入本年秋審情實餘依議欽此

嘉慶八年七月二十日奉

旨此案龔學科因園旁桑樹被胞兄龔昇祿砍伐該犯外回瞥見疑係鄰人偷砍當時叫罵經伊兄龔昇祿告知並斥其不應混罵該犯不服因被伊兄揪扯該犯輒用竹杆毆傷其額顙額用手背等處已屬有心干犯迨伊兄於勸開後赴該犯門首叫罵復閉門不理以致伊兄氣忿莫釋投縋殞命該犯先既肆毆繼復怙惡刑部以其毆係致命處所而非重傷將該犯仍照逼迫本律擬以絞候係屬照律科斷但服制攸關情罪重大龔學科依擬應絞著趕入本年秋審情實辦理欽此

嘉慶九年二月十九日奉

旨刑部等衙門具題劉仁源救父情切銃傷小功堂兄劉仁沛身
死一本此案劉仁源之父劉大謨以劉仁沛之父劉恪田界毗
連劉仁沛與伊弟劉仁浩在自田收割適值劉大謨飲醉路過
田邊誤認劉仁沛弟兄收割伊父上前喝阻劉仁沛輒將劉大
謨按地用繩捆住劉大謨氣忿嫚罵劉仁沛拾取扁擔欲毆維
時劉仁源攜帶裝就砂子鐵銃赴屯防禦賊匪瞥見伊父被捆
喊救情急用銃向空點放冀圖嚇退不期砂子散漫致傷劉仁
沛殞命經三法司核議以該犯係火器傷人例不應夾簽聲請
仍照故殺本宗小功兄律定擬斬決但核其情節死者捆毆服
伯本屬犯尊而該犯究係救父情切且伊向空點放鐵銃裝貯
砂子適傷劉仁沛身死並無必欲放斃之心尚可量爲未減劉
仁源著改爲監候入於本年秋審情實辦理餘依議欽此

秘譜鞋要 卷首

二

嘉慶九年六月二十三日奉

上諭倭什布奏拏獲行劫外海村續又搶奪石獅砲臺拒捕傷斃弁兵盜匪多名分別審擬一摺已批交軍機大臣會同刑部速議具奏矣署守備連旭督兵緝捕一遇盜船直前奮擊斃盜多名以致被賊砲傷殞命殊可嘉濶連旭著照守備例咨部賜卹兵丁劉明光等四名亦著咨部賜卹至外委楊耀同隊目張得華大旗吳雄等在石獅砲臺防守職有專司且帶有兵丁二十名臺上設有大砲數位於盜匪乘船攏岸時儘可督率兵目盡力轟擊使賊遠退及致砲臺被焚尤應奮勇抵禦卽或力竭被戕如此次之署守備連旭一經奏聞朕必加等賜以恩卹乃楊耀心存畏怯輒與張得華吳雄首先下臺躲避以致兵丁相率奔避兵房砲位俱被焚劫綠營官兵畏葸積習毫不足恃以致遇有緝捕等事動資鄉勇官兵等竟相率不前平時虛糜糧餉

遇賊不能効命實爲可惡若不嚴行懲辦何以肅軍紀而作士氣楊耀一犯該督等原擬斬候著於接奉此旨時傳齊沿海就近營汛弁兵等卽將楊耀正法示眾俾知炯戒其張得華吳雄二犯依擬應斬著監候秋後處決仍入於本年情實辦理該督等惟當曉諭各營汛弁兵等以爾等職佐緝捕遇有盜匪何劫之事務宜奮不顧身實力堵禦以期立功受賞設有力竭被賊戕害者亦必仰蒙恩卹澤及子孫若昧於大義臨時退怯不過一念偷生謂可須臾無死而國憲具在難逃顯戮一榮一辱相去懸絕俾弁兵等共知感畏自於海洋捕盜可期漸收實效著將此通諭知之欽此

嘉慶九年八月初五日報到奉

上諭昨據鐵保奏審擬高密縣民李詔遷具控仲二等捏稱伊父屍棺係旱魃糾眾鏹墳將屍燒燬一案已批交該部核擬具奏矣旱魃之名見於大雅後世稗乘相傳遂以爲僵屍歲久卽成旱魃其說本屬不經鄉曲小民惑於傳播之言每有鏹墳燬屍之事卽如此案仲二等與李詔遷並無雠隙祇因時值亢旱見伊父李見德墳土潮潤疑爲屍成旱魃迨至糾眾鏹墳鉤出屍身以其皮肉未腐輒稱實係旱魃相率擊打燒燬情節殊爲慘酷天曠乃係天行豈朽齒殘骸所能爲虐而蚩氓無識妄謂除旱魃遂可弭災若不嚴設禁例任聽鄉愚鏹墳擊打甚至不孝匪徒挾讐殘忍於風俗大有關係著該部悉心酌核纂輯條例嗣後遇有此等指稱旱魃鏹墳燬屍之案卽應擬絞首犯尙可予以緩決若訊有挾讐洩忿情事卽應入於情實辦理如此嚴

定罪名通行各直省轉飭地方官通行曉諭庶小民等心知畏法再不狃於鄙俗致啟讎害之漸所有高密縣一案卽著照此辦理欽此

嘉慶十年九月初三日奉

上諭軍機大臣會同行在刑部奏審明回民洪明宣控訴伊表弟
湛大被修道官役毆打落河身死一案將三兒等分別定擬一
摺所議尙輕朕舉行謁

陵大典臨幸陪都省方行慶渥澤頻頒正欲使窮簷黎庶普被恩
施乃因修道派夫之事釀斃人命殊爲不愜總緣承辦官員經
理不善所致此次邱家屯一帶道路地方官旣不能妥爲修理
始派旗員督催乃富俊等又不慎選妥員率行派令糊塗任性
之防禦英福等前往幫辦迨至民夫劉興等以該屯旗夫全被
披甲扎隆阿雇去向其爭吵經英福傳到劉興面行禁斥經劉
興出言頂撞亦祇當加以懲責又何必追究餘人且據劉興供
出湛大安知非信口讎扳英福率行派人往拏已屬非是乃旣
令披甲德明等押同劉興找尋湛大又輒帶同德特赫之雇工

人三兒乘騎趕追諭令毆打尤爲張揚滋事迨三兒將湛大趕至河坡亂毆落水湛大爬起三兒復用馬鞭當頭毆打致令淹斃情節實爲兇橫何得尙以犯事在恩詔以前量予末減三兒依擬應絞著交盛京刑部監候秋後處決入於明年秋審情實英福於三兒致斃湛大時雖相隔尙遠但究係主令趕毆罪與原謀無異英福著改發伊犁當差已革知縣伊誠雖託無聽囑故縱情弊而於人命重案並不卽時通詳緝拏幾令正兇漏網著發往烏魯木齊當差均不准援免驍騎校德特赫雖未在工作但三兒係伊僕役亦有應得之咎著降爲領催無庸再交部議至此案湛大最屬無辜乃被毆淹斃屍骸亦遭殘毀殊爲可憫回民洪明宣控訴得實並非由屍親囑託雖冒昧叩閣罪有應得而其心究尙可嘉著加恩免罪並無庸收贖仍罰令富俊宜興二人共出銀二十五兩以二十兩賞給屍妻姜氏以五兩賞

給洪明宣餘依議欽此

〽

〽

禾講輯要

卷首

十一

嘉慶十年十月二十四日奉

上諭本年朝審勾到內官犯福永一名前在西寧道任內因聽從家人烏爾滾慫恿婪索案犯贓銀八百兩實係枉法經刑部問擬絞候情實該犯身任監司大員戩法營私簞簞不飭與都爾嘉厥罪惟均屆期自應予勾以儆貪墨但念該犯家人烏爾滾因案內得財舞弊擬絞情實亦係法無可寬之犯福永與之有主僕名分若令同肆市曹未免無所區別著加恩先於本日賜令自盡卽派署刑部侍郎廣興前往監視欽此

元 謙 聖 訓 卷 之 一

三

嘉慶十一年三月二十二日奉

旨刑部等衙門具題江西會昌縣民黃振倫毆傷總麻服叔黃西周身死一案將黃振倫問擬斬候結案在本年正月初四日恩旨以前以該犯秋審應入緩決請將減為邊遠充軍等語所辦太覺寬縱非辟以止辟之道存積陰功之見矣黃西周係該犯總麻服叔誼屬本宗尊長如或黑夜潛向伊姪家中行竊事主登時捕捉毆傷致斃尙得以昏暮不能認識為詞今黃西周係在清晨偷竊錢文經該犯撞見向奪喊拏是行竊者知為服叔辨認業已明晰況黃西周祇用拳毆希圖脫身該犯輒攜取鐵尺追趕疊毆多傷倒地卽刻身死實屬目無尊長夫尊長之於卑幼果有姦淫情事則犯已蹈亂倫之罪或卑幼一時激於義忿當場格殺自屬可原此案黃西周不過偷竊該犯錢文且為數無幾卽到官按例懲處應得之罪本輕乃敢毒毆致斃情節

殊爲兇悍不但不應末減亦不應入緩決黃振倫著不准減等
仍著該部於十三年秋審時歸入情實辦理餘依議欽此

嘉慶十二年十二月二十日奉

上諭吉綸奏秋審絞犯王蘭一起實有手足勾引情事一摺此案經刑部秋審具題時朕以情節尙有可疑勅交吉綸詳細訊問今據該撫審明王蘭因圖姦翠姐時赤身潛入走近翠姐身邊將衣服被單用手向拉經翠姐驚醒喊罵始行逃逸是該犯實有手足勾引情事以致翠姐羞忿自盡果不出朕所料王蘭著補行予勾其未能審出實情之前任臬司李奕疇著交部議處現據該犯供稱當日解司時希圖得減活罪不肯將手拉情節吐實等語可見手足勾引關係罪名生死眾所共知到案時孰肯遽行供認嗣後各省臬司於審訊此等案件惟當細心研鞫務得確情固不可聽其狡飾致有疎漏亦不得意在刻覈或又稍有翹抑也將此通諭知之欽此

秋讞輯要總目

卷一

秋讞志略

· 秋審條款

卷二

職官門成案

服制門成案

卷三

人命門成案上

卷四

人命門成案下

卷五

姦盜搶竊門成案

火獄單
總目

卷六

雜項成案

矜緩比較成案

秋讞輯要卷一

目錄

秋讞志略

總類
比對條

摘敘略
續增條款

秋審條款

職官
雜項

服制
矜緩比較

人命
姦盜搶竊
附通行二則

秋讞輯要卷一

秋讞志略

總類

秋審之類凡五
一情實
二緩決
三可矜
四留養
五承祀
各別其情以通於類按

國初分情真應決爲一項緩決爲一項可矜可疑爲一項矜者減等疑者覆問雍正年間改情實緩決可矜三項

秋審之冊凡三一
官犯
一常犯
一服制
各別其類以異其冊
新疆之案歸陝西司專辦於八月內專摺具奏另單請勾不入陝西本省招冊亦不入九卿會議朝鮮國附入河南司入於秋審會議

每年各本司由堂官選派滿漢各一員專司一年秋審之事
各本司選經承通曉讞事者各一人抄錄應審之案每十案

爲一冊不得增減一字

各本司用藍筆刪訂略節刪繁存要期字簡而事詳逐案各擬看語分別應情實應緩決應可矜應留養應承祀悉明列加簽每十案彙訂一小冊加以目錄送秋審處

總辦司員用紫筆覆校增刪案身並改訂看語核其當否其應改者卽改註毋庸再商其應呈堂會議酌定者則註明臨時商定字樣本司原議不必遽駁止別立冊以記之

摘敘略節條款

乾隆三十七年諸城劉文正公酌定摘敘略節條款十八則
每年各司派辦之員各錄一通爲式

一開首註語長短不一今定摘用四字或二字

一有無服制同姓不宗有於看語內敘出亦有不敘者今定宜
自案身入手處先行點明後尾看語起句再行敘出

一兩家共毆多人各有多傷之案有止敘兇手死者二人之傷
者亦有歷敘在場各人之傷者此處用筆稍欠明晰每致賓
主不分易淆閱者之目所關非細今定兇手毆傷死者及死
者毆傷兇手必須詳敘此外兇手毆傷旁人與旁人毆傷兇
手死者毆傷旁人與旁人毆傷死者亦須敘出至於旁人毆
傷旁人仍用某某與某某互毆各傷一語以總括之其中又
有事先起於旁人與旁人互毆而死者與兇手往護致傷各

情亦須明晰敘出總以賓主瞭如指掌不混耳目爲主

謹按各省原題敘法不一止可就案酌加刪節不可顛倒
另撰惟將眉目不清之處逐處一一點醒俾主賓分明一
覽易曉其中湖廣廣東廣西福建四省繁瑣冗蔓宜刪削
之奉天一省文法支離宜通順之餘省較善各案皆然不
獨共毆也

一其毆案看內出罪名處止須敘明兇手毆傷某處傷重應以
兇手擬抵一語已自了然不必以餘人所毆輕傷重複敘入
亦不必將兇手所毆輕傷敘入

謹按共毆出罪宜云查趙甲被毆各傷惟錢乙所毆某處
係致命傷係最後下手應以擬抵已自簡明其或係謀毆
則加且係原謀等字樣

一死者自行跌磕等傷宜敘明不可刪去

謹按跌磕等傷係已成傷者應敘明其僅微痕未破在數分以下者細閱屍格不必冗敘不獨死者宜然卽兇手跌磕傷亦應顯出奈各省屍格凡死者分毫之傷無不填入而兇手則概不之敘每致不得其平最宜細心評量一因他事如賭博借欠起釁若有關兇手死者在內則詳敘若旁人情節與兇手死者俱無干涉則刪減總括點明起衅之由不必冗長

謹按正犯平日犯案與本案無涉者亦同此例止點明曾經行竊犯案等一語已足不必更敘年月事主贓數一賄和向俱不敘今定刪減撮敘以便看語後各出罪名謹按賄和情節不等父和子命主和奴命一點已足如子和父命妻和夫命其罪名迥殊須將得贓畏事情節敘出餘可隅反

才言車三三
一頂兇未成不必詳敘刪減總括但不可全刪

謹按此則渾舉一事而言其實頂兇之情不等有在已成命案之後者有在未會鬪毆以前者更有前官誤斷而後任審明周旋以頂兇了事者秋審之時原不駁案雖係頂兇未成亦必須細意討索一番其中罪名輕重甚有差等一案犯比照加重擬死者多有先加出語然後引律定罪向多將出語刪去每覺擬罪不確今定宜刪括摘敘酌量案身之顯晦與引律之確否以定詳略

謹按此等案情亦不多有宜于審認不諱之下加查語數句總括案情以符律意外省有用實屬云云及與云云無異等套語者勉強附會非斷讞之義昔人謂律猶珠也案猶龍也解此意以敘案自無此弊

一無關罪名各情節自可全刪但有極無緊要之事而刪去即

事無來龍令案情不顯仍宜摘敘

一案內案外餘人所擬之罪有敘明律例者有不出律例者今定單流徒罪各將引用之律例敘出枷杖以下不必出牌一阻救不力阻救不及在場事外之人無罪名者今定一概酌

刪

一案犯有外省外府之人案頭已經聲明原籍而犯事又無關地方者不必重敘

一審認不諱等字樣若案情得此語方有收束者仍應照用已經明晰者概行刪去

謹按此等套語相沿已久或有或無反覺參差每案皆用控縣獲犯審認不諱入字眉目較清且可畫一

一後尾看語內定情實緩決可矜之處有不甚明顯恐致混淆者向來俱加法無可貸例應綴首事屬理直情有可原等語

以足其意者今仍照用若情節已自顯然不必申說者一概不用

謹按例入情實例入緩決者毋庸申說惟實緩皆有之案須加語以足之謀故案中可無增鬪毆竊盜案中不可少一山名村名及經過州縣之名有關移屍及身死藏賊處所必須敘明其餘渾敘

一情實後尾看語有將兇手理直負屈等情作撇筆點醒者有毋庸點明者總看案之輕重顯晦酌用不可一概申說

謹按乾隆二十九年沈思一案牽扯救父字樣奉有申飭近年來看語內雖但字樣亦奉申飭此等不可盡除宜安切酌用

一竊匪案犯有愿敘其舊案者有以屢次行竊一語渾敘者今定在配犯軍流徒罪之犯用前因某事發配某地一語若在

本籍枷杖者則仍用屢經犯竊及犯竊有案一語渾敘

謹按右十八則已盡略節之概歲歲遵行而尤吃緊之處更有三焉附陳鄙見於後

一自乾隆元年以來歷奉

諭旨及歷年斟酌損益適輕適重之案皆宜抄錄細閱默識其中因時異宜因地異制何以從重何以從輕之故皆了然于心不可專記其輕而重者不記亦不可專記其重而輕者不記如此則胸中先有主腦矣再將每年發下

黃冊細閱上下折角及內折外折之處則勾不勾之情節昭然不難舉一反三也

一刪節時必先將題稿通身看過一周再閱揭帖內兇手原供死者活供無活供則看屍親之供復取屍格傷痕核其長短淺深爲直爲斜觀其下手之輕重即可想見行兇時

之心跡矣然後舉筆刪節自然詳略得宜銖兩悉當每見高明之士隨閱隨點隨看隨勾每致後事無根前言無著或頭重腳輕或賓詳主略以及句讀不明可上可下其弊百出大非審慎之道

閱看屍格
詳見下

一閱案必須身坐官廨同官會集稍有不妥卽須公同面商折衷歸於一是或令吏胥查取歷年舊案有所依據如此則各省畫一不致一人一樣其加簽候查候商皆不濟事久之并自忘其何故秋閒定讞堆積如山全無把握矣

比對條款

乾隆三十一年本部因各司定擬實緩每不畫一秋審處改正較繁奉堂訂比對條款刊刻分交各司每歲派員之後各領一冊奉為準的其條款分為二門情實與緩決相比者其三十二條緩決與可矜相比者其十條皆由當時堂司悉心公酌最為平允歷年遵行但係渾舉大端未能縷晰且事隔十有餘年尚有宜逐加詳辨之處謹各加按語於後

計開比對情實緩決各款

一除謀殺	故殺	侵盜錢糧	枉法贓	開棺見屍	羞忿
自盡	賄買頂兇	匿名揭帖	光棍為從	強盜為	
首	強姦已成	奪犯傷差	聚眾械鬪	私鹽竊盜	
拒捕殺人	偽造印信	詐假官	誣良為盜	逼斃人	
命別有分	捕役私拷嚇詐	非刑致斃人命	監候不應矜減		

人犯越獄 因姦盜威逼人致死 竊盜衙署贓至滿貫

僕竊主財滿貫有分別 偷盜蒙古馬牛十匹以上 私鑄錢

十千以上 左道惑人 滿洲殺死滿洲 及各項由立決

改爲監候人犯 以上俱應擬情實毋庸開列比較外

一秋審一律兩擬案件應摘出訂本比較其緩決內情節有與

情實內情節相似者將緩決之案摘敘略節臨時斟酌

謹按一律兩擬之案雖同一律牌而案情則輕重懸殊不

能一律入緩一律改實此一定之勢也卽如同一奪犯而

票拏與私捉有分同一毆差而畏罪與被誣有別理曲情

重者商實理直情輕者商緩其界於可實可緩之間者則

比對三年以內之近案一併呈堂於堂議之日公定

一秋審內一案兩擬之件俱應彙齊比較如緩決內情節較重

者亦應酌量改實

謹按此條與後共毆各斃一命及姦夫殺死本夫等條大意相同後條專指命案而言此條則兼命盜姦拐頂兇各項而言其中犯人二三四名不等或首犯先經立決餘犯罪同而情不等或兩省同一案情而實緩異擬必須各有確據比較酌定勿致大相徑庭

一謀殺加功之案有貪財圖姦挾嫌逞忿肇衅釀事及造意之人未曾下手而從犯肆行兇殺者應擬情實其餘如僅止聽從加功並無前項貪殘兇暴情形者可以緩決

謹按加功之犯重在姦貪外省多以知情下手爲斷但有事中同謀之知情有事外揣度之知情有臨時助惡之知情有自行助力之下手有被逼被嚇不得已之下手未可一概渾言乾隆三十二年本部奏明謀殺如功案內如有因姦因賭者俱入情實此外可入緩決通行在案但此等

謀殺之案情兇勢眾人皆有欲殺之心近年屢蒙

聖訓指示外省不知有同一加功者或實或緩宜提出駁改其中惟有謀殺光棍姦惡行兇之犯止將首犯入實餘犯斟酌從緩亦須於勘語內詳細聲明近年並有外省擬實本部改緩之案

一竊盜臨時拒捕之案如係糾眾護賊及連傷二人以上或夥犯被執輒行奪回逞兇拒捕者應擬情實其餘尙無兇暴情形者可以緩決

謹按竊盜內有匪竊多案又執持金刃前往砍傷事主三傷以上及砍傷婦女者情節較重應商實若其中實因事主抱獲捆打及事主人眾同擒已逃被追者其情稍輕總宜核其拒捕之心是否止圖脫身而別無護賊奪夥逞殺之意或先被事主毆傷分別實緩

一搶奪傷人之案如糾眾截搶及因事主奪賊故行毆砍多傷致成殘廢篤疾情形兇暴者應入情實其餘實因圖脫情急無奈拒捕者可以緩決

謹案同一搶奪而輕重迥殊有搶奪銀兩貨物者有搶奪衣帽食物者總宜核其圖脫情急之真偽與所攫賊物之輕重事主被傷之情形並賊犯有無被傷合觀之以定實緩與上條參看

又按以上兩條竊盜止論拒捕搶奪止論傷人至竊盜之情形不等賊數之多寡不一並未定以界限蓋此兩種案件歷來大半擬入緩決問情實者寥寥今按竊情百變正須按情分條而賊至數千亦宜酌為區別今擬兩條於後以備臨讞參考

一向來竊盜滿貫之案俱酌情節重輕以定實緩至情節內何者為重何者為輕未定界限明列條款是以各司所擬

加重此誅心之本意即惟齊非齊之微義也且如竊賊挖
壁踰牆糾夥設策賊止現銀百餘金不能入情實又如剪
絡拘摸鼠竊可諒而獲珠寶事主估其情多金亦止可入
況竊銀花用無存珠報實旋歸事主其情既無存任聽估
事主將無以通報在粗報精失報全不足信但其中有偷
而印官亦以通報在粗報精失報全不足信但其中有偷
現銀情真數確者不可無別應將賊至一千五百兩以
上者摘出核其知竊悞竊賊存賊消并竊情之強弱酌定
一罪人拒捕等案或事犯被拘或因姦被獲如有喊眾持仗逞
兇抗拒致傷應捕之人及拒傷至殘廢篤疾應擬情實其餘
如係情急圖脫及被追無奈回毆者可以緩決

謹按此條與前

竊盜拒捕
搶奪傷人

二條情法相等正宜參看

一偷竊庫銀及竊盜餉鞘滿貫案件查明如係藐法肆竊者應
入情實其餘若僅止乘便攫取尚無藐抗情節者可以緩決
謹按明知係庫銀餉鞘雖乘閒攫取即屬藐法自乾隆四
十年以後此等案情皆入情實若本非在庫在鞘犯時不
知為官帑而乘閒攫取者方擬緩決

一僕竊主財滿貫之案向來辦理俱照尋常滿貫之例分別情節問擬自乾隆二十二年江蘇省孫二一案係乘主全家外出託伊管家之便勾引外賊肆兇罄竊奉

旨改入情實之後二十三四年此等人犯卽擬入情實迨二十七年朝審內朱大成一案本部定擬情實蒙

恩免勾此後此項人犯仍係分別辦理今酌擬如有負恩結夥肆竊情重者俱入情實其尋常鼠竊及乘便攫取者可入緩決謹按奴竊主財三十年前援引親屬較之竊匪其情爲輕論不爲允自應較凡竊爲重如有勾引外賊入室暗通使女開門及受恩昧良暗設狡計肆竊密室藏物迨盡者自當擬實其乘便掠取箱櫥銀物者仍與凡竊同論

一搶奪滿貫之案俱照竊盜滿貫例辦理今酌擬如有糾眾入室搶奪並未傷人而形同盜劫及曾以他物傷人者應入情

實其餘如僅止局騙搶物尚無恃強劫奪情形者可以緩決

謹按搶奪滿貫與前搶奪傷人一條宜參看滿貫不計多

寡若至千兩以上另冊記存

分知竊誤竊賊存
賊消爲斷說見前

一誘拐案件如係用藥術迷拐並拐賣多人爲首及被誘之人無著并拐回引誘姦宿或先係和誘後復毆逼者應入情實其餘如無前項情節且被誘之人已給親完娶者可以緩決謹按此等案情比之謀殺人傷而未死者究屬稍輕比之誣告人死罪未決者相等若拐後有姦及轉賣爲娼等情則從重論

一疎縱罪囚等案或禁卒在監或解役在途得受銀錢私開鑰鎖致囚遠颺無獲及疎脫情實人犯者應入情實其餘因其一時疎忽並無受賄私開刑具及囚已就獲者可以緩決

謹按疎脫情實死罪重囚無論賄縱不賄縱俱入情實案

身內宜點明實無賄縱看語內宜點明疎脫若定案之時犯尚在逃而秋審之期犯已就獲則賄縱者入實疎脫者人緩俱於看內點明

一故殺期親弟姪之案如因奪產爭繼及因圖賴圖詐情節殘忍者應入情實其餘如係一時觸忿及致死爲匪之人者可以緩決

謹按故殺胞弟胞姪總以案情爲斷本律止應擬流後來定例改絞各有深意若圖謀財產襲職以致其人絕嗣者設心殘忍近年尙有改爲立決之案不待秋審蓋骨肉爲天屬之恩故

國法於卑幼爲匪尊長尙准其相隱故殺乃人倫之變故秋審於卑幼故殺尊長不輕予免勾宜逐案細核情節不可一概而論惟死者先已自絕恩義則兇手可以量緩

一故殺妻之案如因圖詐圖賴及圖姦他人因妻礙眼而殺并逼妻賣姦不從而殺者應入情實其餘並無前項殘忍情形者可以緩決

謹按毆死妻與故殺妻向不以律牌分輕重止以情節定實緩凡無縱姦訛詐者究死係卑屬名義所關皆入緩決仍宜照舊例定擬宜與後可矜條款互看惟殺情兇殘者酌量入實

一僧人殺人案件如實係戲殺悞殺以及情節本輕者應擬緩決其逞兇鬪狠致斃人命者應入情實

謹按二十年以前僧人命案酌量加重自三十七年以後仍同凡論近年有僧人殺賊之案撫擬情實九卿改緩至僧人殺僧更同凡論

一姦夫謀殺本夫姦婦雖不知情案件如有事後隱匿忘讎戀

姦並跟同姦夫逃嫁者應入情實其餘雖事後知情不首因被恐嚇畏懼隱忍並無復與通姦情事者可入緩決

謹按姦婦始終不說姦情欲隱縱姦夫者是眞戀姦忘讎若初時含媿未經聲張而到官報讎自行供出者則姦夫業已入實姦婦可以擬緩里巷男女之案一命一抵冤憤已消

一捕役誣良案件如係挾嫌圖賴及嚇逼詐財致斃無辜者應入情實其餘如係妄聽誤聽事出有因並死者本係犯案舊匪並無前項詐逼情節者可以緩決

謹按捕役誣良情形不一乾隆四十一年有安徽閔撫軍條陳部駁酌定章程具有條理可備參考

一誣告人致死之案如挾有嫌隙或假捏姦賊污人名節或事犯到官誣扳平民或唆賊硬證或賄差妄拏等情圖洩私忿

以致累斃數命者應入情實並革役冒差訛詐危言恐嚇致斃數命者亦應入情實其餘如因事本可疑一時悞認死由追拏跌溺並非被逼自戕并死者本非善類亦無前項兇暴慘毒情形者可以緩決

謹按誣告致死本例重在拖累無辜而秋審擬實又重在致斃數命若拖累由於官吏則本犯之情可原數命各有因由則不能全罪本犯隨案定擬難拘一格此與上條情事相仿惟差役訛詐拷打制縛者止論斃命不論數命皆入情實誣告以到官者方坐

一威力主使威力制縛人拷打致死之案如係兇暴之徒或挾嫌藉事用拷或恃強喝令毒毆或非刑陵虐或妄拷平人種種橫暴不法者應入情實其餘如係一時悞認賊贓而拴吊毆打適傷致斃者可入緩決

謹按死者實係有罪之人或素有爲匪實據及悞認賊贓與死由自盡者則可入緩若並未相爭藉端洩忿疑賊無因毒毆殘殺者則須入實

一毆死總麻尊長之案向來辦理俱斟酌情罪將情實之案入於重囚總冊進

呈其緩決之案並不另冊乾隆二十九年奉

諭

旨將毆死總麻尊長擬實人犯兩次未勾者照期功服制之例奏改緩決並非將此項概擬情實似可仍照向例分別辦理

毋庸另冊進

呈其外姻總麻之案向俱照尋常平人案件核其情節分別實緩是以摘出

謹按毆死期功尊長由立決奉

旨改監候者入情實另冊進

呈若原題監候者入各省招冊有實有緩其毆死總麻尊長
亦有實有緩散在各省招冊後因期功冊內不勾者有奏
明改緩之例而總麻分在散冊不勾者反無改緩之期仰
荷

聖明鑒察定以兩次未勾與期功服制者一體改緩仍遵照辦
理

一毆死幼孩之案如係有意欺陵致死稚弱情節可惡者應入
情實其餘事本理直無心傷斃者可以緩決

謹按悞傷戲傷自行跌傷溺死者並非與幼孩相爭實無
致死之心自應入緩若理曲相爭有欺陵之心者不必多
傷刃傷皆應入實

一毆死婦女之案如係恃強欺侮情重傷多者應入情實其餘
尋常互鬪理直傷輕者可以緩決

謹按毆死婦女同一律牌而強弱不等川廣等省婦女強梁之狀不亞於男子老孀弱女分別觀之其餘先核其誰先動手次核其毆之多寡傷之輕重再核其理之曲直情之強弱諸惡備其二三者可以商實其婦女先毆而回毆一二下者皆可入緩至於傷不致命而婦女自盡者最宜核其赴死之心蓋婦女輕生往往心有他故不遂隱曲難言而因端以畢命者李代桃僵不可不察

一其毆人致死之案如係糾眾持械兇毆情同械鬪及攢毆多傷情節兇暴並原謀下手傷重情近故殺者應入情實其餘如衅起一時並非預謀糾鬪者可入緩決

謹按其毆之案往例俱不入情實古人具有深意難以明言今招冊皆係信讞自不能普行輕縱致死者冤不能伸此條所列極爲詳明故其毆案中宜分預謀與適遇及人

之多寡傷之多少輕重與死者會否還手眾人有無受傷皆爲窳要若他人先毆後毆之傷該犯未會目覩者止論本傷蓋餘人各有應得傷罪不得更以餘人所毆之傷合計併算而加重於兇手一人也乾隆四十五年有堂定其毆實緩條款附錄於後

查其毆之案死者勢孤情弱兇手人眾勢強是以本部年來不照從前概入緩決必須擬以實抵俾死者不致含冤惟各案情節不同不可或輕或重致有不齊今酌定凡預謀糾約多人持械兇毆致斃者或同時刀械交毆傷痕遍體者或原謀持械下手傷重者或餘人已經打倒而又加毆獨重者或數人按捺掀地一人逞兇獨毆者此等皆宜列入情實至於尋常爭鬪其毆適斃死出不虞者無心撞遇拉勸被怒刃傷無多者或兇手先被重傷或兇手首先

一毆或他人先後向毆本犯不知情者或實由義忿激於眾怒與死者跡類光棍兇徒死不足惜者自宜合情理傷痕酌定仍照舊入於緩決再兩造人數亦宜比較十人以上之共毆與二三人之共毆宜有區別如此逐節相比自不致輕重失平

一鬪毆殺人之案如係逞忿兇毆情近故殺並死者不敢還手毒毆立斃及有姦盜殘忍兇惡情節者應入情實其餘尋常鬪殺之案可入緩決

謹按鬪殺案件幾居秋審之半其中情節百出不窮每界於可實可緩之間此中宜有權衡取五年以內近案相比務期平等不可稍有輕重此條所列尙未賅備其大要則先核起衅理曲理直次核行兇情弱情強次核傷痕多寡輕重次核兇器爲金爲械次核動手之先後還毆之有無

及死者持械徒手合參以定自無枉縱乾隆四十六年又因金刃有五年限滿之例除金刃二傷以下仍入緩決外但其中如有起衅之理太曲且先動手刃殺徒手者或窩賭負欠刃殺徒手而傷多且重者或已被打傷倒地復行用刀砍殺者或乘其不備而暗地戳其要害之處傷深且重者或有犯長上欺老幼陵孤寡者俱列情實至金刃三傷以上之案則情罪較重俱宜提出核辦若理不甚直情不真急者亦宜商實其中惟義忿及尊長因公殺爲匪卑幼與死者迹類光棍兇徒則不必論傷皆仍入緩 三傷皆指砍戳札剝而言若有劃傷帶傷挫傷及一砍而成兩傷俱不以三傷論

繼而論之理直情急傷輕此三者有二可以入緩理曲情兇傷重此三者有二可以入實而一言以蔽則必以誅心

爲主近於故者實之迫於不獲已者緩之尤爲平允

一數人鬪毆各斃一命之案如係糾約多人持械共毆情似械鬪及情節兇暴者應入情實其餘如衅起一時並非預謀糾鬪實係尋常鬪殺之案可入緩決

謹按各斃一命之案卽所謂雙頭人命是也其中雖有輕重不等但二十年以來屢奉

聖旨嚴懲兇鬪之風本部多有改實予勾之案自宜照辦如其毆之案兩造彼此各斃一命又有此造之人各斃彼造一命者皆入情實惟有一案而係兩事情節俱輕者如趙甲與錢甲在村東鬪毆將錢甲毆死同日趙乙與錢乙在村西鬪毆將趙乙毆死情節皆輕而彼此各不知情因係一家之人同日報官同案具題亦入各斃一命條內似是兩案併爲一案若分爲兩本則皆緩今因合辦而各實稍有

不妥宜擇出酌定

一光棍爲從之案如係隨從聚眾罷市辱官毒害無辜及強姦已成等項種種兇惡不法者應入情實其餘如係聽從隨行並無前項情節者可入緩決

謹按光棍爲首者已經立決其餘爲從原屬稍輕之犯除本條所開各款必入情實外其餘可入緩決蓋此等爲從往往多人隨行定案時不能一一區別每致不得其平至於比照光棍定擬者尤宜詳慎蓋此等案件外省多有加重定擬者

一私雕印信之案如有冒支錢糧及偽造憑照誑騙多贓者應入情實其餘誑騙未成及贓數無多者可以緩決

謹按誑騙未成贓數無多及僅止一案未及多次者皆可緩決若係官員世職大臣子弟爲匪誑騙多金及有關軍

機錢糧假官者直從實至描畫與雕刻其心亦相同而罪懸殊者蓋描畫止於一張雕刻易於多用故必以案數多寡爲衡

一謀殺人傷而未死之案如係因姦用毒延及多人或毆斫多傷已成廢篤者應入情實其餘謀殺已行傷輕平復者可以緩決

謹按此條總看起衅行毆以理由情兇傷重三者兼備爲斷蓋本未成命案不輕擬實抵也此等案情以誅心爲主如捆縛投諸水火意其必死而自行復生意外遇救者雖未致殘篤卽擬情實亦不爲枉然歷來皆入緩決者推兇犯之心與誣告人死罪者之心約略相同誣告死罪未決者止於擬流則謀殺人傷而未死者擬絞入緩亦適得其平兩心相等而受傷則異故誣告者止流罪而謀傷者定

死罪業已加二等矣宜平心細酌方得允當

一強奪良家妻女占爲妻妾之案如有挾忿搶奪毆逼強姦者應入情實其餘如被人哄騙尙非強搶行姦並無毆逼情形者可以緩決

謹按強搶妻女內惟曾經許嫁未曾下禮爭搶有因及兩姓互爭一女互相搶奪與並未逼姦成婚者可緩此等案情總以已未成姦爲輕重

一圖財強賣疎遠親屬之案如因圖吞產業強將孀婦搶賣其婦不甘失節自盡者應入情實若並無謀產僅止貪圖財禮因而搶嫁尙未釀成人命者可以緩決

謹按此條與上條正可互參彼條以成姦爲重此則以釀命不釀命爲斷耳

一免死盜犯在配犯該徒罪以上案件如係在配逞兇怙惡藐

法者應入情實其餘無心犯罪者可以緩決

謹按無心犯罪自不從重但本係盜犯幸免死罪復犯軍
流情皆不輕宜酌入實徒罪以下可勿深論也

一原題夾簽聲明情實之案各督撫已經趕入者俱入該省招
冊其未經趕入查明有無趕入本年字樣如有本年字樣者
另訂招冊送九卿會審若無本年字樣雖經聲明情實亦止
照例入於下年秋審

謹按此等撫題內已經聲明之案不徒以本年三字之有
無爲別宜以月分爲斷其有本年二字者必入本年斷斷
無疑卽無此二字而奉

旨

旨在七月以內者皆宜提入若進冊以後自當入下年矣
一官犯案件各督撫已經秋審核擬具題者入於官犯另冊如
題結在該省秋審之後該督撫未及趕入者查明實係例應

趕入案件另訂招冊分送九卿其非例應趕入已過勾決之期者仍歸下年秋審

謹接近來遇有官犯之案概入本年無所謂例應入例不應入也惟

黃冊已進後之新案則可酌入下年耳亦視官之尊卑與案之輕重分別酌辦歷年

論旨皆宜細閱

計開比對緩決可矜各款

一秋審舊事緩決內鬪毆情輕之案如有僅止被毆回推失跌傷斃並無還毆情形實堪憫惻者酌量改矜

謹按舊事緩決提出改爲可矜向來常有之事近年以來連遇

大赦存者多屬情重仍舊入緩惟開單備商

欽定四庫全書 秋職志略

比對條款

一戲殺誤殺案件如係一時失手死由跌撞並無爭鬪情形者俱應列入可矜其餘事雖戲誤而傷重立斃及誤殺婦女幼孩者俱應緩決

謹按誤殺旁人可以入矜但旁人亦自有別若趙甲與錢乙相爭而誤殺過路之孫丙是爲真正旁人定案時宜以誤殺論若趙甲與錢乙相爭而誤殺錢乙之兄弟子孫則死者雖非兇手所欲殺而究係仇家之人則仍以鬪殺論此二項皆應於審明定罪時分別律牌至入秋審則前項酌矜後項擬緩若前項不矜恐開後項入實之漸不可不立一界

一救親案件如係父已年老不能拒敵或被毆傷重勢在危急或母被欺辱女流力弱不能脫身負傷喊救其子情急救護毆傷者應入可矜至於事非危急或死者已被其父毆傷情

似共毆者不得概從矜減

謹按父子共毆之案往往攙入救親擬矜此中界限最宜分明若其子理曲肇衅累父被毆子復逞兇斃命或父先毆人成傷子復助惡斃命者皆宜入於情實其餘概入緩決惟死者理曲情兇而父母被毆並未還手喊救情急適傷致斃者方可酌入可矜

一婦女鬪殺男子案件如事屬互鬪毆有多傷者擬緩決其被兇徒欺逼及被毆還抵情非得已者應入可矜

謹按女子力弱本可原情然惟一二傷者可以量減若刃傷至三五處以上有兇鬪之狀者則無分男女仍照鬪殺定例分擬實緩婦女亦不必有意從輕方允

一幼孩鬪殺案件如被殺者較伊更小并係金刃重傷者應入緩決其被年長之人欺毆力不能敵情急回毆致斃者應入

可矜

謹按此種案情宜逐案細商不能統列一例雖係幼孩而有知無知力強力弱有心無心死者爲長爲幼以及貧富良賤之閒並其父母之有無一一想到平心區別方能平允

一老疾殘廢篤疾人之鬪殺案件如被殺者亦係殘疾之人及情節兇很者應入緩決其被人欺毆情急無奈回毆致斃者應入可矜

謹按死者爲殘篤之人兇手每多從重論則兇手爲殘篤之人亦應量爲從寬方得平允故向無情實而可矜尤多然其中惟瞽目之人率羣逞兇者不盡可憫宜酌案情

一擅殺姦盜罪人案件或本夫捉姦姦夫乘間脫逃一時義忿或竊盜攜贓逃逸追逐勢孤不能擒獲毆傷致斃或姦盜之

人雖已獲任反被毒罵挾制畏忿毆傷致斃者應入可矜其餘如犯已擒獲非刑毆死或事涉可疑情同謀故者應入緩決

謹按罪人之名不等有罪重而可容罪輕而難忍總宜核其殺情之強弱爲斷姦盜自屬可原然殺未成之姦與無賊之盜而金刃慘惡異常者亦難入矜

一毆妻致死案件除毆詈翁姑有據之案例應於可矜案內減等辨理外其餘如夫木理直傷出不意及先被毆詈氣忿回毆適傷致斃應入可矜其有逞忿毒毆傷多情重者應入緩決

謹按毆妻之案說見實緩相比條內此指干名犯義不孝之婦及悍惡異常淫兇敗家之妻方可入矜其男子淫兇一傷重者仍入緩決

一毆死卑幼案件如係卑幼干犯尊長訓誡反被頂撞氣忿毆斃並毆死爲匪之人者應入可矜其餘事本理曲傷多情重者應入緩決

謹按卑幼宜看服制之親疎爲匪亦看何等之情罪如不孝不弟邪教窩盜等情重之卑幼則有關合族禍患顏面尙可酌量擬矜如尊長理曲情兇則應入緩決設圖謀財產情近於故者仍宜酌改情實

一鬪殺情輕之案如因被毆推拒失跌致斃並無回毆情形亦未推毆成傷者應入可矜其餘如係兩人爭鬪互扭致跌或推已成傷或首先動手或背後力推或隣近河岸坡坎危險處所推跌致死者雖情節較輕未便矜減

謹按凡鬪之案惟推跌之情最輕本部向皆擬矜然亦宜核其向背及有無爭鬪之心並視被推之人老年幼與

被跌之地如係山崖河岸危險必死之區則亦無可矜此等案件外省所擬每不畫一實緩矜三者皆有應改者卽改之

竊查跌死之案死於失跌本不定擬死罪其因推而跌以致死者定案時則云死由跌傷究因手推所致仍照鬪殺擬絞至秋審時則云用手向推死因失跌或緩或矜各有成案乾隆四十四年滇省劉文瓏一案該撫以在高山險地屍身跌爛且係推跌殘疾之人列入情實經本部改爲緩決並聲明向例在案蓋不擬流而擬絞者卽是治其手推之罪雖擬絞而仍入緩者所以原其因跌之情是以歷年辦理險地推跌之案概不准其可矜亦不列入情實斯爲得中以宜永遵

右比對原條款四十二則本部刊刻存之本署各司畫一

遵行此外增擬數條附入於後用備參考

一新疆秋審於乾隆三十六年九月奉

旨刑部奏新疆緩決一摺與各省一體核辦未爲允協向來因傷致死之案不論是否交鬪並兇犯獨自動手者審無謀故概科鬪殺本未適情法之平第內地案情難於盡改若新疆各處兵民雜處此等兇犯僅令繫獄數年仍可減等不足以昭炯戒不得與內地一例核擬欽此歷年遵辦卽停勾之年新疆仍照常奏辦是誠肅內外之制分別民夷之道也則凡川滇之苗獠狃獠皆宜酌量仿此查此數種外省仍照內地間以留養聲請竊以犴榛之民尙未盡曉

天朝之法未便遽施法外之仁其留養承祀可毋庸辦

一父子共毆一命之案外省有照鬪殺論者有照共毆論者多入緩決近年於此等案情倍加慎重其中區別之處如

子先與人鬪而父又加刃斃命其情較重父先與人鬪而子又加刃斃命其情較輕至於外省有將父先動手子後殺人之案混引救父減等擬流或奉

旨申飭或經部駁改屢經講論乃定罪具題時之事非秋審時事也最易錯記致誤

一秋審實緩有一定不易之成法而又當合時地以相參所謂惟齊非齊並行不悖也卽如僧人殺人與私鑄錢文二項當乾隆三十三四年間多入情實不過三四年犯者漸稀仍復入緩乃碎以止碎之明效大驗又如回民之案嚴於陝甘搶奪之案嚴於嚙匪械鬪之案嚴於閩粵牛馬之案嚴於蒙古鬪殺之案嚴於新疆近日江海盜案嚴於粵省窩竊贖贖之案嚴於楚粵皆因地制宜所以移風易俗久則必變也司獄者當深體此意俾全局在曾觸目卽是

不可執一而不一亦不必推類以及餘

一閱看屍格不可爲俗吏所瞞大抵填格之弊約有二端其一爲無主之屍單丁客死縣官不驗委之佐雜代勞任聽吏件不能彈壓既不諳練又不親視屍身惟聽喝報止將致死一傷及重大一二傷填註了事此外各傷或指爲生前舊傷或輕微跌碰其中或有其毆之案即將此致死之傷硬坐某人名下其他皆註爲極輕由縣填格通報司讞者莫可奈何此一弊也其一爲有主之屍屍親滿場人眾口雜各有挾制把持之狀非老吏莫敢誰何無論傷非傷及生前別受之傷一一填入有斜劃者卽填爲戳有橫帶者卽填爲砍更有受傷之後未死之前跌磕碰壓略有青紅破損亦指爲兇手所毆如此而屍親方快意如此而縣官方放心此二弊也然此二項皆指登時身死逾日殞

命者而言至於十日二三十日保辜不效之屍其弊尤甚
初報活傷縣官曰此鬪毆耳非命案也委佐貳典史取一
活供足矣於是一切不驗聽其喝報曰血糊曰巾護曰藥
敷曰結痂概以未揭未驗作一活套責令保辜保辜不善
已成命案縣官始行親驗仵作則恃有活供在案活套在
前放胆剝血糊揭巾護洗藥敷去結痂此時之兇手遠禁
監獄不能目覩兇手之父兄妻子畏縮不前即使在前亦
無從申辨惟屍親環向而視縣官下意而慰屍親凡傷痕
之縮捲乾裂潰開腐爛旁陷內陷突出突入蛆嘍鼠傷屍
親一概不論惟堅執驗時之情形硬指爲當日毆砍之分
寸縣官亦以同一死罪無關出入又私心默計與初報之
活套不相矛盾苟圖屍親安靜無事早完回署而已猾吏
所爲往往如是舉古賢所稱相偏正以審下手之勢按虛

實以定致死之由毆前毆後之分平面圓面之異全不講求所以刃傷格內往往有寬七八分者棍傷格內往往有深二三寸者皆保辜不善之故也接受傷之後非日重一日卽日輕一日此外更無他狀果能日輕一日則必不死全賴保辜者之善爲調治也若保辜不善則日重一日傷痕必漸潰漸寬漸爛漸深漸捲漸大而後殞命再加以死後數日而始相驗其距受傷之日益一二三四十日矣以加重許久之形狀而填爲從前受傷之分寸豈足信乎案成定罪雖不以傷爲重輕而秋審行誅則每以傷分實緩自應獨出手眼勿爲屍格所蒙大凡傷之重者必速死傷之輕者必較遲洗冤錄諸書皆稱致命之處傷重者死在登時逾時者則傷輕速死之處傷重者死在三日出三日者傷輕必死之處傷重者死在十日出十日者傷輕此皆

前人辛苦艱難百試百驗而後筆之於書故欲知傷之輕重必先辨致命之處速死之處必死之處三者分明然後於登時三日十日之間酌其遲速庶可得其真傷而不致有枉縱也

一重傷二字渾舉難明有平時視爲甚輕而實重視爲甚重而實輕者此不可以不辨姑舉一二以概其餘如例載有一二傷爲輕之語此指尋常傷痕而言若洞胃斷喉何須兩下此類甚多不可曲貸又如折人肢體骨折骨斷等傷凡不死者罪止杖徒既成命案俱以重論又腸出骨斷骨碎亦竟有不死者既成命案俱以重論其中腸出必係金刃外口傷大者腸必擠出傷口小者腸必不出此中亦有輕重也至骨斷骨折多係木鐵下手極重者凡傷在虛軟處以深爲重淺爲輕堅實處以寬長爲重窄短爲輕仍須

看兇器之大小肢體之肥瘦傷處之平面圓面不徒以長短分輕重也至寬窄二字尤難懸揣有刀鎗刃厚之寬有保辜不善之寬有相驗遲延之寬有縮捲之寬有潰裂之寬而天氣之寒暑屍身之肥瘦其寬窄各有不同紙上所填不可固執又骨損抵骨見骨等傷閱之甚覺刺目而大有不同若在兩臀兩腿肚月深骨隱之處則創鉅痛深而究非致命之處亦非必死速死之傷若在手指胎膊臍臑臙肘膝蓋則皮破而骨立現無所爲厚肉也易斷而不斷易碎而不碎更不得指爲重傷細味古人填格之意於此數處必大書曰骨損抵骨見骨云云者因其深淺難量分寸僅于骨損見骨抵骨而已蓋甚言其輕且淺也其他處傷之重者必填曰深幾分幾寸至難量分寸者則別作一語以填之如皮破入肉透膜入內見腸腸破腸出其中極

有次第而輕重亦在其中矣細按透膜一傷重於皮破入
月輕於入內見腸卽入內之傷亦不獨金刃凡竹針木刺
皆能深入必兼兇器之大小合而觀之方可以定輕重若
外口雖寬而內孔不大尙非必死之重傷也至肋脇腰腹
四處虛軟淺薄金刃下手稍重必至透入逾寸腸必擠出
故此四處之傷以入內見腸腸出爲重其僅止皮破入肉
透膜者則兇手之心尙有徐徐不敢著力之意不然心稍
狠手必重刃入必深矣

每聞鬪毆小稿及各省鬪傷徒杖之案其金刃毀折肢體
至於殘廢篤疾倍甚於骨斷腸出透膜者而皆不死又見
臨陣被傷員弁鎗箭刀石之傷創鉅痛深而皆不死皆由
保辜得法然則此等非必死之重傷而由於保辜之不善
益可信矣故定讞者必以情理爲衡實者實緩者緩若情

理界於可緩可責之間者然後以傷決之亦庶幾得其平矣

一情理兩字當舉大者言之細微末節愚民之常不足深求卽如死者先罵各案皆然此在衣冠之流誠爲理曲若里巷細民信口卽出不皆有惡心故無論死者兇手皆不必以此分曲直如索債直也欠債曲也索數星小債而殺人不得執索欠爲理直而從輕欠數星小債而殺人亦不得執欠債爲理曲而從重自當核其情理與爭鬪之情形心迹從大處立議

一近年金刃重傷之案有與此冊加嚴之處總以乾隆四十七年九月所奉

諭旨爲準式大約二傷平常之案入緩二傷以上者提出酌其情不甚急理不甚直者俱入情實

一書之成必有凡例統論綱領臚陳大指志略一編則無
需此秋讞重典歷歲部臣詳慎將事定有款例至乾隆庚
寅辛卯閒諸城劉文正公武進錢文敏公海豐吳恭定公
同事西曹重加增訂予時初參讞事獲聞緒言謹以所訂
摘敘略節義例十八則及增訂比對條款四十二則彙爲
總類而各附以淺說輕重因平時宜情理歸於一定秋審
全局固已朗若列眉矣

續增條款

乾隆四十九年刑部酌增除姑淫殺媳滅口 繼母殺死其夫前妻之子致令絕嗣 殺死悔過拒絕之姦婦 搶奪金刃傷人 以上俱擬情實毋庸開列比較外

一 擅殺罪人之案如死者本無大罪又未拒捕起意活燒活埋非刑致斃二命或因幼孩拾取細物肆行慘殺以及悞犯期功尊長有關服制者應擬情實其餘大概或緩或矜分別辦理

一 毆死老人之案如有恃強欺陵或持械毒毆或夥眾共毆或理曲尋釁傷斃年七十以上者應擬情實其餘被毆回抵理直傷輕並無前項兇暴情形者可以緩決

一 金刃殺死徒手之案如有理由尋釁或傷多傷重或逞兇砍戮一死數傷或傷在已經倒地後或死者僅止向揪向毆並

未傷及兇手以及有姦盜賭博情節者應擬情實其餘被毆回抵理直情急並父母先被毆傷救護情切者可以緩決至死者先持他物毆人因而刃殺案件可從此分別參觀

一受賄頂兇之案如鬪毆等項頂兇之人在場幫毆或已刃傷人助毆傷多傷重並受賄贓至逾貫以及頂認謀故者應擬情實其餘僅止事後貪賄頂認並無別項情事贓數亦屬無多正兇又未漏網者可以緩決

一烏鎗殺人之案如因爭鬪施放例以故殺論者應擬情實其餘如係防夜致死姦盜不法之人及實係誤傷情同過失原擬絞候者可以緩決

一圖財害命從而不加功之案如先經商同謀害後又得財者應擬情實若僅止臨時知情後又畏罪未經得財者可以緩決

一強奪姦污之案如有挾忿搶奪毆逼強姦者應擬情實其餘係被哄騙慫恿強搶成姦並無毆逼情形者可以緩決

一謀故殺人之案本應列入情實惟其中如男子拒姦有據或有服親屬與人通姦殺非登時而出義忿以及義男弟姪有負恩養不服訓誡者此等案件或情同擅殺或有關名分原題雖以兇論至秋審時不妨原情入於緩決

一軍流在配殺人之案須核其原罪輕重與現犯之情形參觀核辦今酌擬如係怙惡逞兇情節暴戾以及免死減等復犯死罪者應擬情實其餘理直傷輕被毆回抵者可以緩決

一瘋病殺人之案如有殺死凡人二命以上及雖非二命而有關服制者應擬情實其餘死雖二命而一係子姪或一命而死係繼父等類恩義未深者可以緩決

一官犯案件非常犯可比如毆妻致死擅殺罪人等類實在情

輕者方可入於緩決其餘均當列入情實至題結在該省熱審以後查明例應趕入并情重案件卽於原奏聲明歸入本年秋審至已過該省勾決之期者仍歸入下年辦理

一服制案件除毆死期功尊長秋審時概入情實俟兩次未勾之後刑部奏改緩決外至毆死總麻尊長之案向係斟酌情罪分別實緩辦理嗣奉有

諭旨

此項擬入情實人犯兩次未勾亦照期功之例奏改緩決等

因並非將此項人犯概令列入情實今酌擬卑幼因細故與尊長鬪毆應擬情實若戲悞姦盜義忿情堪矜憫者可以緩決至若外姻總麻向俱照尋常鬪案核辦更不與本宗同論一但經調戲本婦與親屬羞忿自盡各案情實一次未勾下年卽應改爲緩決若初入秋審如遇停勾次年不在緩決之例僅督撫或應擬實而入緩或應擬緩而入實刑部會同九卿

照例題參

一除搶奪不准減遣外其竊盜滿貫三犯竊盜等項緩決一次之後刑部奏改發遣

一官常犯情實十次未勾之後刑部奏改緩決其十次內如遇停勾年分不在併計之列

一秋審內親老丁單與孀婦獨子等案如情節較重難以寬貸者應擬入情實其餘尚有一線可原者可以緩決仍照例取結聲明聽候部議

一犯命案脫逃經三年後就獲之案原奏內稱秋審時列入情實者改為立決至條例之外雖亦有應情實之案但其犯案之初尚非有心藐法仍行監候俟秋審時入於情實並非因一經脫逃無論情節輕重概入情實此等案件自應核其原犯情罪之輕重加以脫逃之罪分別從嚴辦理

秋獄志略

七

續增條款

一官犯與謀故劫盜并例應於秋審時解省監禁以及脫逃可虞者照例在省城分撥司府縣監均勻羈禁外其餘核其情節尙不致有扭械脫逃之事者仍發回各州縣牢固監禁其離省駕遠例應道員巡歷覆勘之府州仍照例辦理

一病故人犯各督撫於秋審未經具題以前無論情實緩決概行咨部外如已經具題之後查明情實者則用單題緩決若則用專咨

一秋審實緩矜養後尾各督撫務遵定例於五月中旬具題到部如有遲至六月內者刑部照例題參

以上係乾隆四十九年酌定條款其餘各款與三十一年同是編係乾隆年間阮吾山少司寇所輯各條實緩輕重多有今昔不同之處然亦有爲現行條款所未賅載者因照原本付梓以備參考

秋審條款

職官 計一條

一 職官 俸凡文武食犯一應死罪無論罪名情節輕重俱入情實
 嘉慶四年奏定章程官犯一項必須身列外委等項不入文
 僅係頂帶榮身如肆等職銜台吉額外委等項不入文
 官階有職無任並未食俸之員有犯俱分別
 情節輕重定擬實緩人於常犯冊內辦理

火獸耳更

卷一

秋審條款

三

職官

服制計二十一條

一有關服制等項如毆死期功尊長及刃傷期親尊長並子孫妻妾奴婢過失殺祖父母父母夫家長等案係由立決改監候者俱另歸服制冊擬入情實其尊長僅令毆打卑幼輒疊毆多傷致死斬候之案嘉慶四年奏明亦歸服制辦理又刃傷期親尊長案內訊非有心干犯及誤傷者嘉慶八年始定絞候之例亦入服制冊又子孫妻妾違犯教令致祖父母父母夫抱忿自盡及逼迫期親尊長致令自盡之案嘉慶十四年奏準亦入服制冊辦理

按違犯恩養已久義父母致令自盡照親子取問如律擬絞之犯不入服制冊仍照常犯辦理嘉慶十八年直隸有改緩之案

一殘毀有服尊長死屍者應入情實不入服制冊

一誤殺期功尊長犯時不知照凡鬪者應擬緩決

火獸昇夏
卷一 秋審條款

三

服制

按盜官物等項犯時不知者亦可照辦

一毆死本宗總麻尊屬之案

不入服制冊惟道光十七年安徽省汪書容聽從父命活埋罪犯應

死總尊由立決改監候外

刃傷者向俱入實如救親情切或

致斃蔑倫尊長並情急搪抵傷輕及戳止一傷死非徒手者

雖屬刃傷亦可酌量入緩其理直手足他物傷輕者應入緩

決若鐵器傷重及他物傷多者雖釁起理直亦不應輕議緩

決再親屬重姦不重盜若毆死行竊尊長並因錢債細故而

行毆情兇傷重者俱不應率行入緩

道光年間成案火器誤斃相盜親屬入緩

按此係向辦舊章近年金刃三傷以下亦有人緩者

一毆本宗總麻尊長至篤疾之案究無人命亦與刃傷期親尊

長不同其情節略有可原者俱入緩決

一毆死外姻總麻尊長視常人只差一閒不得與本宗並論如

刃傷及他物傷多俱應該核其情傷輕重分別實緩較常鬪略

為加嚴

一 毆死同居繼父及毆死小功母舅之案應入情實如係救父救母並傷近於誤及情因抵格適傷致斃者亦可緩決

按毆死同居繼父例止斬候較本宗期功罪應斬決者不同如兩無大功親服屬期年而撫養年久恩同顯復者雖情傷較輕自多入實如兩有大功親服屬齊衰三月者即應酌量分別辦理若小功母舅母姨究與本宗小功有間如核其情節在服制中可以來簽者即應入緩

一 毆死妻父母之案如係負恩昧良逞忿行兇者應入情實其餘理直情急金刃一二傷及他物傷無損折者亦可緩決

一 因姦盜致縱容之祖父母父母翁姑被人殺死者俱入情實按致翁姑被殺者近來亦有酌緩成案

一 因姦致本夫羞忿自盡者俱入情實

一 姦夫謀故殺及拒捕致斃本夫姦婦不知情之案如事後仍與姦夫續姦或跟隨同逃俱以戀姦忘讎論並此外又致其

大清律例 秋審條款

三

服制

父兄被殺及舅釀多命者俱入情實其餘畏罪支飾不首或被姦夫恐嚇隱忍無前項戀姦忘讎情事及僅釀旁人一命無服制者均可緩決

按被逼同逃並非戀姦忘讎近年亦有緩案

一因姦殺死子女滅口之案親母無論有無子嗣入於緩決永遠監禁嫡母繼母嗣母如致夫絕嗣者俱入情實未絕嗣者入於緩決永遠監禁其嫡母繼母非理毆殺庶生及前妻之子致夫絕嗣應絞候者俱入緩決如係故殺及為己子圖占財產官職而殺嫡母緩決繼母情實例內已有明文應查例照辦

一姑抑媳同陷邪淫致斃媳命者應入情實其因姦致死伊媳滅口之案親姑嫡姑繼姑均入緩決永遠監禁

按令媳賣姦不從逼毆自盡者亦應入情實

一謀故殺期親以下卑幼及卑幼之婦各案如圖詐圖賴爭繼
爭產畏累憎嫌並因錢債田土口角細故逞兇殘殺或非理
欺陵者俱入情實若情因管教一時觸忿並死者理曲情兇
及致死爲匪玷辱祖宗卑幼者俱可緩決其毆死功總卑幼
應絞候者非情節實在慘忍不必遽行議實

一謀故殺義子並雇工及白契所買恩養未久奴婢如有圖詐
圖賴憎嫌畏累等情而殘殺及死太幼穉恩養未久者應入
情實其餘俱可緩決

一妻謀故殺妾之案如無圖詐圖賴及妒慘重情者俱可緩決
一婦女毆死夫總麻以上尊長之案理直情急或傷輕者俱可
緩決不入服

一婦女謀故殺夫卑幼之案如圖詐圖賴憎嫌畏累並細故非
理殘殺者應入情實若釁起管教及死者理曲犯尊亦可緩

決

一夫謀故殺妻之案如圖詐圖賴及圖姦他人因妻礙眼而殺逼妻賣姦不從而殺憎嫌病妻而殺並妻無大過逞忿殘殺者俱應情實其餘無前項殘忍情事或係事後圖賴者應入緩決

一僧尼及諸色匠藝人等

優伶不在內

毆死弟子之案如有因姦挾

嫌畏累等情逞忿殘殺者俱入情實其鬻起管教無殘暴重情者可以緩決

一服制以凡鬪定罪之案如毆死功總以上尊長尊屬因本犯與死者並父祖出繼降為無服又賣休買休等項妻妾毆死夫與翁姑又毆死繼母係父賣休買休之妻此等案犯定罪雖同凡鬪秋審則不可概以凡論非實在理直情輕不得輕議緩決至毆死賣休買休之妻一則會有夫妻名分一則現

有夫妻之情似應較毆死尋常婦女稍寬
一毆死外祖父母由立決改監候者應入服制冊辦理

人命 計六十六條

一各項殺人自首得免所因及強盜自首改斬監候者俱入情實

一各項立決人犯或奉

旨改監候或原情奏請改為監候者俱應情實間有情節實可矜宥

臨時酌量入緩但不宜過寬

一凡謀故殺之案俱入情實

一謀故殺人而誤殺旁人者應入情實

按如所欲殺之人本非應抵亦可原情入緩

一謀殺人傷而未死其謀已行者應入情實

一謀殺加功之案無論被逼勉從或僅幫同接按並止代為買

藥未曾下手俱應情實從前間有因被父母家長嚇逼幫按

或先代為求饒及死者係姦淫並應死罪人酌入緩決者近

來一概入實

按如死者自願畢命因而聽從加功及聽從謀殺應抵正兇等項尙可酌入緩決

一圖財害命案內應斬絞監候者俱入情實

一各項罪人拒捕殺所捕人者俱入情實

一因姦聽從姦婦同謀殺死本夫之案無論僅止代爲買藥買刀及代爲雇人幫殺並未在場下手者俱入情實

一男子拒姦無據審無起衅別情仍按謀故鬪殺定擬之案例內已載明入緩應查例照辦

一非應許捉姦之人殺死姦夫仍依謀故鬪殺定擬各案嘉慶十五年奏明果係本宗情好素密實出一時義忿並無起釁別情仍入緩決如有挾嫌訛詐等情應照尋常謀故鬪殺酌核情節分別實緩

一爲父報讎故殺國法已伸人犯之案乾隆五十八年會奉

諭旨入於緩決永遠監禁後卽纂爲定例係專指謀故殺致死伊父

正兇而言後又有因尋殺伊父正兇未遇適逢正兇兄弟卽
係彼時在場同毆伊父餘人被其惡言毒罵觸忿故殺之案
雖殺非正兇而報讎之心則一亦酌入緩決監禁爲兄報讎
殺死正兇者亦同嘉慶三年十八年俱有案

按嘉慶二十二年秋審河海
馬蔚可故殺毆死伊父遇

赦援免之餘人照
緩永遠監禁

一連斃二命之案無論一故一鬪及二命俱鬪殺並內有一命
卽係當場殺人之犯或係正餘限外身死律不應抵者俱應
入情實如內有一命係姦盜罪人兇犯有應捕之責只應核
其另斃一命之情節輕重分別實緩儻死者俱係姦盜罪人
兇犯無應捕之責或僅係追趕落河或追逐致令跌斃等項
以及其餘各案理直情輕實可矜原者亦可酌核入緩但不

宜過寬嘉慶十八年四川省有楊柱春一起係非應捉姦之人殺死姦夫姦婦二命本部查有成式可遵外實改緩奉

旨仍照實勾決

按道光十八年安徽省王守衡致斃人一家兄弟二命一係擅殺一係鬪殺傷輕外實改緩

一連斃二命之案如毆溺一人又一人因撈救溺斃者從前亦有實案惟此等一命係毆跌所致一命則非其意料似只可以另釀一命究與連斃二命者有間如另釀一命係死者之父子夫妻兄弟叔姪因非毆死一家二命仍依鬪殺絞候者自不可輕議緩決

一瘋病連斃二命之案俱入情實如內有一命不應抵者如殺死子

類之可以緩決即另斃二命俱不應抵者亦可入緩

按咸豐八年奏明因瘋致斃平人非一家二命者入於緩決

一擅殺二三命及火燒活埋者俱入緩決若至四五命以上情

節實在慘忍者亦酌擬情實

一聽糾毆斃一家二命下手傷重從犯應絞候者不論傷之多寡輕重俱入情實嘉慶十八年議覆御史高安條奏如實在被毆危急一傷適斃或死近罪人死由跌溺者酌量入緩是年四川有照緩案

一各斃一命之案從前無論情節輕重俱入情實近年則仍按其起斃之曲直兩造人數之多寡強弱無論兩造互斃二生命及致斃彼造二三命俱可分別辦理如斃起理直或當時並未在場後至攔勸或情切救親父子其毆者不在此內並身先受傷

死非徒手及金刃他物抵戳一二傷者若各兇犯俱有前項可原情節則俱可緩決若內有一二兇犯可原則分案入緩再二三命之案如兩造均係父子兄弟叔姪自應較兩造均非同姓及雖同族而非有服親屬者為重若情節尚有可原

亦可分別入緩不必因此加重概入情實償至四五命以上則斷不可輕議分案入緩矣嘉慶十八年御史嵩安奏請其毆致斃四五命以上案犯如係猝遇攔勸及猝至救親應核情節分別實緩亦經本部奏明如係猝遇攔勸幫毆斃命之犯仍照舊章入實開有情節實可矜宥者如死由跌溺或傷近失誤之類隨時酌核辦理惟救親一項如果勢在危急在一命案內例準隨本減流者酌入緩決至從前有因一犯監斃已有一抵另犯尙可從寬入緩此說究不甚妥

按如內有一命係應抵正兇或係誤殺擅殺及死由抽風或在正餘限外兇犯罪不應抵之類皆應扣除計算

一各斃一命之案有彼此鬪不同地先後鬪不同時者各就尋常鬪毆分別實緩惟廣東等省常有遇事爭鬪實係一鬪相因者卽與械鬪無異若至四命以上斷不可輕議緩決

一毆斃人命後復另釀一命亦可按其當場之起釁曲直毆情

輕重分別實緩比常鬪稍為加嚴不必盡入情實若釀至二命以上則應酌入情實

一死一傷及二三傷並另傷一人成廢之案如係情急抵禦或被傷之人係奪刀致割俱不必因此加重入實如一死而又另傷四人以上則不可輕議緩決其有起釁理直實有以寡敵眾情節可原者亦可酌量入於緩決

一毆斃人命後故殺子女圖賴卸罪者應入情實按如原犯情節酌緩如無詐賴別情亦只按其當場之鬪情輕重分別實緩成案與人鬪毆後尋釁報復遷怒於其父母毒毆致斃者應入情實

一鬪殺共毆並各項命案或父母肇釁或父母囑令毆打致斃人命父母因被毆氣忿及畏罪畏累痛悔等情自盡並非子孫犯罪致父母愁急輕生仍照本律例定擬者既不在加擬

立決之例毋庸加重辦理

一毆斃人命後或乘便攬取財物或臨時起意移屍圖詐圖賴仍按其當場鬪情輕重分別實緩

一因鬪毆而釀成重案

如厥邊

情傷雖輕俱應酌入情實

一毆斃人命後或焚屍移屍滅跡或致屍身漂沒無獲或賄囑

作作匪傷捏報或誣卸他人或狡供不認致屍遭蒸檢

此與

致屍遭蒸檢者不同並賄買項兒未成等項有一於此訊係畏罪起見

者仍按其當場鬪情輕重分別實緩儻狡供致屍一再蒸檢

又有賄囑舞弊誣賴圖卸種種狡詐情節並釀成巨案即鬪

情尙輕應酌入情實

一殺人免死赦回或在配復行殺人之案嘉慶十六年奏準儻

兩犯均係鬪殺其毆不論情節輕重概入情實如前犯鬪殺

其毆後犯擅殺戲殺誤殺及毆死妻與卑幼或前犯擅殺等

項後犯鬪殺其毆實係理直情輕者酌入緩決至前後兩犯中或有一案係竊盜等項並非殺人只按其後犯情節定擬實緩嘉慶十八年本部議復御史嵩安條奏除前後兩犯鬪殺其毆均係應緩者仍擬情實外如前後兩犯均應可矜或前犯緩決後犯應入可矜者俱酌擬緩決若前犯可矜後犯情節係例不應矜之案即不得輕議緩決

一遣軍流徒各犯在配殺人及赦回復行殺人者究與免死復犯不同無論所殺係同配罪犯或係在配在籍平人均照常鬪略為加嚴其理直傷輕無兇暴情形者俱可緩決

一尋常鬪毆殺人之案最難參酌畫一有金刃一二傷而應入實者如洞胸貫脇情有金刃過十傷而尚可緩者如身受多急及死非徒手有他物二三傷而應實者如理曲送兇鐵器死近罪人之類有他物二十餘傷而尚可緩者如受傷抵禦理直情急裂之有他物二十餘傷而尚可緩者如受傷無損折死近罪人命

之起釁情節有以索欠負欠分曲直者亦未平允如先係重
利盤剝後復強取牲畜什物抵欠則索欠者反理曲矣如窮
民尾欠無幾央緩不允被債主陵逼不堪因而抵毆致斃則
負欠者其情大有可原矣又倒地疊毆情節固重然亦不可
概入情實北方風氣剛勁其一按一毆並架至空地板倒行
毆之案不一而足儻起釁理直尙無兇殘情狀亦可酌量入
緩大約鬪殺之案或理曲情兇刃斃徒手或倒地疊毆疊扎
至死方休或死未還手肆行毒毆很砍或姦盜賭匪逞兇行
毆此等之類情無可原俱應入實其餘理直情急傷輕者入
緩無疑但係理直情急傷雖多金刃他物在內或僅止一二傷損折
穿透並僅係手足傷俱可略傷而衡情擬入緩決論傷痕鐵
器比他物爲重金刃比鐵器爲重若用大石砸壓並用竹籤
木桿等物插入耳鼻穀道致斃及雖不用器械或以毒物置

人口鼻或用鹽鹵灌入口內致斃此等之類情近於故其情節非大有可原者斷難擬緩以上各項歷年成案均不畫一總須臨時平心參核先衡情後論傷彙比辦理

一原謀共毆下手傷重之案如理曲人眾情兇傷重者多入情實若覺起理直尙無兇暴情形亦可酌入緩決

一聽糾共毆致死之案多係事不干己如黨惡兇殘刀械交加毆扎多傷死未還手者應入情實其餘以後下手擬抵並同

時共毆之人亦有重傷者罪疑惟輕本犯尙可入緩道光五年章程械鬪案內聽糾下手斃命之犯照尋常共毆謀毆之案將致斃四命以上者疑入情實若情節實可矜憫及四命以下各按情傷輕重臨時分別實緩

一尋常共毆人致死之案如非原謀亦非聽糾係覺起一時並無心撞遇拉勸幫護因而爭毆須看兩造之人數多寡強弱傷之多少輕重共毆之是否同時此造之有無受傷一一詳

核比較至於理之曲直竟可不必深論如死者先被餘人毆傷兇犯未曾目覩迨後經見幫毆傷痕無多只應就本傷論或兇犯先毆數傷卽行歇手餘人後復幫毆非其所及知或兇手及餘人身受多傷或死者持有刀械毆由抵禦勢非得已或餘人亦有致命重傷以該犯後下手並比較分寸擬抵或義忿激於眾怒或死類棍徒本不足惜如此等類既有可原可疑情節均應緩決若同時刀械交加鱗傷遍體並數人接按一人毒毆傷多或目覩餘人已攢毆多傷而又肆加毆砍傷痕獨重以及倒地疊毆死係徒手死未還手情節種種兇橫者俱應入情實

一套拉斃命之案多近失誤如無兇橫情節可緩

一尋常其毆之案定案時其毆傷輕之餘人有病故者亦屬命有一抵雖正兇情傷略重亦可酌量入緩

一亂毆不知先後輕重罪坐初鬪及原謀未動手罪坐原謀之案皆罪疑惟輕俱應緩決如原謀首先下手情勢兇暴並原謀而又當場喝令者應入情實

按若首先下手傷輕或僅止聲稱毆打並無喝逼攢毆重情亦可酌量入緩

一威力主使毆人致死之案較凡鬪爲重如覺起理直傷亦不多無恃強兇暴情形者可以緩決

一威力制縛人拷打致死之案較之威力主使尤重如挾嫌藉事拷打或非刑陵虐或妄拷平人一切兇暴不法情節俱入情實其餘覺起理直並疑竊有因及制縛而未拷打或邂逅傷輕致斃者亦可緩決

一弩箭殺人照鬪殺者應入情實

一凡火器殺人之案無論疑賊誤殺因鬪誤殺俱入情實間有情切救親及無心點放如被死者追逐亦可酌入緩決嘉慶

十八年本部奏明嗣後火器殺人之案一概入實其間有情節實屬可原之案於

黃冊內詳為聲敘惟無心點放照鬪殺定擬者入緩嗣於道光三年及十九年奏明火器捕賊誤殺及當場致斃應抵正兇並未經報部巡役致斃鹽匪之類酌入緩決

一屏去人服食致死之案如情節不甚兇暴者亦酌量擬緩

一以他物置人耳鼻孔竅致死情同謀故者應入情實

按如係比照定擬情有可原者亦酌擬入緩

一尋常鬪殺案內用熱水燙潑致斃者亦可核其情節分別實緩此等情傷較慘如係伏暑時候有心用滾水澆淋連片傷

多者不可輕議緩決

按燙傷致斃之案歷年入緩者多蓋湯火雖與金刃同科究不若金刃之立斃人命苟情節稍有可原即應入緩

一金刃傷穿透之案如係胸前透脊背或肚腹透腰眼或左脇

透右脇及一切要害致命處所穿透者皆情兇近故應入情實儻理直情急受傷回抵僅止一二傷或死者撲攏勢猛收手不及之案雖至洞胸貫脇亦可緩決其餘腿腳胎膊等處穿透者亦照尋常鬪殺傷痕分別實緩

一扳倒割筋剜眼致斃人命之案多人情實如釁起理直死非善類並情節不甚兇殘意止欲令成廢者亦可緩決

一旂人殺死旂人之案從前俱入情實嘉慶八年本部奏明照民人鬪毆一律分別情傷輕重定擬實緩

一致斃老人幼孩之案有欺陵情狀者應入情實如事本理直傷由抵禦及手足他物傷輕並金刃一二傷情輕者亦可緩決

一聽從伊妻謀死前夫子女仍同凡論擬絞及毆殺案內傷多情慘死太幼穉者俱應情實

一十五歲以下幼孩殺人之案除謀故等項應入情實外如係
鬪殺必實有兇暴情節傷多近故無一可原及死更幼穉死
係雙瞽篤疾理曲欺陵疊毆多傷者方入情實餘俱緩決至
老人殺人有彼此強弱不同如以弱敵強雖傷多亦可緩決
若犯本強健而死者懦弱衰邁或係幼孩篤疾輒肆行疊毆
情傷俱重者自應入實其謀故殺等項亦與凡人同

一致斃婦女之案如恃強欺陵情兇傷重及他物疊毆七八傷
以上金刃四五傷以上者俱應入情實其尋常互鬪理直情
輕者可以緩決

一毆死祖妾父妾仍分別有無子女及是否年老並情傷輕重
酌定實緩 較兄妻尤應加嚴

一致斃兄妻之案律以凡論亦與致斃尋常婦女一律分別實
緩略為加嚴至弟妻究與兄妻有間應同尋常婦女論

一 毆死雙瞽篤疾及病人之案情傷稍重者多入情實如理直傷輕亦可緩決至篤疾殺人稍有可原情節卽入緩決

一 僧人毆斃人命之案向多以其犯殺戒入實如理直傷輕者亦可緩決若犯姦而又犯殺則不可輕議緩決

一 姦匪竊匪致斃人命之案如係爭贓爭姦毆截傷多者俱應入情實其餘鬪非因姦因盜係尋常口角爭毆或係死者懷妬忿爭等類情急傷輕者亦可緩決至姦匪毆死縱姦本夫一項死者亦屬無耻如非因姦起鬪亦可與常鬪一律辦理

一 續姦不遂毆死悔過拒絕之姦婦者應入情實如死者並非悔過拒絕因他故不允續姦而殺及非因姦起鬪致斃姦婦者照尋常毆斃婦女之案略爲加嚴

一 乞丐斃命並賭匪致斃賭匪之案俱照常鬪分別實緩若賭匪因賭起鬪致斃平人應略爲加嚴

一奴婢毆死良人仍照常鬪核其情節分別實緩

一乳母悶死幼孩之案例無明文定案俱照乾隆二十六年

諭旨擬絞致雇主絕嗣者情實未絕嗣者緩決五十九年奉

旨嗣後遇有此等案件訊係獨子致其家絕嗣者即係出於無心亦

應入於秋審情實

一回民毆斃人命之案如結夥持械情兇傷重者俱應入情實

若僅係尋常鬪毆不必加重

一平人致斃番民及番民致斃平人俱照常鬪分別實緩

一兵丁差役糧船水手毆斃人命之案如索詐索賄倚勢滋事

情節兇暴者俱應入實其餘亦照常鬪分別實緩

一毆斃兵丁差役之案如情同拒捕者俱應入實其餘亦照常

鬪分別實緩

一在押人犯毆斃人命仍核其本案情傷輕重分別實緩

一部民毆本管官折傷刃傷者俱擬情實其非本管官以凡鬪論之案如死者理曲自取陵辱情傷俱輕者可以緩決餘俱入實

一官司差人追徵錢糧勾攝公事抗拒不服毆差致死之案原以該犯非有罪之人故不以拒捕殺人論秋審亦當分別情傷以定實緩

1-055

24

无 奇 車 日 三
一

1

--	--	--	--	--	--	--	--	--	--	--	--	--	--	--	--	--	--	--	--

姦盜搶竊 計六十七條

一姦職官妻者姦夫姦婦俱入情實如姦婦係再醮者將姦婦入緩至姦夫係平人姦婦亦係再醮則姦夫似亦可酌緩
一輪姦為從及強姦已成無論曾否傷人並誘姦幼女幼童雖和同強之案俱應入情實若冒姦已成之案究與強姦不同可以緩決

一因盜而強姦未成者應入情實

一因姦因盜威逼人致死者俱入情實道光四年奏定章程竊盜威逼人致死斬候之案其燒斃事主一命及二命而非一家者酌入緩決至燒斃事主一家二命及三命而非一家者入於情實

一因姦盜毆斃無辜平人情傷較重者應入情實

一語言調戲致婦女及良人子弟羞忿自盡並污蔑姦情致婦女忿激自盡者俱應入情實

按語言調戲致本婦羞忿自盡之案如無手足勾引情狀向俱於

黃冊內聲敘俱蒙恩免勾情實一次後改入緩決

一與夫兄弟通姦者應入情實如始終俱係被逼無奈亦可酌議緩決

一穢語村辱婦女致令輕生又致其夫痛妻自盡者例內載明入緩應遵照辦理

一男子被調戲羞忿自盡比照強姦未成或比照本婦羞忿自盡例定擬僅止空言調戲者可緩

一兄收弟妻弟收兄妻之案自乾隆五十九年奉

旨由父母主婚者男女應擬絞候定例後俱擬情實近年由父母主

婚男女勉從並無先行通姦情事因例有核其情節另行定

擬之文以鄉愚不知例禁原情擬緩將來自可照辦

一誣執夫兄欺姦者應入情實

一 姦夫圖脫拒捕刃傷折傷者亦與竊盜圖脫拒捕一律分別實緩特不以姦所加重如係強姦輪姦未成因而拒捕刃傷者應入情實

一 強姦未成刃傷本婦者俱入情實

一 因姦拒傷捕人案內或致姦婦被殺或致姦婦自盡其犯姦本罪律止擬徒者仍核其拒捕情形分別實緩不必加重

一 姦夫擬抵之案如係姦通有服親屬有關內亂在外姻不並憎

人犯姦者俱應入情實餘俱緩決

一 圖財強賣疏遠親屬如圖吞產業以致釀命或強嫁孀婦與人為妻妾致被姦汚者俱應入實若僅圖財禮尚未釀命及被賣之人未被姦汚者可以緩決

一 誘拐略賣人口被誘之人不知情案件如被誘之人尚無下落或誘拐二三案同時並發內有一人尚無下落並拐回姦

秋審條款

姦盜搶竊

宿暨轉賣爲娼及拐逃不從而毆迫者俱應入情實如無前項情節雖誘拐多次被拐之人均已給親完聚俱可緩決

按道光十九年奏明如僅有下落尙未給親完聚者人緩監禁十年方準減等

一略賣因而殺人或致令被殺者俱應情實

一誘拐致其人親屬白盡之案有仍照誘拐不知情擬絞者有照略賣殺人擬斬者俱應情實

一強奪良家婦女姦占爲妻妾之案如本婦先經願嫁從中被人阻撓該犯搶回姦污者酌入緩決若無前項可原情節係毆逼成姦者則入情實

一夥眾搶奪婦女爲從及搶奪路行婦女爲從之案道光五年奏定章程聚眾夥謀搶奪婦女已成案內從犯如業經入室或雖未入室而事後姦污或幫同架拉或夥搶不止一次或被搶數至三人或係致釀人命案內幫同逼迫之犯或係拒

捕殺人案內在場助勢之犯或本犯自行拒捕傷人或由本
 犯領賣致被搶之人尙無下落者擬入情實其無前項情事
 擬入緩決至聚眾搶奪路行婦女已成之從犯則以曾否動
 手爲斷但經動手搶奪之犯均入情實其未動手搶奪而有
 姦污及前項情事亦入情實如無前項情事擬入緩決

按其並非夥眾搶奪強賣首犯如無實實在可原情節無論曾否被污俱入情實

一川匪攔搶案內無論殺人傷人爲首爲從應入情實

一聚眾搶奪婦女未成爲首擬絞之犯應酌入情實

一搶奪逾貫雖未至五百兩俱應情實如係一人乘間搶奪而

無兇暴情狀者可以緩決

一搶奪有服親屬計贓逾貫及先經借貸不遂糾搶有因者可

入緩決

一搶奪拒捕刃傷及折傷無論傷之多寡輕重俱應入情實

次款耳夏 卷一 秋審條款

七

姦盜搶奪

按近年如被扭圖脫情急刃
劃一二傷者亦可酌入緩決

一竊賊滿貫之案乾隆五十七年本部堂官面奉

諭旨賊逾五百兩者情實未至五百兩者緩決

按奏定計贓章程係以制錢一千作銀一兩近年行使大
錢銀價較前昂貴數倍如以錢一千作銀一兩計贓雖逾
五百兩而按犯事時以錢場銀價值實不及五百兩者仍
於

黃冊聲明以冀邀

恩免勾或豐十年趙大同治四年閏兆登有免勾案

一行竊庫銀餉鞘為首並糾竊衙署官物計贓逾貫雖未至五

百兩俱應入實 行劫官帑在外瞭
望接贓從犯並同

一行竊官員公寓逾貫究與行竊衙署不同未至五百兩仍入

緩決

一用藥迷竊未得財者例應情實

一竊賊滿貫未至五百兩有持刀嚇禁事主跡近於強者應入

情實

一竊賊滿貫未至五百兩此外另有圖脫拒捕或將事主推跌
或他物一二傷情節不甚兇暴者俱屬輕罪仍以未至五百
兩入緩

一竊賊逾五百兩從犯因三犯擬絞者仍入緩決

一糾竊未至五百兩而夥賊臨時行強該犯仍照滿貫擬絞者
亦可緩決

一竊賊二三次滿貫同時並發及積匪行竊一次逾貫俱未至
五百兩者可入緩決

一窩竊滿貫之案例係併賊論罪俱應情實若係暫時窩竊非
同積匪巨窩者亦可酌入緩決

一前犯竊賊滿貫及三犯擬絞免死減釋或在配復行竊滿貫
及三犯擬絞之案又前後兩犯均係刃傷事主或前犯刃傷
事主後犯滿貫及三犯或前犯滿貫及三犯後犯刃傷事主

此等均係怙惡不悛雖賊未至五百兩刃傷止一二處俱應入情實

一竊盜得免併計後三犯計贓擬絞免死減釋或在配復犯竊計贓五十兩以上仍以三犯擬絞之案與竊盜免死復竊三犯者不同可入緩決

一因竊問擬遣軍流徒赦回並別項遣軍流徒赦回復行竊逾貫或至三犯及刃傷事主者仍按贓數及刃傷多寡辦理不必加重

一跟蹤行竊逾貫之案從前不問是否贓逾五百兩俱入情實嘉慶十六年奏準如獨自起意及僅止一二人暫時跟隨乘便攫取者仍與尋常鼠竊一體分別實緩若糾眾已至三人或假扮客商晝則同行夜則同住志在必得但經滿貫雖未至五百兩亦入情實

一夥眾丟包行竊例應照搶奪定罪之案但經逾貫雖未至五百兩俱應情實如係潛蹤掉竊並非公然攫取應照竊盜辦理者嘉慶十六年奏準仍與尋常鼠竊以是否贓逾五百兩分別實緩其有跟蹤情事者亦照跟蹤行竊例分別跟蹤久暫夥犯多寡辦理

一船戶車夫店家有主客相依之義但經行竊逾貫雖未至五百兩實屬爲害商旅俱應入實如係船上水手店內雇工及一切挑腳人等乘間鼠竊贓未至五百兩若有勾引外人夥竊情事者入實餘俱緩決

一船戶等項盜賣客貨逾貫雖贓未至五百兩俱應情實如蓄計盜賣故意將船撞破及有心放火燒燬房屋船隻車輛者其用心最爲險毒入實無疑若實係遭風失火乘間盜賣客貨從前間有緩案近來亦多人實

才詞事三
一
一奴婢行竊主財逾貫未至五百兩如係負恩勾引外賊肆竊者應入情實其一人乘閒鼠竊可以緩決至雇工長隨及兵役水火夫人等行竊本主本管官財物逾貫亦照此分別實緩

一竊盜臨時盜所拒捕刃傷事主俱入情實亦間有因止刃割一傷入緩之案查此項情節亦有不同如一聞事主聲喊卽持刃相向情近於強雖止一割傷自應入實若實係被拉被抱劃由圖脫與逃後被追圖脫者事異而情同例予斬候已
有區分似可酌量入緩

一竊賊已離盜所拒捕刃傷事主嘉慶八年奏準如被拉圖脫雖三傷俱問緩決歷年來凡護賊護夥情同格鬪者入實其餘無前項情形實係圖脫情急刃戳止二三傷者俱入緩決
內割傷他物傷不算若金刃戳扎三傷以上者仍入情實又被追而未

被獲無急情可原輒糾夥轉身迎拒情勢兇橫者雖僅金刃

一二傷亦不可輕議緩決

一竊賊圖脫拒捕致斃事主無論情傷輕重俱入情實

一竊賊圖脫拒捕除他物另傷一人不計外如刃傷事主至二

人者雖僅止一二傷俱入情實若二人內有一劃傷及二人

俱係劃傷者尙可酌入緩決

一竊賊圖脫拒捕僅止金刃一二傷亦無兇暴情形此外或事

主追逐自行跌斃者亦可緩決

一竊賊圖脫拒捕他物毆傷事主至廢疾篤疾者較刃傷平復

爲重俱應入實若折傷平復僅止骨節參差或斷一指折一

齒事主不致貽累終身者亦可緩決

按若盜田野穀麥等類與實犯竊盜不同雖拒捕至廢疾亦

李復與兩案均奏明改緩

火審錄

盜盜盜

一兩賊同時拒一事主及各自拒傷事主各科各罪如實係圖脫情急無彼此護夥兇橫情節金刃未至三傷以上者亦可緩決

一竊賊兩次刃傷事主同時並發雖各止一二傷亦入情實

一竊賊刃傷事主間拏畏懼將原贓送還除確有證據者依例減流外若係一面之詞別無證佐仍擬絞候者照例入於緩決

一搶竊殺人爲從幫毆之犯自乾隆四十六年定例不分他物金刃俱擬絞候以後俱入情實嘉慶六年新例金刃及他物折傷者擬絞傷非金刃未至折傷者擬遣其例前定案之犯於秋審上班後奏明刃傷及他物折傷者情實他物未致折傷者緩決八年四川馮大湧一起係竊匪圖脫拒捕僅止刃劃一傷另他物三傷曾經奏明入緩嗣後此等從犯係竊案

圖脫一傷甚輕無護賊護夥及倚眾兇暴別情俱入緩決

按倉奪殺人從犯情急圖脫刃劃一二傷與首犯拒不同場定案時照為從問擬者亦可原情入緩

一親屬相盜拒斃捕人仍依鬪殺絞候者應入情實

按此指無服親屬而言若有服親屬相盜拒殺卑幼定案時依毆殺卑幼律擬絞者不在此例

一竊賊冒捕嚇詐拷斃竊賊者應入情實

一回民糾夥三人以上行竊逾貫雖未至五百兩俱入情實如

糾夥未及三人或雖糾夥三人並未執持兇器賊亦未至五

百兩者似亦應酌予緩決

按如三人內有一民人即不以三人論至回民結夥行竊刃傷事主之案仍照尋常竊盜一體分別辦理

一回民行竊窩竊發遣在逃行竊計賊逾貫及行竊時另犯應

死罪名者秋審概入情實

一蒙古搶奪傷人照蒙古例擬絞之案如傷非金刃傷輕平復

在刑例罪止擬軍者可以緩決若傷係金刃在刑例罪應擬

斬者自難概寬

一蒙古搶劫什物未傷人及搶奪十人以上並計贓逾貫為從者俱入緩決

一偷竊蒙古四項牲畜三十匹以上不分首從俱入情實二十匹及十匹以上為首入實其二十匹以上從犯入於緩決例內已有明文至內地民人盜牛二十隻以上定例以有妨農

務不論贓數擬以絞候原較凡盜為重如秋審再入情實則較之盜尋常馬匹等項輕重大相懸遠似應入於緩決

道光二年

新例三十匹以上為首情實為從緩決搶奪牲畜十匹以上為首擬斬為從擬絞核其情節分別實緩

一竊賊發塚開棺見屍剝取屍衣及盜未殯未埋屍棺三次者俱應情實此例重在見屍如因屍衣腐爛無存及剝衣未得被人撞遇逃逸者亦入情實

一貪圖吉壤發塚致壞人屍棺骸罐者亦以見屍科罪應入情

實如係山地被人盜埋盜葬及心疑盜葬出於有因而發塚壞人屍棺骸罐者亦可酌入緩決

一發塚三次為從僅止在外瞭望者緩決若幫同開棺及為從至三次以上情實例內已有明文其盜未殞未埋屍棺為從三次以上應絞候者如僅止在外瞭望亦可酌入緩決

按同治五年新章發塚開棺見屍為從幫同下手者不論次數俱入情實在外瞭望一二次者入於緩決三次及三次以上者入於情實發塚見棺銛縫鑿孔為從幫同下手三次及三次以上者入於情實一入於情實一二次入於緩決在望六次者入於情實一入於情實一二次入於緩決在次至五次者入於緩決

一指稱旱魃刨墳毀屍為首如有挾讎洩忿情事例應入實訊無嫌隙者緩決

一殺死搶竊族人例不照擅殺科斷仍依謀故鬪殺定擬之案道光七年本部題覆福建馬幅周案內聲明若拘於謀故殺人向係入實之例概擬情實未免向隅請酌入緩決通行在

案嗣後如犯係雇工人及兄弟妻之類定案因係親屬相盜不照擅殺科斷者雖案係謀殺亦俱遵照入緩

一行竊遺落火煤不期將事主燒斃照因盜威逼人致死問擬斬候之例係道光三年纂定原奏聲明遺火燒斃一命及二命而非一家者酌入緩決燒斃一家二命及三命非一家者入於情實迨道光四年纂修條例時復聲明秋審案件應候臨時酌核辦理毋庸將入於情實緩決之處纂入例內查此項竊賊遺火事出無心遇有燒斃一命者自可酌入緩決若至二命以上則死者之情較慘似不應率行人緩竊刺事主凍斃本犯投首免因照屏去人服食致死擬殺者亦開有酌緩成案

雜項計三十四條

一偽造印信如冒支錢糧及誑騙得財俱應入實其餘誑騙未成者尚可入緩

一買受偽劄詐假官者應入情實如假官並未造有憑劄罪係計贓從重加入絞候可以緩決

一私鑄錢十千以上及為從工匠人等應擬死罪者俱入情實

按私鑄一條咸豐四年七月初十日奉旨嗣後私鑄當百以下大錢人犯如係首及匠人數在十千以上或未及十千而私鑄不止一次者即於斬候罪上請旨即行正法如私鑄僅止一次為數又在十千以下著定為斬監候入於秋審情實等因欽此通行在案

一左道惑眾及邪教為從者俱入情實

一邪術醫病致斃人命者應入情實

一光棍為從者應入情實

一投遞匿名揭帖者應入情實

一誣告叛逆被誣之人未決者應欽遵嘉慶二十一年蔣伯能案內

諭旨入實

一誣告人致死並致死其有服親屬之案如挾嫌圖詐或假捏姦贓或事犯到官誣扳平人或唆賊硬證或賄差妄拏圖洩私忿累斃無辜及拖斃案外一二命者俱應入情實其餘如因事本可疑一時誤認死由追拏跌溺並非被逼自盡及死者本非善類無前項刁惡慘毒情形者尙可酌入緩決

一童穉無知誣告人因而致死之案嘉慶十五年奉有

諭旨入於緩決設有案犯相同者均照此辦理

一挾嫌誣告謀命致屍遭蒸檢之案無論係平人尊長之屍俱應入實如起釁本因妄疑並未固執求驗或原檢傷痕本有遺漏錯誤及蒸檢卑幼之屍無實在狡詐切惡情節尙可酌

入緩決

一刁徒憑空訛詐釀命之案係嘉慶九年本部條奏新例以其究與在官人役不同有拷打者斬候入實無拷打者絞候入緩嗣本部十年纂例時又奏明無拷打者仍分別情節輕重以定實緩歷年秋審如釀至二命及串差倚勢並假捏姦賊一切刁惡兇橫者情實其餘情有可原者俱入緩決

一誣良爲竊逼斃人命者應入情實其事出有因並非有心誣捏及死本舊匪者可以緩決

一捕役私拷嚇詐致斃人命者應入情實

按如事出因公無圖詐邀功情事又死非無辜者雖擬斬亦有緩案

一蠹役詐贓致斃人命不論贓數多寡已未入手俱入情實

一假差嚇詐致被詐之人自盡或拷打致死或忿爭毆殺者應

入情實

按如本係舊匪或並非無辜死由自盡者可以酌緩

一差役釀命比照誣告致死及一切比照此例定擬之案如挾嫌圖賴及嚇逼詐財致斃無辜者俱應情實其餘妄疑誤聽事出有因並死本舊匪者亦可緩決

一強盜免死發遣在配犯該徒罪以上者應入情實如非怙惡逞兇若後犯係擅殺罪人之類及尋常遣犯在配犯該軍流以上擬絞之犯果無別項不法情事者可以酌入緩決

一賄買案外之人頂兇已成者應入情實如係案內餘人代認重罪頂兇之犯應照正兇減一等治罪者本犯僅止避重就輕尚非脫然事外可以緩決

按頂兇之案行賄者不論原犯輕重俱入情實受賄者不論論贓數多寡如致本犯遠颺無獲者自應入實如本犯已獲擬以實抵者頂兇之犯可以緩決

一監犯越獄如糾夥三人以上原犯斬絞監候俱改立決原犯

軍流俱改絞監候爲首入實爲從入緩原犯徒罪爲首改絞候入緩若僅止一二人乘間脫逃原犯斬絞監候應情實者卽行立決應緩決者卽入情實原犯軍流爲首改絞候入緩例內已有明文應查例照辦遣犯越獄照軍流辦理

一斬絞等犯因變逸出被獲並非起意越獄仍照原擬者仍核其本案情節分別實緩
一殺人在逃年久始行就獲之案既非例內所指應行正法條款仍依本例監候只照尋常鬪殺分別實緩不必因此加重
一犯一應死罪事發在逃復犯死罪者應入情實若逃後犯軍流等罪或先犯軍流後犯死罪本案及另犯俱情輕者可以緩決

一鹽梟拒捕傷人案內首從各犯罪應斬絞者俱應入實
一聚眾奪犯傷差者應入情實未傷差者例係由流加入絞候

可以緩決如另有不法重情及數至十人以上雖未傷差亦入情實

一犯罪事發官司差人拘捕因而逞兇殺死捕役為首者斬決為從者原例止於發遣嘉慶十一年本部條奏為從者不論手足他物金刃俱擬絞候例係由輕加重歷年秋審從犯幫毆刃傷折傷者俱入情實他物傷輕者亦可緩決

一犯罪事發官司差人持崇狗捕毆差成廢之案當酌量有無兇橫情節分別實緩道光二十二年山東孟傳忠實奉天聶成張老若若毆所捕人至篤疾者應入情實張老若么緩

一挾嫌放火之案俱入情實如誤燒他人者亦可酌擬緩決

一圖財放火未延燒之案俱入情實

一伏草捉人勒贖者俱入情實

一疏縱罪囚如係得贓賣放無獲者應入情實其餘一時疏忽

並無受賄及逃犯已經拏獲者可以緩決

一枉法贓實犯死罪者應入情實

按須執法之人方是或係在官人役亦不可輕議緩決

一結拜弟兄未至四十人年少居首並無歃血焚表等情罪應絞候者俱入情實

一雇工刃傷家長及家長長期親總以名分爲重多人情實如實在被毆被揪理直情急圖脫傷由失誤者可以緩決

按奴僕毆傷家長長期親問擬斬候之案起畔非有可原不得議緩至雇工人毆家長至折傷問擬絞候之案究與奴僕有開仍可酌量入緩

矜緩比較 計十六條

一 毆故殺詈罵及頂撞翁姑不孝有據之妻 以屍翁姑及屍親人等到案有供爲

據向俱問擬可矜減二等發落嘉慶四年奉

諭旨故殺妻可矜之案毋庸再減一等歷年欽遵辦理如係毆死仍

再減一等至妻犯姦並未縱容及毆夫成傷者如無謀故慘

殺重情亦可入矜但不得與毆死不孝之妻減二等辦理

一例載救親情切傷止一二處秋審應入可矜等語向來救親

之案如父母已受傷跌地復被騎壓按毆實係事在危急例

得隨本減流其情切救護勢非危急仍照本律擬絞者應入

可矜儻所毆已至三傷或父母僅被拉抱並未被毆或鬻雖

救護死者業已歇手向兇犯毆打即屬互鬪或本係兇手理

曲肇釁累父母被毆已復逞兇斃命或父子共毆或各斃一

命此等情節俱無可矜只應緩決

按咸豐九年新章救親斃命之案除父母主令子孫將人毆死或先與人尋衅其子踵至助勢共毆斃命或犯親卑曲肇衅累父母受傷應已復逞兇斃命各案雖死係犯親卑幼等外若業經受前項情節確因救親起衅各案如死及有犯親本宗外並無前項情節確因救親起衅各案如死及有受傷親本宗外並無前項情節確因救親起衅各案如死及有無互鬪情形定案時仍照本例定擬援引孟傳冉案內欽

諭旨 旨定 奪其非親卑幼兇犯因見父母受傷救護起衅者不論

傷痕多寡是與否互鬪傷之案應仍分別是事在危急傷痕多寡及是與否互鬪傷之案應仍分別是事在危急傷痕均仍照本律不得援引為例

一被拉並未還手同跌落河落崖兇犯幸而得生之案應入可

矜如互拉致跌已有鬪情並理曲肇釁者俱仍緩決

一鬪殺之案如被揪被推並未還手死由自行栽跌或痰壅致

斃及因恐其栽跌向拉致令碰磕實無鬪毆情形者俱應酌

入可矜

諭旨監禁數年以消其桀驁之氣

一十五歲以下幼孩殺人之案如死者年長四歲以上恃長欺陵理曲逞兇力不能敵回抵適傷者酌擬可矜儻死亦幼孩應遵乾隆四十四年貴州劉縻子毆死李子相案內所奉

一戲殺並誤殺旁人及誤殺其人功總以下親屬例得一次減流不必入矜

按如擅殺而誤殺因死係其人之祖父等項親屬不得一次減流者仍酌入可矜

一擅殺姦夫姦婦及圖姦罪人之案本部嘉慶八年奏明捉姦實由義忿審無謀故重情擬入可矜歷年來如本夫本婦父母與有服親屬例得捉姦者無論登時事後傷之多寡輕重均以義忿入矜若謀故殺並殺死應抵二命及非應捉姦之外人聽從本夫親屬糾往無義忿可言俱應緩決至死係強嫁搶賣誘拐罪人亦一體分別辦理

火獸耳耳

卷一 秋審條款

矣

矜緩比較

按道光二十二年新章擅殺罪人案件除謀故並火器殺
人連斃二命均應絞抵及各斃各命致斃彼造四命以上
者均俟緩決三次後再行查辦減流餘俱緩決
次後即行減等毋庸擬入可矜近來俱遵照辦理

一母犯姦拒絕姦夫復登門尋釁其子一時忿激拒毆致斃者
應入可矜照免死減等例再減一等發落例有明文應遵例

辦理

按雖係謀故亦與謀故殺別項姦匪不同
不在奏明三次減流之限當仍酌入可矜

一男子拒姦殺人照擅殺律擬絞候之案如無謀故別情應入

可矜其先被雞姦悔過拒絕復被逼姦
而殺者因和姦在先止可入緩

一擅殺搶竊罪人之案嘉慶四年奉

諭旨死者雖拔刀拒捕並未受傷不得謂之拒捕有據迨本部於八

年奏明毆死拒捕成傷賊匪者擬入可矜歷年無論兇犯及

同捕之人被拒受傷均以拒捕有據入矜若謀故殺及拒捕

無據並所殺非下手拒捕之人及火器擅殺或殺死應抵二

命俱仍緩決至差役擅殺亦循照分別辦理

一除姦盜罪人外其餘各項擅殺如死者拒捕成傷有據亦可

倣照殺賊之例酌擬可矜

一篤疾殺人之案如釁起理直回毆適斃者應入可矜

一救親毆死有服卑幼之案無論是否互鬪概入可矜

一毆致命而非重傷越八九日因風身死者概入可矜越七日

於案其非致命又非重傷越四日因風身死者亦同

一老人幼孩擅殺竊賊雖未拒捕成傷亦應酌入可矜

一擅殺威逼及其毆致死本犯父母案內

國法未伸之餘人此等情切天倫較之別項擅殺更可矜原如無

謀故重情應入可矜

附通行二則

一夥盜被獲供出首盜逃所拏獲者係曾經傷人傷輕平復擬斬之犯人於緩決其首盜供獲夥盜及夥盜供獲夥盜擬斬者核其情節分別實緩光緒五年五月二十六日奏准

一功服以下尊長聽從外人圖財謀殺十歲以下卑幼下手加功卽照光緒五年九月二十四日欽奉

諭旨

按平人謀殺加功律問擬絞候入實其期親尊長圖財聽從外人謀殺十歲以下卑幼亦照此問擬絞候惟服制較近秋審

斟酌辦理光緒五年十月二十六日奏准

天
車
長
分

一

秋讞輯要卷二

目錄

職官門成案 計三起

職官威力主使毆人致死

詹啟綸

職官為父復讎謀殺寄籍本管知府

楊汝楫

佐領臨陣先退

榮廉

服制門成案 計三十八起

救親情切毆死胞叔

安幅濬

迫于母命毆死罪犯應死胞兄

郭添任

因瘋刃傷期親叔母平復

張小愷兒

被小功兄揪毆掙脫致令追跌落河身死

田萬愷

誤傷小功叔母身死

李大碌

因瘋刃傷母平復

趙雙注

口角致夫氣忿自縊

徐氏

出嫁之女違犯教令被毆逃跑致母追跌內損身死

黃氏

媳違犯教令致姑抱忿自縊

嚴氏

救護放鎗誤傷義父身死

劉安輜

致傷總麻服兄身死

呂橙娃

致傷總麻服叔身死

董香波

毆傷母舅身死

劉錫彬

扎傷妻父身死

趙添菁

扎傷妻父身死

燕汶木

女因姦致縱容之母被父故殺身死

趙常兒

女因姦致父被姦夫謀殺身死

李氏

因姦致夫羞忿自縊

趙氏

因姦致姑羞忿自縊

李氏

因姦致姦夫謀殺本夫身死姦婦並不知情

蒙氏

因姦致姦夫謀殺本夫身死姦婦並不知情

張氏

因姦商同姦夫謀殺親子身死

趙氏

因姦聽從姦夫謀殺子媳身死下手加功

杜氏

因姦聽從姦婦謀殺子媳身死下手加功

梁憬荏

逼媳賣姦不從謀殺身死

明尙蕙

因讎隙謀斃年甫十二歲胞姪女

劉庭選

銃傷小功服弟身死

曹始綾

故殺小功服弟身死

朱阿才

聽從圖財謀殺小功服姪身死下手加功

李金木

故殺為匪小功服姪身死

郭青漢

謀殺女壻身死凡人加功

楊鈺松

故殺女婿身死

王得平

故殺義子身死

苟伍韋

毆傷夫總麻服兄身死

張氏

故殺夫胞姪身死

方氏

謀殺妻身死

林椿藻

故殺妻身死

陳泳汰

故殺妻身死

李先苟

秋讞輯要卷二

職官門成案

職官威力主使毆人致死

江蘇江都縣案

一起詹啟綸威力主使毆傷胡士禮身死一案將詹啟綸依律擬絞等因具奏奉

旨

刑部議奏欽此該臣等議得詹啟綸籍隸湖北寄住江蘇與胡

士禮同鄉無嫌詹啟綸係前任徐州鎮總兵曾與胡士禮族兄胡士容夥開棧房未立合同言明獲利均分胡士禮在棧幫夥旋因折本歇業嗣胡士禮並胡士容向詹啟綸借銀二千一百五十兩二分起息立有字據胡士禮又向詹啟綸取用銀二百五十兩詹啟綸仍指為借項胡士禮則以為還棧房虧款未經算清光緒元年四月閒胡士禮聲言詹啟綸尚虧欠銀七千餘兩詹啟綸答稱棧房係與胡士容合夥並無

職官門成案

詹啟綸

胡士禮股分何從欠銀未肯認還經人處令再借給胡士禮銀二三百兩詹啟綸推緩各散嗣詹啟綸回籍胡士禮至詹啟綸家索銀詹啟綸家管事人捐納監生羅衡慶代給洋銀四十圓胡士禮之妻王氏又至詹啟綸家吵鬧經人勸回詹啟綸回歸聞知生氣五月二十八日詹啟綸令羅衡慶同伊族人詹汶炳並代伊收租之保舉守備劉占魁邀胡士禮至家算帳彼此爭吵詹啟綸喝令毆打聲稱將來有事有伊承當經在彼作工之高沅將胡士禮抱住劉占魁揪住髮辮羅衡慶抓住胳膊詹汶炳拏馬鞭毆傷其胸膛左後肋臍肚左右乳連左右肋踢傷左臙肋鬆手倒地移時殞命詹汶炳用洋煙填入屍口裝成服毒情形各逃報縣詣驗伴作李洪至詹啟綸家受不識姓名人洋銀三十圓驗作服毒身死屍親人等不服將李洪拉走會同覆驗明確並將羅衡慶劉占魁

高沅等緝獲審明詹啟綸堅不承認奏請刑訊供認不諱查胡士禮係詹汶炳下手傷重惟詹汶炳係聽從詹啟綸主使應以詹啟綸爲首擬抵除李洪依故出人絞罪律擬流係知法犯法加等擬軍羅衡慶等擬杖詹汶炳緝獲另結外詹啟綸合依威力主使毆打人致死以主使之人爲首絞律擬絞監候秋後處決等因具奏詹啟綸希圖卸罪砌詞遣抱來京控經都察院奏奉

旨飭交兩江總督沈葆楨覆審究出詹啟綸與胡士禮等夥開棧房詹啟綸並非出有實在本錢係胡士禮等藉伊營頭聲勢迫歇業結帳謂詹啟綸應還七千餘金亦屬空言並未堅索嗣胡士禮等向借二千餘金詹啟綸所給係屬廢票胡士禮等因生意冷淡始向迫索舊帳有已革都司陳國瑞係胡士禮堂妹之夫胡士禮身死後屍親求陳國瑞作主陳國瑞

令地保報官初驗時屍親因作李洪得賄捏報將李洪拉至陳國瑞家關閉空房並總兵劉幅懋藉端訛詐副將蕭誠借名賄託誣騙銀兩各情將陳國瑞擬發軍臺効力贖罪劉幅懋蕭誠均擬發黑龍江當差詹啟綸仍照原擬等因具奏奉

上諭詹啟綸著仍照原擬絞監候秋後處決陳國瑞著改爲發往黑龍江嚴加管束該部知道欽此

光緒三年秋審情非昧賴傷係他物惟係曾經食俸大員喝毆斃命詹啟綸應情實該官犯之子春發春和在江蘇丹陽礪山河南上蔡等縣地方先後陣亡傷故是否屬實行據臬司查無案據應如何辦理聽候法司核議

例載官犯死罪查有父祖子孫陣亡者定罪後移咨兵部查取事蹟聲敘恭候

欽定此起威力主使毆打斃命定案後據該革員之妻赴部呈稱夫兄弟子姪內陣亡多名應咨查明確再行辦理 候查覆

職官爲父復讎謀殺寄籍本管知府 雲南昆明縣案

一起楊汝楫謀殺本管官孔昭鈞身死一案將楊汝楫比例擬斬立決等因具奏奉

硃批刑部速議具奏欽此該 臣等議得楊汝楫卽楊汝舟與孔昭鈞先無嫌隙楊汝楫係保舉補用同知直隸州孔昭鈞係東川府知府楊汝楫之父補用遊擊楊玉麟因亂將家屬寄居東川府城楊汝楫胞叔開化鎮總兵楊玉科勦辦進西賊匪楊玉麟奉委回東川催餉適楊玉麟親誼褚得昌因事在縣構訟該縣任傳綸稟差郭沅傳提被告未到楊玉麟跟丁趙小狗楊舟山代向郭沅催問彼此口角致將郭沅毆傷楊玉麟查知將趙小狗等送縣鎖押未訊楊玉麟勇目趙阿鐘詢知趙小狗等被縣差搶去衣物向差役余興科等理論余興科等卽指稱趙阿鐘開衙署時郭沅傷已痊愈任傳綸欲將

趙小狗等釋放余興科等聚集多人向任傳綸挾制不令開釋同治九年八月二十日任傳綸赴府稟商孔昭鈞差人邀請楊玉麟來府面詢公事時余興科已糾約差練李應錫廖幗順等數拾人先至府署楊玉麟衣冠前往行至二堂孔昭鈞斥說不應縱丁干預公事楊玉麟分辯孔昭鈞將楊玉麟頂帽摘取擲地該府門丁張耀庭錢幅余興科等一擁上前各用刀背木棍將楊玉麟毆傷倒地送縣管押旋即身死該府縣並未相驗將屍棺殮練日包幗順等復藉捕拏趙阿鐘爲名率眾赴楊玉麟家內搶擄財物一空包幗順被楊玉麟家丁用洋鎗打傷孔昭鈞卽捏稱楊汝楫等擅殺民練將楊汝楫發縣管押多日始行釋放當將該府縣奏參撤任發司審辦該司延不訊結孔昭鈞又稱楊玉麟率眾闖堂且係先在該府充當練丁不知是官等情希圖卸過楊汝楫忿極起

意將孔昭鈞致死復讎十二年十二月初五日夜楊汝楫帶
刀直入孔昭鈞寓所亂砍致傷其頂心顙門額顙右額角左
太陽左耳左顙頰左額頰左右肩甲左手腕左膝倒地當卽
殞命首驗審供不諱查楊玉麟身受各傷訊係亂毆不知先
後輕重應以孔昭鈞初鬪爲重擬抵孔昭鈞係楊汝楫寄籍
知府與本管官無異楊汝楫爲父復讎將其殺斃例無作何
治罪明文自應比例問擬除率眾搶掠之包愾順等另行奏
結楊觀長等病故李應錫等緝獲另結外楊汝楫卽楊汝舟
應革職比依部民懷挾私讎逞兇殺害本官斬例擬斬立決
惟該職員究因父死非命激於義憤所致且係寄居東川與
實在部民殺害本官者有閒可否量改爲斬監候之處恭候

欽定等因具奏奉

上諭楊汝楫卽楊汝舟著卽革職改爲斬監候餘依議等因欽此恭

逢

恩旨

恩詔係挾讎謀殺本管官不准援減援免

光緒二年秋審將楊汝楫卽楊汝舟入於常犯冊內具題經刑部查楊汝楫業已保舉同知直隸州

賞戴花翎職分較尊與僅止頂戴榮身有犯照常犯論者不同請旨飭將楊汝楫扣除歸下年秋審入於官犯以符定制三年秋審殺由痛父死係縱容差練毆斃伊父之知府情本可原惟該犯業已保准花翎同知直隸州知州官職較尊究與僅止頂戴榮身者不同楊汝楫卽楊汝舟應情實

平人爲父復仇殺死應抵正兇之案向俱入緩永遠監禁此起楊汝楫因父被孔昭鈞主使致斃起意將其殺死惟孔昭鈞究係該犯寄籍本

管知府且該犯亦係職官與平人不同業因衅
起復仇免其立決應否聲敘候核
黃冊聲
敘

佐領臨陣先退 甯古塔案

一起榮廉臨陣先退一案緣榮廉係公中佐領咸豐十一年閒榮廉之父佐領委營總輔清阿隨忠親王出征陣亡榮廉承襲雲騎尉世職歷陞佐領派掌右司關防同治十三年七月初六日賊匪數百人竄撲甯古塔城署副都統雙壽帶隊往探榮廉隨後接應因眾寡不敵失事雙壽渡江湊集兵勇榮廉潛行回家同伊族姪雲騎尉汶瑞送伊母並眷口出城躲避仍同汶瑞回取關防鈐記賊眾進院將榮廉汶瑞綁縛擁至店內經商眾向賊央求許給銀錢將榮廉等釋放汶瑞躲避榮廉稟見雙壽告知前情並稱賊眾得商民銀錢不再燒殺現在兵力單弱求雙壽緩進攻城又因伊姪經眾商保出恐商民受害仍回城內汶瑞躲避後被賊脅捆上馬途遇甲兵德克吉科帶勇堵禦汶瑞被賊逼令詐稱官兵希圖混過

和訓車馬
德克吉科查知跟追賊匪驚散汶瑞奔回德克吉科等稟明
該將軍將榮廉汶瑞奏參革職卽經御史風聞以榮廉等勾
匪陷城串通門丁蕃五等賄說該將軍不行澈究並吉林理
事同知倫敘囑令門丁李濱孫泳奎轉託商人曲遐年向眾
商說合演戲斂錢入己等情奏奉

諭旨併案飭交審供不諱除汶瑞比照隨征兵丁脫逃自首在軍
務告成以後例擬徒從重發往軍臺効力贖罪倫敘依監臨
官借貸所部財物律計贓擬流從重發往黑龍江當差李濱
孫泳奎曲遐年依棍徒例量減擬徒均不准援免雙壽交部
議處蕃五緝獲月結外榮廉合依官軍臨陣先退者斬律擬
斬監候聲明情罪重大應卽行處決仍遵例請

旨定奪事犯在

恩詔以前不准查辦等因具奏奉

上諭榮廉著斬監候秋後處決餘照所議辦理等因欽此

光緒二年秋審臨陣先退復被擄偷生榮廉應情實

官軍臨陣先退例應入實惟該革員之父出征

陣亡所犯尙非十惡似應聲敘以冀邀

恩免勾候核

黃冊聲敘

服制門成案

救親情切毆死胞叔

陝西畧陽縣案

一起安幅濼毆傷胞叔安得身死一案將安幅濼依例擬斬立決等因具題奉

旨三法司核擬具奏欽此該臣等會看得安幅濼與胞叔安得素睦無嫌該族有公共祖墳栽植柏樹同治十年二月初七日安得同子安高碌赴墳砍伐柏樹四株預備成做棺木安幅濼之父安幅聞知往阻途遇安得走至安幅斥其不應私伐墳樹欲令充公安得不服爭吵並用木棒撲毆安幅奪棒毆傷其左手背安得舉腳亂踢安幅用棒毆傷其左右脇肋安得將棒踢落並將安幅推跌倒地騎壓身上用手按住咽喉聲稱如不給樹定行按死安幅掙扎喊救安幅濼聞聲趕往瞥見安幅被按昏暈救護情急拾木棒向安得嚇毆致傷其

顛門倒地磕傷左太陽移時殞命報驗獲犯審供不諱查安
得身受各傷惟被安幅濼毆傷顛門爲重核其情節情切救
護嚇毆一傷尙非無故逞兇干犯惟死係胞叔服制攸關仍
應按律問擬安幅濼合依姪毆叔死者斬律擬斬立決事犯
在

恩旨以前係毆死胞叔毋庸查辦等因具題奉

旨安幅濼改爲應斬著監候秋後處決餘依議欽此

同治十三年秋審毆由救父情切並非有心逞兇干犯惟死
係胞叔服制攸關安幅濼應情實

迫於母命毆死罪犯應死胞兄 四川南部縣案

一起郭添任毆傷胞兄郭添受身死一案將郭添任依律擬斬立決等因具題奉

旨三法司核擬具奏欽此該 臣等會看得郭添任與胞兄郭添受素睦無嫌郭添任等分受父遺田房議明輪流供養伊母王氏衣食郭添受平素不聽王氏訓教在外遊蕩同治十一年九月十三日王氏向郭添受索米郭添受不給出言頂撞王氏用木棒毆傷其左手背郭添受扭奪木棒將王氏推跌地上推傷腦後並周棒向王氏毆打郭添任奪過木棒將王氏扶起王氏氣忿扭住郭添受兩手喝令郭添任替毆郭添任跪地求饒王氏不依並稱如不替毆卽欲撞死郭添任無奈用木棒毆傷其左右腿郭添受舉腳向王氏亂踢王氏哭喊再毆郭添任復毆傷其左右腳腕倒地郭添受移時殞命報驗

獲犯審供不諱查郭添任毆傷胞兄郭添受身死核其情節死者罪犯應死毆由迫於母命尚非無故違兇干犯惟死係胞兄服制攸關仍應按律問擬郭添任合依弟毆胞兄死者斬律擬斬立決等因具題奉

旨郭添任改爲應斬著監候秋後處決餘依議欽此恭逢

恩旨

恩詔經刑部奏明不准援減援免

光緒元年秋審死者罪犯應死毆由迫於母命並非無故違兇干犯惟死係胞兄服制攸關郭添任應情實

因瘋刃傷期親叔母平復 直隸大興縣案

一起張小愷兒刃傷期親叔母馬氏平復一案將張小愷兒依例擬絞等因具題奉

旨三法司核擬具奏欽此該臣等會看得張小愷兒與期親叔母馬氏分居素睦張小愷兒向患痰迷病症時發時止伊母張氏及地鄰李汶發等因伊平日並不滋事未經報官鎖錮同治十一年七月十一日張小愷兒痰症復發持刀跳舞馬氏瞥見攔向奪刀致刀尖劃傷額顙左臂膊馬氏投知地方查拏張小愷兒迷路走失報驗獲犯提訊張小愷兒神色昏迷語無倫次嗣經醫痊復審供認不諱馬氏傷經平復查張小愷兒刃傷期親叔母馬氏平復到案驗係痰迷覆審供吐明晰取有地鄰人等切結核其情節傷由痰迷無知尙非有心干犯惟係期親叔母服制攸關自應按例問擬除李汶發等擬

杖張氏援免外張小愷兒合依刃傷期親尊屬訊非有心干犯絞例擬絞監候秋後處決等因具題奉

旨張小愷兒依擬應絞著監候秋後處決餘依議欽此恭逢

恩旨

恩詔經刑部奏明不准援減援免

光緒元年秋審刃傷期親叔母究由痰迷無知惟服制攸關張小愷兒應情實

被小功兄揪毆掙脫致令追跌落河身死 四川德陽縣案
一起田萬禧因被小功服兄田萬謨揪毆掙脫致令追跌落河
身死一案將田萬禧依律擬斬立決等因具題奉

旨三法司核擬具奏欽此該 臣等會看得田萬禧與小功服兄田
萬謨素睦無嫌田萬謨借欠田萬禧銀十兩四錢九分屢索
未償同治十二年十一月十一日出萬禧出外趕集行至河
邊撞遇田萬謨走至田萬禧向索前欠田萬謨斥說不應攔
路逼討田萬禧分辯田萬謨不依扭住田萬禧胸襟舉拳亂
毆田萬禧掙脫跑走田萬謨追趕不期雨後路滑自行失腳
跌入河內經人瞥見聲喊田萬禧聽聞轉回撈救田萬謨業
已被溺殞命報驗審供不諱查田萬禧因向小功服兄田萬
謨索欠被扭掙脫跑走致田萬謨追趕失跌落河溺斃核其
情節被揪掙脫死由跌溺尚非有心干犯惟係小功兄服制

攸關仍應按律問擬田萬禧合依卑幼毆本宗小功兄死者
斬律擬斬立決事犯在

恩旨

恩詔以前係毆死本宗小功服兄不准援減援免等因具題奉
旨田萬禧改爲應斬著監候秋後處決餘依議欽此

光緒二年秋審死由自跌事出不虞並非有心干犯惟死係
小功堂兄服制攸關田萬禧應情實

誤傷小功叔母身死 陝西甯羌縣案

一起李大碌誤傷小功叔母馬氏身死一案將李大碌依律擬斬立決等因具題奉

旨三法司核擬具奏欽此該 臣 等會看得李大碌與小功叔母馬氏分居無嫌馬氏之子李大金係李大碌小功服兄李大碌故祖將地畝當給馬氏故夫耕種多年未贖光緒元年八月二十七日李大碌因貧向李大金懇加地價李大金推緩李大碌再三懇說李大金執意不允李大碌聲稱如不加錢不許收穫地內包穀李大金分辯李大碌低頭向撞李大金揪住李大碌髮辮揪按李大碌情急拾刀嚇戮適馬氏走至李大金身旁攔勸李大碌收手不及誤戮傷馬氏右臀透過右胯倒地至九月二十八日殞命報驗獲犯審供不諱查李大碌戮傷小功叔母馬氏身死核其情節傷由誤中死出不虞

尙非有心干犯惟係小功叔母服制攸關仍應按律問擬李
大碌合依卑幼毆本宗小功尊屬死者斬律擬斬立決等因
具題奉

旨李大碌改爲應斬著監候秋後處決餘依議欽此

光緒三年秋審傷由于誤死出不虞並非有心干犯惟死係
小功叔母服制攸關李大碌應情實

持刀向小功服兄逞兇干犯致誤斃小功服兄
之母在常犯內應照因鬪毆而誤殺其人之母
依鬪殺本律定擬不得以誤殺寬減定案時因
尙非直向小功叔母逞兇是以仍予夾籤聲請
免其立決秋審衡情該犯究與因常人鬪及因
毆卑幼誤殺尊長並無逞兇干犯可言者不同
勘傷既重起衅亦復不直似難再寬可否於

黃冊出語內從嚴聲敘之處謹記候核 照實聲
敘

因瘋刃傷母平復 直隸陳州案

一起趙雙淦因瘋刃傷伊母郝氏平復一案將趙雙淦依律擬斬立決等因具題奉

旨三法司核擬具奏欽此該 臣 等會看得趙雙淦侍母郝氏平素孝

順趙雙淦素患瘋病時發時愈甲長馬滌與趙雙淦堂兄趙魁沈欲行報官鎖錮郝氏因趙雙淦並不滋事央允免報同治十二年五月二十日趙雙淦瘋病復發持刀在屋跳舞郝氏瞥見上前奪刀致被劃傷左右額角郝氏喊嚷經趙魁沈聞聲趨至將趙雙淦捆縛報驗提訊趙雙淦目瞪口呆語無倫次無憑取供嗣經醫痊覆審供認不諱郝氏傷經平復查趙雙淦致傷伊母郝氏平復核其情節傷由瘋發無知尙非有心干犯惟傷係伊母倫紀攸關仍應按律問擬除趙魁沈等均擬枷杖援免外趙雙淦合依子毆母者斬律擬斬立決

大猷身夏 卷二 服制門成案

趙雙淦

事犯在

恩旨

恩詔以前係毆傷母不准援減援免等因具題奉

旨趙雙淦改為應斬著監候秋後處決餘依議欽此

光緒二年秋審劃傷伊母究由瘋發無知惟倫紀攸關趙雙

淦應情實

口角致夫氣忿自縊 安徽阜陽縣案

一起徐氏因口角致夫管蕙一氣忿自縊身死一案將徐氏依例擬絞等因具題奉

旨三法司核擬具奏欽此該臣等會看得徐氏與夫管蕙一平素和

睦管蕙一之妾王氏年輕貪懶徐氏時向管教不聽同治十三年三月二十一日徐氏令王氏同往做飯王氏推說無暇徐氏嗔懶用木棒毆傷王氏左額角管蕙一瞥見斥說徐氏有意磨折徐氏不服分辯互相爭吵經人勸息徐氏等往廚房做飯詎管蕙一氣忿莫遏進房將門關閉乘閒投繯殞命報驗審供不諱查徐氏與夫管蕙一口角致令氣忿自縊身死雖無逼迫重情究屬違犯教令自應按例問擬除王氏擬杖援免外徐氏合依妻鬻起口角並無逼迫情狀致夫自盡者照子孫違犯教令致父母輕生自盡絞例擬絞監候秋後

處決事犯在

恩三日

恩詔以前係違犯教令致夫自盡不准援減援免等因具題奉旨徐氏依擬應絞著監候秋後處決餘依議欽此復逢

恩詔仍不准援免酌入秋審緩決辦理

光緒三年秋審徐氏應緩決

出嫁之女違犯教令被毆逃跑致母追跌內損身死 陝西

興平縣案

一起黃氏違犯教令致伊母孫氏追跌內損身死一案將黃氏
比例擬絞等因具題奉

旨三法司核擬具奏欽此該_臣等會看得黃氏侍母孫氏平素孝
順孫氏年老失依就養黃氏家同治十三年八月二十日孫
氏令黃氏找尋拐杖黃氏因事忙推緩孫氏斥罵撲毆黃氏
畏懼跑走孫氏尾追因天雨道滑自行失跌倒地經黃氏之
天馬車娃及鄰人先後趨至詢悉情由扶救孫氏已被搥傷
左右手腕左右臙肋因跌震內損口鼻流出飯汁至二十一
日殞命報驗審供不諱將黃氏比依違犯教令致母自盡例
減等擬流收贖等因具題經刑部以引擬未協等因題駁去
後茲據該撫遵駁改擬具題查黃氏因伊母孫氏令尋拐杖

大
光緒三十三年二月服制門成案

黃氏

推緩被毆逃跑致孫氏向追失跌身死核與自盡無異雖無觸忤重情究屬違犯教令自應比例問擬黃氏應比照子違犯教令致母自盡者絞例擬絞監候事犯在

恩旨

恩詔以前不准援減援免應酌入秋審緩決辦理等因具題奉旨黃氏依擬應絞著監候酌入緩決辦理餘依議欽此

光緒四年秋審黃氏應緩決

媳違犯教令致姑抱忿自縊 湖南永順縣案

一起嚴氏違犯教令致姑孟氏抱忿自縊身死一案將嚴氏依例擬絞等因具奏奉

硃批刑部議奏欽此該 臣等議得孟氏之夫張啟杰生有二子長名

張振寬次名張振右早故嚴氏係張振右之妻素性倔强孟氏屢誠不悛將嚴氏分出另居並分給租田以資食用孟氏夫小功服姪張振謀常至嚴氏家代為經理田租不避嫌疑經孟氏斥禁往來同治十一年十月間嚴氏央請張振謀與張振詳等至家清算租穀張振謀與張振詳等在嚴氏家用香籤作碼彈錢賭博孟氏聞知前往喝阻張振詳等走避孟氏抓住張振謀衣服向毆張振謀圖脫致將孟氏帶跌在地磕傷左眼角蓋傷左肋右手背嚴氏聞聲趕至將孟氏扶起孟氏以嚴氏不遵約束將來難免出醜告知張啟杰將嚴氏

報刑門成案

嚴氏

捆縛投憑族長送究經人將嚴氏解放勸令請罪嚴氏乘間走至堂兄嚴葉詳家躲避十一月初五日嚴氏之父嚴盛傑聞知邀人至孟氏家理論找尋嚴氏無獲與孟氏詈罵各散孟氏恐嚴盛傑要其交人一時氣急聲稱娶媳如此不聽教訓與其在生嘔氣不如尋死乾淨經張振寬用言勸慰詎孟氏氣忿莫釋是夜潛至破屋門枋上自縊殞命報縣詣驗差拘張振寬痛母情切卽以賄通包攬等詞先後赴本府巡撫衙門控告復來京赴都察院衙門呈控奏奉

諭旨咨交審供不諱除張振謀依卑幼毆本宗小功尊屬加等律擬徒張振詳等擬以枷杖失察賭博職名邀免開報外嚴氏合依子違犯教令致母抱忿輕生自盡者絞妻於夫之母有犯罪同例擬絞監候秋後處決等因具奏奉

旨依議欽此恭逢

恩旨

恩詔不准援減援免

光緒元年秋審違犯教令致其姑抱忿自盡服制攸關嚴氏
應情實

火獸章要

卷一 服制門成案

七

嚴氏

救護放鎗誤傷義父身死 安徽阜陽縣案

一起劉安幗放鎗誤傷義父劉得棟身死一案將劉安幗依律擬凌遲處死等因具奏奉

旨刑部議奏欽此該臣等議得劉安幗侍義父劉得棟平日孝順劉安幗本姓楊自幼隨母改嫁劉得棟堂兄劉得遠家改從劉姓十餘歲時又過房與劉得棟爲義子娶有妻室鄰人李八百賒欠劉得棟之甥張香飯錢一百九十文未償同治二年十一月初九日張香與李八百路遇向索前欠李八百回覆無錢張香不依兩相爭罵經人勸散李八百被罵不甘起意糾毆洩忿邀允劉老軟趙金時方時宿相幫李八百攜庫刀餘俱徒手前往喊罵尋毆劉得棟同族弟劉惠普出勸李八百疑護用庫刀將劉惠普扎傷並向劉得棟撲扎劉得棟逃走李八百持刀追趕劉安幗瞥見恐劉得棟吃虧當同素

好之王金豹王庚攷取出裝就火鎗嚇阻李八百不理王金豹將鎗持平喝令劉安幗點放劉安幗救護情急聽從點放李八百聞聲閃避王金豹轉手不及致砂子誤傷劉得棟左臂膊脊背倒地旋卽殞命劉安幗亦被門藥轟傷首驗審供不諱查劉安幗因見李八百向伊義父劉得棟趕扎聽從王金豹主令點鎗嚇阻致誤傷劉得棟身死與聽從下手誤殺旁人不同應仍按本律問擬除主使烏鎗殺人罪應擬斬之王金豹並劉老軟等緝獲月結李八百依頑屬兇徒結夥三人以上持械傷人例擬軍張香擬杖加枷外劉安幗合依義子過房在十五歲以下恩養年久配有家室於義父有犯卽同子取問例子毆父殺者凌遲處死惟查劉安幗因義父劉得棟被人趕扎情切救護不期將劉得棟致斃核其情節點鎗由於聽從誤傷出於不虞且死係義父與本生父母究覺

有閒較之從前辦過譚亞九之案情節尤輕既據該撫援案聲請可否將劉安惘量減爲斬監候之處恭候

欽定等因具奏奉

旨劉安惘著改爲斬監候餘依議欽此

同治九年秋審該犯點鎗由于聽從適傷係屬過誤在凡人例得減流其照子取問者所以重于凡人而不入服制者究有別于親子且係救親情切實在情輕可原劉安惘應緩決義子殺傷義父母照親子取問如律由立決改爲監候之案秋審因其究與親子不同向歸常犯冊內辦理如情節實可矜憫歷有入緩成案此起該犯因義父被人持刀追趕聽從點鎗嚇放誤傷義父斃命定案時以該犯雖聽從點鎗放惟死係恩養已久義父不得照凡人減等定擬

秋審衡情其與親子取問如律者所以重恩義
其不入服制辦理者又所以重宗法在親子因
救護誤傷父命之案尙得因事在危急之際蒙
恩免勾則義子因救護誤斃義父之案似亦可原其
過誤之情酌量入緩仍記候核 照緩歸彙奏

致傷總麻服兄身死 陝西乾州案

一起呂橙娃致傷總麻服兄呂鐸身死一案將呂橙娃依律擬斬等因具題奉

旨三法司核擬具奏欽此該 臣等會看得呂橙娃與總麻服兄呂鐸分居無嫌同治六年九月二十八日呂橙娃攜鐮刀赴田收穫見呂鐸家豬隻跑至伊田內踐食稻穀呂橙娃拾土塊將豬擲斃呂鐸路過瞥見稱欲投人理論呂橙娃攔勸聲言買豬賠還呂鐸不依混罵呂橙娃分辯回詈呂鐸舉腳向踢呂橙娃順用鐮刀扎傷其右腳腕棄刀欲走呂橙娃之弟呂滄娃看見攏勸呂鐸斥罵幫護並舉拳向毆呂滄娃用鐵叉木柄毆傷其右手腕呂鐸揪住呂滄娃胸衣撞頭呂橙娃恐呂滄娃喫虧接過鐵叉戳傷呂鐸髮際劃傷頂心偏左呂鐸肆罵呂橙娃戳傷其左右膝肋左腳腕呂鐸仍不鬆手呂滄

娃用力摔脫呂鐸站立不穩絆跌倒地並稱傷好報復呂橙娃起意致成殘廢用义柄疊毆傷其左臙朋左腳腕逾時殞命報驗審供不諱查呂鐸身受各傷惟後被呂橙娃毆傷左臙朋等處爲重應以擬抵除呂滄娃擬杖外呂橙娃合依卑幼毆本宗總麻兄死者斬律擬斬監候秋後處決等因具題奉

旨呂橙娃依擬應斬著監候秋後處決餘依議欽此

同治九年秋審毆非預糾傷無致命呂橙娃應緩決

兄弟共毆致斃徒手總麻尊長該犯金刃一傷又鐵义戳傷四處劃傷二處倒地後又木器重迭二傷一骨損一骨斷情傷綦重雖死先向毆扎戳各傷均不在致命處所倒地後傷係他物共毆亦非預糾未便率緩 改實

致傷總麻服叔身死 河南河內縣案

一起董香波致傷總麻服叔董廣厚身死一案將董香波依律擬斬等因具題奉

旨三法司核擬具奏欽此該臣等會看得董香波與總麻服叔董廣厚素睦無嫌同治七年十月間村眾公議在河上搭橋以便行旅橋北大路適在董香波地邊地內種有蘿蔔十八日董香波恐來往車輛碾壞攜木杵在靠路地邊挖溝以阻車路董廣厚攜禾槍路過斥說董香波不應開溝有礙行車董香波分辨董廣厚不依辱罵董香波回詈董廣厚用槍撲扎董香波奪槍用柄毆傷其頂心董廣厚揪毆董香波情急用槍嚇扎適傷其左肋倒地移時殞命報驗審供不諱董香波合依卑幼毆本宗總麻尊屬死者斬律擬斬監候秋後處決等因具題奉

旨董香波依擬應斬著監候秋後處決餘依議欽此

同治九年秋審死固總尊惟槍係奪獲扎有急情董香波應
緩決

致斃總麻尊屬金刃一傷透內又木器致命一
傷情傷較重惟死先撲扎槍係奪獲先毆槍不
用刃末後刃傷係在不致命處所且由抵禦情
急所致稍有可原記緩候核 照緩

毆傷母舅身死 湖南永順縣案

一起劉錫彬毆傷小功母舅張大誠身死一案將劉錫彬依律擬斬等因具題奉

旨三法司核擬具奏欽此該 臣等會看得劉錫彬與小功母舅張大誠素睦無嫌劉錫彬之母張氏係張大誠胞姊光緒元年正月初八日張大誠至劉錫彬家與張氏閒談口角爭鬪張氏拾柴棍毆傷張大誠右太陽張大誠扭住張氏頭髮接按張氏掙紮喊救劉錫彬趕攏拉勸不開恐母受傷情急接過柴棍嚇毆適傷其頂心棍上旁枝致傷左太陽鬆手倒地至初十日殞命報驗投首審供不諱查張大誠身受各傷惟後被劉錫彬毆傷頂心爲重應以擬抵除張氏以尊犯卑減等擬杖援免外劉錫彬合依卑幼毆外姻小功尊屬死者斬律擬斬監候秋後處決恭逢

恩詔係毆死外姻小功尊屬不准援免等因具題奉旨劉錫彬依擬應斬著監候秋後處決餘依議欽此

光緒三年秋審雖死係小功母舅惟覺起救母毆有急情劉錫彬應緩決

母子共毆致斃母舅該犯木器致命二傷一骨損一骨微損情傷不輕惟死者因口角輒將其姊揪髮揜按亦屬犯尊該犯確由恐母受傷救護起衅其棍有旁枝兩傷寔止一毆正在伊母被揪之時與逞兇干犯不同自可原記緩候核照緩父老殘廢不准留養

扎傷妻父身死 河南安陽縣案

一起趙添蓄扎傷妻父袁良身死一案將趙添蓄依律擬斬等因具題奉

旨三法司核擬具奏欽此該臣等會看得趙添蓄與妻父袁良素睦無嫌袁良借欠趙添蓄錢叁拾伍千文屢討未償光緒二年正月二十九日趙添蓄向索前欠袁良回覆無錢趙添蓄稱欲牽其牲口作抵袁良不依斥罵並揪住趙添蓄髮辮揪按欲毆趙添蓄情急拔刀嚇扎適傷其右腿透過臄肱鬆手倒地旋卽殞命報驗審供不諱趙添蓄合依毆妻之父死者斬律擬斬監候秋後處決等因具題奉

旨趙添蓄依擬應斬著監候秋後處決餘依議欽此

光緒四年秋審死固妻父惟衅起不曲嚇扎一傷趙添蓄應緩決

毆斃妻父金刃透過一傷情不爲輕惟究在肢體不致命處所且有被揪被按急情尙可原記

緩候核 照緩

扎傷妻父身死 山東商河縣案

一起燕汶木扎傷妻父孫懋祖身死一案將燕汶木依律擬斬等因具題奉

旨三法司核擬具奏欽此該 臣等會看得燕汶木與年七十四歲妻父孫懋祖素睦無嫌孫懋祖因無子嗣在燕汶木家寄住光緒二年十月間孫懋祖央燕汶木並伊族兄燕汶典向徐棣保借錢拾伍千文十二月二十三日徐棣赴燕汶典家令燕汶典往尋孫懋祖代催欠錢燕汶典行至門外與孫懋祖並燕汶木撞見邀至家內與徐棣見面燕汶典有事走開徐棣索欠孫懋祖因前賣地價未盡索回囑燕汶木先為墊還燕汶木因無錢不允孫懋祖斥說推諉燕汶木分辯孫懋祖生氣混罵燕汶木回詈孫懋祖拔出身帶戒刀撲毆燕汶木奪刀扎傷其右額角右顙頰孫懋祖撞頭拚命燕汶木情急

燕汶木

用刀嚇扎適傷其左頤頰連左耳竅倒地逾時殞命燕汶木畏罪起意棄屍滅迹央允燕汶典將屍身擡棄僻地逃逸報驗獲犯審供不諱除燕汶典緝獲另結外燕汶木合依毆妻父至死者斬律擬斬監候秋後處決等因具題奉

旨燕汶木依擬應斬著監候秋後處決餘依議欽此

光緒五年秋審死雖妻父惟衅起理直刀係奪獲各傷均由抵禦亦無負恩昧良逞忿行兇情事燕汶木應緩決

毆死妻父之案理直情急金刃一二傷他物傷無損折者向擬緩決此起刃斃逾七妻父三傷均頭面一致命一不致命連及致命二骨損情傷俱重雖死先撲毆刀係奪獲且有被撞急情事後畏罪棄屍向不加重亦難率行議緩仍記候核 改實

女因姦致縱容之母被父故殺身死 直隸良鄉縣案

一起趙常兒因姦致縱容之母被伊父故殺身死一案將趙常兒比例擬絞等因具題奉

旨三法司核擬具奏欽此該 臣等會看得趙常兒侍母王氏素無違忤王氏係趙二之妻趙達仔年甫四歲係趙二之子趙常兒自幼聘與朱姓家童養爲媳時常回歸母家嗣趙二出外營生王氏之姪王三在王氏家住歇適趙常兒亦回母家居住王三乘閒與趙常兒通姦王氏知情縱容同治十二年十月間趙二回歸窺破姦情不准王三留住並向王氏訓斥王氏代趙常兒等掩飾王三旋起意誘允趙常兒一同逃走經趙二將趙常兒找回斥罵送回夫家因係醜事並未聲張王三探知前情復找至趙常兒夫家將趙常兒拐逃趙常兒之夫朱大保往向趙二告知王氏反向朱大保斥罵趙二卽與

王氏爭吵十一月十六日趙二又將趙常兒找回送至王添幅家暫住是夜趙二回家王氏與趙達仔均已鼾睡趙二憶及趙常兒與王三通姦同逃均係王氏管教不嚴反代掩飾一時氣忿用石很砸致傷王氏右額角連右太陽右眉叢連右眼胞右耳輪右領頰趙達仔驚醒啼哭趙二復用石砸傷趙達仔腦後連右耳根王氏並趙達仔均旋卽殞命首驗審供不諱查趙常兒因姦致縱容之母王氏被父故殺身死律無治罪明文比例罪應擬絞其致伊弟趙達仔被殺係屬輕罪應從重問擬除故殺妻罪應擬絞之趙二和誘知情罪應擬軍之王三均累減援免外趙常兒應比照子犯姦母縱容袒護被人故殺者將犯姦之子絞例擬絞監候秋後處決事犯在

恩詔以前係因姦致縱容之母被殺不准援減援免應照奏定章

程酌入秋審緩決辦理等因具題奉

旨趙常兒依擬應絞著監候酌入秋審緩決餘依議欽此

光緒二年秋審趙常兒應緩決

女因姦致父被姦夫謀殺身死

湖北長陽縣案

一起李氏因姦致父李悰斌被姦夫張悰錦謀殺身死一案將張悰錦比例擬斬立決李氏擬絞立決等因具題奉

旨三法司核擬具奏欽此該臣等會看得李氏侍父李悰斌素無

違忤李悰斌妻故無子將李氏憑媒招贅劉樹真爲婿劉樹真時常外買李氏同父在家過度張悰錦與李悰斌鄰居往來李氏見面不避張悰錦乘閒與李氏通姦李悰斌與劉樹真均不知情嗣張悰錦潛往與李氏續姦李悰斌外歸聽聞聲息進房捕捉張悰錦跑走李悰斌追捕無獲向弟李悰雅告述欲將張悰錦捉獲連李氏一併送究李悰雅勸止李悰斌將李氏責打禁絕往來張悰錦因不能與李氏續姦心懷忿恨蓄意將李悰斌謀害同治十一年二月十二日李氏因姑生辰與劉樹真同往祝壽未歸張悰錦探知李悰斌一人

在家卽於是夜攜帶鐵鋤潛至李悛斌家撬門進內李悛斌驚起喝問張悛錦不應趕攏用鋤背毆傷其顛門倒地李悛斌喊救張悛錦又用鋤口砍傷其偏左並左耳輪連左耳根登時殞命張悛錦畏罪起意棄屍滅迹將屍背至溝邊丟棄正欲走避被李悛雅撞遇扭住盤出實情張悛錦掙脫逃逸報驗獲犯審供不諱查張悛錦因與李氏通姦將李氏之父李悛斌謀殺身死例無治罪明文自應比例問擬張悛錦應比照姦夫起意殺死親夫斬例擬斬立決李氏合依子犯姦父母並未縱容被人謀害者絞例擬絞立決李氏事犯在恩詔以前係因姦致父被殺不准援免惟該氏被父禁絕後並未與姦夫見面其父被姦夫謀殺尙非意料所及可否量改爲絞監候之處恭候

欽定等因具題奉

旨張恂錦著卽處斬李氏改爲應絞著監候秋後處決餘依議欽
此李氏復逢

恩詔仍不准援免酌入秋審緩決辦理

光緒三年秋審除張恂錦正法外李氏應緩決

因姦致夫羞忿自縊 四川越巂廳案

一起趙氏因姦致夫鮮幅淋羞忿自縊身死一案將趙氏依例擬絞等因具題奉

旨三法司核擬具奏欽此該 臣等會看得趙氏與夫鮮幅淋平素和睦鮮幅淋與黃在潮鄰居往來趙氏見面不避黃在潮與趙氏通姦鮮幅淋並不知情同治十二年十一月二十九日趙氏乘鮮幅淋外出潛往黃在潮家續舊鮮幅淋回家因趙氏未在家中尋至黃在潮家見房門虛掩聽得趙氏與黃在潮在房說笑知有姦私當即踢門進內喊捉黃在潮跑走鮮幅淋將黃在潮抓住黃在潮掙脫將鮮幅淋掌推跌地跑逃趙氏開後門逃逸鮮幅淋起身追尋黃在潮等未獲往向叔母嚴氏等告知前情並稱趙氏與人通姦使其無顏見人如不能殺姦欲行尋死嚴氏等勸慰各散詎鮮幅淋羞忿莫釋

大... 服制門成案 趙氏

至十二月初二日乘閒自縊殞命報驗獲犯審供不諱除黃
在潮依姦夫例擬徒援免外趙氏合依婦女與人通姦本夫
並未縱容一經見聞殺姦不遂羞忿自盡者姦婦絞例擬絞
監候秋後處決事犯在

因旨

恩詔以前係因姦致夫羞忿自盡不准援減援免等因具題奉
旨趙氏依擬應絞著監候秋後處決餘依議欽此復逢

恩詔經刑部奏明入於秋審緩決辦理

光緒三年秋審趙氏應緩決

因姦致姑羞忿自縊 湖北江陵縣案

一起李氏因姦致伊姑朱氏羞忿自縊身死一案將李氏比例擬絞立決等因具題奉

旨三法司核擬具奏欽此該臣等會看得李氏侍姑朱氏素無違忤朱氏族姪朱洪萬常至朱氏家往來李氏係孀居見面不避朱洪萬乘閒與李氏通姦朱氏及其夫趙禮達均不知情光緒元年三月閒朱洪萬黑夜潛入李氏房內竊姦李氏旋開房門欲將朱洪萬放走朱氏聽聞門響慮有竊賊提燈出視撞見朱洪萬自李氏房內走出知係有姦趕向捉拏朱洪萬開門逃逸朱氏向李氏斥罵李氏跪求改悔朱氏未經理會初五日趙禮達回歸朱氏告述前情並稱李氏作此醜事無顏見人又未將朱洪萬捉獲送究氣忿難過不如早死趙禮達用言勸慰並將李氏斥說禁止與朱洪萬往來各自進

房就寢詎朱氏羞忿莫釋乘趙禮達睡熟自縊殞命報驗差
緝朱洪萬聞拏畏罪投水身死查朱氏係李氏之姑應同母
論除朱洪萬畏罪自盡外李氏應比照婦女與人通姦致並
未縱容之母一經見聞殺姦不遂羞忿自盡絞例擬絞立決
恭逢

恩詔有關十惡不准援免惟該氏一聞伊姑責斥卽跪求改悔情
稍可原可否量改爲絞監候之處恭候

欽定等因具題奉

旨李氏改爲應絞著監候秋後處決餘依議欽此
光緒四年秋審服制攸關李氏照例應情實

因姦致姦夫謀殺本夫身死姦婦並不知情 直隸薊州案

一起蒙氏因姦致姦夫謀殺本夫姬守業身死蒙氏並不知情

一案將蒙氏依律擬絞等因具題奉

旨三法司核擬具奏欽此該 臣 等會看得蒙氏與夫姬守業平日

和睦姬守業與王愷交好往來蒙氏習見不避蒙氏之弟蒙

惲恩亦與王愷相好王愷乘閒與蒙氏通姦姬守業並不知

情後被蒙惲恩窺破王愷再三央懇蒙惲恩貪其酒食未經

聲張同治伍年伍月閒王愷因姬守業在家往來不便起意

將其謀死往向蒙氏商說蒙氏聞言斥罵王愷以係玩笑之

言掩飾蒙氏並未理會十一月二十五日蒙惲恩在王愷家

飲酒王愷告知欲害姬守業情由邀令幫助許事後管給衣

食蒙惲恩貪利允從王愷令蒙惲恩將姬守業誘至河套謀

害棄屍河內滅跡是夜王愷持鐵斧至彼等候蒙惲恩掖刀

服制門成案

蒙氏

往誘姬守業捏稱竊有糧食用小車推至河套翻入坑內詎
允姬守業同往幫擡借至河套王愷瞥見潛至姬守業身後
用斧背在姬守業頭上很毆倒地復用斧背疊毆先後致傷
其額門額顙左額角右太陽鼻梁左耳根連左耳輪登時殞
命王愷起意毀屍令蒙懶恩用刀砍落屍頭剝去衣袴將頭
裝入袴中連屍身擡棄河內各散蒙氏因姬守業未歸向王
愷等問出實情當卽哭泣不依王愷嚇稱如若聲張到官定
以同謀扳害蒙氏畏罪隱忍走回王愷並未再赴蒙氏家走
動嗣王愷恐蒙氏吐露真情商允蒙懶恩將蒙氏嫁賣遠處
以絕禍根隨向素識之郭鳳林捏稱蒙氏夫故無依情願改
嫁勸令買娶爲妻言明身價錢一百千約期送往王愷令蒙
懶恩將蒙氏設法誘出行抵中途王愷迎至向蒙氏告知情
由蒙氏不允王愷用言嚇逼蒙氏無奈勉從王愷等將蒙氏

送至郭鳳林家得受身價錢文分用逃逸經州訪聞獲犯撈獲屍身驗訊擬解兪差何泳發吳發等將王愷等解由三河縣添派喬得祿李得順協同護解王愷乘閒逃逸稟經該督奏參飭提蒙氏等審供不諱除因姦起意謀殺本夫罪應擬斬之王愷緝獲另結聽從加功罪應擬絞之蒙愷恩病故解役何泳發等另案擬結兪差不慎各職名交部照例議處外蒙氏合依姦夫自殺其夫姦婦雖不知情絞律擬絞監候秋後處決等因具題奉

旨蒙氏依擬應絞著監候秋後處決餘依議欽此

同治九年秋審因姦致夫被殺尙無戀姦忘讎情事蒙氏應緩決

因姦致夫被謀殺如無戀姦忘讎情事向俱入緩此起姦夫起意謀害伊夫之時該氏一經聽

聞卽向斥罵迨聞知伊夫被殺又復哭泣不依
尙有不忍致死其夫之心事後亦未與姦夫姦
宿其隱忍不首聽從改嫁係由嚇逼所致尙無
戀姦忘讎情事稍有一綫可原記緩候核 照
緩

因姦致姦夫謀殺本夫身死姦婦並不知情

浙江鄞縣案

一起張氏因姦致姦夫龔來蕾謀殺本夫周銀桂身死張氏並不知情一案將龔來蕾依例擬斬立決張氏依律擬絞監候等因具題奉

旨三法司核擬具奏欽此該臣等會看得張氏與夫周銀桂素相和睦周銀桂與龔來蕾鄰居交好往來張氏習見不避同治七年二月閒周銀桂出外傭工張氏在家獨處龔來蕾乘閒與張氏通姦周銀桂並不知情嗣周銀桂回家龔來蕾因不能與張氏往來起意將周銀桂謀死適周銀桂肝氣病發龔來蕾假意往探見張氏夫妻情分甚好不敢與張氏相商七月初七日龔來蕾至周銀桂家望病先有地保陳升科在彼閒坐周銀桂聲言病未痊愈欲赴上周岷地方就醫龔來蕾捏說伊亦欲至該處探親不如同去周銀桂應允約定次日

同走陳升科與張氏均未理會各散初八日龔來當攜刀藏放腰閒與周銀桂一同起身行至中途周銀桂在路旁坐歇龔來當四顧無人走至周銀桂身後將其仰面按倒拔刀戳傷其左額頰左顙頰下唇吻周銀桂掙扎龔來當復連戳傷其右顙頰三下周銀桂喊叫龔來當又戳傷其左乳周銀桂尙未氣絕龔來當慮恐敗露將周銀桂拖至岸邊推入河內沈溺殞命龔來當走回張氏因周銀桂未曾同回走向龔來當查問龔來當告說周銀桂已被伊在途謀殺屍棄河內可做長久夫妻張氏大聲啼哭龔來當嚇禁聲張並稱被人聽聞報官均要問罪又恐被陳升科查知須至別處暫避因知周銀桂嫁母王氏家路途遙遠令張氏前去暫住俟另尋房屋再圖相聚張氏畏罪應允帶同幼子至王氏家居住並未向王氏告知情由經人撈獲屍身報驗飭緝陳升科至王氏

家向張氏查詢張氏不能隱瞞告悉前情獲犯審供不諱龔來蓄合依姦夫起意殺死親夫姦夫斬例擬斬立決張氏合依姦夫自殺其夫姦婦雖不知情絞律擬絞監候秋後處決等因具題奉

旨龔來蓄著卽處斬張氏依擬應絞著監候秋後處決餘依議欽此

同治九年秋審除龔來蓄斬決外該犯婦不知謀情事後被嚇隱忍尙無戀姦忘讎情事張氏應緩決

因姦致夫被謀殺事前雖不知情事後復聽從姦夫往他處躲避俟另尋房屋再圖相聚其允爲躲避卽與跟隨逃走事異情同其允爲再圖相聚卽爲續姦地步是該氏之戀姦忘讎情節顯然雖未聲張係被姦夫嚇禁所致而已往往

嫁姑王氏家內何以不向王氏告知迨地保查
詢不能隱瞞始行述悉前情是該氏並無伸雪
夫冤之意不得以事後並未續姦及尙無跟隨
逃走情事率行議緩 改實

因姦商同姦夫謀殺親子身死 四川閬中縣案

一起趙氏因姦商同姦夫田家碌謀殺親子羅聰潰身死田家碌下手加功一案將趙氏依例擬絞入於緩決永遠監禁田家碌依律擬絞監候等因具題奉

旨三法司核擬具奏欽此該 臣等會看得趙氏係羅聰潰親母田家碌佃趙氏之夫羅仕友房屋同院居住趙氏見面不避田家碌乘閒與趙氏通姦羅聰潰及羅仕友外出均不知情同治十二年正月間羅聰潰歸家撞破姦情往告分居大功兄羅僮仔央令幫同設法將田家碌逐搬羅僮仔向趙氏閒談漏洩趙氏用言籠絡並與田家碌常以飲食給羅僮仔塞口羅聰潰向羅仕友告知姦情羅仕友將趙氏戒責逼令田家碌退佃搬遷趙氏愈加忿恨仍暗邀田家碌來往續姦七月十二日趙氏往邀田家碌與羅僮仔至家酒飯均醉趙氏聲

稱羅仕友爲人老實出外日多易於欺哄惟羅聰潰素不順從在家礙眼起意商允田家碌將羅聰潰致死以便常聚並央羅僮仔幫助許事後由田家碌借銀作本貿易羅僮仔貪利亦卽允從適羅聰潰回家瞥見田家碌在座不依嫚罵趙氏用木擔毆傷其右肱肘羅聰潰攜刀撲向田家碌砍戮羅僮仔奪刀丟棄致刀尖劃傷其右眉叢羅聰潰拾刀田家碌用木棒毆傷其左腿肚左腳腕羅僮仔接過趙氏手內木擔毆傷其左太陽連左耳竅倒地當卽殞命趙氏令田家碌等將屍擡棄堰塘各散經羅仕友瞥見撈獲屍身報驗審供不諱除羅僮仔依故殺大功弟絞罪上減等例擬流不准援免外趙氏合依因姦將子致死滅口親母擬絞監候入於緩決永遠監禁例擬絞監候入於秋審緩決永遠監禁田家碌合依謀殺人從而加功者絞律擬絞監候事犯在

恩旨

恩詔以前係姦婦因姦殺子滅口姦夫聽從加功均不准援減援免等因具題奉

旨趙氏依擬應絞著入於緩決永遠監禁田家碌依擬應絞著監候秋後處決餘依議欽此

光緒二年秋審除田家碌彙入情實冊內辦理外因姦殺死親子滅口趙氏遵入緩

因姦聽從姦夫謀殺子媳身死下手加功
直隸內邱縣案
一起杜氏因姦聽從謀殺子媳郝氏身死下手加功一案將杜氏依律擬絞等因具題奉

旨三法司核擬具奏等因欽此該臣等會看得杜氏與郝氏先無嫌隙郝氏係杜氏親子潘遂子之妻杜氏之夫潘書汶雇張賊貨傭工並無主僕名分杜氏見面不避張賊貨乘閒與杜氏通姦潘書汶等均不知情嗣張賊貨在屋與杜氏續姦適郝氏給杜氏送茶至彼撞破當即走出後張賊貨聞人談論姦情疑係郝氏吐露憶及郝氏爲人面冷心堅難以勾引起意強姦如不允從將其致死滅口當向杜氏告知謀情商令相幫杜氏嫌郝氏礙眼亦即允從同治十二年五月十五日夜潘書汶與潘遂子赴地工作郝氏在房燒水煮菜張賊貨招呼杜氏一同進房杜氏用言誘勸郝氏與張賊貨姦好郝

氏斥罵起身跑走杜氏拉住衣襟張賊貨趕攏將郝氏兩手反背攢住杜氏解開衫扣將其布衫往後剝下張賊貨用布衫繞住其兩手側按倒地並令杜氏幫剝褲子因郝氏兩腳亂蹬不能近身張賊貨聲稱既不願從將其致死卽鬆手起身找取麻繩將其兩腳捆住郝氏掙扎嚷罵杜氏恐人聽聞用棉絮塞住其口並用木瓢取鍋內滾湯潑傷其額顱連左眉眉叢連腹連左右肋張賊貨亦取滾湯潑傷其額顱連左眉眉叢連鼻梁右顙頰右頷頰左右肩甲胸膛當卽氣閉殞命張賊貨復起意棄屍滅蹟商同將屍解放細繩背棄井內經人赴井汲水瞥見屍身報驗審供不諱除強姦未成殺死本婦罪應斬決之張賊貨病故郝氏附請

旌表外杜氏合依尊長與人通姦因媳礙眼抑令同陷邪淫不從商謀致死滅口者照平人謀殺分別首從例謀殺人從而加

功者絞律擬絞監候秋後處決事犯在

恩詔

以前係因姦聽從謀殺加功不准援減援免等因具題奉旨杜氏依擬應絞著監候秋後處決餘依議欽此

光緒二年秋審抑媳同陷邪淫不從聽從姦夫謀斃媳命下手加功杜氏應情實

因姦聽從姦婦謀殺子媳身死下手加功

安徽宿州案

一起梁憬芒因姦聽從姦婦陳氏謀殺子媳王氏身死下手加功一案將陳氏梁憬芒均依例擬絞聲明陳氏入於秋審緩決永遠監禁等因具題奉

旨三法司核擬具奏欽此該臣等會看得梁憬芒與總麻弟妻王

氏鄰居無嫌陳氏係王氏親姑係梁憬芒總麻叔母王氏過門童養尙未成婚梁憬芒乘閒與陳氏通姦王氏並不知情光緒元年七月間梁憬芒至陳氏家續舊經王氏撞見生氣走開陳氏恨王氏礙眼并恐其在外談論無顏做人起意商允梁憬芒將王氏致死滅口約定遇便動手八月初三日梁憬芒攜刀至陳氏家值王氏從屋內走出梁憬芒用刀很砍傷其咽喉倒地擦傷右手腕當卽殞命陳氏復起意棄屍滅迹商同梁憬芒將屍擡棄村外各散報驗獲犯審供不諱查

已死王氏係梁憬芒總麻弟妻姦婦陳氏係梁憬芒總麻叔
母例無姦總麻以上親聽從姦婦謀殺子媳作何治罪明文
應同凡論陳氏合依姑因姦將媳致死滅口者如係親姑絞
例擬絞監候入於秋審緩決永遠監禁梁憬芒合依謀殺人
從而加功者絞例擬絞監候秋後處決陳氏恭逢

恩詔無關十惡應准援免並免監禁等因具題奉

旨梁憬芒依擬應絞著監候秋後處決餘依議欽此

光緒四年秋審因姦聽從其姑謀斃礙眼養媳梁憬芒應情
實

逼媳賣姦不從謀殺身死 江蘇清河縣案

一起明尙蕙謀殺金氏身死李氏下手加功一案將明尙蕙依律擬斬李氏擬絞等因具題奉

旨三法司核擬具奏等因欽此該 臣 等會看得明尙蕙並妻李氏均與金氏素睦無嫌金氏係明尙蕙嗣子明瀛岐童養未婚妻明尙蕙開宿店生理李氏曾經在店賣姦嗣明尙蕙因金氏並伊養女明氏長大欲令賣姦金氏不允明氏被逼勉從後明氏出嫁明尙蕙意欲再勸金氏賣姦屢次藉事將明瀛岐毆打明瀛岐逃逸金氏卽回母家向其兄金本玉告訴前情金本玉因係醜事隱忍明尙蕙將明氏接回留住賣姦旋歸夫家未能久留明尙蕙李氏議將金氏騙回賣姦獲利同治十二年六月間明尙蕙往向金本玉捏稱明瀛岐有信歸家成婚將金氏接回同李氏向勸多次金氏總不依從十一

月二十四日夜有客至店投宿查問姿色妓女情願多出錢
文明尙蕙向李氏告知逼令金氏與客姦宿嚇稱今晚無論
情願與否總須如此金氏趨至客房撒潑辱罵客人逃跑金
氏負氣回房脫衣睡臥明尙蕙李氏氣忿將金氏拉起捆縛
橈上關閉房門李氏用油紙捻燒傷其左顙頰左右手左右
腿金氏喊痛時有明尙蕙堂姪明瀛樓聽聞趨至敲門不開
由門縫窺看喝阻李氏問金氏以後如不違拗卽行歇手金
氏答稱如令作此無恥之事情甘燒死李氏氣極又用火紙
捻燒傷其肚腹左脇明尙蕙用鎌刀柄毆傷其左腿金氏不
能動彈明尙蕙恐金本玉聞知不依起意商允李氏將金氏
致死滅跡用刀砍傷其額顙李氏用火燒傷其額顙連左額
角登時殞命李氏恨其平日倔強接刀割落其兩乳明尙蕙
開門喚進明瀛樓嚇禁聲張並令幫同將屍身解下穿整衣

褲擡出挖坑掩埋信知金木玉捏稱私逃又恐屍身被犬刨出敗露令明鳳樓將屍刨起撩棄河內經金木玉認明屍身報驗獲犯審供不諱查明尙蕙並妻李氏因逼勒子媳金氏賣姦不從將其謀殺身死恩義已絕應照凡人問擬除明鳳樓依故殺人案內棄屍不失例擬徒援免金氏附請旌表外明尙蕙合依謀殺人造意者斬律擬斬監候李氏合依從而加功者絞律擬絞監候均秋後處決事犯在

恩旨

恩詔以前明尙蕙謀殺造意李氏下手加功均不准援減援免等因具題奉

旨明尙蕙依擬應斬李氏依擬應絞俱著監候秋後處決餘依議欽此李氏復逢

恩詔不准援免酌入秋審緩決辦理

光緒三年秋審除李氏另擬緩決外逼勒賣姦不從造意爲首謀命明尙慈應情實

查婦女逼媳賣姦不從致媳自盡者擬絞抑媳同陷邪淫致媳自盡者發駐防爲奴則逼媳賣姦之條原較抑媳同陷邪淫爲重逼媳賣姦不從謀斃其命較之逼媳賣姦不從致令自盡情節尤重檢查同治三年廣東曾氏抑媳同陷邪淫不從謀斃其命照凡人謀殺問擬外實照實在案此起係翁逼嗣子童養之妻賣姦不從謀斃其命翁姑名分相等業已照凡定擬似難寬宥仍記候核 照實

因讐隙謀斃年甫十二歲胞姪女

河南舞陽縣案

一起劉庭選因讐隙謀殺年十二歲胞姪女劉辰娃身死一案將劉庭選依例擬絞等因具題奉

旨三法司核擬具奏欽此該臣等會看得劉庭選與年甫十二歲胞姪女劉辰娃之父胞兄劉自修同居各炊先無嫌隙劉庭選因貧時向劉自修夫婦告貸劉自修等未經照顧因此不睦同治四年六月初九日劉庭選憶及劉自修相待刻薄起意謀殺劉辰娃洩忿嗣見劉辰娃在門外玩耍卽買蘋菓二枚將劉辰娃誘進空屋給與劉辰娃取食劉庭選乘閒取出麻繩從後套住劉辰娃咽喉推按倒地左膝壓其背上兩手分執繩頭用力拉勒劉辰娃登時殞命劉庭選復起意棄屍滅跡解去勒繩將屍移藏草堆至夜背至廁園拋棄走回經人瞥見屍身報驗獲犯審供不諱劉庭選合依尊長謀殺本人

宗卑幼依故殺法期親尊長因平素讐隙不睦故殺姪者如姪年在十一歲以上絞例擬絞監候秋後處決等因具題奉旨劉庭選依擬應絞著監候秋後處決餘依議欽此

同治九年秋審挾嫌謀殺期親卑幼雖無詐賴別情實屬義乘情慘劉庭選應情實

因挾其父不允借貸之嫌謀殺年甫十二歲胞姪女情殊慘忍雖無圖詐圖賴別情似難不實

照實

銚傷小功服弟身死 浙江金華縣案

一起曹始綾銚傷小功服弟曹虎汶身死一案將曹始綾依律擬絞等因具題奉

旨三法司核擬具奏欽此該 臣等會看得曹始綾與小功服弟曹虎汶素睦無嫌同治五年九月閒曹始綾因曹虎汶本年錢糧未完勸令赴縣投納免差催取曹虎汶斥說多管曹始綾不服彼此口角曹虎汶用刀砍傷曹始綾右肋右臂膊左膝左腳腕控縣提究曹虎汶在逃未獲六年二月初十日曹虎汶潛回路過曹始綾門首曹始綾瞥見攏拏曹虎汶拔刀向曹始綾奪刀過手曹虎汶彎身拾棒曹始綾用刀砍傷其左腿肚右腳踝曹虎汶拾起木棒將刀格落並舉棒向毆曹始綾情急順取屋內裝就防獸鐵銚點向嚇放曹虎汶轉身走避致傷其項頸脊背左右脊脊倒地石塊磕傷顛門至十

四日殞命報驗審供不諱曹始綾合依因爭鬪擅將鎗銃施放殺人以故殺論本宗尊長毆小功卑幼故殺者絞律擬絞監候秋後處決等因具題奉

旨曹始綾依擬應絞著監候秋後處決餘依議欽此

同治九年秋審死係犯尊卑幼情急抵禦正圖嚇唬與平人火器殺人者不同亦無圖產詐賴別情曹始綾應緩決

火器致斃小功卑幼情節較慘惟死者因該犯勸令完糧輒用刀將該犯迭砍致傷迨被控潛逃該犯撞遇攏獲復拔刀向戳實屬理曲逞兇犯尊該犯殺固有心尙無圖產詐賴別情自可原緩記候核 照緩

故殺小功服弟身死 江蘇寶山縣案

一起朱阿木故殺小功服弟朱香華身死一案將朱阿木依律擬絞等因具題奉

旨三法司核擬具奏欽此該 臣 等會看得朱阿木與小功服弟朱香華素睦無嫌朱阿木將房屋基地契賣與朱香華之父朱榮觀爲業議明價錢五十千文朱榮觀付給錢四十千文下欠屢索未償光緒元年三月二十九日朱阿木又去討錢適朱榮觀外出向朱香華催索朱香華不給口角勸散嗣朱阿木與朱香華遇斥其有意拖欠朱香華混罵朱阿木回罵朱香華撲攏一手揪住朱阿木髮辮一手搭住咽喉朱阿木情急用刀戳傷其胷鬆手倒地朱香華肆罵並稱告知其父控究朱阿木氣忿起意致死又用刀戳傷其肚腹朱阿木小功服叔朱銀寶趕至奪刀朱阿木疑護用刀戳傷朱銀寶左

火獸耳夏

服制明表案

是

朱阿木

才高車馬
卷二
勝逃逸朱香華移時殞命報驗獲犯審供不諱朱銀寶傷經
平復查朱阿木故殺小功服弟朱香華身死罪應擬絞其戮
傷小功服叔朱銀寶平復罪止擬軍應從重問擬朱阿木合
依本宗尊長毆小功卑幼至死者絞故殺亦絞律擬絞監候
秋後處決等因具題奉

旨朱阿木依擬應絞著監候秋後處決餘依議欽此

光緒三年秋審身先被搭死係小功卑幼朱阿木應緩決

殺故有心死係理曲犯尊小功卑幼該犯並無
圖產詐賴情事自應入緩至月傷小功服叔究
係輕罪未便以之加重記緩候核 照緩

聽從圖財謀殺小功服姪身死下手加功 河南襄城縣案

一起李金木聽從李泳杜圖財謀殺小功服姪李淦身死加功
一一案將李泳杜李金木均依例擬斬聲明李泳杜在監病故
仍戮屍梟示等因具題奉

旨三法司核擬具奏欽此該 臣等會看得李金木並李泳杜與年
甫五歲之李淦無嫌李金木係李淦小功服叔李泳杜係李
淦無服族叔光緒三年二月二十二日李泳杜與李金木遇
道貧難適李淦項帶銀圈走至李泳杜家起意摘取銀圈賣錢
分用李金木允從誘李淦至李泳杜家中將銀圈摘下李淦
哭喊李泳杜恐事敗露商允李金木將李淦致死滅口李泳
杜一手悶住李淦之口仰面按倒令李金木撿住李泳杜順
取皮繩結扣套入李淦項頸兩手分執繩頭用力拉勒李淦
掙紮李泳杜又拾甄塊毆傷其左額角當時殞命李泳杜復

大談單更
服制門成案

三

李金木

商允李金木棄屍滅跡是夜將屍擡棄井內逃回銀圈賣錢
分用經人瞥見屍身通知屍父認明報驗獲犯李泳杜在監
病故提訊李金木供認不諱將李泳杜依圖財謀殺幼孩首
犯斬例擬斬立決加以梟示李金木依圖財謀殺從而加功
例擬斬立決等因具題經刑部查李泳杜情罪相符合依將
十歲以下幼孩謀殺者首犯擬斬係圖財加以梟示例擬斬
立決業已病故仍戮屍梟示李金木聽從圖財謀殺小功姪
李淦身死應依功服尊長圖財殺害卑幼照平人謀殺問擬
斬候該撫將李金木照平人圖財害命得財殺人從而加功
例擬以斬決係屬錯誤應卽更正李金木合改依功服尊長
圖財殺害卑幼照平人謀殺斬例擬斬監候秋後處決等因
具題奉

旨李金木依擬應斬著監候秋後處決李泳杜仍著戮屍餘依議

欽此

光緒五年秋審除李泳杜照例戮屍外死係小功堂姪圖財既非造意殺人亦僅加功雖死係幼穉定案時酌照凡人謀殺起意擬斬已屬從嚴秋讞衡情究與尊長起意圖財謀殺年幼卑幼者有閒罪疑惟輕李金木應酌入緩決

平人圖財害命得財為從加功例應斬決此起因係尊長照平人謀殺例問擬斬候業已從寬特以該犯係尊長而又為從例無明文似在可疑之例然加功雖較首犯為輕而死係五歲幼孩又比年長卑幼情節較重參核案情原擬照平人謀殺科罪甚為允當未便議緩記候核

改實

查光緒五年十月奏准通行功服以下卑幼以下尊長聽從外人圖財謀殺十歲以下卑幼下手加

火獸冒更

卷二 服制門成案

李金木

功即按平人謀殺加功律問擬絞候秋審入
 於情實核與此案罪名輕重不同惟律例內
 平人謀殺人命者絞
 監候圖財害命得財而殺死人以命首犯與從
 而加功者俱擬斬立決功服以下尊長圖財
 殺害卑幼之案乾隆四十年一為定例應照平
 人一例辦理迨嘉慶六年始改起結案在
 謀故殺律問擬斬候李金木一有本因存
 例以前外擬斬決部改監候亦有所本因存
 以備查

故殺爲匪小功服姪身死 奉天新民廳案

一起郭青漢故殺小功服姪郭二小身死一案將郭青漢依律擬絞聲明親老丁單等因具題奉

旨三法司核擬具奏欽此該 臣等會看得郭青漢與小功服姪郭

二小素睦無嫌郭二小遊蕩好賭不務正業其父郭青富屢訓不悛將其逐出郭二小居無定址時至郭青漢家借宿郭青漢因聞其偷竊爲匪不肯收留嗣郭二小賭輸領同張王二姓向郭青漢借錢郭二小私自逃跑張王二姓向郭青漢要人郭青漢無奈代還錢二十千恐再被擾移至鄰村柴氏家租房居住同治四年二月間郭二小帶刀復往強欲存住經郭青漢攆逐郭二小復往攪鬧郭青漢向郭青富告知郭青富答稱如再尋擾儘管毆責十一月二十九日夜郭二小又往叫門求宿郭青漢不肯開納郭二小至柴氏家推門進

大狀尾原

郭青漢

屋硬欲借住柴氏不允彼此爭吵柴氏邀郭青漢管教郭青漢往向郭二小訓斥郭二小不服頂撞郭青漢嚷罵郭二小用刀奔砍郭青漢取木棒向郭二小頭面連毆倒地將刀格落郭二小毒罵郭青漢憶及前情並聞郭二小偷竊爲匪玷辱祖宗一時氣忿起意致死又用棒疊毆郭二小在地滾動先後致傷其顛門偏左偏右額顛右額角右眉梢左耳連耳輪耳垂耳根右耳腦後髮際左臙朋右腳腕右肱肘右手背至三十日殞命報驗審供不諱查郭青漢故殺小功姪郭二小身死雖因郭二小行竊爲匪玷辱祖宗起見惟郭二小之父尙在郭青漢應以疏遠親屬論例不得減等科斷應仍按本律問擬郭青漢合依毆同堂小功姪故殺者絞律擬絞監候秋後處決據供父老丁單是否屬實應俟秋審時照例查明取結送部核辦等因具題奉

旨郭青漢依擬應絞著監候秋後處決餘依議欽此

同治九年秋審死係犯尊卑幼該犯殺由忿激衅起管教郭青漢應緩決再該犯原供有父郭現澀年逾七十家無次丁是否屬實現在取結查辦

故殺小功卑幼情節較慘惟死者遊蕩好賭屢向該犯纏擾嗣被訓斥復持刀向砍實屬理曲逞兇犯尊該犯殺固有心究由死者行竊爲匪玷辱祖宗起見定案時因死者之父尙在該犯例以疏遠親屬論不得量減問擬秋審衡情尙可原緩結到並准留養記候核 准其留養

1971
11/11

MT

謀殺女婿身死凡人加功 山東陽穀縣案

一起楊鈺松謀殺總麻女婿張三蟾身死孫鈺白下手加功一案將楊鈺松孫鈺白均依律擬絞等因具題奉

旨三法司核擬具奏欽此該 臣等會看得楊鈺松並孫鈺白與張三蟾先無嫌隙張三蟾係楊鈺松之婿孫鈺白與楊鈺松同莊往來楊鈺松之妻杜氏見面不避孫鈺白乘閒與杜氏通姦楊鈺松貪利縱容張三蟾聞知禁止其妻楊氏不與母家往來自此翁婿不和同治四年三月初二日張三蟾向楊鈺松強借錢十千文聲稱如不給錢定將楊鈺松縱姦之事各處張揚楊鈺松恐醜聲傳播起意致死滅口假許借錢資助將張三蟾留住在莊家獨自往尋孫鈺白告知謀情央允幫助並囑攜帶麻繩先在莊外等候楊鈺松回歸聲言錢已借妥令張三蟾同往擄取更餘時行至莊外與孫鈺白會遇楊鈺

松乘張三嬉不備將其拉跌倒地石塊磕傷右額角左額角連額顱騎坐背上用兩膝壓住其兩手向孫鈺白取過麻繩纏繞其項頸張三嬉掙扎喊罵孫鈺白按住其兩腿楊鈺松兩手分執繩頭用力拉勒登時氣閉殞命楊鈺松復起意埋屍滅跡商同孫鈺白刨掘土坑將屍掩埋各散經屍兄張振山查知報驗獲犯審供不諱查張三嬉係楊鈺松女婿服屬總麻楊鈺松商同孫鈺白將其謀殺身死應各按本律問擬除杜氏擬杖的決外楊鈺松合依尊長謀殺外姻卑幼已殺者依故殺法故殺外姻總麻卑幼絞律擬絞監候孫鈺白合依謀殺人從而加功者絞律擬絞監候均秋後處決等因具題奉

旨楊鈺松孫鈺白俱依擬應絞著監候秋後處決餘依議欽此
同治九年秋審楊鈺松謀殺伊婿孫鈺白從而加功楊鈺松

孫鈺白均應情實

縱妻與人通姦因恐總麻女婿張揚姦情謀殺其命情殊慘忍雖死者向伊強借錢文意圖挾制理亦不直該犯殺雖有心並無憎嫌詐賴別情似不無一線可原究係挾嫌謀殺外姻總麻卑幼之案未便牽行議緩均照實

禾言車可
之
夕
二

三

故殺女婿身死 山東甯陽縣案

一起王得平故殺總麻女婿秦繼業身死一案將王得平依律擬絞等因具題奉

旨三法司核擬具奏欽此該臣等會看得王得平與總麻女婿秦繼業素睦無嫌秦繼業乏食其妻王氏常在王得平家居居住光緒三年四月初一日秦繼業往接王氏回家聲稱因貧欲行價賣王得平不允村斥秦繼業毆罵王得平回罵秦繼業用拳毆傷王得平上唇吻折落上牙齒一個王得平取刀扎傷其左頤頰劃傷右胎膊右手腕王得平之妻鄭氏上前拉勸秦繼業疑護舉腳亂踢鄭氏拾木柴毆傷其左右臙肋王得平用刀扎傷其右腳跟倒地秦繼業罵稱傷痊定將伊全家殺害王得平忿極起意致死復用刀扎傷其左耳竅左耳根立時殞命王得平畏罪令鄭氏幫同將屍擡至村外掠棄

大獄錄卷之二 服制門成案

王得平

灣內走回經人瞥見屍身報驗審供不諱查秦繼業身受各傷惟後被王得平扎傷左耳根爲重且係臨時起意故殺應以擬抵除鄭氏依棄總麻卑幼死屍不失爲從律擬徒收贖外王得平合依外姍尊長毆總麻卑幼至死者絞故殺亦絞律擬絞監候秋後處決等因具題奉

旨王得平依擬應絞著監候秋後處決餘依議欽此

光緒五年秋審殺固有心惟死係理曲犯尊外姻總麻卑幼尙無憎嫌詐賴情事卽棄屍不失亦屬輕罪不議王得平應緩決

故殺總麻女婿情節較慘惟死者將妻寄養該犯家中又欲因貧領賣迨該犯向斥輒逞兇毆傷實屬理曲犯尊該犯殺固有心究無憎嫌畏累及詐賴別情至事後棄屍滅跡係畏罪起見

向不以之加重記緩候核 照緩

大欒母氏

卷二

服制門成案

奇

王得平

才高年二十...

四

故殺義子身死 四川巴州案

一起苟伍韋故殺義子苟黑娃身死一案將苟伍韋依律擬絞等因具題奉

旨三法司核擬具奏欽此該 臣等會看得苟伍韋與年甫十一歲之義子苟黑娃素無嫌怨苟黑娃本姓魏自幼抱與彭幗棟爲義子更名彭友裡後彭幗棟病故經彭幗棟兄妻黃氏於同治四年五月間將彭友裡轉抱與苟伍韋爲義子更名苟黑娃六年五月初二日苟伍韋帶同苟黑娃赴山檢柴苟黑娃在山坡貧耍苟伍韋當向斥罵苟黑娃出言頂撞苟伍韋順拾樹條毆傷其左肱肘苟黑娃撲奪樹條苟伍韋毆傷其右後脇倒地苟黑娃睡地撒賴亂滾亂罵稱其定欲歸宗不願與苟伍韋爲義子苟伍韋因其不聽管教一時氣忿起意致死又用樹條亂毆致傷其左右臂膊右肱肘左右後肋左

右臂左右腿左右膝肋當卽殞命苟伍韋畏罪復起意私埋
匿報將屍負至林內挖坑掩埋逃逸訪驗獲犯審供不諱苟
伍韋合依義子過房在十五以下恩養未久有殺傷者以雇
工人論家長毆雇工人故殺者絞律擬絞監候秋後處決等
因具題奉

旨苟伍韋依擬應絞著監候秋後處決餘依議欽此

同治九年秋審殺固有心死係不聽管教義子並無憎嫌詐
賴別情其私埋係畏罪常情苟伍韋應緩決

故殺年甫十一歲恩養未久義子情節較慘姑
以死者貪耍不服管教因該犯毆責輒撒賴滾
罵並稱不願與該犯爲義子亦屬昧良該犯殺
固有心尙無憎嫌詐賴別情稍有一綫可原記
緩候核 照緩

毆傷夫總麻服兄身死 四川昭化縣案

一起張氏毆傷夫之總麻服兄張懷甫身死一案將張氏依律擬斬等因具題奉

旨三法司核擬具奏欽此該 臣等會看得張氏與夫之總麻服兄張懷甫同院居住素無嫌隙張氏母家與其夫張懷懋同姓不宗同治六年六月初三日張氏因失落布帶查找無獲在房嚷罵張懷甫在院聽聞聲言張氏自不小心張懷懋斥其多管張懷甫不依慢罵張懷懋回詈張懷甫攜木棒毆傷張懷懋左肱肘張懷懋奪棒毆傷其左臂膊右後肋張懷甫用腳向踢張懷懋毆傷其右腳踝張懷甫奪棒張懷懋毆傷其右肩甲張懷甫抓住張懷懋髮辮按張氏出房瞥見恐夫受虧順拾木桌腳攏護毆傷張懷甫左耳根張懷甫釋手撲奪桌腳張氏情急用桌腳嚇毆適傷其右太陽倒地至初五

日因傷殞命報驗審供不諱查張懷甫身受各傷惟後被張氏毆傷右太陽爲重應以擬抵除張懷懋依毆本宗總麻兄折傷以上加等律擬徒外張氏合依毆夫之總麻尊長死者斬律擬斬監候秋後處決等因具題奉

旨張氏依擬應斬著監候秋後處決餘依議欽此

同治九年秋審鮮起護夫毆有急情張氏應緩決

婦女致斃夫之有服尊長向不入服制辦理如情傷俱輕者秋審亦有酌緩成案此起與夫共毆致斃夫之總麻兄該氏木器致命二傷一骨損傷不爲輕惟死者先將伊夫毆傷復抓生髮辯接按該氏情切救護與無故逞兇犯尊者不同且傷係他物共毆亦非預糾不無可原記緩候核 照緩

故殺夫胞姪身死 四川渠縣案

一起方氏故殺夫胞姪易二生身死一案將方氏依律擬絞等
因具題奉

旨三法司核擬具奏欽此該臣等會看得方氏與夫胞兄之子易
二生素睦無嫌易二生自幼父母俱故並未遺有財產隨方
氏夫婦度日經方氏撫養長成易二生素性倔强不聽管教
同治七年六月間方氏之夫易居高出外貿易十六日方氏
令易二生赴山檢柴易二生貪懶不理方氏訓斥易二生不
服頂撞低頭向撞方氏用腳踢傷其下部倒地易二生睡地
屢罵辱及方氏父母方氏氣忿起意致死拾石毆傷其額門
右太陽右耳竅連耳垂移時殞命報驗獲犯審供不諱方氏
合依妻毆夫之兄子故殺者絞律擬絞監候秋後處決等因
具題奉

旨方氏依擬應絞著監候秋後處決餘依議欽此

同治九年秋審殺固有心死係不聽管教夫之期親卑幼方氏應緩決

故殺夫期親卑幼之案如衅起管教並無圖產詐賴別情者秋審向有入緩成案此起故殺夫兄孤子情節較慘惟死者幼經該氏撫養長成嗣因懶惰訓斥輒向頂撞辱罵實屬理曲犯尊原題聲明死者父母俱故並未遺有財產係屬無產可圖且衅起管教亦無憎嫌詐賴別情雖殺係有心究不無一綫可原記緩候核 照緩

謀殺妻身死 福建龍巖州案

一起林椿滌謀殺伊妻陳氏身死一案將林椿滌依律擬絞等因具題奉

旨三法司核擬具奏欽此該 臣等會看得林椿滌娶妻陳氏性情悍潑不服其姑黃氏管教並時向林椿滌吵鬧同治六年九月閒有強氏田內地瓜被竊向陳氏查問陳氏斥說不應平空查詰致相爭鬧經黃氏勸止十月初九日黃氏令陳氏做飯不理生氣哭泣林椿滌聞知將陳氏斥責陳氏肆潑哭鬧林椿滌趕毆經黃氏喝住林椿滌因陳氏屢肆潑鬧不服教訓致黃氏生氣起意將其致死晚閒陳氏在廚房煮麵林椿滌將毒鼠藥末乘閒和入麵內陳氏食下旋即毒發移時殞命林椿滌因家貧無錢裝殮憶及陳氏曾與強氏口角復起意移屍圖賴得錢殮埋央允族叔林照生將屍擡至強氏家

丙林椿濼向強氏嚇稱陳氏被強氏誣竊自盡如不出錢殮埋定卽控官拖累強氏投保報驗獲犯審供不諱除林照生擬杖竊瓜正賊緝獲另結外林椿濼合依夫毆妻至死者絞故殺亦絞律擬絞監候秋後處決等因具題奉

旨林椿濼依擬應絞著監候秋後處決餘依議欽此

同治九年秋審死係不孝有據之妻林椿濼應緩決

謀殺妻命復移屍向人圖賴被賴者又係向伊妻疑竊查問爭吵之人情殊兇狡姑以死者素性悍潑不服管教經其姑囑令做飯不理迨該犯斥責仍復肆潑哭鬧該犯將其毒斃係因慮毋生氣所致尙無憎嫌別情至移屍圖賴係在事後與蓄意詐賴而殺者不同稍有一綫可原記緩候核 改實

故殺妻身死 直隸通州案

一起陳泳汰故殺伊妻張氏身死一案將陳泳汰依律擬絞等因具題奉

旨三法司核擬具奏欽此該臣等會看得陳泳汰與妻張氏素不和睦張氏素性悍潑曾私自赴京尋工經陳泳汰查知找回張氏不願在家過度又私自進京傭工陳泳汰因其不服管束亦未往找嗣經陳泳汰之子陳楨往向找回張氏心未輸服時常吵鬧陳泳汰忍受光緒元年四月十七日陳泳汰聞張氏在外有銀錢衣物積蓄未經攜回向張氏查詢張氏聲言自己傭趁有無積蓄與伊無干斥說不應查問陳泳汰分辯張氏不服混罵陳泳汰回罵張氏拾鐵篙向毆陳泳汰奪篙連毆傷其左手腕倒地將篙頭掉落張氏撒潑稱欲起身拚命陳泳汰忿起殺機拾鐵耙屢扎傷其肚腹右脇臍肚小

腹劃傷心坎肚腹因耙頭掉落復拾鐵鋤亂毆傷其頂心連額門額顛右額角右太陽右眉右眼胞眼睛鼻梁鼻準人中上下唇吻牙齒右頷頰右顛頰右耳輪腦後項頸當卽殞命報驗審供不諱陳泳汰合依夫毆妻至死者絞故殺亦絞律擬絞監候秋後處決等因具題奉

旨陳泳汰依擬應絞著監候秋後處決餘依議欽此

光緒三年秋審殺固有心死係悍潑之妻尙無憎嫌詐賴別情陳泳汰應緩決

謀故殺妻無憎嫌畏累圖詐圖賴重情者尙多入緩此起死者私自出外傭工經該犯屢次找回不服已屬不守婦道迨該犯聞有積蓄財物查問輒行斥罵向毆尤屬悍潑不順該犯殺固有心尙無起衅別故不無可原記緩候核 照

緩

火獸辱夏
卷二 服制門成案

七

陳泳汰

故殺妻身死 山西榆社縣案

一起李先苟故殺伊妻李氏身死一案將李先苟依律擬絞等因具題奉

旨三法司核擬具奏欽此該 臣等會看得李先苟聘娶同姓不宗之李氏爲妻平素和睦李氏生性倔强李先苟屢訓不悛同治七年八月二十一日夜李先苟因天氣潮溼令李氏燒炕李氏不理李先苟斥其懶惰李氏回詈並牽及李先苟父母李先苟氣忿起意致死卽將李氏仰面推倒炕上用右手按住兩手左手搭傷其咽喉登時殞命報驗獲犯審供不諱李先苟合依夫毆妻至死者絞故殺亦絞律擬絞監候秋後處決等因具題奉

旨李先苟依擬應絞著監候秋後處決餘依議欽此

同治九年秋審殺固有心死係不順之妻李先苟應緩決

因令妻燒炕不理逞忿故殺其命情節固慘惟死者經該犯斥癩輒向回詈並牽及該犯父母實屬悍潑不順該犯殺固有心究無憎嫌詐賴別情尙可原緩結到並准留養記候核 准其留養

秋讞輯要卷三

目錄

人命門成案上 計六十八起

挾讎放火延燒斃命犯兄帶同投首

胡漢江

夥盜悔罪於五日外作線指獲同伴

殷茂東

逞忿謀斃嬰孩擬斬逢 恩免其立決

趙氏

挾嫌謀殺無服族人身死

杜伯株等

挾恨謀命從犯復聽從越獄未成

胡葆馨等

姦夫因姦謀斃教令犯姦之翁

包二

謀殺而誤殺其人之孫

楊洛二

故殺入而誤殺旁人

靳中兒

聽從謀殺下手加功

張笑

圖財害命從犯得財未加功

張泳得

誑賣婦女未成謀殺本夫身死

王老虎

調姦未成拒殺本夫

李守導

調姦未成拒殺捕人

袁盛偵

因姦拒殺捕人

李零昇

竊賊事後推拒事主之店夥落水身死

吳方進

竊賊拒殺差役稟准邀同幫捕之眼線

朱鉅葆

行竊場園秫稽被追拒殺事主

閻紹發

姦夫聽從姦婦謀殺本夫身死

王洛大

姦夫聽從姦婦謀殺縱姦本夫身死

鍾四仔

為父復讎故殺遇

陳爾證

赦累減責釋之兇犯

魯芳

別故爭毆憶及兄讎逞忿故殺

趙長發

為父復讎連斃讎人父子一家二命

王仔恆

疑姦故殺二命

賭匪連斃賭匪二命一鬪一誤

唐洪舜

因瘋連斃父子一家二命

曹幫村

事後殺死擾害棍徒父子二命

許春鑑

糾毆致斃彼造二命

楊台信

糾毆致斃彼造二命

施時金

同族互毆致斃彼造二命

李小紅等

兄弟致斃彼造父子一家二命

羅開恆等

叔姪致斃彼造兄弟一家二命

劉啟瑞等

堂伯姪致斃彼造雇主雇工一家二命

蕭萇等

互毆致斃彼造三命

吳松達等

同族互毆致斃彼造父子一家三命

王登騰等

叔姪致斃彼造兄弟叔姪一家三命

溫芒山等

互毆致斃彼造一家四命

段汶租等

互毆共斃五命

張尙聰等

軍犯在配鬪毆殺人

聶洞昇

軍犯在監致斃人命

王鈺椿

鬪殺金刃一傷

王冬城

鬪殺金刃一傷

許三虎

鬪殺金刃二傷

臧玘耀

鬪殺金刃三傷

王瀛城

鬪殺金刃五傷

劉城禾

鬪殺金刃五傷

陳泉娃

鬪殺金刃五傷

趙老年

鬪殺金刃六傷

陳大有

鬪殺金刃六傷

梁廣衛

鬪殺金刃七傷

索儉

鬪殺金刃十四傷

戴大品

鬪殺金刃十七傷

薛城賈

鬪殺刃物四傷

孟繼遷

鬪殺他物二傷

蔡二

鬪殺他物八傷

馬小閏

鬪殺他物十二傷又腳踢一傷

張齡

鬪殺他物十六傷

羅金旦

推倒騎壓手搭咽喉氣閉殞命

唐銅

推倒後手搭咽喉膝跪脇腹身死

賴亞木

帶跌跪傷下部手揜咽喉斃命

黃氏

撞傷額門越四日抽風殞命

周萬

原謀共毆下手傷重

戈鈺庭

原謀斃命他物一傷

陳瀛鳴

大... 目錄

聽糾斃命他物一傷

陳再荃

聽糾斃命他物三傷

燕薜城

聽糾斃命他物八傷

李恆洸

聽糾致斃彼造三命

李格等

聽糾械鬪放火致斃彼造二十命

許泳騰等

聽糾械鬪互斃五十二命

胡儉仿等

秋讞輯要卷三

人命門成案上

挾讎放火延燒斃命犯兒帶同投首

江西瑞昌縣案

一起胡漢江挾讎放火燒傷張輝儀身死經伊兒帶同投首一案將胡漢江依律擬絞等因具題奉

旨三法司核擬具奏欽此該臣等會看得胡漢江與張輝儀無嫌

張輝儀胞弟張輝遠住屋與胡漢江房屋斜連屋後水溝一道向山胡漢江屋後繞出同治十一年十一月十八日胡漢江因雨多水溢流入住屋在屋旁築壩堵截致水灌入張輝遠屋內張輝遠查知攜鋤將壩掘毀胡漢江出阻張輝遠舉鋤向毆經人勸止並令胡漢江服禮各散胡漢江因此懷恨稔知張輝遠山上堆積柴草起意放火燒燬洩忿是夜獨自攜帶火煤潛至張輝遠堆積柴草處用火煤點燃張輝發

人命門成案上

胡漢江

望見趕救將胡漢江扭住盤出實情胡漢江掙脫逃跑時值風狂火烈延燒張輝儀茅棚詎張輝儀在棚看守山薯致被火燒傷殞命經縣訪緝詣驗旋據犯兄胡漢池將胡漢江首送到縣審供不諱查胡漢江挾讎放火致張輝儀被燒身死罪應斬決惟既經伊兄捻送到官律同自首得免所因應仍按鬪殺本律問擬除失察牌甲擬杖援免仍革役外胡漢江合依鬪毆殺人者不問手足他物金刃並絞律擬絞監候秋後處決事犯在

恩旨以前招解在後毋庸查辦復逢

恩詔係挾讎放火燒斃人命不准援免應酌入秋審緩決辦理等因具題奉

旨胡漢江依擬應絞著監候酌入秋審緩決餘依議欽此

光緒二年秋審胡漢江應緩決

夥盜悔罪於五日外作線指獲同伴 山東嶧縣案此起應入雜項

一起殷茂東聽從行劫黃氏等家銀物於五日外悔罪指獲同

夥旋被供出一案將殷茂東依例擬斬等因具題奉

旨三法司核擬具奏欽此該 臣 等會看得殷茂東先未為匪同治

十二年二月初三日殷茂東與素識之李見晟並閻妮李愨

杜三句劉妮劉意朱澱按侯大肚子殷十一蕭蔴仔劉鴨武

五徐邵吳二張禿仔張四楞仔遇道貧難李見晟起意糾允

殷茂東等行劫另糾不識姓名一人入夥一共十八人分別

持械徒手夜抵黃氏門首用石撞門進內劫得銀錢衣物各

散三月初一日夜閻妮起意糾允殷茂東並李愨楊青山何

松嶺龍破徐思厚劉妮劉意朱澱按侯大肚子殷十一蕭蔴

子同夥十三人分別持械徒手偕抵趙存楹門首用石撞門

進內點燃火亮劫得銀錢衣物趙存楹驚覺起捕閻妮用木

次獻耳要 卷三 人命門成案上 二 殷茂東

棍拒傷趙存楹右肩甲一同攜贓逃逸先後將贓分別存留及賣與不識姓名人得錢同劫得銀錢俵分花用報勘差緝捕役姚勝春風聞殷茂東各處遊蕩必知盜犯踪跡雇令殷茂東作線幫緝殷茂東恐獲犯究出同夥必問重罪一時悔悟起意指拿同伴送究希圖輕減罪名卽隱匿夥劫情由指引姚勝春等於十三二十八等日將李見晟閻妮李憨杜三句楊青山何松嶺龍破徐思厚先後拏獲李見晟等供出殷茂東夥同行劫捉集審訊供認不諱並究出閻妮等另劫張彩麟李景和家二次趙存楹傷經平復除強劫得財罪應斬決之李見晟閻妮李憨杜三句楊青山何松嶺龍破徐思厚先後正法劉妮等緝獲另結犯父牌甲免責外殷茂東合依眼線如曾爲夥盜悔罪將同伴指獲致被供出者如在五日以外照傷人首盜聞拏投首斬例擬斬監候秋後處決事犯在

恩旨

恩詔以前係強盜得財因悔罪指獲同伴免其立決不准援減援免等因具題奉

旨殷茂東依擬應斬著監候秋後處決餘依議欽此

光緒三年秋審雖聽從疊劫惟悔罪指獲夥盜情尚可原殷茂東應緩決

舊例爲首之盜脫逃如有夥盜供出逃匿所在限一年內拏獲者將供出之夥盜免死擬軍至同治九年修例加嚴改爲斬候係由輕加重恭逢

恩詔不准查辦已屬嚴而又嚴秋讞衡情該犯悔罪於五日後充作眼線指獲盜犯八名情節大有可原若復入實似不足以開自新之路應照緩

歸入彙奏 照緩彙奏

逞忿謀斃嬰孩擬斬逢

恩免其立決

山西臨晉縣案

一起趙氏謀殺未彌月女孩並誤殺甫三月女孩各身死一案將趙氏依例擬斬立決等因具題奉

旨三法司核擬具奏欽此該

臣

等會看得趙氏與未彌月女孩及

甫三月女孩均無嫌隙二女孩均係該縣育嬰堂收養光緒元年二月間趙氏因貧難度商允伊夫先將所生半歲幼女送進堂內希圖自充乳婦可得工錢並可仍養己女嗣趙氏挽人保薦入堂因素吸洋烟知堂內不准吸煙將賸煙打泡帶備過癮堂章收養嬰孩按進堂先後挨次乳哺時嬰孩連趙氏之女共十二口乳婦連趙氏僅止十一人管堂人因未彌月女孩進堂在先照章將甫進堂之趙氏女孩交在堂乳婦宋氏帶乳將未彌月女孩派令趙氏乳哺趙氏因不能乳哺己女心中生氣初二日夜又聞己女時常啼哭料係宋氏

火獸冒夏
卷三
人命門成案上

趙氏

乳不敷食愈加氣忿起意將所乳女孩致死冀圖挨次乳養
己女潛將帶進煙泡搗開抹入未彌月女孩口內隨乳下嚥
適同炕住宿之郭氏頭痛將所乳甫三月女孩央允趙氏代
乳不意未彌月女孩食乳時口內溢出洋煙黏在乳頭致甫
三月女孩誤將洋煙亦隨乳下嚥初三日早未彌月女孩毒
發身死報驗飭醫甫三月女孩至初四日亦毒發殞命復驗
審供不諱查二女孩並非一家趙氏謀殺未彌月女孩身死
罪應斬決其因謀誤將甫三月女孩致斃罪止斬候應從重
問擬趙氏合依將十歲以下幼孩逞忿謀殺者斬例擬斬立
決等因具題恭逢

恩詔經刑部查係謀殺十歲以下女孩另誤殺幼孩一命不准援
免惟無關拾惡應准免其立決入於秋審辦理等因具奏奉

旨依議欽此

光緒三年秋審逞忿謀斃嬰孩一命又誤斃一命恭逢

恩詔已蒙

奏明免其立決趙氏應照例情實惟該犯婦旣逢

恩詔業蒙

施仁法外由立決改爲監候可否再予寬緩之處聽候部議

大漢軍臣等謹將此案上

趙氏

五
卷三

五

挾嫌謀殺無服族人身死 安徽太平縣案

一起杜伯株謀殺杜幅星身死杜小但下手加功一案將杜伯株依律擬斬杜小但擬絞等因具題奉

旨三法司核擬具奏欽此該 臣 等會看得杜伯株並杜小但均與

杜幅星同族無服杜幅星平素兇橫不講情理杜伯株家前因匪擾住屋被毀賸有木料被杜幅星拆賣向理拚鬧杜小但家有田與杜幅星田地毘連屢因放水爭吵均與杜幅星有嫌同治十二年五月間杜幅星家雇工老何辭工另受雇與杜幅星族人杜金寶家幫忙杜幅星查知聲言杜金寶勾串老何辭歇至杜金寶家不依吵鬧杜伯株杜小但同向勸解杜幅星疑護牽罵杜伯株分辯杜幅星將杜伯株扭毆經人勸開杜伯株氣忿憶及前曾被拆房料之嫌愈加忿恨起意將杜幅星致死洩忿邀允杜小但杜金寶相幫約定伺便

下手二十六日杜伯株探知杜幅星一人在家邀同杜小但杜金寶分攜鐵鈹木棍齊至杜幅星家一擁入內杜幅星拾棒迎抵杜伯株用鈹將棒格落連毆傷其左臂膊杜小但用棍連毆傷其顙門倒地杜伯株又用鈹毆傷其左眼胞右眼角杜小但用棍連毆傷其右臂膊偏左杜幅星臥地哼呼尙未氣絕杜伯株令杜小但用手捺住其咽喉當卽氣閉殞命杜伯株等各散杜小但起意埋屍滅迹邀允老何同往用繩將其細縛擡赴村外掘坑掩埋逃逸報驗獲犯審供不諱查杜伯株杜小但杜金寶均與杜幅星同族無服致死應同凡論除杜金寶依謀殺人從而不加功律擬流援免老何應免緝拿外杜伯株合依謀殺人造意者斬律擬斬監候杜小但合依從而加功者絞律擬絞監候均秋後處決事犯在

恩詔以前杜伯株謀殺造意杜小但從而加功均不准援減援免
杜小但究無因姦因盜等情事應照奏定章程酌入秋審緩
決辦理等因具題奉

旨杜伯株依擬應斬著監候秋後處決杜小但依擬應絞著監候
酌入秋審緩決餘依議欽此

光緒二年秋審該犯等恭逢

恩詔不准援免杜小但酌入秋審緩決辦理挾嫌起意謀殺杜伯
株應情實

挾嫌謀命除下手加功另擬緩決外該犯謀殺
造意例實惟死者拆賣伊房定案時因係該犯
同族且事後別故起衅不得照擅殺定擬已屬
從嚴秋審衡情該犯因憶及前曾被拆房料觸
忿若照入實與殺死無罪族人毫無區別可否

將該犯歸入彙奏改緩 改緩歸彙奏

挾恨謀命從犯復聽從越獄未成

江蘇桃源縣案

一起胡葆馨謀殺葛克諧身死李其懋下手加功一案將胡葆馨依律擬斬李其懋擬絞等因具題奉

旨三法司核擬具奏欽此該_臣等會看得胡葆馨並李其懋與葛

克諧均先無嫌隙葛克諧素性强橫曾因年荒將田八畝契賣與胡葆馨爲業時田價正賤得錢一千二百文嗣胡葆馨母故乏錢使用欲將原田增價轉賣葛克諧查知聲稱田係伊家舊業只准照原價買回不准別人承買胡葆馨無奈照原價賣給田四畝葛克諧付錢四百七十文稗梁一斗下欠屢討未給同治十一年三月間胡葆馨因貧又欲將所贖田畝轉賣葛克諧仍用前言挾制胡葆馨前往央懇葛克諧不允並向斥罵欲毆胡葆馨懷恨走散四月初十日胡葆馨與李其懋並袁進修劉有蘭會遇告知前情胡葆馨起意將葛

克諧殺死洩忿商允李其懽等幫助復邀素識之尙傳書胡
憬高陳小六仔幫毆並未告知謀情至夜持械徒手不等偕
抵葛克諧門首胡葆罄令尙傳書胡憬高陳小六仔在外把
守自與李其懽袁進修劉有蘭打門葛克諧開門查問胡葆
罄與李其懽等各用刀棍鐵尺將其砍毆倒地致砍傷其頂
心左額角髮際左手背左眉連左額角左顙頰連左耳左耳
連髮際連砍傷顙門左手腕左手大指毆傷右眉左右肩甲
左臙膊左腳腕何人致傷何處未經看清葛克諧當卽殞命
葛克諧之妾盧氏趕出喊救被袁進修等用刀砍傷各散報
驗訊詳羈禁另案斬犯趙開懽起意商允李其懽並另案軍
犯沈阿詳等越獄脫逃乘禁卒人等睡熟扭壞銬鎖撬開鋪
板刨空地道尙未穿透經禁卒人等知覺將趙開懽等拏獲
審供不諱查胡葆罄謀殺葛克諧身死罪應擬斬李其懽爲

從加功罪應擬絞李其懞復聽從越獄未成例無作何加重
明文應仍按本律問擬除原擬斬決之趙開懞歸於越獄案
內卽行正法原擬軍流之沈阿詳等亦歸越獄案內加等奏
結聽從謀命下手加功罪應擬絞之袁進修劉有蘭並尙傳
書等均緝獲另結外胡葆馨合依謀殺人造意者斬律擬斬
監候李其懞合依從而加功者絞律擬絞監候俱秋後處決
事犯在

恩旨

恩詔以前胡葆馨係謀殺造意李其懞係爲從加功均不准援減
援免李其懞應照奏定章程酌入秋審緩決辦理等因具題
奉

旨胡葆馨依擬應斬著監候秋後處決李其懞依擬應絞著監候
酌入秋審緩決餘依議欽此

火獄旨要卷三十一人命門成案上

七 胡葆馨等

光緒三年秋審除李其懋另擬緩決外挾恨謀命造意爲首
胡葆馨應情實

竊夫因竊謀斃教令犯竊之翁 直隸天津縣案

一起包二因竊謀殺教令犯竊之翁秦萬輝身死一案將包二比例擬斬等因具題奉

旨二法司核擬具奏欽此該 臣 等會看得包二與秦萬輝鄰村往

來秦萬輝子婦孫氏習見不避包二與孫氏之夫秦鈺得均做鞋手藝嗣包二由鞋鋪散工回津因無住址找向秦萬輝借房秦萬輝留與同居其食包二出錢給秦萬輝使用秦萬輝見包二有錢曾令孫氏借過數次包二見孫氏少艾乘閒向其調竊孫氏未允向秦萬輝父子哭訴秦萬輝等因家道貧寒囑令孫氏與包二竊好可得資助孫氏隨與包二竊好包二時給秦萬輝等銀錢資用後秦萬輝等欲將孫氏價賣各自出外謀食向包二告述包二恐將孫氏賣出不能常與竊宿自又無力承買起意誘令秦萬輝父子外出謀害可將

孫氏姦估同治十一年二月閒包二在不識姓名人擔上買得紅礬並買白麩斤半做饅四箇將紅礬和入兩饅內藏放身邊向秦萬輝父子捏稱有素好鞋鋪找人管帳如果願去伊卽伴送秦萬輝應允十五日包二與秦萬輝一同起身行至中途秦萬輝聲稱飢餓包二取礬饅給食逾時毒發殞命包二回向秦鈺得並孫氏捏稱已將秦萬輝送至該鋪並稱該鋪尙欲添雇夥計已將秦鈺得薦成令同伊前往秦鈺得信實當與包二同伴起程行抵中途包二取麩饅自食秦鈺得瞥見向索包二仍取礬饅給食秦鈺得旋卽腹痛躓地嘔吐包二聲稱伊往通知秦萬輝雇人擡往醫治脫身走回向孫氏誑稱伊因身體寒冷折回令秦鈺得一人前往孫氏信真仍與包二姦宿秦鈺得經過路人扶救得生報驗審俱不諱查包二與秦萬輝之媳孫氏通姦係秦萬輝同子秦鈺得

教令包二將秦萬輝謀毒身死比例罪應擬斬其謀毒秦鉦
得傷而未死罪止擬絞應從重問擬除孫氏依子犯姦父母
教令被人謀殺子婦有犯與子同科例擬流秦鉦得擬杖均
援免外包二應比依本夫抑勒妻與人通姦被姦夫起意謀
殺姦夫斬例擬斬監候秋後處決事犯在

恩旨

恩詔以前係姦匪因姦謀命不准援減援免等因具題奉

旨包二依擬應斬著監候秋後處決餘依議欽此

光緒二年秋審姦匪因姦謀命一死一傷恭逢

恩旨

恩詔經部題明不准減免包二應情實

謀殺而誤殺其人之孫 山東長清縣案

一起楊洛二因謀殺誤殺樹淘氣身死一案將楊洛二依律擬斬等因具題奉

旨三法司核擬具奏欽此該 臣等會看得楊洛二與年甫十三歲之樹淘氣鄰居無嫌樹淘氣係樹澱魁之孫光緒元年三月閒楊洛二爲已故兄妻李氏出殯李氏之弟李連中因楊洛二未向知會前往吵鬧樹澱魁走至查問亦斥楊洛二非是楊洛二村斥多管樹澱魁不服混罵彼此爭毆勸散樹澱魁將李連中邀至家中設酒款待楊洛二疑李連中吵鬧係樹澱魁挑唆心懷忿恨送殯回歸往找樹澱魁理論未遇令妻袁氏屢赴樹澱魁家辱罵四月十六日樹澱魁酒醉攜刀趕至楊洛二門首聲稱袁氏屢次滋鬧定欲與楊洛二 命楊洛二持刀出向爭毆復經勸散楊洛二忿極起意將樹澱魁

致死洩忿稔知樹澱槐向在北屋東閒睡宿是夜獨自攜刀潛赴樹澱槐門首撥門進房聽聞東閒微有鼾聲料係樹澱槐在炕睡宿隨即走進炕沿持刀很扎不期樹澱槐適赴後院牛欄餵牛惟樹淘氣一人在炕睡宿黑暗中未及辨認致誤扎傷樹淘氣臍肚樹淘氣聲喊楊洛二始知誤傷逃走樹澱槐聽喊趕出查問見楊洛二逃出門外追趕無及樹淘氣旋卽殞命報驗審供不諱除李連中擬杖外楊洛二合依謀殺而誤殺其人之孫依謀殺本律科罪謀殺人造意者斬律擬斬監候秋後處決等因具題奉

旨楊洛二依擬應斬著監候秋後處決餘依議欽此

光緒三年秋審因謀殺而誤殺其人之孫法所難寬楊洛二應情實

故殺人而誤殺旁人 直隸完縣案

一起靳中兒因故殺誤殺宋白仔身死一案將靳中兒依律擬斬等因具題奉

旨三法司核擬具奏欽此該 臣 等會看得靳中兒與宋白仔素識無嫌靳中兒乞丐度日借欠宋白仔素好之霍洛見錢一千文未償霍洛見曾向索討爭鬧嗣霍洛見復向索欠將靳中兒辱罵靳中兒丐伴劉大嘴向勸亦被牽罵爭吵各散光緒元年七月十三日夜靳中兒飲醉在空廟躡臥劉大嘴赴廟外橋上乘涼適霍洛見同宋白仔路過劉大嘴瞥見提起前情向霍洛見村斥霍洛見不服混罵靳中兒聽聞順持屠刀趨護劉大嘴揪住霍洛見揪按倒地靳中兒憶及屢被霍洛見索欠辱罵一時氣忿起意致死時宋白仔正向劉大嘴拉勸靳中兒走至宋白仔背後因酒醉糊塗不辨面貌意謂卽

係霍洛見用刀很扎致傷宋白仔左臂膊左右後肋宋白仔
喊跌倒地斬中兒方知誤扎查看霍洛見尙被劉大嘴揪按
復用刀扎傷霍洛見右腋肌左後肋滾跌落橋宋白仔移時
殞命首驗審供不諱霍洛見傷經平復查斬中兒因故殺誤
殺宋白仔身死罪應擬斬其故殺霍洛見傷而未死係屬輕
罪應從重問擬除劉大嘴緝獲另結外斬中兒合依故殺人
而誤殺旁人以故殺論故殺者斬律擬斬監候秋後處決等
因具題奉

旨斬中兒依擬應斬著監候秋後處決餘依議欽此

光緒四年秋審故殺人而誤殺旁人法難寬宥斬中兒應情
實

聽從謀殺下手加功 山東荷澤縣案

一起張笑聽從謀殺彭助身死下手加功一案將張笑依律擬絞等因具題奉

旨三法司核擬具奏欽此該 臣等會看得張笑與年十三歲之彭助同莊無嫌同治十三年七月初二日張笑同張加赴地割草與彭助撞遇閒談彭助譏誚張加張笑之妻常在門首站立均非正經婦人張加斥其不應平空糟蹋致相罵詈彭助聲言定行各處傳播使張加等無顏見人張加忿極起意商允張笑將彭助致死張加將彭助推跌倒地騎坐身上彭助掙扎致擦傷左右手腕右臂膊張笑按住其兩手張加解下彭助褲帶纏繞其咽喉項頸兩手分執帶頭用力拉勒立時氣閉殞命報驗獲犯審供不諱除造意謀命罪應擬斬之張加緝獲另結外張笑合依謀殺人從而加功者絞律擬絞監

候秋後處決事犯在

因心旨以前招解在後毋庸查辦復逢

恩詔係謀殺加功不准援免惟尙無挾嫌貪賄情事應照奏定章

程酌入秋審緩決等因具題奉

旨張笑依擬應絞著監候酌入秋審緩決餘依議欽此

光緒四年秋審張笑應緩決

圖財害命從犯得財未加功 熱河案

一起張泳得聽從胡廣汰圖財謀殺牛進才身死未加功一案緣張泳得並胡廣汰俱係革兵與車夫牛進才均素不認識同治十二年十月間胡廣汰張泳得與同營革兵王汝得閻希棠胡麻汰張中溼會遇商同赴外投營缺乏川資胡廣汰起意邀允張泳得等雇坐車輛中途將車夫謀害可得車驟賣錢分用隨雇定牛進才雙套車輛輪流乘坐十八日行至曠野胡廣汰探望車外無人乘牛進才不防用刀很砍傷其腦後牛進才由車轆掉地滾罵王汝得將牛進才合而揜按胡廣汰用刀連砍傷其腦後立時殞命張泳得等並未動手胡廣汰等將車遺棄卸下騾頭張泳得乘騎一頭牽帶一頭賣與不知姓名人得錢俵分各散報驗獲犯審供不諱並究出張泳得另犯假冒職官訛詐得贓一次未得贓一次查胡

廣汰起意圖財謀殺牛進才身死業已得財殺人罪應斬決
張泳得聽從同行並未加功罪應擬斬其另犯假官詐騙錢
文係屬輕罪應從重問擬除聽從圖財害命得財加功罪應
斬決之王汝得並爲從不加功罪應擬斬之閻希棠等均緝
獲另結買賊之不知姓名人免緝外胡廣汰合依圖財害命
得財而殺死人命者首犯斬立決例擬斬立決張泳得合依
從而不加功者斬例擬斬監候秋後處決事犯在

恩旨

恩詔以前胡廣汰係圖財害命爲首張泳得係聽從圖財害命得
財未加功均不准援減援免等因具題奉

旨胡廣汰著卽處斬張泳得依擬應斬著監候秋後處決餘依議
欽此

光緒三年秋審除胡廣汰處決外聽從謀命得財未加功逢

恩不準援免張泳得應情實

火獸鼠耳

卷三人命門成案上

五

張泳得

誑賣婦女未成謀殺本夫身死

河南許州案

一起王老虎圖財謀殺韓杰懇身死未得財一案將王老虎比
例擬斬等因具題奉

旨三法司核擬具奏欽此該

臣

等會看得王老虎與韓杰懇素不

認識同治十三年二月間韓杰懇因貧攜妻孔氏出外乞討
尋工七月二十七日行至中途在空廟住歇王老虎瞥見查
問韓杰懇告知情由王老虎見孔氏少艾起意誑賣得錢花
用佯勸韓杰懇將妻價賣韓杰懇先未應允王老虎許給身
價錢三十千文買娶爲妻韓杰懇允許孔氏不願分離哭泣
未允王老虎誑稱在此受餓不如至伊家暫住再商韓杰懇
因饑餓難忍私勸孔氏且至王老虎家餬口數日同走孔氏
無奈與韓杰懇同至王老虎家內王老虎向母告知買娶情
由孔氏仍不應允王老虎圖利情急起意將韓杰懇致死滅

王老虎

王老虎

口攜刀誑令赴外尋工韓杰懇信實一同行至僻處王老虎乘韓杰懇不防拔刀砍傷其右顛頰連右耳韓杰懇撲毆王老虎連砍傷其左胎膊倒地復砍傷其項頸當時殞命王老虎回家正欲將孔氏誑出價賣經人查知報驗獲犯審供不諱查王老虎誑賣孔氏未成謀殺本夫韓杰懇身死律例並無治罪專條惟誑賣婦女謀殺本夫與圖財害命無異自應比例問擬王老虎應比依圖財害命未得財殺人者斬例擬斬監候秋後處決事犯在

恩旨

恩詔以前係圖財謀命未得財殺人不准援減援免等因具題奉旨王老虎依擬應斬著監候秋後處決餘依議欽此

光緒二年秋審圖財害命王老虎應情實

調姦未成拒殺本夫 安徽靈璧縣案

一起李守導調姦拒傷本夫梁超起身死一案將李守導依律擬斬等因具題奉

旨三法司核擬具奏欽此該 臣 等會看得李守導與梁超起鄰好無嫌梁超起之妻陳氏見而不避同治十三年六月初五日夜梁超起在門外乘涼睡熟李守導赴鄰村修船飲酒回歸經過梁超起門首口渴入內尋取茶水燈下瞥見陳氏帶同幼孩在牀睡臥李守導酒醉糊塗起意調姦手拉陳氏胎臍陳氏驚醒不依喊罵李守導畏懼逃走梁超起聞聲驚起攔門喊捉李守導情急圖脫順拔身帶修船鐵鑿嚇截適傷梁超起臍肚倒地至初六日殞命報驗獲犯審供不諱查李守導導調姦陳氏未成係屬罪人其將梁超起戳傷身死應照罪人拒捕問擬李守導合依罪人拒捕殺所捕人者斬律擬斬

監候秋後處決事犯在

因心旨

恩詔以前係圖姦拒捕殺人不准援減援免等因具題奉

旨李守導依擬應斬著監候秋後處決餘依議欽此

光緒二年秋審圖姦拒殺本夫恭逢

恩詔不准援免惟究係情急圖脫嚇戮適斃與實在逞兇拒捕者
有間李守導應酌入緩決

謹按此起圖姦拒斃徒手本夫恭逢

恩詔題明不准援免惟死者僅止攔門喝捉該犯並
未被扭難以情急圖脫爲解是以改實

調姦未成拒殺捕人 四川峨眉縣案

一起袁盛偵調姦室女未成拒傷捕人朱氏身死一案將袁盛偵依律擬斬等因具題奉

旨三法司核擬具奏欽此該 臣等會看得袁盛偵與朱氏鄰居無嫌同治十一年三月十七日朱氏在屋後割草袁盛偵酒醉由外回歸路經朱氏門首見朱氏孫女鄒童英在屋獨坐卽向調戲求姦鄒童英不依喊叫朱氏聽聞攜刀趕出攙拏將袁盛偵扭獲用刀向錄袁盛偵起意拒捕奪刀用背毆傷其右頷頰胸膛朱氏釋手用頭亂撞袁盛偵用刀錄傷其鼻梁劃傷右眉右眼胞朱氏撲向奪刀袁盛偵復用刀嚇錄致傷其偏左右額角倒地磕傷額門左眉擦傷左眼胞至十八日殞命報驗獲犯審供不諱查袁盛偵向鄒童英調姦係屬罪人朱氏係鄒童英祖母卽有應捕之責袁盛偵將其錄傷身

死應按拒捕科斷袁盛偵合依犯罪拒捕殺所捕人者斬律擬斬監候秋後處決等因具題奉

旨袁盛偵依擬應斬著監候秋後處決餘依議欽此恭逢

恩旨

恩詔奏明不准援減援免

光緒元年秋審調姦拒捕致斃其女之祖母淫兇難寬袁盛偵應情實等因具題奉

旨這情實人犯今年著停止勾決已有旨了欽此二年秋審袁盛偵仍情實

因姦拒殺捕人

山東曹縣案

一起李零昇因姦拒傷捕人江振庭身死一案將李零昇依律擬斬等因具題奉

旨三法司核擬具奏欽此該_臣等會看得李零昇卽李泳昇與江振庭鄰莊無嫌李零昇向開糠行生理江振庭受雇與孀婦黃氏家傭工黃氏向李零昇買糠認識往來李零昇乘閒與黃氏通姦江振庭並不知情同治八年七月初四日夜李零昇復往續姦潛至黃氏門外用刀撥門江振庭在另屋門外臥地納涼驚起喝問李零昇因恐敗露不敢答應轉身逃走江振庭追捕將李零昇扭獲李零昇圖脫情急用刀扎傷其偏左額顛左太陽鬆手倒地移時殞命報驗獲犯審供不諱該撫以律例並無治罪明文咨部請示經刑部查李零昇與黃氏通姦江振庭係黃氏雇工雖非例許捉姦之人惟李零

昇寅夜至黃氏家撥門江振庭喝問不應卽有應捕之責李零昇將其致斃應照拒捕科斷等因咨覆去後旋據該撫遵擬具題除黃氏擬以枷杖援免外李零昇卽李泳昇合依犯罪拒捕殺所捕人者斬律擬斬監候秋後處決事犯在

恩旨以前惟招解在後毋庸查辦等因具題奉

旨李零昇卽李泳昇依擬應斬著監候秋後處決餘依議欽此
同治十三年秋審扎由被扭情急死非例許捉姦之人李零昇卽李泳昇應緩決等因具題奉

旨三法司知道欽此該_臣等會審李零昇卽李泳昇應情實奉旨停止勾決恭逢

恩旨

恩詔奏明不準減免光緒元年秋審仍情實奉旨停勾二年秋審仍情實

竊賊事後推拒事主之店夥落水身死 浙江案

一起吳方進因竊推拒店夥黃觀志落水身死一案將吳方進依律擬斬等因具題奉

旨三法司核擬具奏欽此該 臣等會看得吳方進籍隸安徽來至

浙江與黃觀志素識無嫌黃觀志在周昌喜蕪頭店內幫夥同治十三年四月間吳方進因貧起意行竊獨自夜抵周昌喜店門首撥門進內竊得衣物逃逸周昌喜聞聲起視追擊未獲央黃觀志留心幫尋十四日吳方進攜賊赴鄉售賣走至塘邊被黃觀志撞見扭獲吳方進圖脫用手推拒黃觀志站立不穩失足落塘經人撈救業已被淹殞命報驗審供不諱查吳方進行竊周昌喜衣物係屬罪人黃觀志係周昌喜店夥卽有應捕之責吳方進事後將其推拒身死自應照拒捕問擬吳方進合依犯罪拒捕殺所捕人者斬律擬斬監候

秋後處決事犯在

恩旨

恩詔以前係竊盜拒捕殺人不准援減援免應照奏定章程酌入
秋審緩決辦理等因具題奉

旨吳方進依擬應斬著監候酌入秋審緩決餘依議欽此
光緒二年秋審吳方進應緩決

竊賊拒殺差役稟準邀同幫捕之眼線

河南安陽縣案

一起朱鈺葆犯罪拒殺捕人豆金城身死一案將朱鈺葆依律擬斬等因具題奉

旨三法司核擬具奏欽此該臣等會看得朱鈺葆與豆金城素識

無嫌同治十一年十月間朱鈺葆與已獲擬結之樊起張估王慣呈在逃之李黑仔遇道貧難樊起起意糾允朱鈺葆等行竊夜至蘇義門首朱鈺葆李黑仔在外看人樊起等越牆進院行竊蘇義與子蘇雲和驚覺起捕樊起起意行強喝令張估王慣呈嚇禁並將蘇義等拒傷搜劫衣物逃逸向朱鈺葆李黑仔告知強情點賊俵分各散蘇義報縣勘驗獲犯樊起等供出朱鈺葆等同夥飭差劉金花緝拏劉金花知豆金城與朱鈺葆認識稟準邀作眼線幫捕十一月十三日豆金城往探朱鈺葆下落囑令劉金花隨後跟緝時朱鈺葆回家

聞知慮被拏獲邀允素好之趙得存豆佺城郭幅仔各持器械護送出境一同行至中途與豆金城撞遇豆金城上前捉拏朱鈺葆喝令拒捕用槍扎傷豆金城右膀趙得存用鐵尺毆傷豆金城頂心豆佺城用槍扎傷豆金城左臀豆金城向朱鈺葆奪槍朱鈺葆扎傷其胸膛倒地豆金城滾罵郭幅仔趕攏用刀連砍傷其左腳面連大二三趾右腳面連小趾並右腳踝各散報驗飭醫豆金城至十二月初五日殞命覆驗獲犯審供不諱查豆金城身受各傷惟被朱鈺葆扎傷胸膛爲重應以擬抵朱鈺葆聽糾行竊係屬罪人豆金城旣經差役稟準邀作眼線卽有應捕之責朱鈺葆將其致斃應按拒捕問擬除趙得存依兇器傷人例擬軍不準援免豆佺城郭幅仔俱病散外朱鈺葆合依犯罪逃走拒捕殺人者斬律擬斬監候秋後處決事犯在

恩

恩詔以前係犯罪拒捕殺人不准援減援免等因具題奉旨朱鈺葆依擬應斬著監候秋後處決餘依議欽此

光緒二年秋審竊賊拒殺捕人朱鈺葆應情實

大清律例卷之八十一人命門成案上

三

朱鈺葆

未謀刺身
卷三

三

行竊場園秫稽被追拒殺事主 奉天案

一起閻紹發行竊拒傷事主王憬倡落水身死一案將閻紹發
依例擬斬等因具題奉

旨三法司核擬具奏欽此該 臣等會看得閻紹發與王憬倡鄰屯
無讎同治十三年五月初五日閻紹發路過王憬倡房後場
園見有堆垛秫稽起意邀允素識之張汝李憬明同往行竊
至夜閻紹發攜木板張汝等徒手偕至王憬倡場園內正在
竊取秫稽王憬倡聽聞趕至喊捕閻紹發等棄賊逃走王憬
倡從後追逐閻紹發恐被獲住認識回身用木板毆傷王憬
倡左顙頰連耳竅逃逸不期該處正臨水坑王憬倡被毆落
水經幫捕人趕至撈起王憬倡已被淹殞命報驗獲犯審供
不諱除張汝等緝獲另結外閻紹發合依竊盜棄賊逃走被
事主追逐拒捕因而殺人者首犯斬例擬斬監候秋後處決

事犯在

恩旨

恩詔以前係竊盜拒殺事主不准援減援免等因具題奉

旨閩紹發依擬應斬著監候秋後處決餘依議欽此

光緒三年秋審圖脫拒毆雖經成傷落水致死究出不虞閩紹發應緩決

查罪人拒捕殺人情有可原者

恩赦不准援免酌入緩決此起行竊場園秫稻係屬無人看守之物其被追拒殺事主應依罪人拒捕定擬不得與竊盜同科定案時依竊盜被追拒殺例擬斬已屬從嚴秋審衡情不得不寬其一線該犯究與真正竊盜不同且一聞喊捕卽棄賊逃走其拒毆木器一傷原驗僅斜長一寸

八分寬三分紅色甚屬輕微至死者被毆落水
淹斃亦非該犯意料所及似有可原可否歸入
彙奏照緩 彙奏照緩

姦夫聽從姦婦謀殺本夫身死 直隸密雲縣案

一起王洛大因姦聽從姦婦張氏謀殺本夫侯罄得身死一案
將張氏依律擬凌遲處死王洛大擬斬監候等因具題奉

旨三法司核擬具奏欽此該 臣 等會看得王洛大與侯罄得同村
往來張氏係侯罄得之妻與王洛大見面不避王洛大乘閒
與張氏通姦侯罄得並不知情嗣王洛大復往與張氏續姦
被侯罄得撞見捉拏王洛大逃跑侯罄得從此不時將張氏
毆詈禁止往來光緒元年三月初十日張氏赴鄰村探親與
王洛大路遇訴述前情張氏起意將侯罄得致死囑令王洛
大乘便下手王洛大戀姦應允各散是夜王洛大探知侯罄
得在外飲醉回家張氏尚未回歸家無別人潛往推門進房
見侯罄得在炕合面睡熟王洛大卽騎壓侯罄得背上用兩
膝夾住其兩臂拾取炕上藍布襪包攏緊由侯罄得咽喉繞

過項頸結扣兩手分執布頭很力拉勒候罄得掙扎擦傷左
眼胞鼻梁左右肱肘左手背當卽氣閉殞命報驗獲犯審供
不諱張氏合依妻因姦同謀殺死親夫者凌遲處死律擬凌
遲處死王洛大合依姦夫斬律擬斬監候秋後處決張氏恭
逢

恩詔係因姦謀殺親夫不准援免等因具題奉

旨張氏著卽凌遲處死王洛大依擬應斬著監候秋後處決餘依

議欽此

光緒三年秋審除張氏業經正法外戀姦聽從姦婦謀殺本
夫王洛大應情實

姦夫聽從姦婦謀殺縱姦本夫身死 江西萍鄉縣案

一起鍾四仔因姦聽從姦婦羅氏謀殺縱姦本夫周佶潤身死
下手加功一案將羅氏依例擬斬立決鍾四仔擬斬監候等
因具題奉

旨三法司核擬具奏欽此該 臣 等會看得鍾四仔與周佶潤素識
往來周佶潤之妻羅氏見面不避鍾四仔乘閒與羅氏通姦
周佶潤貪利縱容陸續給過錢物並無確數嗣鍾四仔乏錢
資助周佶潤囑令羅氏拒絕羅氏不允仍與鍾四仔姦好周
佶潤氣忿將羅氏打罵並稱如再往來定行一併送究鍾四
仔聞知不敢再往續姦羅氏戀姦情熱因周佶潤屢次夜閒
竊砍人家竹木起意商允鍾四仔俟周佶潤夜出行竊乘閒
致死以便長久姦好同治十二年五月十五日夜周佶潤赴
山偷竹羅氏往向鍾四仔告知囑令下手鍾四仔邀允胞弟

鍾才仔相幫鍾四仔攜帶木棍與鍾才仔隨同羅氏行抵山坡路口伏於深草等候周佶潤肩負竹捆走至鍾四仔起身從周佶潤背後趕攏用本棍毆傷其左耳根連項頸倒地滾落山坡擦傷左右臂膊羅氏趕至抽取竹棒連毆傷其胸膛鍾四仔又用棍戳傷其肚腹下部登時殞命鍾才仔並未下手各散經屍兄周奇潤查見屍身報驗獲犯審供不諱除鍾才仔依謀殺人從而不加功律擬流援免外羅氏合依本夫縱妻與人通姦審有確據被妻起意謀殺姦婦斬例擬斬立決鍾四仔合依姦夫斬例擬斬監候秋後處決事犯在

恩旨

恩詔以前羅氏係謀殺親夫鍾四仔因姦謀殺本夫均不準援減援免等因具題奉

旨羅氏著卽處斬鍾四仔依擬應斬著監候秋後處決餘依議欽

此

光緒二年秋審除羅氏正法外姦匪因姦聽從姦婦謀殺縱
姦本夫恭逢

恩詔不准援免鍾四仔應情實

命門成案上

鍾四仔

為父復讎故殺遇
案
赦累減責釋之兇犯 江蘇宿遷縣

一起陳爾證為父復讎故殺楊淙倫身死一案將陳爾證依例擬斬聲明入於秋審緩決永遠監禁等因具題奉

旨三法司核擬具奏欽此該 臣等會看得陳爾證與楊淙倫先無嫌隙楊淙倫係陳爾證妻兄先因戳傷陳爾證之父陳修明身死審依鬪殺律擬絞遇

赦累減責釋陳爾證自伊父被殺即與楊淙倫家斷絕往來迨楊淙倫釋回陳爾證志存報復因與楊淙倫家相距寫遠並因母老家貧連年出外謀生與楊淙倫不相晤面暫行隱忍光緒元年七月初八日陳爾證回家與弟陳爾平在地割草適楊淙倫經過向陳爾證聲稱欲接其妹歸省陳爾證答稱殺父讎人正思報復何能再認親戚楊淙倫混罵陳爾證回詈楊

綜倫順拔小刀向戳陳爾證閃側用鑷刀砍傷其偏左陳爾平用刀戳傷其左肩甲左胎膊楊綜倫逃跑陳爾證心切報讎起意致死喝令陳爾平一同追及陳爾證用刀砍傷其腦後右肱肘陳爾平戳傷其脊背左後肋楊綜倫棄刀倒地陳爾證疊砍傷其頂心額顙右太陽鼻梁楊綜倫滾罵陳爾證地棄鑷刀拾起小刀亂戳傷其肚腹臍肚左右腿肱左肋左額角偏右右額頰右腰眼右後肋卽時殞命首驗審供不諱查楊綜倫身受各傷惟後被陳爾證戳傷肚腹等處爲重且係臨時起意故殺楊綜倫將陳爾證之父陳修明致斃業經擬絞累減責釋

國法已伸不當爲讎應仍將陳爾證按故殺擬抵除陳爾平緝獲另結外陳爾證合依故殺者斬律擬斬監候秋審入於緩決永遠監禁等因具題奉

旨陳爾證依擬應斬著監候秋審入於緩決永遠監禁餘依議欽此

光緒四年秋審復讎故殺

國法已伸之人陳爾證應緩決永遠監禁

別故爭毆憶及兄讎逞忿故殺 直隸臨榆縣案

一起魯芳故殺李常有身死一案將魯芳依律擬斬等因具題奉

旨三法司核擬具奏欽此該 臣 等會看得魯芳與李常有先無嫌隙李常有分居胞兄李常幅先因其毆魯芳之兄魯齡身死擬絞恭逢

恩旨減流飭追埋銀訊係赤貧取結豁免發配李常有糧鋪生理同治十二年六月間魯芳向李常有賒買小米李常有不允並用言刻薄七月初五日魯芳復向賒買小米李常有不允並用言刻薄魯芳分辯李常有不服混罵魯芳回詈李常有取棍撲毆魯芳閃避順用小刀連砍傷其左手腕並砍傷左胎膊將棍格落李常有拾棍魯芳用刀扎傷其腦後倒地李常有滾罵並稱傷痊報復魯芳憶及伊兄被李常有之兄毆斃並未實抵

亦未付給埋銀一時氣忿起意致死復用刀砍扎傷李常有
右膝右臙朋左腳腕左腳面左臀左腿左右腿肚咽喉立時
殞命報驗審供不諱魯芳合依故殺者斬律擬斬監候秋後
處決事犯在

恩旨

恩詔以前係故殺不准援減援免等因具題奉

旨魯芳依擬應斬著監候秋後處決餘依議欽此

光緒二年秋審逞忿故殺恭逢

恩旨

恩詔經部題明不準減免魯芳應情實

按爲父復讎謀殺

國法已伸幫毆餘人向係照殺死正兇例擬緩永
遠監禁爲兄復讎亦有比照成案此起該犯之

兄被死者胞兄毆斃死者並非幫毆餘人死者之兄擬絞減流雖未實抵究屬

國法已伸不當復與為讎該犯因別故與死者爭毆砍扎倒地迫死者罵稱報復憶及兄讎起意致死既照故般定案秋審自難不實惟查該犯致斃死者時原供究有為兄復讎一語可否寬其一線於

黃冊聲敘冀其邀

恩免勾恭候 堂定 黃冊聲敘

為父復讎連斃讎人父子一家二命 山東禹城縣案

一起趙長發砍傷趙城仔身死一案將趙長發依律擬絞等因

真題奉

旨三法司核擬具奏欽此該 臣 等會看得趙長發與年十一歲無

服族弟趙城仔同莊無嫌趙城仔之父趙鈺畛先因毆傷趙

長發之父趙敏汰身死擬絞遇

赦援免釋回趙鈺畛挾趙長發從前報案之嫌屢赴趙長發門首辱

罵趙長發欲尋向理論經人勸止光緒元年九月十三日趙

長發路過趙鈺畛門首趙鈺畛瞥見即以殺人不用償命之

言譏誚趙長發村斥趙鈺畛混罵趙長發回詈趙鈺畛取刀

撲砍趙長發奪刀砍傷趙鈺畛左手腕左手背趙鈺畛彎身

拾石趙長發砍傷趙鈺畛脊背趙城仔趨護用刀砍傷趙長

發右手五指趙長發情急用刀砍傷趙城仔偏右連砍傷右

火獻詳要 卷三 人命門成案上

三

趙長發

顛頰相連右耳輪並砍落其右手食指中指無名指小指倒地趙鈺畛攏向撞頭拚命趙長發砍傷趙鈺畛偏左連額顛倒地趙鈺畛罵稱傷痊定將趙長發全家殺害與趙敏汰一樣處治趙長發忿激起意致死爲父復讎用刀砍傷趙鈺畛咽喉立時身死趙城仔移時殞命報驗審供不諱查趙長發砍傷趙城仔致斃罪應擬絞其爲父復讎故殺怙惡不悛之趙鈺畛身死罪止擬流趙鈺畛等雖係父子一家二命惟趙鈺畛一命例不應抵應按趙城仔一命從重問擬趙長發合依同姓服盡親屬相毆至死以凡論鬪殺者絞律擬絞監候秋後處決等因具題奉

旨趙長發依擬應絞著監候秋後處決餘依議欽此

光緒四年秋審死雖幼孩鬻起爲父復讎砍由情急卽另故殺其父亦屬輕罪不議趙長發應緩決

連斃二命之案如內有一命係姦盜罪人兇犯有應捕之責自應核其另斃一命之情傷分別實緩至爲父復讎連斃讎人一家二命一故殺例不應抵一關殺應抵者秋審實緩條款未經議及檢查亦無恰合成案惟爲父復讎其忿激之情較殺姦殺盜爲倍切自應除去讎人一命以應抵一命論此起另斃讎人之子十一歲幼孩金刃六傷一致命骨損四骨微損並砍落右手四指勘傷較重惟身先受傷刀係奪自其父之手各傷均由抵禦且正在其父尋衅讎請忿激難堪之際與尋常毆死幼孩不同檢查咸豐八年直隸石七兒連斃夫婦二命一係姦汚伊妻罪人一係婦女斧砍四傷三致命骨損二透

內均在頭面因死者幫護向砍傷由抵禦照實
聲敘免勾同治四年四川鍾彰輕連斃父子二
命一係登時毆死棍徒一係金刃四傷一要害
一致命因死先向毆傷由抵禦照緩在案石七
兒係致斃護夫之妻鍾彰輕係致斃護父之子
與此起情節略同幼孩與婦女亦略同傷痕輕
重亦略同而彼係盜匪棍徒此係殺父讎人其
名更正彼止向毆向砍此已受傷其情更輕至
同治四年山東張青魁致斃兄弟一家二命內
一命係致死伊父應抵正兇外實照實之案雖
與此起略似而彼係兩家互鬪當場致斃與事
後復讎者不同未便援以爲據謹將此起記緩
候核 照緩

疑姦故殺二命 四川石泉縣案

一起王仔恆故殺李洪謨並伊妻梁氏各身死一案將王仔恆依律擬斬等因具題奉

旨三法司核擬具奏欽此該臣等會看得王仔恆與李洪謨並伊

妻梁氏均先無嫌隙李洪謨係王仔恆族兄王仔能外甥與王仔恆時常往來王仔恆之父王官瀾見梁氏常與李洪謨一處敘話因均係青年跡涉可疑囑令王仔恆留心防範同治十年九月十八日梁氏赴田工作李洪謨亦在己田扯豆彼此歇息同坐田邊閒談王仔恆走至瞥見疑有姦私攏向盤問梁氏分辯王仔恆斥罵稱欲一併殺害梁氏畏懼起身走避李洪謨不依嫂罵王仔恆回詈李洪謨舉拳撲毆王仔恆拾石毆傷其偏左李洪謨低頭撞撞王仔恆毆傷其腦後李洪謨跌地滾罵辱及王仔恆父母王仔恆忿起殺機拔刀

錄傷其髮際項頸割傷右手大指磕傷右額角右眉叢擦傷
右臂膊右肩甲維時梁氏業已走遠王仔恆疑其通姦心虛
將梁氏追及按地喝問梁氏斥說不應妄疑撒潑混罵王仔
恆氣忿復起意致死用刀砍其項頸不期用力過猛致將頭
顱砍下身死王心沉在對面山坡望見趨至詢悉情由李洪
謨移時殞命王仔恆畏罪將李洪謨頭顱割落捏稱姦所獲
姦登時殺死執持雙頭首驗審供不諱將王仔恆依故殺律
擬斬監候等因具題經 臣部以案情支離難保無起釁別故
駁令覆審去後茲據該督訊明仍照原擬具題查王仔恆故
殺李洪謨身死罪應擬斬其故殺伊妻梁氏罪止擬絞應從
重問擬王仔恆合依故殺者斬律擬斬監候秋後處決事犯
在

恩詔以前係疑姦故殺二命不准援減援免等因具題奉旨王仔恆依擬應斬著監候秋後處決餘依議欽此

光緒三年秋審疑姦逞忿故殺復故殺妻命王仔恆應情實疑姦故殺二命內有伊妻一命詳核案情伊父僅以死者同坐敘話囑令防範該犯並未防範於前迨見死者在田閒對語卽疑姦致斃其命疑姦已無確據卽同時在彼之王心沅亦供稱委無行姦情事無姦卽有確証卽二命不能無抵且該犯之起意致死一由死者辱及父母一由死者激潑混罵與本年直隸王青峯一起蓄疑日久一見卽忿起殺機者情節不同惟究係釁起疑姦與逞忿故殺有閒且一係妻命可否於

黃冊聲敘之處謹記出恭候 堂定

賭匪連斃賭匪二命一鬪一誤 四川都察院案

一起唐洪彝戮傷曹怔川並誤傷曹懶汰各身死一案將唐洪彝依律擬絞等因具題奉

旨三法司核擬具奏欽此該臣等會看得唐洪彝與曹怔川及其

族姪曹懶汰均素識無嫌同治十三年二月間唐洪彝販運雜貨與曹懶汰搭坐曹怔川船隻曹怔川哄誘唐洪彝與曹懶汰及雇工曹克申彈錢賭博唐洪彝輸欠曹怔川曹懶汰錢六千四百文當將貨物折抵尙欠錢二千八百文約緩付給各散初十日曹怔川等往向索討唐洪彝央緩曹怔川斥罵騙賴唐洪彝回詈曹怔川拔刀向砍唐洪彝奪刀戮傷曹怔川左血盆曹怔川撲向抓扭唐洪彝用刀向戮曹怔川閃避不期曹懶汰正從曹怔川身後攏勸唐洪彝收手不及誤傷曹懶汰臍肚倒地曹怔川揪住唐洪彝胸襟拚命唐洪彝

唐洪彝

天壽年... 三
掙不脫身情急用刀嚇戮適傷其胸臆鬆手倒地曹怔川當
卽身死曹懶汰至十一日殞命訪驗審供不諱查已死曹怔
川曹懶汰同族無服並非一家唐洪蕘戮傷曹怔川曹懶汰
各身死二罪均應擬絞自應從一科斷除曹克申擬以枷杖
援免外唐洪蕘合依鬪毆殺人者不問手足他物金刃並絞
律擬絞監候秋後處決事犯在

恩旨以前招解在後毋庸查辦復逢

恩詔係連斃應抵二命不准援免等因具題奉

旨唐洪蕘依擬應絞著監候秋後處決餘依議欽此

光緒三年秋審連斃二命一鬪一誤唐洪蕘應酌入緩決

查秋審條款連斃二命俱入情實係指鬪殺而
言其一係誤殺者應實應緩並無明文似包在
理直情輕實可矜原者亦可酌緩不宜過寬等

語之內檢查歷辦成案則殊少緩案查減等條款內開鬪殺二命情輕者減軍其

恩詔條款內於連斃二命未經議及良以情輕之案
恭逢

恩旨既准減等復逢

恩詔自應援免至情重例實者應不准援免毋庸贅
及此起賭匪致斃賭匪二命一鬪一誤不在理
直情輕之列恭逢

恩詔不准援免本係照章辦理秋審衡情較鬪殺二
命者爲輕似應入緩歸入彙奏

因瘋連斃父子一家二命 陝西郿陽縣案

一起曹幫杜因瘋殺死曹幫諒曹金詳一家二命一案將曹幫杜依例擬絞等因具題奉

旨三法司核擬具奏欽此該 臣 等會看得曹幫杜與無服族人曹幫諒並其子曹金詳鄰居無嫌曹幫杜素患瘋病時發時愈曹幫杜之母黨氏因曹幫杜並不滋事未經報官鎖鑰同治十年八月初二日夜曹幫諒同曹金詳攜鋤刀在場看守禾稼三更餘曹幫杜瘋病陡發痰迷心竅跑至曹幫諒場內拾起鋤刀砍傷曹幫諒咽喉並曹金詳右眉連左眼胞左耳曹幫諒曹金詳均登時殞命經黨氏喊同鄰人曹幫玉投明鄉約將曹幫杜細獲報驗提訊曹幫杜自瞪神呆語無倫次嗣經醫痊覆審供認不諱查曹幫杜殺死曹幫諒曹金詳父子一家二命到案驗係瘋迷覆審供吐明晰取有屍親人等切

結應照因瘋殺人本例問擬除黨氏等均擬杖援免外曹幫杜合依瘋病殺死一家二命者絞例擬絞監候秋後處決事犯在

恩旨以前惟招解在後毋庸查辦等因具題奉

旨曹幫杜依擬應絞著監候秋後處決餘依議欽此

治十三年秋審因瘋連斃一家父子二命曹幫杜應情實等因具題奉

旨三法司知道欽此該臣等會審曹幫杜應情實奉

旨停止勾決恭逢

恩旨

恩詔奏明不准減免光緒元年秋審仍情實奉

旨停勾二年秋審仍情實

事後殺死擾害棍徒父子二命 浙江王環廳案

一起許春鑑擅殺徐士汰徐阿奶各身死一案將許春鑑依例擬絞等因具題奉

旨三法司核擬具奏欽此該 臣等會看得許春鑑與徐士汰並其子徐阿奶素識無嫌徐士汰等平日強橫人皆側目同治元年三月間徐士汰徐阿奶往向許春鑑借錢不允強取許春鑑家錢四千八百文走回嗣徐士汰徐阿奶又至許春鑑家硬借錢文許春鑑無錢借給畏兇走避徐士汰等將許春鑑家房屋放火焚燒經人救熄許春鑑出外買物徐阿奶遇見混說許春鑑身穿布衫是伊家被竊原贓強欲剝奪許春鑑不依喊罵徐阿奶將許春鑑錢五百文奪走許春鑑追趕無著七月間許春鑑在地掘取番諸徐阿奶趕向扭結聲言前日不應追趕許春鑑分辯徐阿奶用刀戳傷許春鑑左手腕

許春鑑走脫因畏兇不敢控告許春鑑曾與吞長商明擬將徐士汰等送究二十一日夜徐士汰徐阿奶至陳春照地內竊掘蕃茹被許春鑑巡見潛糾葉碎媿陳清陳春照攜帶刀械往將徐士汰徐阿奶獲住用繩縛其兩手陳春照往邀吞長送官許春鑑等在旁看守徐阿奶臥地辱罵許春鑑用刀砍傷其脊背徐士汰徐阿奶聲言到官並無死罪日後定將許春鑑殺害許春鑑憶及屢被徐士汰等逞兇擾害一時忿激起意殺死商令葉碎媿陳清幫同將徐士汰徐阿奶髮辮拉住騎坐身上許春鑑用刀先後砍落徐士汰徐阿奶頭顱殞命報驗獲犯審供不諱查徐士汰同子徐阿奶屢次向許春鑑譌詐並放火焚燒房屋係屬擾害棍徒許春鑑事後將其砍落頭顱各身死與致斃平人一家二命不同應照擅殺從一科斷除葉碎媿等擬杖外許春鑑合依實在兇惡棍徒

無故生事行兇擾害被害之人殺非登時仍照擅殺律絞例
擬絞監候秋後處決等因具題奉

旨許春鑑依擬應絞著監候秋後處決餘依議欽此

同治九年秋審殺由忿激死係詐擾罪人許春鑑應緩決
照緩

糾毆致斃彼造二命 河南禹州案

一起楊合信砍傷張法灑身死一案將楊合信依律擬絞等因具題奉

旨三法司核擬具奏欽此該臣等會看得楊合信與張法灑素好無嫌楊合信賒欠趙添敘麪錢四千文未還同治六年十一月閒趙添敘遣子趙椿向索前欠楊合信央緩趙椿不依彼此爭吵走散相合信氣忿起意糾允孫泳幫毆洩忿初五日楊合信攜順刀孫泳帶小刀同至趙椿門外楊合信叫罵趙椿出向回詈楊合信撲毆張法灑路過攔勸楊合信疑護用刀砍傷其偏左張法灑逃避趙椿拾石先被楊合信砍傷右臂膊後被孫泳用刀扎傷右腋肌倒地趙椿移時身死張法灑至初十日殞命報驗審供不諱查張法灑係被楊合信致斃應以楊合信擬抵趙椿身受各傷惟後被孫泳扎傷右腋

朕爲重應俟緝獲孫泳究明擬抵係各斃各命應各科各罪除致斃趙椿罪應擬絞之孫泳緝獲另結外楊合信合依關毆殺人者不問手足他物金刃並絞律擬絞監候秋後處決等因具題奉

旨楊合信依擬應絞著監候秋後處決餘依議欽此

同治九年秋審糾毆致斃彼造二命該犯刃斃一命僅止一傷死亦非所欲毆之人另傷一人係屬輕罪楊合信應緩決糾毆致斃彼造二命係各斃各命除一兇在逃外該犯原謀致斃一命金刃致命一傷骨損另兇致斃一命該犯亦刃斃有傷情傷較重惟斃止一傷死者並非欲毆之人另傷一人係屬輕罪尙可原緩記候核 照緩

糾毆致斃彼造二命 浙江王環廳案

一起施時金並盛阿岳等共毆王登沅及羅會壽各身死一案
將施時金盛阿岳俱依律擬絞並聲明施時金親老丁單等
因具題奉

旨三法司核擬具奏欽此該 臣等會看得施時金並盛阿岳與王
登沅及羅會壽均素識無嫌同治元年三月間逆匪竄擾該
處村民乏食施時金派令羅會壽等出米平糶羅會壽等捏
以施時金藉端索詐控廳差提施時金被控不甘起意尋毆
洩忿六月初五日施時金糾允盛阿岳盛岳三林加照五攜
刀偕抵羅會壽門首喊罵羅會壽出向回詈先被盛岳三林
加照五各用刀砍傷後被盛阿岳用刀砍傷咽喉等處倒地
王登沅王登亨王茂華趨至攏勸盛岳三斥護混罵王登沅
拾棒向毆盛岳三用刀將棒格落砍傷其右臂肱右肩甲

右腿王登沅奪刀林加照五用刀戳傷其左手心左右手背
王登沅舉腳亂踢林加照五砍傷其左腳大趾棄刀逃跑王
登沅拾刀施時金用刀嚇砍適傷其額顛倒地王登亨王茂
華攏護均被盛岳三戳割致傷羅會壽旋即身死報驗飭醫
王登沅至十七日殞命復驗審供不諱查王登沅身受各傷
惟後被施時金砍傷額顛爲重且係原謀應以施時金擬抵
羅會壽身受各傷惟後被盛阿岳砍傷咽喉等處爲重應以
盛阿岳擬抵已死王登沅等並非一家且施時金等係各斃
各命應各科各罪除盛岳三等緝獲另結外施時金盛阿岳
均合依同謀共毆人致死下手致命傷重者絞律擬絞監候
俱秋後處決施時金據供父老丁單是否屬實應俟秋審時
照例查明取結送部核辦等因具題奉

旨施時金盛阿岳俱依擬應絞著監候秋後處決餘依議欽此

同治九年秋審除盛阿岳病故外嚇砍一傷且死係非所欲
毆之人施時金應緩決再該犯據供親老丁單例應留養俟
飭查取結另行辦理

糾毆致斃彼造二命係各斃各命除一兇病故
外該犯致斃一命僅止刃傷一處並無損折重
情餘人亦有刃砍多傷內二傷重至筋骨俱斷
定案時以該犯原謀且係後下手擬抵罪疑惟
輕尙可原緩 照緩不准留養

禾言申里三
糸三

--	--	--	--	--	--	--	--	--	--	--	--	--	--	--	--	--	--	--	--	--	--	--

同族互毆致斃彼造二命

河南武陟縣案

一起李小紅毆傷李得重並李生銀等共毆李魁鰲各身死一案將李小紅李生銀俱依律擬絞等因具題奉

旨三法司核擬具奏欽此該_臣等會看得李小紅卽李生桂與無

服族叔李得重李生銀與無服族弟李魁鰲均素睦無嫌李小紅李生銀並族姪李保向爲該村看守莊稼地戶按季酌給糧食以作工價同治六年六月閒李得重李魁鰲因貧向地戶李得瑞商議欲爲村中看守秋禾圖得糧食李得瑞因李小紅等看守多年未允李得重等疑係李小紅等阻撓時常在街罵詈李小紅等均未理會十一月二十三日李小紅同李保與李得重李魁鰲路遇李得重等向李小紅等指名叫罵李小紅等見李得重等酒醉當欲走避李得重向李小紅揪扯李小紅用木棍毆傷李得重右臂膊連右肘右手

背李得重舉腳向踢李小紅疊毆傷其左臙肋連毆傷左腳腕並毆傷左腳面李得重撞頭拚命失跌倒地搥傷鼻準左手中指李小紅連毆傷其右手食指中指李得重滾罵李小紅用棍毆傷其右臙肋右腳面左腿肚維時李魁鰲用鐵尺向李保趕毆李保用木棍將鐵尺格落毆傷李魁鰲右手腕李魁鰲舉腳向踢李保連毆傷其右臙肋並毆傷右腳腕李生銀趨至攔勸李魁鰲疑護斥罵李保毆傷其右臂肱李生銀將李魁鰲髮辮揪住揜按倒地致將髮辮揪落李保連毆傷其左手大指食指中指李魁鰲辱罵並稱傷痊報復李生銀拾鐵尺疊毆傷其左臙肋連左腳腕李得重李魁鰲至二十四日均各殞命報驗獲犯審供不諱查李得重係李小紅一人毆斃應以李小紅擬抵李魁鰲身受各傷惟後被李生銀毆傷左臙肋連左腳腕爲重應以李生銀擬抵李得重

等與李小紅等同族無服應同凡論係各斃各命應各按本律問擬除李保依折人一指律擬杖係以卑犯尊加等擬徒外李小紅卽李生桂合依鬪毆殺人者不問手足他物金刃並絞律擬絞監候李生銀合依其毆人致死下手傷重者絞律擬絞監候俱秋後處決等因具題奉

旨李

小紅卽李生桂李生銀俱依擬應絞著監候秋後處決餘依

議欽此

同治九年秋審致斃彼造二命惟毆非預糾李小紅卽李生桂死先揪扭傷係他物李生銀斃起攔勸傷無致命餘人亦毆有多傷李小紅卽李生桂李生銀俱應緩決

致斃彼造二命係各斃各命該犯李小紅木器十一傷一骨折一重疊五在倒地後勘傷較多惟斃起死者毆係他物各傷均在肢體不致命

處所該犯李生銀於餘人疊毆多傷後將其揪
按倒地鐵器重疊一傷長至八寸五分骨損情
傷較重惟覺起攔勸傷非致命共毆亦非預糾
且餘人亦有骨折重傷均稍有可原記緩候核
均照緩

兄弟致斃彼造父子一家二命 四川達縣案

一起羅開恆羅開常戮傷陳顯科陳能得各身死一案將羅開恆羅開常均依律擬絞等因具題奉

旨三法司核擬具奏欽此該 臣等會看得羅開恆並兄羅開常與

陳顯科及其父陳能得俱素識無讎同治七年二月間羅開恆向陳能得買穀四十石欠錢十八千四百文未給閏四月二十五日羅開恆與父羅芳和趕集轉回撞遇陳能得陳顯科走至向羅開恆索討穀價羅開恆央緩陳顯科斥罵騙賴羅開恆回詈陳顯科拔刀向戮羅開恆奪刀過手陳顯科撲奪羅開恆情急用刀嚇戮適傷其小腹倒地羅開恆棄刀跑走陳能得追趕羅芳和攔阻陳能得向羅芳和抓毆羅開常聞聲趨視恐伊父受虧拾刀攏護向陳能得嚇戮適傷其左脇倒地陳能得至二十六日陳顯科至二十七日均各殞命

火款尋夏 卷三 人命門成案上

羅開恆等

報驗審供不諱查陳顯科係被羅開恆致斃應以羅開恆擬抵陳能得係被羅開常致斃應以羅開常擬抵已死陳能得與陳顯科雖係父子一家二命惟羅開恆等係各斃各命應各科各罪羅開恆羅開常均合依鬪毆殺人者不問手足他物金刃並絞律擬絞監候秋後處決等因具題奉

旨羅開恆羅開常俱依擬應絞著監候秋後處決餘依議欽此
同治九年秋審羅開恆情非賴欠奪刀一傷適斃羅開常斃起救父一傷適斃羅開恆羅開常俱應緩決

兄弟致斃彼造一家二命係各斃各命該犯羅開恆負欠刃斃其子該犯羅開常幫毆刃斃其父傷均致命透內情節較重惟羅開恆情非賴欠傷由抵禦羅開常衅起護父刃係拾獲該犯等均止嚇戮一傷俱尙可原緩記候核 俱照

緩

大猷曰

卷二 人命門成案上

是

羅開恆等

叔姪致斃彼造兄弟一家二命 湖南益陽縣案

起劉啟瑞劉翼詳致傷文萬惠文萬慈各身死一案將劉啟瑞劉翼詳均依律擬絞等因具題奉

旨三法司核擬具奏欽此該 臣 等會看得劉啟瑞並姪劉翼詳與文萬惠及其弟文萬慈均素識無嫌彼此田地毘連公共圳水輪流車蔭同治六年七月初九日文萬惠在圳車水劉啟瑞因已田水乾央其讓伊先車不允爭鬧文萬惠取竹矛向戮劉啟瑞奪矛戮傷文萬惠右腋肌文萬惠拾石劉啟瑞用矛嚇戮適傷其右肋倒地劉啟瑞棄矛逃跑文萬慈至見攜刀追趕劉翼詳路過攔勸文萬慈疑護用刀向砍劉翼詳奪刀連戮傷文萬慈右腿肚文萬慈拾矛向戮劉翼詳閃側又用刀砍傷其右手腕棄刀將矛奪獲文萬慈低頭向撞劉翼詳用矛戮傷其偏右文萬慈舉腳向踢劉翼詳戮傷其右膝

火焚屍身 卷三人命門成案上

劉啟瑞等

朋文萬慈撲攏拚命劉翼詳情急用矛嚇戳適傷其心坎倒地文萬惠文萬慈均旋即殞命首驗審供不諱查文萬惠係劉啟瑞致斃應以劉啟瑞擬抵文萬慈係劉翼詳致斃應以劉翼詳擬抵已死文萬惠等雖係兄弟一家二命惟劉啟瑞等係各斃各命應各科各罪劉啟瑞劉翼詳均合依鬪毆殺人者不問手足他物金刃並絞律擬絞監候俱秋後處決等因具題奉

旨劉啟瑞劉翼詳俱依擬應絞著監候秋後處決餘依議欽此

同治九年秋審劉啟瑞矛由奪獲嚇戳適傷劉翼詳釁起攔勸死先逞兇劉啟瑞劉翼詳俱應緩決

叔姪致斃彼造兄弟一家二命係各斃各命該犯劉啟瑞竹矛三傷均在不致命處所尙可原緩該犯劉翼詳金刃三傷一骨損竹矛三傷二

致命一透內勘傷較重雖衅起攔勸傷由抵禦
 刀矛均係奪自死者之手且犯事時年甫十六
 亦未便率行議緩記候核 劉啟瑞照緩 劉
 翼詳改實

火狀單
 卷二八命門成案上

劉啟瑞等

堂伯姪致斃彼造雇主雇工一家二命 四川璧山縣案
一起蕭萇砍傷夏怔發並蕭添恕毆傷龐起華各身死一案將
蕭萇蕭添恕均依律擬絞等因具題奉

旨三法司核擬具奏欽此該 臣等會看得蕭萇並堂伯蕭添恕與
年七十六歲之夏怔發及其雇工龐起華俱素識無嫌同治
六年五月閒蕭萇叔母廖氏將佃與榮汶亮田業出售夏怔
發承買原議本年租穀歸廖氏收搗七月十八日廖氏託蕭
添恕幫收租穀蕭添恕令蕭萇同至榮汶亮家收穀路遇夏
怔發同子夏全泰並龐起華走至夏怔發詢知聲稱租穀應
歸伊收搗向蕭添恕阻止蕭添恕與蕭萇斥其不應違議妄
阻夏怔發嫚罵蕭萇回詈夏怔發用手將蕭萇推跌倒地萇
傷右後肋右後脇蕭萇起身用木擔毆傷其左臂膊右後脇
夏怔發舉拳向毆蕭萇毆傷其左臂肱夏怔發撲向扭按

蕭萇用腳踢傷其左脇夏全泰攜刀趨救用刀背毆傷蕭萇左右太陽左後肋左右臂膊蕭萇用擔毆傷夏全泰偏右左腿左膝肋夏全泰格落木擔用刀背毆傷蕭萇右手腕右手臂右肱肘蕭萇奪刀用背毆傷夏全泰左肱肘夏怔發撲向蕭萇奪刀蕭萇情急用刀嚇砍適傷其顙門倒地蕭添恕慮恐蕭萇受虧趕攏幫護龐起華拏鋤柄向毆蕭添恕奪過鋤柄毆傷龐起華右腳腕龐起華拾石蕭添恕用鋤柄嚇毆適傷其右後肋倒地夏怔發移時身死龐起華至二十二日殞命報驗獲犯審供不諱夏全泰傷經平復查夏怔發係蕭萇致斃應以蕭萇擬抵龐起華係蕭添恕致斃應以蕭添恕擬抵已死龐起華係夏怔發雇工應以一家二命論惟蕭萇等係各斃各命應各科各罪除夏全泰擬答外蕭萇蕭添恕均合依鬪毆殺人者不問手足他物金刃並絞律擬絞監候秋

後處決等因具題奉

旨蕭萇蕭添恕俱依擬應絞著監候秋後處決餘依議欽此

同治九年秋審蕭萇釁起理直身受多傷刀係奪獲各傷均由抵禦情急並非欺陵蕭添恕械由奪獲傷無致命損折蕭萇蕭添恕俱應緩決

堂伯姪致斃彼造雇主雇工一家二命係各斃各命除一兇另冊辦理留養外該犯蕭萇致斃年逾七十老人金刃致命一傷骨損木器三傷一致命又腳踢致命一傷復另傷其子情傷較重惟釁起不曲先毆各傷均無損折重情末後重傷係由死者撲向奪刀情急抵禦所致且該犯亦身受多傷另傷其子向不以之加重尙可

原緩記核 照緩

互毆致斃彼造三命 江西鉛山縣案

一起吳松達吳罄幅吳旺懋致傷費子良費長而費禾仔各身
死一案將吳松達吳罄幅吳旺懋俱依律擬絞等因具題奉
旨三法司核擬具奏欽此該 臣等會看得吳松達並族人吳罄幅
吳旺懋與費子良及其族人費長而費禾仔均素識無嫌費
姓稻草堆積田內向規有人取草出錢示罰同治七年正月
間吳松達堂弟吳幅沅牽牛耕田順取費子良田內稻草餵
牛費子良與費長而撞見不依勒令照章罰錢吳幅沅不允
費子良等欲牽牛作抵吳幅沅被逼給與洋銀一圓將牛牽
回向吳松達並吳罄幅吳旺懋告知吳松達等因費姓罰錢
太多許爲理論討回二十日吳松達吳罄幅吳旺懋往找費
子良等理討路過費姓田旁與費子良費長而並費禾仔及
族人費春受會遇吳松達等向費子良等理論索討所罰洋

銀費子良等不肯給還吳松達等斥罵謗詐費子良等不服
回言致相爭鬧費子良用槍向吳松達毆戳吳松達奪槍閃
側戳傷其左臀右膝左脇肋費子良拾石吳松達戳傷其頂
心費子良拾石撲毆吳松達閃側用槍嚇戳適傷其右腿肚
穿透倒地費長而趕護吳罄幅拾槍攔阻費長而用槍向戳
被吳罄幅用槍戳傷臍肚近右倒地吳罄幅棄槍欲走費禾
仔瞥見趕捉與吳罄幅互相拚結吳旺懋擁護拾槍劃傷費
禾仔左腿後左腿肚右腿肱並戳傷左右臀帶傷右腿後
費禾仔掙脫轉向吳旺懋奪槍吳旺懋戳傷其右腿費禾仔
拳毆吳旺懋閃側用槍嚇戳適傷其右腰眼倒地費春受趕
向吳松達捉拏吳松達用槍戳傷費春受左右腿費子良移
時身死費長而費禾仔至二十一日殞命報驗獲犯審供不
請費春受傷經平復查費子良係被吳松達致斃應以吳松

達擬抵費長而係被吳罄幅致斃應以吳罄幅擬抵費禾仔
係被吳旺懇致斃應以吳旺懇擬抵已死費子良等同族無
服並非一家且吳松達等係各斃各命應各科各罪除吳幅
沅擬杖外吳松達吳罄幅吳旺懇均合依鬪毆殺人者不問
手足他物金刃並絞律擬絞監候俱秋後處決等因具題奉
旨吳松達吳罄幅吳旺懇俱依擬應絞著監候秋後處決餘依議

欽此

同治九年秋審除吳罄幅監故外吳松達傷由抵戳透在肢
體其另傷一人亦因向捉抵戳吳旺懇截由抵禦傷不爲重
吳松達吳旺懇均應緩決

致斃彼造三命係各斃各命除一兇病故外該
犯吳松達金刃五傷一致命一穿透復另傷一
人情傷較重該犯吳旺懇金刃四傷一致命另

劃三傷帶傷一處傷亦不輕姑以吳松達槍係
奪獲戮由抵禦穿透傷在肢體不致命處所另
傷一人係屬輕罪吳旺懋各傷均無損折重情
致命傷止一處且在倒地以前均有一線可原

均照緩

同族互毆致斃彼造父子一家三命 江西樂平縣案

一起王登騰王詳觀等共毆王慕三王桃三王淙包致傷王大長各身死一案將王登騰王詳觀王淙包俱依律擬絞等因具題奉

旨三法司核擬具奏欽此該 臣 等會看得王登騰並族人王詳觀王淙包與王慕三及其弟王桃三父王才長均同族無服素睦無嫌同治六年五月間王才長堂姪孫王順庚行竊王登騰家木板藏放家內王登騰查知前往王順庚家搜獲原贓王順庚逃逸王登騰向王才長告知令其幫同找尋王順庚送究王才長不允彼此口角各散二十五日王登騰與王詳觀王淙包並族人王孔皆王孔珍分攜禾刀木擔赴田工作路遇王才長王慕三王桃三趕墟回歸王登騰提及前事斥罵王才長護庇爲匪卑幼王詳觀等幫斥王才長與王慕三

等回詈王慕三向王孔皆拳毆王孔皆用木擔毆傷王慕三
左右手腕棄擔逃跑王慕三追趕王登騰喝阻王慕三舉腳
向踢王登騰用禾刀戳傷其右後脇帶劃傷右腰眼左後肋
王慕三抬石王登騰連戳傷其腦後帶劃傷右耳根王慕三
撞頭拚命王登騰用刀嚇戳適傷其偏右帶劃傷右額角倒
地王桃三拾擔向王孔珍奔戳王孔珍用擔毆傷王桃三左
右肩甲跑走王桃三趕毆王詳觀攏護用刀連戳傷其腦後
王桃三舉擔向毆王詳觀用刀嚇砍適傷其頂心連偏左偏
右倒地王才長向王詳觀捕拏王淙包攔勸王才長斥護舉
拳撲毆王淙包用刃嚇戳適傷其項頸倒地王慕三王桃三
王才長均移時殞命報驗獲犯審供不諱查王慕三身受各
傷惟後被王登騰戳傷偏右爲重應以王登騰擬抵王桃三
身受各傷惟後被王詳觀砍傷頂心爲重應以王詳觀擬抵

王才長係王淙包一人致斃應以王淙包擬抵王登騰等與王慕三等同族無服應同凡論王才長等雖係父子一家三命惟王登騰等係各斃各命應各科各罪除王孔皆等擬杖王順庚緝獲另結外王登騰詳觀均合依其毆人致死下手致命傷重者絞律俱擬絞監候王淙包合依鬪毆殺人者不問手足他物金刃並絞律擬絞監候均秋後處決等因具題奉

旨王登騰王詳觀王淙包俱依擬應絞著監候秋後處決餘依議欽此

同治九年秋審死雖一家但係各斃各命自應各按情傷核議王登騰死先逞兇毆非預糾王詳觀死非徒手傷由抵禦王淙包攔勸被毆一傷適斃王登騰王詳觀王淙包均應緩決

致斃彼造父子三命係各斃各命該犯王淙包
衅起攔勸戮止不致命一傷該犯王詳觀金刃
致命三傷均在頭面一骨微損傷不爲輕惟先
戮二傷並無損折重傷係由被毆抵禦均可原
緩該犯王登騰金刃四傷均致命一骨損另割
四傷且首先肇衅逞兇雖戮劃均由抵禦共毆
亦非預糾未便率緩 王淙包照緩 王詳觀
王登騰均改實

叔姪致斃彼造兄弟叔姪一家三命

江西石城縣案

一起溫荏山等共毆鄭保環身死一案將溫荏山依律擬絞等因具題奉

旨三法司核擬具奏欽此該臣等會看得溫荏山與鄭保環素識無嫌溫荏山胞叔溫滌川借欠鄭保環胞兄鄭獲詳錢三十
五千文積欠本利未還溫滌川將田畝賣與鄭獲詳管業價
錢一百六十一千文鄭獲詳當付錢八十六千文餘錢議明
抵還借欠本利價業兩清後溫荏山族弟溫其敏因鄭獲詳
買田不邀作中唆聳溫滌川捏告鄭獲詳短欠田價鄭獲詳
赴案呈訴溫滌川情虛避匿照例將案註銷同治四年六月
二十七日溫荏山與溫滌川並胞弟溫受先各帶尖刀赴山
修樹適鄭保環與胞兄鄭潮樽胞姪鄭浩崇胞弟鄭星仔在
田工作彼此會遇鄭潮樽等斥責溫滌川不應誣控溫滌川

不服回言温茫山等幫同斥罵致相爭鬧鄭潮樽用木擔將
温滌川毆傷温滌川用刀戳傷鄭潮樽心坎等處倒地鄭浩
崇擁護撲毆亦被温滌川用刀戳傷右胎膊等處倒地鄭保
環趕向温滌川喊捉温滌川用刀劃傷鄭保環右眉叢鄭保
環拾石向擲温滌川閃側戳傷其右後脇鄭保環扭住温滌
川胸衣拚命温茫山幫護用刀戳傷其右腰眼鬆手撲跌鄭
保環轉身掙扎欲起温茫山用刀嚇殺適傷其肚腹倒地鄭
星仔與温受先互毆温受先用刀將鄭星仔戳劃致傷鄭潮
樽鄭浩崇鄭保環各移時殞命報驗獲犯審供不諱查鄭潮
樽鄭浩崇均被温滌川致斃應以温滌川擬抵鄭保環身受
各傷惟後被温茫山戳傷肚腹爲重應以温茫山擬抵係各
斃各命應各科各罪除致斃鄭潮樽鄭浩崇一家二命罪應
絞決之温滌川病故温其敏擬杖革去生員不准納贖温受

先緝獲另結外溫芒山合依共毆人致死下手致命傷重者絞律擬絞監候秋後處決等因具題奉

旨溫芒山依擬應絞著監候秋後處決餘依議欽此

同治九年秋審毆非預糾傷不爲多溫芒山應緩決

叔姪致斃彼造兄弟叔姪一家三命除連斃二命之兇犯病故外該犯共毆致斃一命金刃二傷均致命一透內一透膜透內傷在死者跌倒掙扎欲起之時起鮮理亦不直情傷俱重雖毆非預糾傷由抵禦伊叔在監頻斃不致三命全無一抵究難議緩記候核 改實

禾言車夏
三

三

互毆致斃彼造一家四命 江西永甯縣案

一起段汶租等共毆蕭暉洗身死一案將段汶租依律擬絞等
因具題奉

旨三法司核擬具奏欽此該臣等會看得段汶租與蕭暉洗鄰村
無嫌有黎時萌借欠蕭暉洗小功服叔蕭瀨椿錢文無償將
田一畝五分賣與蕭瀨椿抵欠嗣黎時萌復向蕭瀨椿借錢
不允將已賣蕭瀨椿田畝復向蕭暉洗之父蕭松俚售賣蕭
松俚知情貪賤契買耕種蕭瀨椿查知向問蕭松俚斥說蕭
瀨椿不應查問蕭瀨椿不敢與較屢尋黎時萌不見光緒二
年六月初十日蕭瀨椿因田經蕭松俚耕種禾已成熟心懷
不甘與子蕭香俚邀同段汶租並段瀄生陳苟俚段茂生段
城發段陽生攜刀往田割禾適蕭松俚蕭暉洗並蕭暉洗胞
兄蕭應中在田工作瞥見向阻致相爭鬧蕭松俚向段茂生
段汶租等

槍戳段茂生奪槍用柄毆傷蕭松俚跑走蕭松俚追趕蕭馮
椿攔阻用竹擔戳傷蕭松俚下部倒地蕭暉洗持槍攏護蕭
香俚攔住蕭暉洗用槍向戳蕭香俚奪槍用柄毆傷蕭暉洗
右手腕蕭暉光奪槍回戳蕭香俚閃開段汶租攔勸蕭暉洗
用槍柄亂毆段汶租奪過禾槍乘勢戳傷蕭暉洗右腋臍蕭
暉洗撲奪段汶租劃傷蕭暉洗左肋蕭暉洗拾石段汶租用
槍嚇戳適傷蕭暉洗左後肋倒地時蕭應中持槍攏護先被
段城發用竹擔戳毆致傷後被段馮生用槍戳傷下部等處
倒地蕭應中總麻弟妻邱氏路見攏護先被段陽生用竹擔
戳傷後被陳苟俚用槍柄毆傷右肩甲等處仰跌落塘經人
趨至撈救業已被溺身死蕭松俚蕭暉洗蕭應中均逾時殞
命報驗獲犯審供不諱查蕭暉洗身受各傷惟後被段汶租
戳傷左後肋爲重應以段汶租擬抵蕭松俚身受各傷惟後

被蕭瀨椿戮傷下部爲重應以蕭瀨椿擬抵蕭應中身受各傷惟後被段瀟生戮傷下部爲重應俟緝獲段瀟生究明擬抵邱氏係後被陳苟俚毆跌落塘溺斃應俟緝獲陳苟俚究明擬抵已死蕭暉洗等雖係一家惟段汶租等係各斃各命應各科各罪除毆死大功兄罪應斬決之蕭瀨椿病故致斃蕭應中邱氏均罪應擬絞之段瀟生陳苟俚並段茂生等緝獲另結黎時萌擬杖外段汶租合依共毆人致死下手致命傷重者絞律擬絞監候秋後處決等因具題奉

旨段汶租依擬應絞著監候秋後處決餘依議欽此

光緒四年秋審互毆致斃彼造四命該犯當場共毆下手刃斃一命段汶租應情實

共毆致斃一家四命係各斃各命除一兇病故二兇在逃外該犯下手致斃一命金刃二傷另

劃一傷雖毆非預糾槍係奪獲傷無損折究難

議緩 照實

互毆共斃五命 福建福清縣案

一起張尙聰致傷周允灝身死一案將張尙聰依律擬絞等因具題奉

旨三法司核擬具奏欽此該臣等會看得張尙聰與周允灝素無嫌隙張尙聰先因辦理防堵出力給有五品功牌同治五年正月間沿海一帶每被匪徒偷竊魚網漁戶議出經費公舉張尙聰並報捐千總銜之陳清源爲董事雇周允灝之父周香贊艇船巡查周香贊與周允灝雇夥陳儀軒撐駕由張尙聰陳清源輪管領有防盜鎗礮各漁戶經費均交張尙聰收發因收繳先後不齊係張尙聰按月墊應嗣張尙聰輪巡期內有游兆康家魚網被竊將張尙聰辭退歸陳清源一人管理張尙聰因墊款無著欲令陳清源分認歸還陳清源央緩六月二十五日張尙聰往尋陳清源索取墊項搭坐郭其漳

艇船雇陳萍黃闊嘴陳夢撐駕駛至中途與陳清源巡船同泊一處候風張尚聰過船查問周香贊答稱陳清源因游兆康家魚網查係陳螺螺偷竊已上岸找向陳螺螺堂叔理論張尚聰不信疑係有心躲避欲搬陳清源衣箱作抵周香贊等攔阻致相爭毆郭其漳同陳萍過船拉勸周香贊斥護舉拳向毆郭其漳取刀將周香贊戳傷棄刀走開周香贊向陳萍撲毆陳萍取船內火藥包點擲將周香贊燒傷撲倒船內周允灝見父被傷亦取船內火藥包點擲將陳萍燒傷跌倒張尚聰攏護拾刀砍傷周允灝左肩甲割傷右胎膊周允灝撲向拚命張尚聰用刀嚇戳適傷其咽喉跌倒船上張尚聰同郭其漳逃回本船陳儀軒取烏鎗趕放適黃闊嘴走出船艙致被砂子誤傷陳儀軒欲進船尋毆陳夢攜刀攔阻陳儀軒混罵被陳夢用刀砍傷落水經人幫同撈起周香贊陳萍

周允灝黃闊嘴陳儀軒均旋卽殞命報驗獲犯咨革審供不諱查周香贊係被陳萍致斃陳萍當被周香贊之子周允灝致斃係當場殺死致斃伊父正兇律得勿論周允灝復被張尙聰致斃應以張尙聰擬抵黃闊嘴係被陳儀軒致斃陳儀軒旋被陳夢致斃陳儀軒雖係致斃黃闊嘴應抵正兇惟陳夢並非黃闊嘴有服親屬仍應以陳夢擬抵周香贊與周允灝雖係父子一家二命惟張尙聰等係各斃各命應各科各罪除致斃陳儀軒罪應擬絞之陳夢緝獲另結致斃周香贊等之陳萍周允灝陳儀軒均被傷身死郭其漳依刃傷人律擬徒陳清源擬杖外張尙聰合依鬪毆殺人者不問手足他物金刃並絞律擬絞監候秋後處決等因具題奉

旨張尙聰依擬應絞著監候秋後處決餘依議欽此

同治九年秋審毆非預糾刀由拾獲張尙聰應緩決

兩造互毆致斃五命內有彼造一家二命係各斃各命除一命係當場殺死伊父應抵正兇律得勿論二兇當被致斃一兇在逃外該犯致斃一命金刃二傷一要害透內食氣喉俱損另割一傷情傷均重雖死者亦致斃陳萍一命惟陳萍先將其父致斃律得勿論該犯復將死者致斃與同場毆死應抵正兇不同且由該犯搬取陳清源衣箱起衅以致同時釀成多命未便率行議緩仍記候核 改實

軍犯在配鬪毆殺人 福建案

一起聶洞昇致傷張仕城身死一案將聶洞昇依律擬絞等因具題奉

旨三法司核擬具奏欽此該臣等會看得聶洞昇籍隸湖南因描摹印信圖騙錢文犯案擬軍發配福建與張仕城素識無嫌聶洞昇在配所開飯店生理同治七年七月十一日有不識姓名人在聶洞昇店內食飯張仕城踵至向不識姓名人索討欠錢口角爭鬧聶洞昇勸阻張仕城斥罵多管聶洞昇不服回詈張仕城舉拳撲毆聶洞昇用拳毆傷其右肋張仕城扭住聶洞昇胸衣亂毆聶洞昇用頭撞傷其左額角左眉張仕城仍不放手稱欲拚命聶洞昇情急用拳嚇毆適傷其左脇鬆手倒地被門檻挫傷偏左旋即殞命訪驗獲犯審供不諱查聶洞昇先因犯罪擬軍復在配致斃人命例無治罪明

文惟軍犯向照流犯科斷自應按已流而又犯罪律問擬除地保余金爐擬杖外聶洞昇合依已流而又犯罪依律再科後犯之罪鬪毆殺人者不問手足他物金刃並絞律擬絞監候秋後處決等因具題奉

旨聶洞昇依擬應絞著監候秋後處決餘依議欽此

同治九年秋審釁起攔勸拳毆傷輕尙無兇暴情形聶洞昇應緩決

軍犯在配殺人如理直傷輕並無兇暴情形者秋審向俱入緩此起軍犯在配斃命頭撞二傷一致命又拳毆二傷一致命情傷不輕惟衅起解勸傷由抵禦並無兇暴重情尙可原緩記候核 照緩

軍犯在監致斃人命 熱河案

一起王鈺椿毆傷賀泳潰身死一案緣王鈺椿籍隸山西來至熱河與賀泳潰素無嫌隙王鈺椿先因聽從搶奪拒傷事主平復審依搶奪刃傷爲從例擬軍定發湖南安置因道路梗阻中途截回賀泳潰先因扎傷張振海身死審依鬪殺律擬絞監候均收禁監內同鋪睡宿同治七年四月閒賀泳潰借王鈺椿棉襖當錢花用屢索未還八月二十三日禁卒陳安成攜柴棍往擡尿桶傾倒因值監犯欲赴房後出恭陳安成將柴棍放下趕往照看時王鈺椿復向賀泳潰催索棉襖賀泳潰嗔逼村斥王鈺椿分辯賀泳潰混罵王鈺椿生氣搗脫手鐐順取柴棍毆傷其頂心賀泳潰向王鈺椿撞頭王鈺椿用棍毆傷其腦後倒地裝傷左胯移時殞命報驗審供不諱查王鈺椿因搶奪傷人擬軍截留監禁其將同監人犯賀泳

潰致斃與死罪人犯在監復行斃命不同應仍按鬪殺本律
問擬除陳安成比依獄卒以他物與囚致囚殺人律減等擬
流外王鈺椿合依鬪毆殺人者不問手足他物金刃並絞律
擬絞監候秋後處決等因具題奉

旨王鈺椿依擬應絞著監候秋後處決餘依議欽此

同治九年秋審衅起索欠傷係他物王鈺椿應緩決

先因搶奪傷人擬軍尙未發配截留監禁復致
斃同監人犯木器二傷均致命骨微損情節不
好雖衅起索欠傷係他物且俱在倒地以前未
便率緩記候核 改實

毆殺金刃一傷 河南案

一起王冬城扎傷郭維凡身死一案將王冬城依律擬絞並聲明親老丁單等因具題奉

旨三法司核擬具奏欽此該 臣等會看得王冬城籍隸直隸來至

河南與郭維凡素識無嫌同治五年正月間郭維凡賒欠王冬城饌錢六百二十四文屢索未償十二月二十四日王冬城與郭維凡撞遇復向催索前欠郭維凡央緩王冬城不允致相罵詈郭維凡拾木棍撲毆王冬城逃跑郭維凡追趕王冬城逃入家內郭維凡追至門首喊罵並稱如不出來定行打進王冬城攜刀出門嚇罵郭維凡用棍將刀格落王冬城拾刀郭維凡棄棍揪住王冬城髮辮按按奪刀王冬城情急用刀嚇扎適傷其咽喉倒地移時殞命報驗審供不諱王冬城合依鬪毆殺人者不問手足他物金刃並絞律擬絞監候

大... 人命明... 案上

王冬城

秋後處決據供父老丁單是否屬實應俟秋審時照例查明取結送部核辦等因具題奉

旨王冬城依擬應絞著監候秋後處決餘依議欽此

同治九年秋審刃傷致命要害奇重王冬城應情實

刃扎要害一傷食氣喉俱斷勘傷奇重雖衅起索欠死先撲毆扎由被揪被按情急所致亦難率緩准留記候核 照實

鬪殺金刃一傷 山西稷山縣案

一起許三虎砍傷王狗勤身死一案將許三虎依律擬絞並聲明係孀婦獨子等因具題奉

旨三法司核擬具奏欽此該臣等會看得許三虎與王狗勤素好無嫌有汪蘇娃央許三虎作保借用王狗勤錢一千文言明到期不償許三虎代為歸還嗣汪蘇娃出外未回王狗勤向許三虎屢索未償同治七年六月初四日許三虎赴地工作與王狗勤撞遇王狗勤復索前欠許三虎央緩王狗勤不依逼索許三虎嗔逼嚷罵王狗勤回詈並向撲毆許三虎閃開順拔身帶小刀砍傷其頂心帶劃傷腦後仆跌倒地搥傷左額角移時殞命報驗審供不諱許三虎合依鬪毆殺人者不問手足他物金刃並絞律擬絞監候秋後處決據供伊母孀守已逾二十年家無次丁是否屬實應俟秋審時照例查明

取結送部核辦等因具題奉

旨許三虎依擬應絞著監候秋後處決餘依議欽此

同治九年秋審死先撲毆砍止一傷許三虎應緩決查明犯
母羅氏實係守節已逾二十年被殺之王狗勤父母俱故並
無親屬取結送部核辦

死先撲毆砍由抵禦結到留養 准其留養

鬪殺金刃二傷 直隸廣平縣案

一起賊玘耀扎傷馮得亮身死一案將賊玘耀依律擬絞並聲明親老丁單等因具題奉

旨三法司核擬具奏欽此該臣等會看得賊玘耀與馮得亮同村無嫌同治六年四月二十二日賊玘耀在自己地內割得麥子攜回放在炕上二十四日馮得亮因地內麥子被竊與弟馮得生查找瞥見賊玘耀家炕上放有麥穗疑係被竊原賊當向查問賊玘耀斥其平空誣竊彼此爭吵經賊玘耀之母李氏勸回馮得亮被斥不甘邀同馮得生分持槍棍往賊玘耀家門首嚷罵賊玘耀攜槍出向回詈馮得亮用槍撲扎賊玘耀用槍抵扎致傷其右肋左脇倒地馮得生不依被賊玘耀用槍劃傷上唇吻馮得亮移時殞命報驗審供不諱馮得生傷經平復除行竊正賊緝獲另結外賊玘耀合依鬪殺

人者不問手足他物金刃並絞律擬絞監候秋後處決據供父老丁單是否屬實應俟秋審時照例查明取結送部核辦等因具題奉

旨臧玘耀依擬應絞著監候秋後處決餘依議欽此

同治九年秋審死者疑竊尋鬻扎由抵禦臧玘耀應緩決查明該犯之父臧易青現年實係七十四歲雖尙有次子臧三年甫十一並無以次成丁之人全賴臧玘耀養贍屍父馮希三尙有次子馮得生早已成丁已能侍奉取結咨部核辦照緩准其留養

鬪毆金刃三傷

江蘇邳州案

一起王瀛城毆傷蔣繩武身死一案將王瀛城依律擬絞並聲明親老丁單等因具題奉

旨三法司核擬具奏欽此該 臣等會看得王瀛城與蔣繩武先不

認識蔣繩武充當局勇同治三年八月十七日王瀛城經素識之伍安幫邀同幫蓋房屋在寺住宿蔣繩武赴寺盤查值伍安幫外出王瀛城答稱並非匪人蔣繩武不理聲言不許住寺王瀛城分辯致相口角蔣繩武用棍毆傷王瀛城左肩甲左胎膊右肱腋王瀛城順拔防身小刀毆傷其左肩甲蔣繩武棄棍奪刀王瀛城情急用刀毆傷其左肋肚腹倒地王茂芒路過拉勸王瀛城疑護用刀毆傷王茂芒右胎膊蔣繩武至十八日殞命王瀛城等逃避蔣治平同吳洪謙追及吳洪謙用刀砍斷王瀛城左腳趾伍安幫被吳洪謙砍毆致傷

報驗獲犯審供不諱王茂芒傷經平復除吳洪謙緝獲另結外王瀛城合依鬪毆殺人者不問手足他物金刃並絞律擬絞監候秋後處決據供祖母年老家無次丁是否屬實應俟秋審時照例查明取結送部核辦等因具題奉

旨王瀛城依擬應絞著監候秋後處決餘依議欽此

同治九年秋審身疊受傷截由抵禦其另傷一人亦由疑護所致王瀛城應緩決祖母年老丁單取結查辦 照緩准其留養

鬪殺金刃四傷 盛京案

起劉城禾戳傷黃萬庫身死一案將劉城禾依律擬絞並聲
明親老丁單等因具題奉

旨三法司核擬具奏欽此該 臣等會看得劉城禾與黃萬庫向屯
無嫌劉城禾賒欠黃萬庫稗梁錢十九千文還過錢九千五
百文餘欠屢索未償同治六年五月二十二日劉城禾與黃
萬庫路遇黃萬庫向索前欠劉城禾央緩黃萬庫不依逼討
致相吵罵黃萬庫奔向抓毆劉城禾順拔尖刀戳傷其左脊
膂右後脇黃萬庫奪刀劉城禾用刀嚇戳適傷其胸膛左肋
並劃傷其左手大指食指倒地報驗飭醫黃萬庫至六月初
三日殞命復驗審供不諱劉城禾合依鬪毆殺人者不問手
足他物金刃並絞律擬絞監候秋後處決據供伊父年老有
子尙未成丁是否屬實應俟秋審時照例查明取結送部核

辦等因具題奉

旨劉城禾依擬應絞著監候秋後處決餘依議欽此

同治九年秋審戮由抵禦死越旬餘劉城禾應緩決再查該犯供稱有父劉萬喜年逾七十家無次丁是否屬實現在取結查辦

負欠刃斃徒手四傷三致命一透內另劃二傷勘傷不輕惟情非賴欠死先抓毆各傷均由抵禦且死越一旬尚可原緩結到並准留養其留養

鬪殺金刃五傷

四川綿竹縣案

一起陳泉娃致傷劉告花身死一案將陳泉娃依律擬絞等因具題奉

旨三法司核擬具奏欽此該臣等會看得陳泉娃與劉告花素識無嫌劉告花借穿陳泉娃布衫馬褂未還光緒元年八月十六日陳泉娃路遇劉告花向索衫褂劉告花斥說不應攔路逼討陳泉娃分辯劉告花不依嫚罵陳泉娃回詈劉告花拔刀亂戳陳泉娃舉腳向踢被劉告花戳傷左腳踝陳泉娃奪刀過手被刀尖劃傷左手指劉告花奪刀陳泉娃砍傷其左手大指戳傷其左臂膊劉告花撲扭陳泉娃戳傷其左膝右胎膊透過右臂膊劉告花抓住陳泉娃衣襟拚命陳泉娃掙不脫身情急用刀嚇戳適傷其右乳鬆手倒地移時殞命報驗審供不諱陳泉娃合依鬪毆殺人者不問手足他物金刃

並絞律擬絞監候秋後處決等因具題奉

旨陳泉娃依擬應絞著監候秋後處決餘依議欽此

光緒三年秋審身先受傷奪刀、戳有急情陳泉娃應緩決

刃斃人命五傷一致命透內一透過一骨微損
勘傷不輕惟身先受傷刀係奪獲透過傷在肢
體不致命處所未後重傷確有被抓急情尙可

原緩記候核 照緩

鬪殺金刃五傷 四川彭山縣案

一起趙老年戳傷文添有身死一案將趙老年依律擬絞等因具題奉

旨三法司核擬具奏欽此該臣等會看得趙老年與文添有素識無嫌同治七年閏四月間文添有因貧將妻張氏賣與趙老年爲妻並無媒合言明財禮錢四千文趙老年將錢交清卽娶張氏過門五月初九日趙老年與文添有路遇文添有向趙老年索添財禮錢文趙老年斥其不應事後需索文添有不依嫚罵趙老年回詈文添有拔刀向戳趙老年奪刀戳傷其右乳文添有回奪趙老年戳傷其右手腕文添有撲向抓扭趙老年連戳傷其右胎脯文添有拾石趙老年情急用刀嚇戳適傷其右肱肘倒地移時殞命報驗獲犯審供不諱除張氏擬杖收贖仍離異歸宗外趙老年合依鬪毆殺人者不

問手足他物金刃並絞律擬絞監候秋後處決等因具題奉旨趙老年依擬應絞著監候秋後處決餘依議欽此

同治九年秋審死先逞兇奪刀戳有急情趙老年應緩決

賈休人妻復致斃其命金刃五傷一致命一骨損勘傷不輕惟死者將妻價賣事後復索添財禮情近誘詐該犯各傷均由抵禦且俱在倒地以前刀係奪自死者之手尙可原緩記候核

照緩

鬪殺金刃六傷 四川永川縣案

一起陳大有砍傷劉大萍身死一案將陳大有依律擬絞等因具題奉

旨三法司核擬具奏欽此該 臣等會看得陳大有與劉大萍素識無嫌同治七年四月間劉大萍借欠陳大有錢三千文屢索未償七月二十二日陳大有買得菜刀攜回路遇劉大萍向索前欠劉大萍斥罵不應攔路逼索陳大有回詈劉大萍撲攏抓扭陳大有用刀砍傷其左顙頰左肩甲劃傷其左血盆劉大萍奪刀陳大有砍傷其項頸左臂膊左手背劉大萍彎身拾石陳大有情急用刀嚇砍適傷其髮際倒地移時殞命報驗審供不諱陳大有合依鬪毆殺人者不問手足他物金刃並絞律擬絞監候秋後處決等因具題奉

旨陳大有依擬應絞著監候秋後處決餘依議欽此

同治九年秋審釁起索欠傷有急情陳大有應緩決

金刃六傷二骨損另劃一傷勘傷不輕惟衅起
索欠死先撲扭各傷均由抵禦且俱在不致命
處所尙可原緩 照緩

鬪殺金刃六傷

湖南江華縣案

一起梁廣衛戳傷石珍益身死一案將梁廣衛依律擬絞等因具題奉

旨三法司核擬具奏欽此該_臣等會看得梁廣衛與石珍益素識無嫌梁廣衛裁縫手藝同治七年八月間梁廣衛赴族入梁開典家催索縫衣工錢未給不依吵鬧經石珍益勸散二十六日石珍益途遇梁廣衛斥說不應催逼同族梁廣衛不服爭鬧石珍益拔刀戳傷梁廣衛額顙左胎膊梁廣衛撲向奪刀又被戳傷左膝左右膝肋梁廣衛將刀奪獲順勢戳傷其右胎膊劃傷右乳石珍益彎身拾石梁廣衛戳傷其左耳根劃傷脊背石珍益低頭向撞梁廣衛連戳傷其偏右鼻梁石珍益扭住梁廣衛髮辮往下揜按梁廣衛掙扎不脫情急用刀連向嚇戳致傷其臍肚肚腹鬆手倒地擦傷左臀旋即殞

大清律例
卷三
人命刑成案上

梁廣衛

命報驗投首審供不諱梁廣衛合依鬪毆殺人者不問手足他物金刃並絞律擬絞監候秋後處決等因具題奉

旨梁廣衛依擬應絞著監候秋後處決餘依議欽此

同治九年秋審身疊受傷奪刀抵禦適斃梁廣衛應緩決

金刃六傷四致命二透內腸出另割二傷勘傷較重惟身迭受傷刀係奪獲先戳各傷均無損透未後重傷係由被扭被按情急抵禦所致且均在倒地以前尙可原緩記候核 照緩

關殺金刃七傷 山東冠縣案

一起索儉砍傷趙格身死一案將索儉依律擬絞等因具題奉旨三法司核擬具奏欽此該臣等會看得索儉與趙格素識無嫌均木匠生理同治六年十月間該莊甲長趙芝蘭令索儉包做墟門議定工價錢十八千文因木料未齊不能動工嗣趙芝蘭買齊木料適索儉外出工作等候不回另覓趙格包做十一月初六日索儉攜鐵錐自外回家撞遇趙格正做墟門問知前情斥其不應攬奪工程趙格不服混罵索儉回詈趙格撲毆索儉用錐砍傷其左肩甲趙格拾石亂擲索儉閃避砍傷其右後肋趙格轉身奪錐索儉砍傷其右手心連大指食指趙格用腳亂踢索儉砍傷其左右膝肋倒地趙格拉住衣襟辱罵索儉氣忿又用錐砍傷其左腳踝並右腳面穿透右腳心報驗飭醫趙格至十七日殞命復驗審供不諱索儉

合依鬪毆殺人者不問手足他物金刃並絞律擬絞監候秋
後處決等因具題奉

旨索儉依擬應絞著監候秋後處決餘依議欽此

同治九年秋審傷無致命死越一旬索儉應緩決

噍死者攬奪工程起衅致斃其命金刃七傷一
骨折三骨損一由腳面穿透腳心骨斷二在倒
地後死係徒手勘傷較重姑以死先撲毆各傷
均由抵禦俱在肢體不致命處所倒後傷係由
被拉不放所致且死越一旬稍有可原記緩候
核 照緩

關殺金刃十四傷 四川瀘縣案

一起戴大品戮傷苟涼超身死一案將戴大品依律擬絞絞等因具題奉

旨三法司核擬具奏欽此該臣等會看得戴大品與苟涼超素識無嫌苟涼超向戴大品估借錢文戴大品乏錢因苟涼超平素兇橫畏其滋事借給芋麥兩斗同治七年正月十九日戴大品在地工作苟涼超走至復向借錢戴大品回覆苟涼超聲稱如不借給定欲尋釁戴大品斥其不應屢次估借苟涼超不依嫚罵戴大品回詈苟涼超拔刀向戮戴大品奪刀連戮傷其左臂膊並戮傷其左肱肘苟涼超舉拳向毆戴大品連戮傷其左肋並戮傷其右肋苟涼超彎身拾石戴大品戮傷其左右後肋左臀苟涼超奪刀戴大品連戮傷其右胎膊並戮傷其右臂肱腋帶劃傷右手腕右手大指食指中指苟

牙言車馬三三
三
涼超抓住戴大品胸襟扯頭拚命戴大品掙不脫身情急用
刀嚇戮適傷其心坎鬆手倒地移時殞命報驗獲犯審供不
諱戴大品合依鬪毆殺人者不問手足他物金刃並絞律擬
絞監候秋後處決等因具題奉

旨戴大品依擬應絞著監候秋後處決餘依議欽此

同治九年秋審死者疊次估借逞兇情近擾害奪刀戮有急
情戴大品應緩決

金刃十四傷一致命骨微損另劃二傷勘傷較
多雖死者屢次估借錢文並先向逞兇理不爲
直該犯刀係奪獲先戮各傷並無致命損折重
情末後致命重傷究止一處傷由被抓被挫情
急所致且俱在倒地以前似不無一綫可原惟
究係刃傷較多之案似未便率行議緩記候核

改實

人命門成藥上

三

戴大品

鬪殺金刃十七傷 吉林案

一起薛城賈砍傷李朋身死一案緣薛城賈籍隸直隸來至吉林與李朋認識無嫌薛城賈在族叔母吳氏家浮住同治七年正月閒薛城賈借用李朋錢四百七十文未償三月二十四日李朋往向薛城賈索討前欠薛城賈懇緩李朋不允索鬧吳氏嗔說李朋不應喧鬧李朋村斥吳氏多管並以汚語羞辱吳氏走避薛城賈向李朋斥罵李朋不服拏木棒奔毆薛城賈取刀連砍傷其左胎膊連左臂腫嫩並將木棒格落李朋奪刀薛城賈用刀砍傷其左耳近上左右肩甲並連砍傷額門右肩甲近下連右胎膊倒地李朋掙扎欲起薛城賈復用刀連砍傷其項頸脊背左右臂膊左右肱肘左後肋至二十九日殞命報驗審供不諱薛城賈合依鬪毆殺人者不問手足他物金刃並絞律擬絞監候秋後處決等因具題奉

旨薛城賢依擬應絞著監候杖後處決餘依議欽此

同治九年秋審死先奔毆越日斃命薛城賢應緩決

負欠斃命金刃十七傷三致命二骨損六骨微
損七在倒地後傷多且重雖鮮起死者傷由抵
禦負欠亦非昧賴究難不實記候核 改實

鬪殺刃物四傷 山東城武縣案

趙孟繼遷致傷孟廣如身死一案將孟繼遷依律擬絞並聲明親老丁單等因具題奉

旨三法司核擬具奏欽此該臣等會看得孟繼遷與無服族姪孟廣如素睦無嫌同治七年七月二十三日孟廣如向孟繼遷借錢孟繼遷回覆孟廣如斥說薄情孟繼遷分辯孟廣如不服致相罵詈孟廣如彎身拾石孟繼遷順拳三齒鐵抓鉤扎傷其項頸脊背右脊膂失手將鐵抓鉤掉落孟廣如拔刀撲扎孟繼遷情急奪刀扎傷其偏左倒地報驗筋醫孟繼遷投首孟廣如至八月十七日殞命復驗審供不諱孟繼遷合依同姓服盡親屬相毆至死以凡論鬪殺者絞律擬絞監候秋後處決據供母老丁單是否屬實應俟秋審時照例查明取結送部核辦等因具題奉

旨孟繼遷依擬應絞著監候秋後處決餘依議欽此

同治九年秋審刀係奪獲死越兩旬孟繼遷應緩決再該犯
成招時據供父故有母田氏年逾七旬家無次丁是否屬實
俟飭縣查明取結勘辦 照緩留養

鬪殺他物二傷 四川富順縣案

一起蔡二致傷王蘇幔身死一案將蔡二依律擬絞等因具題奉

旨三法司核擬具奏欽此該 臣等會看得蔡二與王蘇幔素識無

嫌蔡二架船生理王蘇幔與邵三麻子俱受雇在蔡二船上堆棹並無主僕名分同治七年七月二十一日王蘇幔向蔡二預支工錢五千文蔡二乏錢回覆王蘇幔斥罵薄情蔡二回詈王蘇幔拾鐵錘向毆蔡二用刀抵格連毆傷其左頤頰並劃傷左手中指王蘇幔用錘將刀格落蔡二奪錘毆傷其偏左王蘇幔抓住蔡二胸襟撞頭拚命蔡二掙不脫身情急用錘嚇毆適傷其左額角連左太陽鬆手側跌船內磕傷偏右蔡二棄錘欲跑邵三麻子擁護蔡二拾刀砍傷邵三麻子胸膛左臂膊左肱肘髮際劃傷脊背王蘇幔移時殞命首驗

大決事 卷三 人命門成案上

三

蔡二

審供不諱邵三麻子傷經平復蔡二合依鬪毆殺人者不問手足他物金刃並絞律擬絞監候秋後處決等因具題奉

旨蔡二依擬應絞著監候秋後處決餘依議欽此

同治九年秋審釁起不曲奪械毆有急情另傷由於擁護所致蔡二應緩決

鐵錘頭面致命二傷一骨碎一骨微損另刃劃三傷復另傷一人情傷不輕惟死先向毆錘係奪獲各傷均由抵禦情急所致另傷一人向不以之加重尙可原緩記候核 照緩

鬪殺他物八傷 山西鳳臺縣案

一起馬小閏毆傷馬丙午身死一案將馬小閏依律擬絞等因具題奉

旨三法司核擬具奏欽此該_臣等會看得馬小閏與無服族弟馬丙午素好無嫌彼此婚喪往來同治七年三月閒馬小閏出殯父柩馬丙午有事未往送殯馬小閏氣忿因有喪事並未往找理論初九日馬小閏攜九齒鐵耙赴地工作與馬丙午撞遇馬小閏村斥馬丙午不知禮節馬丙午辯說有事馬小閏不信嚷罵馬丙午回詈並向撲毆馬小閏用耙毆打一下致傷其左顙頰左額頰馬丙午拾石亂擲馬小閏情急又用耙嚇毆一下致傷其頂心偏右左額角左太陽倒地移時殞命報驗審供不諱馬小閏合依同姓服盡親屬相毆至死以凡論鬪殺者絞律擬絞監候秋後處決等因具題奉

火獄詳要 卷三 人命門成案上

馬小閏

旨

馬小閏依擬應絞著監候秋後處決餘依議欽此

同治九年秋審頭面雖多重傷尙非肆意疊毆馬小閏應緩
決

鐵耙齒八傷四致命二骨損均在頭面處所勘
傷不輕惟死先向毆傷由抵禦且耙係九齒一
毆卽成四傷尙可原緩 照緩

鬪殺他物十二傷又脚踢一傷 直隸順義縣案

一起張齡致傷張桐身死一案將張齡依律擬絞等因具題奉旨三法司核擬具奏欽此該 臣 等會看得張齡與無服族兄張桐

素好無嫌張齡釘碗營生同治六年五月間張桐借欠張齡錢二千五百文屢索無償九月二十三日張齡持木棍赴地趕猪並腰掖釘碗所用鐵頂鎮順便找鐵匠修理路遇張桐復索前欠張桐答覆無錢並斥張齡攔路索欠之非張齡分辯致相罵詈張桐拾土塊擲毆張齡閃避順用木棍毆傷其左耳根失手將棍掉落張桐用脚向踢張齡拔鐵頂鎮連毆傷其左膝肋並用脚踢傷其下部倒地張桐辱罵張齡又用鐵頂鎮連毆傷其左膝左膝肋左脚腕張桐罵不住口張齡復用鐵頂鎮扎傷其左膝左膝肋至二十四日殞命報驗審供不諱張齡合依同姓服盡親屬相毆至死以凡論鬪殺者

大武律更 卷三 人命門成案上

張齡

絞律擬絞監候秋後處決等因其題奉

旨張齡依擬應絞著監候秋後處決餘依議欽此

同治九年秋審覺起索欠傷係他物張齡應緩決

鐵器致傷九處扎傷二處七在倒地後一骨折
又木器腳踢各一傷均致命毆情較兇惟衅起
索欠致命傷無損折倒後各傷俱在不致命處
所重傷究止一處尙可原緩記候核 照緩

鬪殺他物十六傷 陝西鳳縣案

一起羅金日毆傷羅登潰身死一案將羅金日依律擬絞等因具題奉

旨三法司核擬具奏欽此該 臣等會看得羅金日與無服族姪羅

登潰素無嫌隙羅金日分居兄妻張氏地畝原係羅金日租

種糧草均分同治六年九月間羅登潰自立租約向張氏懇

種羅金日所租地畝張氏不允將租約退還羅登潰負氣走

回張氏未向羅金日告知羅登潰私在羅金日租種地內播

種十一日羅金日查知不依往向羅登潰理斥羅登潰用木

骨朵撲毆羅金日閃避奪獲骨朵毆傷其左太陽右眉羅登

潰嚷罵羅金日毆傷其左眼胞偏左左額角倒地擦傷右膝

肋羅登潰毀罵羅金日祖先羅金日又疊毆傷其咽喉左右

膝肋致將骨朵折斷羅登潰肆罵羅金日復用斷木柄毆傷

七 決 律 意 卷 之 三 人 命 門 成 案 上

羅金日

其左眉左眉叢左顙頰胸膈並連毆傷右顙頰右額頰震折牙齒四箇旋即殞命報驗審供不諱羅金旦合依同姓服盡親屬相毆至死以凡論鬪殺者絞律擬絞監候秋後處決等因具題奉

旨羅金旦依擬應絞著監候秋後處決餘依議欽此

同治九年秋審死本理曲傷皆他物羅金旦應緩決

木器十六傷五致命一重迭骨微損十一在倒地後又震折牙齒四箇毆情較兇惟死者私種該犯租地嗣被查知理斥輒向撲毆實屬理曲逞兇該犯械係奪獲各傷均係他物倒地後各傷並無損折重情尙可原緩記候核 照緩

推倒騎壓手搭咽喉氣閉殞命

四川巴縣案

一起唐銅致傷劉遠湖身死一棄將唐銅依律擬絞等因具題奉

旨三法司核擬具奏欽此該臣等會看得唐銅與劉遠湖素識無嫌劉遠湖借用唐銅方桌二張板凳拾條屢索未還同治六年十二月二十六日唐銅因值過年往向劉遠湖索討桌凳劉遠湖斥說不應催逼唐銅分辯致相罵詈劉遠湖撲向抓毆唐銅用手抓傷其左手背劉遠湖揪住唐銅髮辮揪按唐銅掙不脫身用力向推劉遠湖仰跌倒地磕傷腦後莖傷左後脇唐銅亦被牽倒劉遠湖揪住唐銅髮辮不放兩腳亂踢唐銅側身滾轉騎壓劉遠湖身上致右膝跪傷其肚腹劉遠湖將辮鬆放用手推毆唐銅敲傷其右手腕並用左手大二指搭住其咽喉劉遠湖揪住唐銅胸衣欲起唐銅慮其起身

逞兇搭不鬆手劉遠湖掙扎力不能動唐銅放手劉遠湖業
已氣閉殞命報驗審供不諱唐銅合依鬪毆殺人者不問手
足他物金刃並絞律擬絞監候秋後處決等因具題奉

旨唐銅依擬應絞著監候秋後處決餘依議欽此

同治九年秋審釁起理直搭由慮起逞兇死非意料唐銅應
緩決

將死者推倒後騎壓身上手搭咽喉一傷食氣
嗓俱塌立斃其命另膝跪致命一傷口咬手抓
各一傷情節綦重雖絆起不曲搭由被揪所致
惟以要害處所因恐死者起身逞兇輒復緊搭
不放直至死者掙扎力不能動始行鬆手顯有
不死不休之勢實屬情兇近故似未便率行議
緩記候核 改實

推倒後手搭咽喉膝跪脇腹身死 廣東陽春縣案

一起賴亞木致傷張玉始身死一案將賴亞木依律擬絞並聲明母老丁單等因具題奉

旨三法司核擬具奏欽此該臣等會看得賴亞木與張玉始素識無嫌均充當賣牛經紀同治七年三月二十七日有黎世積牽牛赴墟發賣託賴亞木與張玉始共作經紀許俟賣出酬謝錢文賴亞木等將牛賣與不識姓名人黎世積當謝錢二百文交賴亞木手收賴亞木分給張玉始錢六十文張玉始向索平分賴亞木不允致相爭鬧張玉始扭住賴亞木胸衣賴亞木用手推搡張玉始站立不穩仰跌倒地賴亞木亦被帶跌仆壓張玉始身上張玉始仍扭住不放賴亞木圖脫情急用兩手搭住其咽喉連髮際張玉始負痛鬆手賴亞木掙身跪起致兩膝跪傷其右脇小腹張玉始喊痛移時殞命報

驗獲犯審供不諱賴亞木合依鬪毆殺人者不問手足他物
金刃並絞律擬絞監候秋後處決據供伊母年老有子尙未
成丁是否屬實應俟秋審時照例查明取結送部核辦等因
具題奉

旨賴亞木依擬應絞著監候秋後處決餘依議欽此

同治九年秋審搭由情急死因膝跪賴亞木應緩決再該犯
原供母老丁單是否屬實業經嚴飭確查未到應候查覆到
日分別辦理

推倒後手搭要害一傷又膝跪致命二傷立斃
人命情節不好姑以搭由被扭不放跪傷亦因
帶跌掙起所致原驗咽喉一傷色止紫紅較小
腹跪傷色至紫黯爲輕其爲死非被搭之傷可
知尙可原緩未便率准留養記核 照緩不准

留養

大快畢臣
卷二 人命門成案上

臣

賴亞木

帶跌跪傷下部手揜咽喉斃命 廣東新會縣案

一起黃氏致傷楊亞長身死一案將黃氏依律擬絞等因具題奉

旨三法司核擬具奏欽此該 臣等會看得黃氏與夫無服族姪楊亞長素無嫌隙楊亞長向患痰症時發時愈同治六年二月間黃氏與楊亞長合批田畝四圍築有籬笆居中分界黃氏在自己田內栽種瓜菜因楊亞長田邊籬笆破爛囑令修補楊亞長未理三月二十三日黃氏看見瓜菜被猪踐食往尋楊亞長斥其延不修補籬笆楊亞長不服分辯致相爭鬧黃氏扭住楊亞長胸衣稱欲投族理論楊亞長往後掙扎被輓塊絆跌倒地將黃氏帶跌仆壓身上致黃氏右膝蓋跪傷其下部楊亞長用右手揪住黃氏髮髻並用左手向毆黃氏情急用手揜住楊亞長咽喉希圖掙脫站起楊亞長旋即鬆手

面色改變黃氏連忙收手起身楊亞長痰壅當卽氣閉殞命報驗獲犯審供不諱黃氏合依同姓服盡親屬相毆至死以凡論鬪殺者絞律擬絞監候秋後處決等因具題奉

旨黃氏依擬應絞著監候秋後處決餘依議欽此

同治九年秋審死因痰壅揜由被揪情急黃氏應緩決

先將死者扭住跌倒後手揜咽喉斃命另膝脆致命一傷情節不好姑以扭住祇欲投族理論並無欲毆之心跪傷由於帶跌末後揜住咽喉確因被其揪毆希圖掙脫站起所致且死由痰壅氣閉尙非該氏意料所及稍有可原記緩候

核 照緩

撞傷額門越四日抽風殞命 陝西藍田縣案

一起周萬致傷張繼沅身死一案將周萬依律擬絞等因具題奉

旨三法司核擬具奏欽此該 臣等會看得周萬與張繼沅鄰村無嫌彼此地界毘連光緒二年七月十四日張繼沅疑周萬侵種地畝赴周萬地內檢拾棉花周萬瞥見斥阻張繼沅回斥不應侵種周萬攏奪棉花張繼沅順取木柄鐵楸撲毆周萬閃避扭奪楸柄過手致楸頭劃傷其右手腕擦傷左手腕張繼沅抵頭撲撞因周萬手內楸頭向上致楸輪撞傷其額門勸散張繼沅傷口進風至十八日抽風殞命報驗審供不諱周萬合依鬪毆殺人者不問手足他物金刃並絞律擬絞監候秋後處決等因具題奉

旨周萬依擬應絞著監候秋後處決餘依議欽此

火獸耳 卷三 人命門 成案上

周 萬

光緒四年秋審傷係擦撞死由抽風周萬情有可矜 照緩
不入矜

原謀共毆下手傷重

江蘇清河縣案

一起戈鈺庭等共毆楊鈺椿身死一案將戈鈺庭依律擬絞並聲明親老丁單等因具題奉

法司核擬具奏欽此該臣等會看得戈鈺庭與楊鈺椿素識無嫌同治四年二月十七日戈鈺庭失落口袋一條錢二百文被李汰長拾去戈鈺庭查知向索口角經王昆等勸令李汰長給還李汰長不服十八日李汰長糾同楊鈺椿至戈鈺庭門首辱罵洩忿戈鈺庭慮恐吃虧邀允鄰人楊柱劉瑞庭分持防夜木柄鐵槍趕出回詈李汰長畏懼走避楊鈺椿撲毆戈鈺庭與楊柱劉瑞庭各用槍戳傷楊鈺椿左肋左膝左膝左臙朋左腿肚劃傷左乳右臙朋右腰眼右臀何人戳傷何處記不清楚楊鈺椿愈加辱罵並拾石擲毆戈鈺庭情急用槍嚇戳適傷其肚腹倒地至二十日殞命報驗審供不諱

查楊鈺椿身受各傷惟後被戈鈺庭戳傷肚腹爲重且係原謀應以擬抵除李汰長擬杖楊柱等緝獲另結外戈鈺庭合依同謀共毆人致死下手致命傷重者絞律擬絞監候秋後處決據供祖母年老家無次丁是否屬實應俟秋審時照例查明取結送部核辦等因具題奉

旨戈鈺庭依擬應絞著監候秋後處決餘依議欽此

同治九年秋審死者理曲戳由抵禦戈鈺庭應緩決祖母年老丁單取結查辦

原謀斃命該犯與餘人同時下手金刃戳傷八處劃傷四處末後自行刃戳致命一傷透內腸臟流出勘傷較重惟死者無干聽糾尋衅亦屬多事該犯先戳各傷訊係亂毆不知下手先後亦無致命損折重情末後重傷確由情急抵禦

所致尙可原緩結到並准留養記候核 照緩
不准留養

原謀斃命他物一傷

江蘇流陽縣案

一起陳瀨鳴等共毆郎潮金身死一案將陳瀨鳴依律擬絞並聲明孀婦獨子等因具題奉

旨三法司核擬具奏欽此該等會看得陳瀨鳴與郎潮金素好無嫌同治元年四月間郎潮金胞兄郎潮玉幼女與陳瀨鳴胞叔陳志沅幼子陳小五玩耍變怒吵罵郎潮玉聽聞將幼女領回向陳小五村斥十七日陳小五路遇郎潮玉混罵郎潮玉喝稱毆打陳小五哭回陳瀨鳴聞知情由聲言郎潮玉欺侮幼孩不講情理起意糾允陳志沅並堂叔陳淮沅將郎潮玉毆打洩忿借抵郎潮玉門首陳志沅向郎潮玉撲毆郎潮玉取木棍抵格陳瀨鳴奪棍過手陳志沅用木棍將郎潮玉毆傷郎潮金瞥見攔護陳淮沅用木棍毆傷其右臀左膀郎潮金向陳淮沅撲毆陳瀨鳴用木棍毆傷其偏右連髮際

倒地至二十日殞命報驗獲犯審供不諱查郎潮金身受各傷惟後被陳瀨鳴毆傷偏右爲重且係原謀應以擬抵除陳漣沆等擬杖外陳瀨鳴合依同謀共毆人致死下手致命傷重者絞律擬絞監候秋後處決據供孀婦獨子是否屬實應俟秋審時照例查明取結送部核辦等因具題奉

旨陳瀨鳴依擬應絞著監候秋後處決餘依議欽此

光緒三年秋審傷係他物死非登時陳瀨鳴應緩決原供孀婦獨子取結查辦

雖係原謀斃命究止木器一傷並無損折且在倒地以前自可原緩結到並准留養記候核
准其留養

聽糾斃命他物一傷 安徽案

一起陳再荃等共毆鄭炳連身死一案將陳再荃依律擬絞並聲明親老丁單等因具題奉

旨三法司核擬具奏欽此該 臣 等會看得陳再荃籍隸湖北來至安徽與鄭炳連素不認識鄭姓村外有公建木橋向歸陳再荃素識之已革武生鄭瀛儀收租經管光緒元年四月間木橋被水冲塌經鄭姓族人鄭求太等修整向鄭瀛儀支取工價未給族眾處令給稻一百斛了事鄭炳連胞兄鄭炳焱心疑鄭瀛儀侵用存租欲與算賬鄭瀛儀聞知心懷不甘起意糾毆洩忿十四日鄭瀛儀邀允陳再荃並葉冬至鄭魁鄭光育幫同尋毆分別持械徒手偕至鄭炳焱門外喊罵鄭炳焱鄭炳連持棍趕出回罵因見人多逃跑鄭瀛儀跟追用木棍毆傷鄭炳連左臂膊鄭炳連轉身用木棍毆傷鄭瀛儀左臂

膊左肱肘並將鄭瀛儀手內木棍格落鄭瀛儀接住鄭炳連木棍彼此拉奪鄭魁與陳再荃趕攏鄭魁用木棍毆傷鄭炳連右臂膊陳再荃接過鄭瀛儀所拉棍頭用力推搡毆傷鄭炳連右脇仰跌倒地擦傷項頸左後肋時鄭添財趨至攔阻被鄭光育用棍毆傷鄭炳焱拾石將葉冬至擲傷鄭炳連至十五日殞命報驗審供不諱鄭添財等傷均平復查鄭炳連身受各傷惟後被陳再荃戳傷右脇爲重應以擬抵除鄭瀛儀依原謀律擬流葉冬至等擬杖鄭魁等緝獲另結外陳再荃合依共毆人致死下手致命傷重者絞律擬絞監候秋後處決據供母老丁單是否屬實應俟秋審時照例查明取結送部核辦等因具題奉

旨陳再荃依擬應絞著監候秋後處決餘依議欽此

光緒三年秋審死非徒手傷係他物陳再荃應緩決該犯親

老丁單應否留養之處現移原籍取結俟覆到日另行咨部
查照

雖係聽糾斃命究止木器一傷由接奪推搡所致並無損透重情木棍仍在死者之手自可原
緩結到准留記候核 准其留養

聽糾斃命他物三傷 陝西韓城縣案

一起燕薺城等共毆燕庚仔身死一案將燕薺城依律擬絞等
因具題奉

旨三法司核擬具奏欽此該 臣 等會看得燕薺城與無服族人燕
庚仔同村無嫌燕庚仔素性强橫燕姓公共祖祠內賬項田
畝向係燕薺城並族人燕十兒燕灘兒經管燕庚仔借用祠
內錢十一千文屢討未償又租種祠田五畝八分言明每年
租銀三兩四錢亦拖欠兩年未給光緒元年正月間燕薺城
與燕十兒因祠內辦祭同向燕庚仔索討前欠燕庚仔斥罵
新年不應索賬致相爭吵揪扯經人勸散二十六日燕薺城
與燕灘兒及族人燕跟禾燕隨仔先後至燕十兒家閒坐談
及燕庚仔抗欠辱罵共抱不平燕十兒起意糾允燕薺城等
幫同索討並稱如再兇抗卽行毆打洩忿燕十兒攜刀燕薺

城手持木棒餘俱徒手一同找向燕庚仔催索前欠燕庚仔仍前推緩燕十兒等斥其騙賴燕庚仔舉拳向燕十兒撲毆燕十兒用刀砍傷其偏左割傷左眼胞燕庚仔舉腳向踢燕十兒用刀戳傷其左膝燕庚仔奪刀燕葬城走攏用木棒毆傷其右手腕連右手背燕十兒閃至燕庚仔身後又用刀連戳傷其右腿肚倒地燕庚仔滾罵燕跟禾拾石擲傷其左腳踝燕隨仔亦用石毆傷其右腳踝燕庚仔肆詈並稱傷愈定行一併殺害燕葬城燕灘兒慮被報復均起意致成殘廢燕灘兒拾石毆傷其左腳面疊毆傷左膝肋連左腳腕燕葬城棄棒拾石毆傷其右腳面疊毆傷右膝肋連右腳腕移時頒命報驗審供不諱查燕庚仔身受各傷惟後被燕葬城毆傷右膝肋等處爲重應以擬抵燕庚仔係燕葬城無服族人應同兒論除燕十兒依原謀律擬流燕灘兒依折跌人肢體律

擬徒燕跟禾等擬杖外燕蕪城合依共毆人致死下手傷重者絞律擬絞監候秋後處決等因具題奉

旨燕蕪城依擬應絞著監候秋後處決餘依議欽此

光緒三年秋審毆翼成廢傷係他物燕蕪城應緩決

聽糾斃命以五毆一該犯木器一傷倒地後石毆二傷一重迭骨斷一骨微損情傷稍重惟死本理曲傷無致命創後斷折重傷意止欲令成廢餘人亦有金刃致命傷痕尙有可原記緩候核照緩

聽糾斃命他物八傷 四川清溪縣案

一起李怔沈等共毆馮兆麟身死一案將李怔沈依律擬絞並聲明親老丁單等因具題奉

旨三法司核擬具奏欽此該臣等會看得李怔沈與馮兆麟素好無嫌馮兆麟族弟馮應鑄與堂兄妻康氏有公共堰溝輪流灌溉同治六年三月間康氏因田水乾枯另開一缺放水馮應鑄攔阻不允控經該縣斷令康氏將缺口填塞照規開放完案五月十七日馮兆麟路遇馮應鑄斥說不應與康氏爭放堰水與訟拖累馮應鑄分辯馮兆麟不依掌批馮應鑄左頤頰未傷馮應鑄知其力大難敵走避適與李怔沈並王女子張二媧邱仲塊會遇馮應鑄告述前情邀允幫毆洩忿行至中途馮應鑄因腹痛落後李怔沈等先至馮兆麟門首叫罵馮兆麟走出回詈王女子用木棒毆傷其右後脇並連毆

傷左後脇馮兆鱗轉身舉拳向毆王女子連毆傷其左肱肘
馮兆鱗撲向抓扭王女子毆傷其右脛肘馮兆鱗奪棄木棒
王女子抓住馮兆鱗髮辮檢按張二媧拾棒連毆傷其左肩
甲並毆傷脊背連左脊膂馮兆鱗掙脫致被扯落頭髮一綰
馮兆鱗轉向張二媧毆打李恁洸用木棒連毆傷其右臂右
腿後馮兆鱗轉身舉拳亂毆李恁洸連毆傷其右臂膊邱仲
塊接過張二媧手內木棒連毆傷其左臂膊並毆傷左右手
背馮兆鱗拾石邱仲塊連毆傷其左腿後馮兆鱗舉腳向踢
邱仲塊毆傷其左膝肋左腳面馮兆鱗抓住邱仲塊木棒拉
奪李恁洸用棒嚇毆適傷其右膝肋鬆手倒地逾時殞命報
驗審供不諱查馮兆鱗身受各傷惟後被李恁洸毆傷右膝
肋爲重應以擬抵除馮應鑄依原謀律擬流王女子等擬杖
外李恁洸合依共毆人致死下手傷重者絞律擬絞監候秋

後處決據供伊父年老有子尚未成丁是否屬實應俟秋審時照例查明取結送部核辦等因具題奉

旨李怔洗依擬應絞著監候秋後處決餘依議欽此

同治九年秋審毆雖聽糾他物傷無致命李怔洗應緩決再該犯原供親老丁單應俟查覆至日再行核辦

無干聽糾以四毆一致斃徒手該犯木器八傷一骨斷情傷不輕惟衅非伊肇各傷均係他物且在肢體不致命處所重傷究止一處餘人亦有致命多傷尚可原緩結到並准留養記候核准其留養

聽糾致斃彼造三命 山東泰安縣案

一起李格袁亭山李繼真等共毆張初璧吳存志周傾壞各身
死一案將李格袁亭山李繼真均依律擬絞等因具題奉

旨三法司核擬具奏欽此該 臣等會看得李格袁亭山卽袁六李
繼真卽李繼容與張初璧吳存志周傾壞均素識無嫌張初
璧吳存志周傾壞充當鹽巡並未報部有名同治五年十二
月閒李格等族人李中方與鄰人孫京山赴萊蕪縣趕集買
得官鹽二觔回家張初璧查知商允吳存志周傾壞往向李
中方等嚇詐聲稱越境買食官鹽卽是販私若不給錢定行
送官治罪李中方措給錢三千文孫京山措給錢七百五十
文張初璧等得錢分用二十一日李中方向族兄李中塊訴
述前情李中塊心懷不甘起意糾毆洩忿邀允李格袁亭山
李繼真並李繼壘李株李維岱幫助分攜木棍鐵頭木擔徒

手不等一其七人行抵莊外與張初璧等撞遇李中塊等喊罵張初璧回詈撲毆李繼墨用木棍疊毆傷其左臙朋倒地莧傷右腿肚張初璧抓住李格衣襟不放李格情急順拾石塊疊毆傷其右臙朋連右腳腕鬆手吳存志攏護李株用鐵頭木擔毆傷其左肱肘吳存志向袁亭山亂踢袁亭山情急用木棍疊毆傷其左腳腕倒地周傾壞向李繼真毆打李繼真接過李株手內木擔用鐵頭毆傷周傾壞左腿肚失手將擔掉落周傾壞揪住李繼真髮辮揜按李繼真情急拾石疊毆傷其右臙腕連右腳踝鬆手倒地李維岱在場助勢張初璧至二十二日吳存志至二十八日先後身死周傾壞至六年正月初二日殞命報驗獲犯審供不諱查張初璧身受各傷惟後被李格毆傷右臙朋連右腳腕爲重應以李格擬抵吳存志身受各傷惟後被袁亭山毆傷左腳腕爲重應以袁

亭山擬抵周傾壞係李繼真一人致斃惟案係糾毆應按其毆以李繼真擬抵張初璧等向李中方等嚇詐錢文訊係偶然挾詐與罪人不同且李格等均非破詐之人其將張初璧等致斃係各斃各命應各按本律同擬除李中塊依原謀律加等擬軍李繼墨等擬杖外李格袁亭山卽袁六李繼真李繼容均合依同謀共毆人致死下手傷重者絞律各擬絞監候秋後處決等因具題奉

旨李格袁亭山卽袁六李繼真卽李繼容俱依擬應絞著監候秋後處決餘依議欽此續據題報李格之母年已七旬補請留養同治九年秋審除李格另冊留養外死近罪人傷皆他物袁亭山卽袁六李繼真卽李繼容均應緩決

聽糾致斃彼造非一家三命係各斃各命該犯李格於餘人疊毆倒地後石塊重疊一傷骨損

該犯袁亭山木器重疊一傷骨折該犯李繼眞
石塊重疊一傷骨損又鐵器一傷傷均不輕惟
死者藉端向人譎詐錢文理亦不直該犯等毆
係他物傷由抵禦且均在肢體不致命處所均
尙可原記緩候核 均照緩

聽糾械鬪放火致斃彼造二十命 江西德興縣案

一起許泳騰等聽從許飄行許家求聚眾致斃夏品濠等二十命內童彩仵等二命係許盟立等聽從許柳引放 燒斃一案將許飄行許家求依例擬斬立決臬示許柳引擬斬立決許泳騰許欲海許毓泉許懶騰許泳梅許愈倡卽泳倡許承汶許泳瀟卽瀟小許先沅許盟立許維勝均依律擬絞監候等因具題奉

旨 二法司核擬具奏欽此該 臣 等會看得許泳騰許欲海許毓泉許懶騰許泳梅許愈倡卽泳倡許承汶許泳瀟卽瀟小許先沅許盟立許維勝許飄行許家求卽霉豆腐許柳引卽三麻仔與夏品濠夏仕青夏仕貫吳僖發石老的潘白皮夏淋椿夏發沅夏淮發童彩仵夏仕菱鄰村無嫌夏仕青等係夏品濠族人吳僖發石老的潘白皮童彩仵係鄰佑許姓族內有

祖遺公共墳山一嶂坐落德興縣與夏姓墳山毘連許姓山上柴草租給夏姓樵採嗣夏姓在許姓山內葬墳許姓查知不依經中理論勸令已葬免遷此後夏姓不得添葬山歸許姓自管夏姓因此挾嫌每逢許姓卽行肆罵許姓畏其人多隱忍未較光緒元年三月間有夏姓不知名人在山醮墳焚紙失火延燒許姓山內柴草許飄行聞知疑係夏姓故意放火往向查問夏發注等不服牽罵許姓祖先許飄行走回心懷忿恨起意糾毆洩忿與許家求相商許家求用言慫恿同許飄行各在村內鳴鑼糾允許榔引許泳騰許欲海許毓泉許懶騰許泳梅許愈倡許承汝許泳溜許先沅許盟立許維勝並族人許烏小許荏蒼許添皆許老四許果仝許應晝許青仰許毛仝許荃臺許有騰許起程許懋丁許有財許亨發許節雨許別仔許毓沅許來葆許彈棉槌許圓眼許潘灝許

必葆許典葆許青錢許荃鍾許魏延許浚濼許中小許排淙
許鴻毛許櫬仿許兆麻仔許梅花一其四十七人約定次早
同往毆打初十日許飄行等出村時許柳引恐夏姓人多不
能取勝起意放火先令許盟立許維勝許有騰許彈棉槌許
圓眼五人攜帶火煤柴草尖刀繞至夏姓村後放火燒屋許
飄行許家求帶同許柳引等分攜禾槍刀矛走至夏姓村前
喊罵夏發淦聽聞喊令其子夏樟樺並夏品濼夏仕青夏仕
員吳僖發石老的潘白皮夏淋椿夏淮發及族人夏紀五夏
庭杰夏志仰夏仕秀夏進城夏毓梅夏老三夏雙發夏佺換
夏以發夏碌潮夏以舉夏仰碌夏觀幅夏薪灼夏淋日分別
持械徒手走至村外互罵許家求喝令眾人毆打許飄行用
矛戳傷夏紀五左乳夏紀五舉刀向砍許飄行用矛戳傷夏
紀五左額角倒地夏庭杰用槍戳傷許家求左手指許家求

用矛戮傷夏庭杰左臂脯厥將槍格落夏庭杰拾槍許家求
戮傷夏庭杰右臂膊夏庭杰奪矛許家求用矛戮傷夏庭杰
臍肚倒地夏志仰用槍戮傷許柳引左膝肋左腳面許柳引
用矛戮傷夏志仰臍肚倒地夏樟樺舉槍向許來葆戮去許
來葆用矛戮傷夏樟樺咽喉等處倒地許烏小用刀將夏仕
秀戮劃致傷許荏蒼用槍將夏進城戮傷各倒地夏品濼用
刀戮傷許梅花右手腕許泳騰攏護用槍戮傷夏品濼肚腹
倒地夏仕青用刀向許欲海戮去許欲海用槍將刀格落順
勢戮傷夏仕青肚腹倒地夏仕貫舉刀向許毓泉砍去許毓
泉用槍戮傷夏仕貫左肋夏仕貫奪槍許毓泉用槍戮傷夏
仕貫脊背倒地吳僖發向許幗疇撲毆許幗疇用槍劃傷吳
僖發右腮頰吳僖發撲向奪槍許幗疇用槍連戮傷吳僖發
臍肚二下倒地石老的用槍向許泳梅戮去許泳梅閃側用

槍劃傷石老的左乳石老的復用槍向戳許泳梅閃至石老
的身後用槍戳傷其脊背倒地潘白皮用槍向許愈倡戳去
許愈倡用矛將槍格落順勢連戳傷潘白皮右脇並左脇倒
地許添皆用矛將夏毓梅戳劃致傷許老四用矛將夏老三
戳劃致傷各倒地許應晝用矛劃傷夏淋椿左額角並戳傷
右胎膊逃跑夏淋椿追趕許承汶攏護用槍戳傷夏淋椿心
坎倒地夏雙發用棍毆傷許青佃右脇肋許青佃用矛戳傷
夏雙發左眉叢劃傷左眼胞夏雙發舉棍向毆許青佃跑開
許果仗攏護用槍戳傷夏雙發心坎倒地許毛仗用矛戳傷
夏發淦左肋帶劃傷心坎走開夏發淦趕毆許泳瀟攏護用
矛戳傷夏發淦肚腹倒地許荃臺用矛戳傷夏濞發脊背夏
濞發轉身舉腳向踢許荃臺跑開許先沅攏護用矛戳傷夏
濞發左腿肚夏濞發趕向奪矛許先沅用矛戳傷夏濞發心

坎倒地夏住換夏以發被許起程許懋了各用槍刀戳傷夏
碌潮夏以懋夏仰碌夏觀幅夏薪灼夏淋日被許潘灝許必
葆許典葆許青錢許荃鍾許魏延許浚滌許中小許排淙許
鴻毛何人致傷何人何處因人多手雜均未看明許有財許
哼發許籬雨許別仔許毓沅許魁仝許兆廉仔許梅花均在
場助勢並未動手傷人時許盟立等走至夏姓村後許盟立
許維勝許彈棉槌將柴草堆放屋旁各用火煤點燃許有騰
許圓眼在場助勢並未下手燃火夏拴換並族人夏淋詳夏
關淋夏菩盛夏以得鄰人鍾淶澱萬騰得江樟大及童彩仝
夏仕菱望見村內火起趕往撲救許盟立等逃跑童彩仝瞥
見順用手內禾槍戳傷許盟立脊背許盟立轉身用刀戳傷
童彩仝右胎膊右臂膊許彈棉槌用刀將夏淋詳鍾淶澱戳
傷許圓眼用刀將萬騰得劃戳致傷均各跑走童彩仝等各

往救火時值風狂火烈燒燬夏姓房屋茅蓬八十餘間童彩
仿夏仕葵夏關淋夏著盛夏以得江樟大均被火燒傷童彩
仿夏仕葵旋卽身死夏紀五夏庭杰夏志仰夏樟樺夏仕葵
夏進城夏品滌夏仕青夏仕貫吳僖發石老的潘白皮夏毓
梅夏老三夏淋椿夏雙發夏發注夏漑發亦均逾時殞命許
烏小見殺死夏姓多人起意毀棄死屍希圖飾卸將夏志仰
夏樟樺夏仕葵夏品滌夏毓梅各屍頭割下商允許起程許
懸丁許魁仿許梅花各將夏志仰夏樟樺夏仕葵夏品滌夏
毓梅屍身背至僻地丟棄許烏小將夏志仰夏樟樺屍頭拋
棄河內夏仕葵等屍頭丟棄地上均各逃逸報驗獲犯審供
不諱查夏品滌係許泳疇致斃應以許泳疇擬抵夏仕青係
許欲海致斃應以許欲海擬抵夏仕貫係許毓泉致斃應以
許毓泉擬抵吳僖發係許愾疇致斃應以許愾疇擬抵石老

的係許泳梅致斃應以許泳梅擬抵潘白皮係許愈倡致斃
應以許愈倡擬抵夏仕莠係許烏小致斃應以許烏小擬抵
夏進城係許在蒼致斃應以許在蒼擬抵夏毓梅係許添皆
致斃應以許添皆擬抵夏老三係許老四致斃應以許老四
擬抵夏淋椿身受各傷惟後被許承汶戳傷心坎爲重應以
許承汶擬抵夏發淫身受各傷惟後被許泳瀆戳傷肚腹爲
重應以許泳瀆擬抵夏淮發身受各傷惟後被許先沅戳傷
心坎爲重應以許先沅擬抵夏雙發身受各傷惟後被許果
仿戳傷心坎爲重應以許果仿擬抵夏樟樺係許來葆致斃
應俟緝獲許來葆究明擬抵童彩仿夏仕莠係許盟立許維
勝許彈棉槌聽從放火燒斃應照放火爲從問擬已死夏品
濼寺並非一家內夏發淫夏樟樺雖係父子一家二命惟許
泳瀆等係各斃各命應各科各罪許飄行起意糾毆許家求

幫同糾人致斃夏品滌等二十命均按例以爲首論罪應斬
梟許柳引起意放火燒斃人命罪應斬決其各斃夏紀五夏
庭杰夏志侷罪止絞候卽許飄行許家求率先聚眾致許泳
富許來葆各斃夏發淫夏樟樺父子一家二命亦罪止絞決
均應從重問擬除致斃夏仕秀夏進城夏毓梅夏老三夏雙
發罪應擬絞之許烏小許荏蒼許添皆許老四許果仝均病
故致斃夏樟樺罪應擬絞之許來葆聽從放火殺人下手燃
火罪應擬絞之許彈棉槌並許圓眼等均緝獲另結許應畫
許青侷許毛仝許荃臺均依兇器傷人例擬軍許有騰依聽
從放火殺人下手燃火例減等擬流許起程許懋丁均依棄
屍爲從律從重擬徒許有財等暨失察地保均擬杖外許飄
行許家求卽霉豆腐均合依械鬪糾眾至四十人以上致斃
彼造十命以上首犯斬例擬斬立決梟示許柳引卽三麻仔

合依挾讐放火燒燬房屋焚壓人死者首犯斬例擬斬立決
許泳騰許欲海許毓泉許惲騰許泳梅許愈倡卽泳倡均合
依鬪毆殺人者不問手足他物金刃並絞律擬絞監候許承
汝許泳瀟卽瀟小許先沅均合依共毆人致死下手致命傷
重者絞律擬絞監候許盟立許維勝均合依挾讐放火燒燬
房屋焚壓人死爲從下手燃火者絞例擬絞監候俱秋後處
決等因具題奉

旨許飄行許家求卽霉豆腐俱著卽處斬梟示許柳引卽三麻仔
著卽處斬許泳騰許欲海許毓泉許惲騰許泳梅許愈倡卽泳
倡許承汝許泳瀟卽瀟小許先沅許盟立許維勝俱依擬應絞
著監候秋後處決餘依議欽此

光緒四年秋審除許飄行許家求許柳引俱正法許毓泉監
故外聽糾械鬪放火致斃二十命該犯許泳騰等各下手致

斃一命該犯許盟立許維勝聽從下手燃火燒斃二命許泳
騰許欲海許勳騰許泳梅許愈倡卽泳倡許承汶許泳瀆卽
瀆小許先沅許盟立許維勝俱應情實

聽糾械鬪互斃五十二命 江西樂平縣案

硃批刑部速議具奏欽此該 臣 等議得胡儉仿並族人胡辣離胡賢

一起胡儉仿等聽從胡秀山糾眾械鬪數至四十人以上致斃
徐姓十命以上一案將胡秀山依例擬斬立決梟示胡儉仿
胡辣離胡賢仿胡萌何胡發仿胡克萌胡葆仿胡某仿胡貓
頭豹胡荊義胡許小胡萌徑俱依律擬絞監候等因具奏奉
仿胡萌何胡發仿胡克萌胡葆仿胡某仿胡貓頭豹胡荊義
胡許小胡萌徑與徐允享徐志求徐延疇徐新瀟徐延會徐
延瀚徐起浚徐起應姜鼎湯徐沅情徐發椿徐萇拱均鄰村
無嫌徐發情係徐沅瀟大功服弟徐發詳大功服兄徐亮門
估係徐怔槐徐起盛總麻服弟餘俱同族無服姜鼎湯係徐
降淋家雇工並無主僕名分胡徐兩姓田畝毘連均藉公共
圳水灌蔭胡姓田多居上地勢較高向用木閘橫截圳水流

火事是 命門成案上

胡儉仿等

灌田禾徐姓田少居下地勢較低向與胡姓說明啟開放水流灌天旱車水頭輪徐姓一日胡姓二日二輪徐二胡四三輪徐三胡四從無爭競近年徐姓續買田畝憶及水不敷蔭欲與胡姓改議車水章程未定同治十年六月閒徐姓不知名族人未向胡姓說明私行啟開放水胡姓族長胡秀山恐徐姓從此霸占圳水起意糾人約期械鬪欲使徐姓畏懼徐姓族長徐降淋聞知亦起意糾人互鬪十八日胡秀山糾允胡儉仿胡辣離胡贊仿胡萌何胡發仿胡克萌胡葆仿胡某仿胡貓頭豹胡荖義胡許小胡萌徑並胡萇騰胡壁矮仔胡芒禧胡支老仙胡樹控仿胡漳家老胡萌發胡志蔥胡雷宰胡臘梨胡烏仔胡雲和胡渡仿胡日水胡交仿胡鉢頭胡良麻仔胡毛查仿胡嚙吟胡爛頭胡梅仿胡連發胡旺菱胡沃潤胡根仿胡應拋胡萌松胡淋仿胡果仿胡旺仿胡魁頭胡

添開胡兩朋胡萌汰胡季煌胡圓禧胡橐萌胡憬會胡萌果
胡漑發胡梅老胡勝六胡三葆胡佃常胡瀾仿胡暖延胡導
淳胡瀾揚胡沅葆胡查四胡登蚪胡先得一共六十五人徐
降淋糾允徐允享徐志求徐延騰徐新瀟徐延會徐延瀚徐
起汝徐起應姜鼎湯徐沅愴徐發椿徐萇拱徐萇得徐椿材
徐沃發徐棉有徐匯川徐志育徐起鼇徐益倡徐起交徐延
灼徐起材徐兆歡徐義勝徐椿發徐遺發徐延概徐起海徐
行進徐漢汶徐勝發徐椿泉徐椿潔徐發潰徐起有徐連葆
徐淦中徐義糠徐金漕徐義瀾徐起譜徐義河徐盛淳徐沅
瀟徐發詳徐怔槐徐起盛並徐發愴徐亮門估徐義青徐銀
葆一共五十三人分攜刀槍竹銃先後走至村外互相喊罵
胡秀山與徐降淋喝令眾人毆打胡儉仿用刀戳傷徐允享
右臂腫厥徐允享奪刀胡儉仿用力嚇戮適傷徐允享肚腹

倒地徐志求舉槍向胡辣離毆打胡辣離用刀抵戳適傷徐志求右乳倒地徐延騰用刀將胡贇劓戮傷胡贇劓用槍戳傷徐延騰左脊脊帶劃傷左後肋徐延騰棄刀奪槍胡贇劓用槍嚇戮適傷徐延騰胸膛帶劃傷左胎膊倒地胡萌何用槍戳傷徐新瀟左顙頰左肩甲徐新瀟舉腳向踢胡萌何用槍嚇戮適傷徐新瀟下部倒地徐延會用槍向胡發劓戮去胡發劓用刀將徐延會戮傷倒地徐延瀚用槍戳傷胡克萌左臙肘胡克萌用刀抵戳適傷徐延瀚胸膛劃傷右臙肘倒地徐起汝用槍戳傷胡葆劓左手背胡葆劓用刀戳傷徐起汝左腿肚徐起汝棄槍奪刀胡葆劓用刀嚇戮適傷徐起汝右乳倒地徐起汝應用刀戳傷胡某劓左肱肘胡某劓用槍抵戳適傷徐起汝應肚腹倒地胡貓頭豹用刀將姜鼎湯戮劃致傷倒地胡乳義用槍戳傷徐沅禧左腿左臙肘徐沅禧舉刀

向砍胡荈義用槍嚇戮適傷徐沅禧胸膛倒地徐發椿用刀
戮傷胡許小左膝左賺朋胡許小用槍抵戮適傷徐發椿心
坎劃傷左胳膊倒地徐荄拱用槍戮傷胡萌徑左膀胡萌徑
用刀戮傷徐荄拱左胳膊徐荄拱復舉槍向戮胡萌徑用刀
嚇戮適傷徐荄拱右後肋倒地徐荄得先被胡荄膺用刀戮
傷後被胡旺仇用刀戮傷胸膛倒地徐椿材向胡旺仇喊捉
亦被胡旺仇用刀戮劃致傷倒地徐沃發先被胡壁矮仔用
槍戮傷後被胡魁頭用槍戮傷咽喉倒地徐棉有向胡魁頭
喊捉亦被胡魁頭用槍戮劃致傷倒地胡添開用刀將徐匯
川戮劃致傷胡雨朋用槍將徐志育戮傷胡萌汰用刀將徐
起鼈連戮致傷各倒地徐益倡先被胡荄禧用刀戮傷後被
胡萌果用刀戮傷右腰眼倒地徐起交先被胡支老仙用槍
戮傷後被胡淮發用刀戮傷左乳倒地徐延灼先被胡樹挫

仇用槍戳傷後被胡梅老用刀戳傷肚腹等處倒地徐起材
先被胡漳家老用槍戳傷後亦被胡梅老用刀戳傷左脊脊
倒地徐兆歡先被胡萌發用刀戳傷後被胡勝六用刀戳傷
心坎倒地徐義勝先被胡志蕙用刀戳傷後被胡三葆用槍
戳傷左腰眼等處倒地徐椿發先被胡雷宰用槍戳傷後亦
被胡三葆用槍戳傷胸膛倒地徐遺發先被胡臘梨用槍戳
傷後被胡佃常用刀戳傷右脇倒地徐延概先被胡烏仔用
槍戳傷後亦被胡佃常用刀戳傷胸膛倒地徐起海先被胡
雲佃用刀戳劃致傷後被胡瀾仇用槍戳傷脊背倒地徐行
進先被胡瀾仇用槍戳劃致傷後亦被胡瀾仇用槍戳傷胸
膛倒地徐漢汶先被胡日水用槍戳傷後被胡暖延用槍戳
傷左脇倒地徐勝發先被胡交仇用刀戳傷後亦被胡暖延
用槍戳傷右後肋倒地徐椿淥先被胡鉢頭用刀戳劃致傷

後被胡導泮用刀戳傷胸膛倒地徐椿深先被胡良麻仵用
槍戳傷後亦被胡導泮用刀戳傷左腰眼等處倒地徐發潰
先被胡毛查仵用刀戳劃致傷後被胡灑揚用刀戳傷胸膛
倒地徐起有先被胡幗畛用槍戳劃致傷後被胡沅葆用刀
戳傷胸膛倒地徐連葆向胡沅葆撲毆亦被胡沅葆用刀戳
傷心坎倒地徐淦中先被胡爛頭用刀戳傷後被胡查四用
槍戳傷咽喉倒地徐義隸先被胡梅仵用槍戳傷後亦被胡
查四用槍戳傷左脊背倒地徐金漕先被胡連發用槍戳傷
後被胡登蚪用槍戳傷左肋倒地時胡旺波胡沃潤用刀將
徐義河徐盛泮戳傷徐義青徐銀葆用槍將胡季煌胡圓禧
戳傷各自逃跑徐義瀛先被胡根仵用刀戳傷後被胡季煌
用刀戳傷胸膛倒地徐起譜先被胡應櫛用刀戳傷後亦被
胡季煌用刀戳傷右脇倒地胡季煌復被徐義河點放竹銃

中傷倒地徐義河復被胡先得用刀戳傷倒地胡圓喜徐盛
汴互相刀傷各倒地胡橐萌用刀將徐沅瀟戳劃致傷倒地
徐發詳先被胡萌松用刀戳傷後亦被胡橐萌用刀戳傷心
坎倒地胡橐萌復被徐發情用刀戳劃致傷倒地徐怔槐先
被胡淋用刀戳傷後被胡憬會用槍戳傷心坎倒地徐起
盛先被胡果用槍戳傷後亦被胡憬會用槍戳傷心坎倒
地胡憬會復被徐亮門佔用槍戳傷倒地胡秀山因胡憬會
等被徐姓殺傷心懷忿恨復起意放火焚燒徐姓房屋洩忿
商允胡許小胡萌徑胡樹頭分攜火煤柴草走至徐姓村後
胡秀山與胡許小等將柴草堆放屋旁各用火點燃時值風
狂火烈燒燬徐姓房屋二百餘間並未傷人經人喊同徐降
淋等將火撲滅詎徐允享徐志求徐延騰徐新瀟徐延會徐
延瀚徐起波徐起應姜鼎湯徐沅情徐發椿徐萇拱徐萇得

徐椿材徐沃發徐棉有徐匯川徐志育徐起鼇徐益倡徐起
交徐延灼徐起材徐兆歡徐義勝徐椿發徐遺發徐延概徐
起海徐行進徐漢汶徐勝發徐椿潔徐椿深徐發潰徐起有
徐連葆徐淦中徐義糠徐金漕徐義灑徐起譜徐義河徐沅
瀉徐發詳徐怔槐徐起盛及胡季煌胡圓禧胡橐萌均移時
身死訪聞會勘驗明徐允亨等屍身筋將徐盛沅胡憬會醫
治徐盛沅至六月二十七日胡憬會至七月初二日均各殞
命屍親徐椿幅因胡姓族大人眾恐日後必受其害起意京
控卽以胡秀山糾人械鬪係胡許得造謀並添砌情節來京
赴都察院呈控奏奉

諭旨交審據供前情不諱查胡秀山起意糾眾四十人以上致斃徐
姓四十八命復挾讐燒燬徐姓房屋應從重以爲首論徐降
淋起意糾眾三十人以上致斃胡姓四命亦應以爲首論徐

火獸昇夏
卷三人命門成案上

言
胡儉仇等

允享係被胡儉仿致斃應以胡儉仿擬抵徐志求係被胡辣
離致斃應以胡辣離擬抵徐延禱係被胡賢仿致斃應以胡
賢仿擬抵徐新瀟係被胡萌何致斃應以胡萌何擬抵徐延
會係被胡發仿致斃應以胡發仿擬抵徐延瀚係被胡克萌
致斃應以胡克萌擬抵徐起按係被胡葆仿致斃應以胡葆
仿擬抵徐起應係被胡某仿致斃應以胡某仿擬抵姜鼎湯
係被胡貓頭豹致斃應以胡貓頭豹擬抵徐沅禧係被胡乳
義致斃應以胡乳義擬抵徐發椿係被胡許小致斃應以胡
許小擬抵徐萇拱係被胡萌徑致斃應以胡萌徑擬抵徐萇
得徐椿材係被胡旺仿致斃均應以胡旺仿擬抵徐沃發徐
棉有係被胡魁頭致斃均應以胡魁頭擬抵徐匯川係被胡
添開致斃應以胡添開擬抵徐志育係被胡雨朋致斃應以
胡雨朋擬抵徐起鰲係被胡萌汰致斃應以胡萌汰擬抵徐

益倡係被胡萌果致斃徐起交係被胡淮發致斃徐延灼徐
起材均被胡梅老致斃徐兆歡係被胡勝六致斃徐義勝徐
椿發均被胡三葆致斃徐遺發徐延概均被胡佃常致斃徐
起海徐行進均被胡鳳仵致斃徐漢汶徐勝發均被胡暖延
致斃徐椿潔徐椿潔均被胡導汴致斃徐發漬係被胡鳳揚
致斃徐起有徐連葆均被胡抗葆致斃徐注中徐義糠均被
胡查四致斃徐金潛係被胡登蜩致斃徐義鳳徐起譜均被
胡季煌致斃胡季煌復被徐義河統斃徐義河復被胡先得
致斃均應俟緝獲胡萌果等究明擬抵徐沅瀋徐發詳均被
胡橐萌致斃胡橐萌復被徐發禧致斃徐怔槐徐起盛均被
胡憬會致斃胡憬會復被徐亮門估致斃徐發禧係徐沅瀋
等大功服弟兄徐亮門估係徐怔槐等總麻服弟其將胡橐
萌胡憬會致斃按有服親屬殺死應抵正兇均律不應抵應

與胡秀山徐降淋並胡儉仵等各按本例本律科斷除糾眾
三十人以上致斃彼造四命以上罪應斬決之徐降淋致斃
徐萇得徐椿材從一科斷罪應擬絞之胡旺仵致斃徐沃發
徐棉有從一科斷罪應擬絞之胡魁頭致斃徐匯川徐志育
徐起龍均罪應擬絞之胡添開胡雨朋胡萌汰均病故致斃
徐益倡徐起交均罪應擬絞之胡萌果胡淮發致斃徐延灼
徐起材從一科斷罪應擬絞之胡梅老致斃徐兆歡罪應擬
絞之胡勝六致斃徐義勝徐椿發從一科斷罪應擬絞之胡
三葆致斃徐遺發徐延概從一科斷罪應擬絞之胡伽常致
斃徐起海徐行進從一科斷罪應擬絞之胡瀛仵致斃徐漢
汶徐勝發從一科斷罪應擬絞之胡暖延致斃徐椿淥徐椿
傑從一科斷罪應擬絞之胡導洋致斃徐發漬罪應擬絞之
胡瀛揚致斃徐起有徐連葆從一科斷罪應擬絞之胡沅葆

致斃徐淦中徐義糠從一科斷罪應擬絞之胡查四致斃徐
金酒徐義河均罪應擬絞之胡登蝌胡先得均俟緝獲另結
致斃徐義溥徐起譜從一科斷罪應擬絞之胡季煌致斃徐
沅瀟徐發詳從一科斷罪應擬絞之胡橐萌致斃徐怔槐徐
起盛從一科斷罪應擬絞之胡憬會均被殺斃徐發禧徐亮
門估依兩家互毆致死一命應抵正兇被死者有服親屬毆
死例胡萇騰等三十一犯依刃傷人律俱擬徒均不准援免
外胡秀山合依約期械鬪糾眾至四十人以上致斃彼造十
命以上首犯斬例擬斬立決梟示胡儉仿胡辣離胡賢仿胡
萌何胡發仿胡克萌胡葆仿胡某仿胡貓頭豹胡荻義胡許
小胡萌徑均合依鬪毆殺人者不問手足他物金刃並絞律
擬絞監候俱秋後處決事犯在

恩旨

以前惟招解在後毋庸查辦胡儉仿胡辣離胡發仿胡萌徑據

供親老丁單亦不准其查辦留養等因具奏奉

旨胡秀山著卽處斬梟示餘依議欽此恭逢

恩旨

恩詔經刑部奏明不准援減援免

光緒元年秋審除胡秀山正法梟示胡發仇胡貓頭豹病故
外糾眾約期械鬪互斃五十二命該犯等各聽糾下手致斃
一命胡儉仇胡辣離胡賢仇胡萌何胡克萌胡葆仇胡某仇
胡乳義胡許小胡萌徑俱應情實等因具題奉

旨二法司知道欽此該臣等會審胡儉仇胡辣離胡賢仇胡萌何

胡克萌胡葆仇胡某仇胡乳義胡許小胡萌徑俱應情實奉

旨停止勾決二年秋審仍情實

秋讞輯要卷四

目錄

人命門成案下計七十二起

共毆金刃三傷

王荒仔

共毆金刃三傷

于七

共毆金刃五傷

孫三譜

共毆金刃六傷

高洪

共毆金刃八傷

盧竟積

共毆金刃十傷

鄧懷茂

共毆金刃十傷

劉振柳

共毆刃物三傷

胡羊

共毆刃物十八傷並挖出左眼睛

余百姓

共毆他物六傷

梁三驢

1613/14

共毆他物八傷

李守淋

共毆他物二十三傷

李湘

四人同追一人致令鼻水溺斃

郁加源

非應捕人共毆致斃搶奪罪人

萬憬汶

尙未報部有名之鹽店巡役共毆致斃販私匪徒

史汶城

共毆腳踢一傷他物六傷越四日抽風身死

馬長令

房主威力主使毆斃姦匪

業佈青阿

威力制縛致令受凍身死

陳山

威力制縛跪傷斃命

蒙二紅仔

疑竊捆縛拷打致死

戚寅生

疑匪主使捆縛拷問致下手之人亂毆斃命

徐三沅

救親情切火器殺人

豆今波

被追絆跌震動火機轟斃人命

陳遠照

烏鎗致斃期親家雇工

羅大舜

火器致斃搶賣伊妻罪人因妻係買休仍同凡論

王占塗

捕役火器致斃並非票緝正賊

李青仲

並未報院有名之鹽店巡役火器致斃販私罪人

韓泳瀆

灌糞致斃人命

陳禾世

灌糞致斃人命

李紹漢

熱水燙斃人命

曹漢沅

鬪殺金刃一傷右脇透出左脇

楊添才

鬪殺金刃一傷咽喉透過項頸

藍槐立

鬪殺金刃一傷臍肚透過左後肋

李萬淋

刃斃宗室咽喉透過脊背

李幅

致斃老人金刃二傷

陳海山

致斃老人刃物十傷

劉洗幅

致斃老人他物三傷

蘇三鎖仔

致斃幼孩他物一傷又膝壓一傷

董泳青

致斃幼孩掌毆一傷

周禾尙

致斃幼孩手足二傷

李振繼

致斃婦女金刃五傷

李庭選

致斃婦女他物十三傷又手足五傷

李作善

被敲搭住婦女咽喉推按牆上氣閉殞命

張六十兒

推跌婦女萱傷身死

李得澍

致斃祖妾

朱小訓

致斃大功兄妻

張淮

致斃總麻兄妻

于暎隆

致斃弟妻

張百玲

瞽目致斃瞽目

黎亞遠

僧人糾眾其毆斃命復致糾往之人放火燒斃死者之妻與

子女並雇婦

僧嵐沈

姦匪妒姦致斃姦匪金刃四傷

李詳情

姦匪妒姦致斃姦匪拳毆二傷金刃要害一傷

王兆然

姦匪妒姦致斃姦匪他物五傷腳踢一傷

彭桐宇

姦匪爭姦致斃姦匪他物八傷

牛三城

姦匪毆姦匪毆死非所欲毆之平人

周貫鈺

竊匪刃斃非應捕人

陳漣行

姦匪因姦尋釁遷怒致斃姦婦

王生

姦匪非因姦起釁致斃姦婦

潘汶節

姦匪非因姦起釁致斃姦婦

王押憶

乞丐毆斃人命

李穩按則

乞丐共毆斃命餘人起意棄屍滅跡

盧長娃

丐匪挾嫌糾毆斃命

廖躡仔

賭匪致斃賭匪

黃九保

賭匪致斃賭匪

李泳青

回民致斃人命

馬涇瀧

兵丁致斃人命

王潰仁

革兵刃斃幼女

孟株

差役共毆斃命

溫鈺

聽糾同謀投捻戕害本管知縣身死在場助勢

劉廣漳等

聽糾刃傷本管知縣

旋見葆

勇丁致斃糧臺差官

徐恠江

兵丁逼迫本管官自盡

唐萬椿

秋獄輯要卷四

人命門成案下

共毆金刃三傷

河南安陽縣案

一起王荒仔等共毆蕭澗沅身死一案將王荒仔依律擬絞並聲明係孀婦獨子等因具題奉

旨三法司核擬具奏欽此該臣等會看得王荒仔與蕭澗沅同村

無嫌王荒仔與尹平夥開飯鋪生理同治七年正月間蕭澗

沅賒欠飯錢一百三十二文屢索未償三月二十五日王荒

仔同尹平趕集與蕭澗沅會遇王荒仔等向索前欠蕭澗沅

央緩尹平不依蕭澗沅混罵並拔刀向尹平撲扎尹平奪刀

扎傷其右頤頰咽喉蕭澗沅將刀踢落揪住尹平胸襟拳毆

王荒仔拾刀扎傷其左肩甲蕭澗沅鬆手奪刀王荒仔扎傷

其右手大指蕭澗沅撞頭拚命王荒仔情急用刀嚇扎適傷

人命門成案下

王荒仔

其顛門連偏左倒地蕭灑沅之子蕭全子趨護任牛仔路遇
向勸蕭全子疑護牽罵被任牛仔用刀扎傷蕭灑沅移時殞
命報驗審供不諱查蕭灑沅身受各傷惟後被王荒仔扎傷
顛門連偏左爲重應以擬抵除尹平等依刃傷人律擬徒外
王荒仔合依其毆人致死下手致命傷重者絞律擬絞監候
秋後處決據供係孀婦獨子是否屬實應候秋審時照例查
明取結送部核辦等因具題奉

旨王荒仔依擬應絞著監候秋後處決餘依議欽此

同治九年秋審毆非預糾刃由拾獲餘人亦孔有致命傷痕
王荒仔應緩決審係孀婦獨子相應聲明

衅起索欠扎由抵禦 准其留養

共毆金刃三傷

直隸天津縣案

起于七等共毆王老身死一案將于七依律擬絞並聲明親老丁單等因具題奉

旨三法司核擬具奏欽此該臣等會看得于七與王老素識無嫌均挑腳營生同治五年七月十四日有王六雇于七並張有張七挑糞王老前往爭挑于七理論王老不服彼此爭吵經人勸散張有等同至于七家坐歇王老持鐵尖竹槍至于七門首嚷罵于七攜木棍出向理論張有張七恐于七受虧各持刀棍出視王老用槍向于七撲扎于七用棍將槍格落棄棍拾槍扎傷其左眼胞左耳根帶劃傷左耳輪張有等攔勸王老一併牽罵並用腳向張有亂踢張有用刀砍傷其左臙肋並劃傷左胯張七用棍毆傷其左眼胞胸膛肚腹王老奪棍張七毆傷其左腋臙左腿肚王老轉向于七奪槍于七扎

火獸肆夏

人命門成案下

于七

傷其左乳倒地移時殞命報驗審供不諱查王老身受各傷
惟後被于七扎傷左乳爲重應以擬抵除張有依刃傷人律
擬徒張七擬杖外于七合依共毆人致死下手致命傷重者
絞律擬絞監候秋後處決據供祖母年老家無次丁是否屬
實應候秋審時照例查明取結送部核辦等因具題奉

旨于七依擬應絞著監候秋後處決餘依議欽此

同治九年秋審死先尋鬻毆非預糾于七應緩決查明該犯
祖母殷氏現年實係九十四歲全賴于七一人養贍家無次
丁取結者部核辦

共毆斃命該犯鐵尖三傷二致命一透內另割
一傷勘傷不輕惟死者理曲逞兇該犯槍係拾
獲各傷均由抵禦且俱在倒地以前共毆亦非
預糾尙可原緩結到並准留養記候核、准其

留養

大誠律三
人命門成案下

于七

其毆金刃五傷

河南洛陽縣案

一起孫三譜等共毆孫汶進身死一案將孫三譜依律擬絞等
因具題奉

旨三法司核擬具奏欽此該臣等會看得孫三譜孫大喬均與孫
汶進同姓不宗素識無嫌同治四年正月間該村築砦孫汶
進在局管事勒派孫三譜並孫三科等砦費孫三譜等因築
砦所佔地畝價敷作抵不允六月初二日孫三譜之兄孫大
譜借孫大喬孫三科赴地途遇孫汶進復向孫三科索取砦
費孫三科不給孫汶進不依彼此爭吵孫大喬斥說孫汶進
勒派孫汶進向罵孫大喬回詈孫汶進拔刀撲砍孫大喬奪
刀過手孫汶進舉腳向踢孫大喬用刀砍傷其左腳腕左腳
面孫汶進拾石孫大譜孫三科將其扳跌倒地孫汶進混罵
孫大喬用刀連砍傷其左腳面時孫三譜並孫廷夏在地挖

榮聽聞吵嚷同往查看孫三譜喝勸孫汶進將孫三譜牽罵孫三譜生氣接過孫廷夏手內菜刀砍傷其左臙肋孫汶進滾罵孫三譜又用刀砍傷其左右腳腕並連砍傷左腳踝報驗飭醫孫汶進至七月初二日殞命復驗獲犯審供不諱查孫汶進身受各傷惟後被孫三譜砍傷左腳踝爲重應以擬抵除孫大喬依折人肢體律擬徒孫三科等擬杖孫廷夏緝獲另結外孫三譜合依其毆人致死下手傷重者絞律擬絞監候秋後處決等因具題奉

旨孫三譜依擬應絞著監候秋後處決餘依議欽此

同治九年秋審除孫大喬監故外衅起攔勸傷不致命且餘人監斃一命已有一抵孫三譜應緩決

其毆斃命該犯於餘人按地刃砍多傷後金刃伍傷一骨損二骨折情傷較重惟衅起攔勸各

傷俱在肢體不致命處所共毆並非預糾餘人
亦有損折多傷且死屆三旬稍有可原記緩候
核 照緩

禾請車夏
名

三

共毆金刃六傷 山東博山縣案

一起高漢等共毆陳幅塊身死一案將高漢依律擬絞等因具題奉

旨三法司核擬具奏欽此該 臣 等會看得高漢卽高二與陳幅塊素識無嫌同治六年八月閒陳幅塊酒醉在街揚罵高漢與魏在幪走至理勸陳幅塊不服村斥高漢等向陳幅塊毆打未傷經人勸散嗣蕭宗住鋪內被竊貨物陳幅塊聞知因挾高漢等毆打之嫌向蕭宗住捏稱係高漢與魏在幪偷竊蕭宗住信實往向高漢等追問原贓高漢等令蕭宗住同找陳幅塊對質未遇二十七日高漢同魏在幪路遇陳幅塊斥其誣竊之非陳幅塊混罵高漢等回詈王得盛路過幫護陳幅塊用木棍向毆魏在幪奪棍毆傷陳幅塊右肩甲左腿陳幅塊彎身拾石魏在幪又用棍毆傷其右脊膂高漢亦拔身帶

小刀扎傷其左眼胞左耳根並連扎傷額顛連左眉陳幅塊撞頭拚命高洪情急又用刀連扎傷其咽喉帶劃傷左顛頰倒地王得盛在場助勢並未下手陳幅塊移時殞命報驗審供不諱查陳幅塊身受各傷惟後被高洪扎傷咽喉爲重陳幅塊挾嫌捏稱高洪等行竊訊係妄言向不以罪人論高洪將其致斃應仍按其毆本律問擬除王得盛擬杖魏在幪并行竊正賊均緝獲另結外高洪卽高二合依其毆人致死下手致命傷重者絞律擬絞監候秋後處決等因具題奉

旨高洪卽高二依擬應絞著監候秋後處決餘依議欽此

同治九年秋審毆非預糾死近罪人高洪卽高二應緩決

共毆斃命該犯金刃頭面六傷二要害透內食氣嚙破損三致命另劃一傷勘傷綦重惟死者挾嫌誣指該犯行竊其理本曲該犯扎由抵禦

各傷俱在倒地以前其毆亦非預糾不無可原
記緩候核 照緩

共毆金刃八傷 湖南江華縣案

一起盧竟積等共毆程歡澗身死一案將盧竟積依律擬絞等因具題奉

旨三法司核擬具奏欽此該 臣 等會看得盧竟積與程歡澗素識無嫌程歡澗之兄程歡詳聘娶柳氏爲妻嗣程歡詳外出久無音信柳氏貧苦無依並未告官倩何仕潮媒合改嫁與盧竟積爲妻同治六年十二月間程歡詳外歸查知控縣差傳二十五日盧竟積與鄰人何有廷進城赴縣呈訴適與程歡詳及程歡澗途遇程歡詳等村斥盧竟積不應混娶人妻盧竟積不服分辯爭鬧程歡澗趕攙將盧竟積推跌倒地舉拳欲毆何有廷攙護拔刀劃傷程歡澗左腿右膀左臙肋程歡澗拾石何有廷連劃傷其右手腕棄刀跑走程歡澗拾刀追趕盧竟積起身攔阻程歡澗舉刀向戮盧竟積奪刀戮傷其

右胎膊並劃傷右腿程歡潤兩腳亂踢盧竟積戮傷其左右
腳踝程歡潤撲向揪扭盧竟積戮傷其右肋程歡潤揪住盧
竟積衣襟撞頭拚命盧竟積掙不脫身用刀連戮傷其腦後
並戮傷額門程歡潤仍不鬆放盧竟積情急用刀嚇戮適傷
其頂心鬆手倒地旋即殞命訪驗獲犯審供不諱查程歡潤
身受各傷惟後被盧竟積戮傷頂心爲重應以擬抵除何仕
潮等擬杖柳氏照律收贖斷歸前夫聽其去留何有廷緝獲
另結外盧竟積合依其毆人致死下手致命傷重者絞律擬
絞監候秋後處決等因具題奉

旨盧竟積依擬應絞著監候秋後處決餘依議欽此

同治九年秋審被揪被撞傷由情急抵禦亦非預謀糾毆盧
竟積應緩決

買娶死者兄妻爲妻因死者向斥其毆致斃其

命該犯金刃八傷四致命一骨損一透膜另割
一傷情傷較重姑以死者先將該犯推跌該犯
刀係奪獲各傷均由被踢被揪被撞情急抵禦
所致且係在倒地以前其毆亦非預糾稍有可
原記緩 照緩

天
下
事
卷
四

共毆金刃十傷 四川平武縣案

一起鄧懷茂等共毆龔家薪身死一案將鄧懷茂依律擬絞等
因具題奉

旨三法司核擬具奏欽此該 臣 等會看得鄧懷茂與龔家薪素識
無讐同治六年正月間鄧懷茂之父鄧萬當向龔家薪借錢
十千零八百文屢索無償二月初四日鄧萬當出外探親鄧
懷茂與雇工母二娃趕集龔家薪踵至向鄧懷茂索討伊父
欠錢鄧懷茂央緩龔家薪斥鄧懷茂父子騙賴鄧懷茂分辯
龔家薪不依嫚罵鄧懷茂回詈龔家薪拔刀向砍母二娃攔
護奪刀戳傷其左後肋右後脇龔家薪將刀踢落抓住母二
娃髮辮捺按鄧懷茂恐母二娃受虧拾刀連戳傷其脊背並
砍傷左脊脅龔家薪奪刀鄧懷茂戳傷其右腋肌砍傷左血
盆連項頸龔家薪彎身拾石鄧懷茂連戳傷其右後肋龔家

薪抓住鄧懷茂衣襟拚命鄧懷茂掙不脫身情急用刀連向嚇戮致傷其胸膛劃傷下唇吻鬆手倒地磕傷左太陽移時殞命報驗獲犯審供不諱查龔家薪身受各傷惟後被鄧懷茂戮傷胸膛爲重應以鄧懷茂擬抵除母二娃依刃傷人律擬徒鄧萬嵩擬杖外鄧懷茂合依共毆人致死下手致命傷重者絞律擬絞監候秋後處決等因具題奉

旨鄧懷茂依擬應絞著監候秋後處決餘依議欽此

同治九年秋審情非賴欠傷有急情亦非預糾鄧懷茂應緩決

因死者向索伊父借欠起衅其毆致斃其命該犯於死者抓住餘人揪按之際金刃砍戮致命三傷俱在合面一骨微損迨死者向伊奪刀復金刃七傷二致命一骨損大半俱係連戮另劃

一傷情傷較重雖情非賴欠刀係拾獲各傷均由抵禦情急所致且俱在倒地以前其毆並非預糾似未便率行入緩記候核 改實

共毆金刃十傷 直隸遷安縣案

一起劉振柳等共毆趙俊身死一案將劉振柳依律擬絞等因具題奉

旨三法司核擬具奏欽此該 臣等會看得劉振柳與趙俊同村無嫌村中舊章每夜兩家輪流支更同治五年正月十二日輪應劉振柳與宋漣廝家巡更是夜劉振柳同弟劉榜頭分持刀棒宋漣廝持木篙柄在村巡夜路經劉沅杰門首劉振柳等進內坐歇適趙俊先在屋內閒談劉振柳道及天寒苦不可耐趙俊以劉振柳身體貴重難受委屈之言譏誚劉振柳向斥趙俊不服彼此爭吵宋漣廝慮恐滋事揪住趙俊髮辮推拉出門致將髮辮揪落一縷趙俊在街混罵劉振柳出向理論趙俊撲毆劉振柳知其力大難敵順用手內夾把刀砍傷其右肩連右眼胞鼻梁並左顙頰左耳連耳根趙俊用手

火狀具呈 人命門成案下

劉振柳

遮護劉振柳砍傷其左手中指並砍落無名指兩節趙俊奪
刀劉振柳又砍傷其右肱肘趙俊用腳亂踢劉振柳閃開復
用刀砍傷其右膝左臙肘左腳腕並疊砍傷右腳踝倒地趙
俊牽罵劉振柳等祖先並稱傷痊報復宋濞廝用木篙柄疊
毆傷其右臙肘右腿肚劉榜頭亦用木棒疊毆傷其右臂膊
並毆傷右手背至十三日殞命報驗審供不諱查趙俊身受
各傷惟被劉振柳砍傷左臙肘等處爲重應以擬抵除宋濞
廝擬杖劉榜頭緝獲另結外劉振柳合依共毆人致死下手
致命傷重者絞律擬絞監候秋後處決等因具題奉

旨劉振柳依擬應絞著監候秋後處決餘依議欽此

同治九年秋審死先嘗罵毆非預糾各傷均在倒地以前劉
振柳應緩決

以三毆一致斃徒手該犯金刃十傷二骨損四

骨折一重迭並砍落手指兩節情傷均重雖衅
起死者各傷均由抵禦且俱在不致命處所致
命傷係屬連及其毆並非預糾餘人亦有倒後
重迭多傷究未便率行議緩 改實

大清律例
人命門成案下

三

劉振柳

共毆刃物三傷

直隸任邱縣案

一起胡羊等共毆胡秉薜身死一案將胡羊依律擬絞並聲明
係孀婦獨子等因具題奉

旨三法司核擬具奏欽此該臣等會看得胡羊與無服族叔胡秉

薜同村無嫌彼此地畝毘連同治伍年五月間胡秉薜起地
耕作因牲口不調誤將胡羊地內青苗耕毀二十二日胡羊
之母劉氏查知找向胡秉薜理論胡秉薜不服彼此爭吵胡
秉薜用刀將劉氏右肱肘砍傷劉氏畏兇走回向胡羊告知
並令呈控胡羊氣忿即取斷折腰刀稱欲還毆為母洩忿劉
氏喝阻胡羊未理前往胡羊出繼胞兄胡套聞知恐弟受虧
攜棍踵至胡秉薜門首一同嚷罵胡秉薜聽聞持刀走出將
胡套頸門砍傷胡羊趕攏用刀背毆傷胡秉薜左肱肘胡秉
薜用刀砍傷胡羊頸門項頸胡羊用刀將胡秉薜手內刀子

大欽定四庫全書 刑部 人命門成案下

胡羊

格落乘勢砍傷其右手大指胡套用棍毆傷其左脊膂並連
毆傷脊背胡秉彝向胡羊撞頭拚命胡羊情急用刀砍傷其
額門帶劃傷右太陽倒地擦傷左膝報驗飭醫胡秉彝至六
月初一日殞命覆驗審供不諱查胡秉彝身受各傷惟後被
胡羊砍傷額門爲重應以擬抵除胡套擬杖外胡羊合依同
姓服盡親屬相毆至死以凡論其毆人致死下手致命傷重
者絞律擬絞監候秋後處決據供伊母孀守已逾二十年伊
兄胡套出繼胞伯爲嗣家無次丁是否屬實應候秋審時照
例查明取結送部核辦等因具題奉

旨胡羊依擬應絞著監候秋後處決餘依議欽此

同治九年秋審身先受傷砍由情急胡羊應緩決再該犯到
案時供稱伊母孀守已逾二十年伊兄出繼胞伯爲嗣是否
屬實其兄胡套能否歸宗飭縣查明取結另行核辦

兄弟共毆斃命該犯金刃二傷一致命一骨損
另劃一傷又刀背一傷勘傷較重惟死者先將
伊母砍傷該犯與兄找向理論均被死者砍傷
情殊兇橫該犯先毆刀不用刃重傷係由被撞
情急抵禦所致其毆亦非預糾尙可原緩結到
並准留養 准其留養

其毆刃物十八傷並挖出左眼睛 山西榮河縣案

一起余百姓等共毆余滿僖身死一案將余百姓依律擬絞並聲明親老丁單等因具題奉

旨三法司核擬具奏欽此該 臣 等會看得余百姓與余滿僖同姓不宗素好無嫌余百姓將地四畝向余滿僖質銀十八兩地畝仍歸余百姓租種言明每年出租銀六兩屢索未給同治六年八月十五日余百姓與樊丙午各在地內工作余滿僖往向余百姓索討租銀余百姓央緩余滿僖不依混罵余百姓回詈余滿僖用刀撲砍余百姓奪刀用背毆傷其左太陽左眉余滿僖奪刀余百姓用刀連砍傷其左手腕並砍傷左右肱肘劃傷左右手心余滿僖彎身拾石余百姓又砍傷其右腿右腰眼余滿僖倒地滾喊樊丙午攏勸余滿僖疑幫牽罵樊丙午用鐵鍬連毆傷其左膝近下右手腕並毆傷左膝

火狀畢 人命門成案下

余百姓

勝右臂膊右臀右腿肱余滿僖牽罵余百姓等祖先余百姓復用刀連砍傷其左手腕右膝近上左腳踝並砍傷左膝右腿肚右腳腕右腳踝並將其左眼睛挖出撩棄逾時殞命報驗獲犯審供不諱查余滿僖身受各傷惟被余百姓砍傷左膝等處爲重應以擬抵除樊丙午擬杖外余百姓合依其毆人致死下手致命傷重者絞律擬絞監候秋後處決據供母老丁單是否屬實應候秋審時照例查明取結送部核辦等因具題奉

旨余百姓依擬應絞著監候秋後處決餘依議欽此

同治九年秋審負欠逞兇金刃傷多且重情兇近故余百姓應情實

其毆致斃債主該犯刀背二傷一致命金刃十六傷一致命六骨損十五在倒地後又將其左

眼睛挖出另劃二傷情傷均重雖死先撲砍刀
係奪獲各傷大半在肢體不致命處所致命處
傷無損透負欠並非味賴共毆亦非預糾究難
議緩記候核 照實

其毆他物六傷 山西聞喜縣案

一起梁三驢等共毆裴毛來身死一案將梁三驢依律擬絞等因具題奉

旨三法司核擬具奏欽此該 臣等會看得梁三驢與裴毛來素好無嫌同治七年七月閒裴毛來向人談論梁三驢素情輕薄與村中婦女必有不端之事經武狗百聽聞轉向梁三驢告述二十六日梁三驢同胞兄梁驢娃並武狗百由鄰村觀劇回歸與裴毛來路遇梁三驢向其查問裴毛來狡賴梁三驢指武狗百質證裴毛來斥說武狗百不應挑唆是非武狗百分辯致相罵詈裴毛來拔出身帶小刀用背毆傷武狗百左胎膊武狗百拔刀將小刀格落戳傷其左眼胞裴毛來兩腳亂踢武狗百砍傷其左膝右腿肚梁驢娃攏勸裴毛來疑幫撲毆梁驢娃閃避梁三驢恐兄喫虧上前幫護拾刀

用背毆傷其左胎膊左手腕梁驢娃用拳毆其脊背未傷裴毛來轉身揪住梁驢娃胸衣撞頭拚命梁三驢棄刀用身帶鐵錙毆傷其左腿並疊毆傷左臙肋右臙肋連腳腕脚面右腿肚連腳踝鬆手倒地擦傷左右手背左後肋右腎至二十九日殞命報驗獲犯審供不諱查裴毛來身受各傷惟後被梁三驢毆傷左右臙肋爲重應以擬抵除梁驢娃擬杖武狗百緝獲另結外梁三驢合依其毆人致死下手傷重者絞律擬絞監候秋後處決等因具題奉

旨梁三驢依擬應絞著監候秋後處決餘依議欽此

同治九年秋審死本理曲毆非預糾梁三驢應緩決

三人輪毆斃命該犯鐵器六傷三重迭骨損性死者平空誣伊與婦女有不端之事理本不直該犯先毆刀不用刃重傷由死者揪住伊兒撞

頭折命所致且均在肢體不致命處所其毆亦
非預糾尙可原緩記候核 照緩

其毆他物入傷 直隸永年縣案

一起李守淋等共毆唐萬名身死一案將李守淋依律擬絞並
聲明親老丁單等因具題奉

旨三法司核擬具奏欽此該 臣等會看得李守淋與唐萬名素識
無嫌唐萬名係已革捕役平日兇橫常向人訛詐錢文李守
淋妻父陳秀老病無子託李守淋代爲經理家務同治五年
九月閒唐萬名因陳秀忠厚可欺起意前往訛詐捏稱陳秀
欠錢拾千未償今來討要陳秀以從未欠錢之言分辯唐萬
名聲言如不給錢定欲告狀拚命陳秀因唐萬名熟識衙門
自己又年老多病不能與其涉訟當囑李守淋給與唐萬名
錢五千文十一月三十日李守淋用木棒背負錢裕同堂弟
李四子進城趕集行至中途與唐萬名撞遇唐萬名見李守
淋帶有錢文復起意訛索將李守淋攔住聲稱陳秀前欠今

須找清李守淋村斥致相罵詈唐萬名用拳毆傷李守淋左
眼胞李四子拉勸唐萬名疑護牽罵李守淋放下錢裕用棒
毆傷唐萬名右手大指李四子將其髮辮揪住拉跌倒地唐
萬名滾罵李守淋復連毆傷其左膝右腳腕右腳面唐萬名
肆罵並稱傷痊定行報復李守淋起意將其毆打成廢免致
日後受累棄棒拾石疊砸傷其左臙肋連腳腕腳面報驗飭
醫至十二月十二日殞命復驗審供不諱將李守淋依擅殺
律擬絞具題經刑部查唐萬名向李守淋訛索錢文訊係偶
然挾詐向不以罪人論唐萬名雖係李守淋壹人毆斃惟既
有李四子在场揪拉應照其毆問擬該督將李守淋依擅殺
律擬絞罪名雖無出入引斷究未允協應卽更正除李四子
擬杖外李守淋應改依其毆人致死下手傷重者絞律擬絞
監候秋後處決據供母老丁單是否屬實應候秋審時照例

查明取結送部核辦等因具題奉

旨李守淋依擬應絞著監候秋後處決餘依議欽此

同治九年秋審死近罪人他物傷無致命李守淋應緩決查明李守淋之母楊氏現年實係七十四歲僅生該犯一子楊氏全賴該犯一人養贍此外並無以次成丁之人已死唐萬名有弟唐蘭本非獨子且其父母俱故並無應侍之親取結咨部辦理

堂兄弟其毆斃命該犯於餘人拉跌倒地後木器七傷又石塊重疊一傷成片骨折毆情較兇惟死本理曲該犯先毆各傷均無損折末後重傷意祇欲令成廢各傷均在不致命處所死越一句尚可原緩結到並准留養 准其留養

共毆他物二十三傷

直隸安州案

一起李湘等共毆李繩武身死一案將李湘依律擬絞等因具題奉

旨三法司核擬具奏欽此該臣等會看得李湘與李繩武同姓不宗素識無嫌李湘開靛局生理李繩武係武生爲人兇橫先因挾讐砸毀劉象乾家具並將勸證毆傷被控提訊脫逃斥革同治四年六月間李繩武借欠李湘錢壹千文未償七月初十日李繩武飲醉又向李湘借錢伍千文李湘無錢回覆李繩武聲稱不借錢文不許開設靛局李湘理論致相罵詈李繩武趕攏揪扭李湘抓傷其左右眼胞李繩武拔出腰掖鐵錘撲毆李湘取木棍將錘格落毆傷其額門上下唇吻左肋並劃傷左肩甲經人勸歇李繩武拾錘卽走聲言進城控告李湘慮恐到官受累攜棍將李繩武追及李繩武轉向混

罵用錘毆傷李湘顙門李湘堂弟李中鏜聞鬧趨勸李繩武
疑護與李中鏜揪扭李湘用棍連戳傷其左脊脊右臂劃傷
右腿將棍掉落李繩武轉向李湘毆打李湘奪錘連毆傷其
左臂膊左右手腕李繩武用腳向踢李湘連毆傷其左膝肋
倒地擦傷右顙頰左領頰右肩甲李繩武一併牽罵李中鏜
拾棍毆傷其項頸脊背右臂膊戳傷左手中指並連毆傷左
後肋左手腕李湘用錘毆傷其左右腳踝右腳而李繩武罵
稱傷痊定行報復李湘又用錘連毆傷其左右腳腕逾時殞
命報驗審供不諱查李繩武身受各傷惟後被李湘毆傷左
右腳腕爲重應以擬抵除李中鏜擬杖外李湘合依其毆人
致死下手致命傷重者絞律擬絞監候秋後處決等因具題
奉

旨李湘依擬應絞著監候秋後處決餘依議欽此

同治九年秋審毆非預糾死類棍徒李湘應緩決

共毆致斃該犯鐵十五傷木八傷六損二折二致命另有抓劃各傷既多且重雖因死者理曲身亦受傷究覺未便率緩記核 改實

四人同追一人致令鳧水溺斃

江蘇上海縣案

一起郁加源追趕顧遂增致令鳧水被溺身死一案將郁加源依律擬絞等因具題奉

旨三法司核擬具奏欽此該

臣

等會看得郁加源與顧遂增素識

無嫌顧遂增幼經顧周氏之子顧炎和收作義子改從顧姓顧炎和身故顧遂增不務正業周氏將其逐出嗣周氏將孀媳醮與郁加源爲妻招贅養老光緒元年二月十一日顧遂增往向周氏索錢不允硬取布疋郁加源卽央允顧炎和胞叔顧澱樺並鄰人金阿梯孔泳秀幫同將顧遂增細縛欲行送官顧遂增掙脫逃跑郁加源等追至河邊顧遂增鳧水過河不期河心水深被淹殞命經地保撈獲屍身報驗獲犯審供不諱查顧遂增係被郁加源並顧澱樺等一同追趕致令鳧水溺斃惟郁加源係首先起意細縛應以擬抵除顧澱樺

牙言車下三
等均擬杖外郁加源合依其毆人致死絞律擬絞監候秋後
處決等因具題奉

旨郁加源依擬應絞著監候秋後處決餘依議欽此

光緒四年秋審追趕鼻水死非意料郁加源應緩決

非應捕人共毆致斃搶奪罪人

江蘇邳州案

一起萬憬汶等共毆王俊嶺身死一案將萬憬汶依律擬絞等
因具題奉

旨三法司核擬具奏欽此該_臣等會看得萬憬汶與王俊嶺素識
無嫌王俊嶺不務正業屢向總麻服叔王汝霖王雨霖告貸
給錢不記確數嗣王俊嶺復向王雨霖借錢未允搶取牛驢
王雨霖給錢十千贖回含忍未控同治元年六月間王俊嶺
乘趁匪竄擾在鄉攔搶李中錢物王汝霖聞知因其爲匪玷
辱祖宗並恐連累告知王俊嶺胞叔王明田拘管王明田以
年邁力難禁約囑王汝霖尋獲送究未遇九月十三日王汝
霖聞知王俊嶺在四草壩地方遊蕩因萬憬汶曾充壯勇託
其查拏許給酬儀萬憬汶應允轉邀張三虛四孫義相幫各
帶防身小刀同往夜抵該處將王俊嶺找獲萬憬汶上前揪

扭欲行細送王俊嶺不服舉刀向砍萬憬汶將刀格落用刀背毆傷其左眉連左眼左顙頰王俊嶺奪刀萬憬汶戳傷其左血盆右手大指張三盧四各用刀背毆傷其右手腕右肘右腿肚孫義用刀戳傷其左乳右臂肱王俊嶺向孫義揪毆孫義砍傷其額顙下唇吻連右頰頰王俊嶺仍不放手萬憬汶用刀戳傷其偏左咽喉右鬆手倒地旋即殞命萬憬汶畏罪起意棄屍滅跡同張三等將屍擡棄河中逃逸經人撈獲屍身報驗獲犯審供不諱查王俊嶺身受各傷惟後被萬憬汶戳傷偏左爲重應以擬抵王俊嶺雖係搶奪罪人惟萬憬汶並無應捕之責其將王俊嶺致斃應仍按其毆本律問擬除張三等擬獲另結外萬憬汶合依其毆人致死下手致命傷重者絞律擬絞監候秋後處決等因具題奉

旨萬憬汶依擬應絞著監候秋後處決餘依議欽此

同治九年秋審戮由抵禦死係匪徒萬懋汶應緩決

貪圖謝儀糾夥四人夤夜將死者尋獲因其不服拘拏共毆斃命該犯金刃四傷一致命骨損一要害又刀背一傷事後復棄屍滅迹情傷較重惟死者屢次爲匪經其親屬託令查拏尙非該犯無端肇衅各傷均由抵禦要害傷無損斷重情且在倒地以前事後棄屍亦由畏罪所致尙可原緩記候核 照緩

尚未報部有名之鹽店巡役其毆致斃販私匪徒直隸天津縣案

一起史汶城等共毆李滌身死一案將史汶城依律擬絞並聲明親老丁單等因具題奉

旨三法司核擬具奏欽此該臣等會看得史汶城與李滌素識無嫌史汶城與田鈺山均充鹽店巡役尙未報部有名李滌向賣私鹽同治三年十月二十四日史汶城與田鈺山出村巡私適李滌挑鹽經過史汶城瞥見盤詰李滌棄鹽逃逸史汶城等將鹽挑至汎房尙未送店交官二十五日早李滌持刀至汎房門首嚷罵史汶城攜木棍出理李滌用刀向砍田鈺山趨出幫護用木棍將刀格落毆傷其左肩甲左胎膊史汶城用棍毆傷其額顙連左眉左眼胞左顙頰右眼胞連鼻梁近右右顙頰李滌一併牽罵田鈺山毆傷其右胎膊連肘

並右臂膊將棍打折史汶城毆傷其左手腕連手背中指李
滌舉腳向踢田鈺山用木棍鐵尖扎傷其左膝史汶城毆傷
其右膝近上並疊毆傷右膝連臙肋腿肚腳腕腳面腳趾李
滌倒地罵稱傷痊報復史汶城用棍毆傷其左臙肋並疊毆
傷左臙肋連腳腕腳踝腳面報驗飭醫李滌至十一月初三
日殞命復驗審供不諱查李滌身受各傷惟後被史汶城毆
傷左右腳腕等處爲重李滌雖係販私罪人惟史汶城係商
雇巡役並未報部有名其將李滌致斃應仍按凡鬪問擬除
田鈺山擬杖外史汶城合依其毆人致死下手致命傷重者
絞律擬絞監候秋後處決據供母老丁單是否屬實應候秋
審時照例查明取結送部核辦等因具題奉

旨史汶城依擬應絞著監候秋後處決餘依議欽此

同治九年秋審毆非預糾死係鹽匪史汶城應緩決查明該

犯之母張氏現年實係七十八歲僅生該犯一子家無次丁
取結咨部核辦

其毆斃命該犯木器七傷一致命三骨損二重
疊一相連成片長一尺二寸二在倒地後勘傷
較重惟死係販私匪徒定案時因該犯係商雇
巡役並未報部有名不得照擅殺科斷秋審自
應入緩結到並准留養記候核 准其留養

其毆腳踢一傷他物六傷越四日抽風身死 山東武城縣
案

一起馬長令等共毆王洪身死一案將馬長令依律擬絞並聲
明親老丁單等因具題奉

旨三法司核擬具奏欽此該 臣 等會看得馬長令與王洪素識無
嫌馬長令係監生王洪與表弟馬九常夥置地畝同治七年
三月閒馬九常欲將應分之地轉賣與馬長令之父馬汶華
爲業尙未立契閏四月二十一日王洪聞知因圖中人錢文
往向馬汶華聲言此地係其夥產應邀作中馬汶華不允致
相罵詈王洪用鑷刀撲扎馬汶華取斷木棍疊毆傷其左胎
膊連臂膊並連毆傷其右胎膊王洪舉腳亂踢馬汶華疊毆
傷其右臙朋右腳腕連腳面並連毆傷其左腳腕左腿肚適
馬長令由集回家瞥見拉勸王洪疑護用鑷刀砍傷馬長令

右額角馬長令順拏鐵火棍將刀格落用腳踢傷其下部馬
汶華又用棍疊毆傷其左臀並毆傷其右臀右腿左腳踝王
洪彎身拾刀馬長令用鐵火棍毆傷其脊背王洪揪住馬長
令髮辮往下揜按馬長令情急又用鐵火棍連毆傷其右膝
肘並毆傷其左膝左膝肘鬆手倒地報驗飭醫王洪左膝肘
傷口進風至二十五日抽風殞命覆驗革審供認不諱查王
洪身受各傷惟後被馬長令毆傷左膝肘爲重應以擬抵除
馬汶華擬杖收贖外馬長令合依共毆人致死下手致命傷
重者絞律擬絞監候秋後處決據供父母年老家無次丁是
否屬實應候秋審時照例查明取結送部核辦等因具題奉
旨馬長令依擬應絞著監候秋後處決餘依議欽此

同治九年秋審毆非預糾死出抽風馬長令應緩決再該犯
成招時據供伊父馬汶華母張氏均年逾七旬家無次丁是

否屬實應飭縣查明取結勘辦

父子共毆斃命該犯鐵器六傷一致命又腳踢致命一傷勘傷不輕惟身先受傷各傷均無損折重情且死係因風尙可原緩結到並准留養記候核 准其留養

房主威力主使毆斃姦匪 吉林案

一起業佈青阿主使毆斃張詳身死一案緣業佈青阿與張詳素識無嫌業佈青阿同張萬山張泳青趙小孟堆青阿夥蓋草房三間租給傅氏居住光緒元年十月閒傅氏雇張詳打割柴草張詳常在傅氏家住宿十一月不記日期張詳與傅氏調戲成姦二年八月傅氏因姦生產十四日業佈青阿聞知以傅氏不守婦道恐滋事端連累房主起意將其驅逐十六日早飯後時業佈青阿邀同張萬山張泳青趙小孟堆青阿偕至傅氏家令其搬屋張詳以伊與傅氏過度資助柴米不容遷移業佈青阿向其村斥張詳不服辱罵業佈青阿回詈張詳奔毆業佈青阿令張泳青將張詳揜按倒地趙小孟按住兩腿并喝令張萬山用木板向其左右臀毆打數下張詳愈加辱罵並稱傷痊定行報復業佈青阿復令張萬山用

大武詳是 人命門成案下

業佈青阿

板連毆傷其左右臂至二十八日殞命報驗審供不諱查張詳係被張萬山毆斃惟張萬山係聽從業佈青阿主使應以業佈青阿為首擬抵除張萬山依為從律擬流傅氏杖決柳贖張泳青等緝獲另結外業佈青阿合依威力主使人毆打致死以主使之人為首絞律擬絞監候秋後處決據供伊母年老家無次丁是否屬實應候秋審時照例查明取結送部核辦等因具題奉

旨業佈青阿依擬應絞著監候秋後處決餘依議欽此

光緒五年秋審死係姦匪主令疊毆適斃業佈青阿應緩決再該犯犯案時供稱父故有母趙氏年八十五歲家無次丁是否屬實並被殺之人是否獨子候查明另行報部

雖係威力主使斃命惟死係姦匪該犯等均係房主例不准其容留卽應准其驅逐因死者祖

護姦婦不容搬家將其致斃起釁甚直各傷均
係他物並無致命損折可以原緩結到准其留
養記候核 准其留養

火狀畢定
六日人命明成案下

三

業佈青阿

威力制縛致令受凍身死 吉林案

一起凍山威力制縛張姓身死一案緣陳山與張姓素不認識張姓求乞度日陳山母舅李發充當丐頭同治六年十月間李發患病令陳山雇坐汪汶順車輛代赴各屯乞糧十一月初九日張姓至王棟家求宿王棟見其寒冷令在碾房暫住十一日王棟因張姓不走找向陳山告知情由陳山向張姓搆逐張姓不服混罵陳山生氣將張姓拉出屋外致碰傷額顱右肩甲陳山欲將張姓送交李發管束用繩將其兩手綁縛按放車上拉走致鬚傷脊背行至中途張姓受凍殞命陳山畏懼令汪汶順緝獲另結外陳山合依威力制縛人因而致死者絞律擬絞監候秋後處決等因具題奉

旨陳山依擬應絞著監候秋後處決餘依議欽此

同治九年秋審死由於凍並未拷打陳山應緩決再查陳山犯案時供稱父故有母李氏年六十七歲家無次丁核計犯母年已七旬是否屬實並被殺之家是否獨子候查明另行報部

因死者在人碾房住宿不走幫同攆逐其用繩綁縛止欲拉交丐首管束並無毆打之心至死由受凍亦非該犯意料所及尚可原緩記候核

照緩

威力制縛跪傷斃命 山西案

一起蒙二紅仔捆縛致傷郝三仔身死一案將蒙二紅仔依律擬絞等因具題奉

旨三法司核擬具奏欽此該 臣等會看得蒙二紅仔籍隸陝西來至山西與郝三仔鄰村無嫌光緒二年九月初二日郝三仔家牛隻踐食蒙二紅仔地內禾捆蒙二紅仔之弟蒙三紅仔瞥見將牛牽回郝三仔之父郝雙喜聞知往向索牛蒙二紅仔索賠禾捆郝雙喜不允混罵並向撲毆蒙二紅仔氣忿欲行送究令蒙三紅仔幫同將郝雙喜兩手用繩捆住郝三仔往向不依用木棒將蒙二紅仔家窗戶打毀蒙二紅仔起意一併捆送復令蒙三紅仔幫同將郝三仔合按倒地郝三仔掙扎滾動蒙二紅仔用右膝跪住其身軀用繩將其兩手捆住致跪傷其右後肋捆傷其左右手腕郝三仔喊痛蒙二紅

仔等歇手將捆繩一併解開并將牛隻交郝雙喜拉回郝三仔右後肋骨損移時殞命報驗審供不諱郝雙喜傷經平復除蒙三紅仔擬杖外蒙二紅仔合依威力制縛人因而致死者絞律擬絞監候秋後處決等因具題奉

旨蒙二紅仔依擬應絞著監候秋後處決餘依議欽此

光緒五年秋審釁起不曲傷由膝跪蒙二紅仔應緩決

威力制縛斃命兼有主使情形又另傷其父情節不輕惟死者牛隻踐食伊地內禾捆其父既不允賠並向混罵撲毆死者又不向央求輒將窗戶打毀亦近逞強該犯捆縛祇欲送究迨經臧痛卽行解放並將牛隻交回繩捆膝跪各傷均在不致命處所另傷一人向不以之加重尙有可原記緩候核 照緩

疑竊捆縛拷打致死 四川忠州案

一起戚寅生制縛拷打致傷劉洪裡身死一案將戚寅生依律擬絞等因具題奉

旨三法司核擬具奏欽此該 臣等會看得戚寅生與劉洪裡素不認識劉洪裡乞丐度日同治六年六月二十五日戚寅生身帶布搭幣裝錢二百文與表弟王考應赴場看戲劉洪裡站立戚寅生身旁乞錢戚寅生未給嗣戚寅生取錢買物始知搭幣錢文一併遺失疑係劉洪裡竊邀同王考應將劉洪裡追及戚寅生將其拉住盤問劉洪裡分辯不認王考應奪下劉洪裡背篋搜尋無獲戚寅生懷疑莫釋起意弔拷令王考應解下劉洪裡拴腰麻繩將其兩手腕反背捆縛並將繩頭拴繫樹上劉洪裡兩腳亂踢戚寅生復取麻繩將其兩腳捆住並用竹籤戳傷其左腳踝王考應用木棍毆傷其左右

腿後左腿肚劉洪裡哭嚷戚寅生接過王考憲手內木棍毆傷其左臂膊左腿並連毆傷左右臂將棍打斷劉洪裡愈肆哭詈戚寅生氣忿用腳踢傷其左腿左脇經人勸令解放劉洪裡移時殞命報驗獲犯審供不諱查劉洪裡身受各傷惟後被戚寅生踢傷左脇爲重且係起意弔拷應以擬抵除王考應擬杖行竊正賊緝獲另結外戚寅生合依疑賊致斃人命之案悉照謀故鬪殺及威力制縛各本律定擬威力制縛人拷打致死者絞律擬絞監候秋後處決等因具題奉

旨戚寅生依擬應絞著監候秋後處決餘依議欽此

同治九年秋審疑竊有因傷無損折戚寅生應緩決

被竊懷疑搜賊無獲捆縛弔打十二傷之多死
係平民情兇近故未便以疑賊爲解 改實

疑匪主使捆縛拷問致下手之人亂毆斃命 江蘇泰興縣

案

一起徐三沅制縛致傷奚老金身死一案將徐三沅比例擬絞並聲明親老丁單等因具題奉

旨三法司核擬具奏欽此該 臣等會看得徐三沅與奚老金素不認識奚老金趕車營生光緒二年六月間該處謠傳妖匪剪辮打印仍須妖匪畫符救治有陳照林同人夥雇奚老金車輻偕至素識之張山輝家借住二十五日經人查見陳照林身帶黃紙符一張疑係妖匪當斥張山輝不應窩留致相吵鬧徐三沅聞知同族人徐四二徐具二徐黑二謀鄰人袁稱二袁賢魁趨視詢知奚老金等姓名徐三沅卽向索符奚老金混罵徐三沅亦卽疑係妖匪喝令徐四二等將奚老金等用繩捆縛並將奚老金鎖項拷問觀看人眾奚老金罵不絕

口眾人亂毆致傷其額顛心坎左耳根左右臂膊左後肋左腿肱肱右腳大趾人多手襍看不清何人毆傷何處奚老金逾時殞命報驗獲犯審供不諱查奚老金身受各傷訊係亂毆不知先後惟徐三沅係屬主使應以爲首論除徐四二等緝獲另結外徐三沅應比依疑賊斃命仍照本律定擬例威大制縛人拷打致死絞律擬絞監候秋後處決據供伊母年老家無次丁是否屬實應俟秋審時照例查明取結送部核辦等因具題奉

旨徐三沅依擬應絞著監候秋後處決餘依議欽此

光緒五年秋審疑匪有因死係其毆徐三沅應緩決原供母老丁單取結查辦

制縛拷打斃命情傷俱重惟疑匪有因與妄拷平人有間尚可原緩究係威力制縛拷打之案

未便准其留養記候核 照緩不准留養

火獸岸里
卷四 人命門成案下

卷

徐三沅

救親情切火器殺人 直隸大名縣案

一起豆今浚鎗傷王庭舉身死一案將豆今浚依律擬斬等因具題奉

旨三法司核擬具奏欽此該 臣等會看得豆今浚與王庭舉同村無嫌該村有豆王二姓公夥水地種植蘆草時被偷竊同治七年四月十四日豆今浚之父豆忠往向王庭舉並其弟王得舉商議輪流看守王得舉答稱事忙不克分身豆忠斥其推諉王得舉不服彼此爭吵王得舉用春秋刀撲砍豆忠奪刀將王得舉砍傷王庭舉趨護豆忠棄刀逃走王庭舉追及用手亂毆豆忠揪住王庭舉髮辮撿按王庭舉拔取鐵槍頭扎傷豆忠右腿並將其撞跌倒地豆忠辱罵王庭舉氣忿騎坐豆忠身上用槍頭扎傷其左手大指並用兩膝壓住豆忠兩手復用槍頭連扎傷其額顱右額角左耳豆忠喊救時豆

火獸尋更

卷四 人命門成案下

豆今浚

今汝尋打水鴨未得將裝就砂藥烏鎗背負回歸瞥見情急
救護順點烏鎗嚇放冀其躲避放手不期主庭舉擡頭致傷
其額顛左額角倒地報驗飭醫王庭舉至二十三日殞命復
驗審供不諱王得舉等傷均平復除豆忠依奪獲兇器傷人
例擬徒年逾七十照律收贖王得舉擬杖行竊正賊緝獲另
結外豆今汝合依因爭鬪擅將烏鎗施放殺人者以故殺論
故殺者斬律擬斬監候秋後處決等因具題奉

旨豆今汝依擬應斬著監候秋後處決餘依議欽此

同治九年秋審案係火器殺人似難不實豆今汝應情實惟
查該犯之父豆忠因與死者之弟王得舉口角爭毆死者趨
往幫護先用鐵槍頭將豆忠右腿扎傷撞跌倒地該犯瞥見
年逾七旬老父被死者騎壓身上復用槍頭疊扎致命頭面
三傷喊救實係事在危急該犯情切天倫上前救護順點烏

鎗嚇放原葬死者躲避放手不期死者擡頭適中鎗傷越九日殞命爰係起於救父事復實在危急與自行爭鬪擅放鳥鎗殺人者有閒其情不無可憫相應聲明恭候

欽定

火器殺人如確因救親情切者向有入實免勾成案此起烏鎗斃命自應入實惟死者將伊父扎傷倒地騎坐身上連扎致傷實係事在危急該犯點鎗嚇放確因情切救護所致似可仿照成案於

黃冊內粘簽聲敘記候核 照實聲敘

禾請車夏

三ノ

被追絆跌震動火機轟斃人命 湖北建始縣案

一起陳遠照鎗傷譚沅城身死一案將陳遠照依律擬絞並聲明親老丁單等因具題奉

旨三法司核擬具奏欽此該 臣 等會看得陳遠照與譚沅城素識無嫌陳遠照與分居胞兄陳遠懋共出錢買馬一匹合夥坐騎嗣陳遠懋身故其妻周氏再嫁譚沅城爲妻將馬帶至譚沅城家餵養陳遠照屢向譚沅城索還半價未給光緒三年二月十七日陳遠照肩負裝就子藥烏鎗點燃火繩上山捕獸適譚沅城牽馬在山牧放陳遠照復向索討馬價譚沅城不允陳遠照稱欲將馬牽走譚沅城混罵陳遠照回詈譚沅城拾石向毆陳遠照負鎗轉身向山下逃跑譚沅城隨後追趕陳遠照跑至塍下被石絆腳跌坐地上震動火機引燃火藥致鎗子向後轟出適傷其胸膛肚腹倒地至十八日殞命

大英律例
人命門成案下

陳遠照

首驗審供不諱查陳遠照鎗傷譚沅城身死訊係被追絆跌震動火機與有心施放者不同應仍按鬪殺本律問擬陳遠照合依鬪毆殺人者不問手足他物金刃並絞律擬絞監候秋後處決該犯供稱伊母年老家無次丁是否屬實應候秋審時照例查明取結送部核辦等因具題奉

旨陳遠照依擬應絞著監候秋後處決餘依議欽此

光緒五年秋審傷由絆跌震動火機所致死非意料陳遠照應緩決該犯原供母老丁單俟查取供結至日另詳請咨

火器殺人以故殺論例應入實如無心點放者亦有酌緩成案此起該犯因死者拾石向毆背鎗逃走死者尾追該犯被石絆跌震動火機以致將死者轟斃定案時因非有心施放仍照鬪殺定擬自可酌緩惟究係火器殺人之案未便

再予留養記候核 照緩不往留養

火缺軍更二 卷四 人命門成案下

陳遠時

鳥鎗致斃期親家雇工 四川宜賓縣案

一起羅大蔘鎗傷期親家雇工盧時蔘身死一案將羅大蔘依律擬絞等因具題奉

旨三法司核擬具奏欽此該 臣等會看得羅大蔘係盧時蔘雇主江氏分居期親夫姪素有主僕名分光緒三年二月二十六日江氏令盧時蔘往向羅大蔘借穀食用羅大蔘正在盤擗倉穀囑其等候盧時蔘斥說宕延羅大蔘分辯盧時蔘嫚罵羅大蔘回言盧時蔘擣木擔向毆羅大蔘情急順拏裝就練團鳥鎗點燃嚇放致轟傷其胸膈右乳心坎肚腹倒地逾時殞命報驗審供不諱羅大蔘合依因爭鬪擅將鳥鎗施放殺人故殺論例家長之期親毆雇工人故殺者絞律擬絞監候秋後處決等因具題奉

旨羅大蔘依擬應絞著監候秋後處決餘依議欽此

禾言車馬
光緒五年秋審雖係火器斃命惟死係素有名分逞兇雇工
尚無詐賴別情羅大彝應緩決再該犯原供親老丁單俟查
覆至日再行核辦

因家長期親囑其等候給穀死者輒向斥罵並
取擔向毆實屬干犯逞兇該犯殺固有心究無
挾嫌詐賴別情尙有可原 照緩

火器致斃搶賣伊妻罪人因妻係買休仍同凡論直隸

安縣案

一起王占淦鎗傷王澱魁身死一案將王占淦依律擬斬等因具題奉

旨三法司核擬具奏欽此該臣等會看得王占淦與王澱魁同姓不宗素不認識王澱魁素識之劉庭棟因貧不能養家將妻陳氏憑上洛秀媒說賣與王占淦為妻止圖養贍不議身價劉庭棟寫立賣休字據王占淦將陳氏接回成親令劉庭棟與子女搬至一處過度同治十二年三月間劉庭棟飲入醉鄉向王占淦罵鬧王占淦氣忿將其逐出嗣劉庭棟向王澱魁告述前情央其設法王澱魁探知王占淦出外貿易聲言不如乘機將陳氏搶回另賣劉庭棟應允遂同王澱魁將陳氏並子女搶至王澱魁家覓主嫁賣尚未賣出五月初七日

火味昇夏

人命門成案下

王占淦

王占塗回家查知不甘邀允素識之陳洛五陳洛六張連璧張塗趙當丁洛潤宣材宣汶幫同將陳氏搶回夜至王澱澍家將陳氏搶出馱在馬上交陳洛六等牽拉先走王占塗與陳洛五落後王澱澍持刀趕上向王占塗撲砍王占塗拔出腰掖鐵錮毆傷其左肩甲陳洛五用棍毆傷其左臙肘一同逃逸王澱澍跟追王占塗情急點燃烏鎗嚇放致轟傷其左額角右顙煩腦後左耳根左臂膊左肱肘脊背倒地旋卽殞命報驗審供不諱查王澱澍身受各傷惟後被王占塗鎗傷左額角等處爲重王澱澍搶奪陳氏雖係罪人第陳氏係王占塗知情買休之妻律應離異本無應捕之責其將王澱澍致斃仍應按本例問擬除王洛秀等擬杖援免陳氏並免收贖無宗可歸當官嫁賣陳洛五等病故陳洛六等緝獲另結外王占塗合依因爭鬪擅將烏鎗施放殺人以故殺論例故

殺者斬律擬斬監候秋後處決事犯在

恩旨

恩詔以前係火器殺人不准援減援免等因具題奉

旨王占滄依擬應斬者監候秋後處決餘依議欽此

光緒三年秋審火器殺人王占滄應情實

烏鎗殺人自難不實惟死者究係搶賣伊妻罪人以該犯之妻原係買休律應離異定案時故同凡論秋審衡情點鎗嚇放究由忿激所致且從犯監斃貳人命已有抵似應於

黃冊妥爲聲敘以冀邀

恩免勾 照實聲敘

捕役火器致斃並非票緝正賊 吉林案

一起李青仲鎗傷初爾塗身死一案緣李青仲與初爾塗素不認識李青仲充當捕役同治二年八月開事主房芝在途被搶衣物報廳票差李青仲等躡緝賊賊時值賊匪竄擾差票內載明遇有形跡可疑之人准其拏送九月二十六日李青仲等行至廳屬荒溝屯聞初爾塗在該處開設賭局恐其窩藏盜匪前往查拏初爾塗聞拏逃逸將同賭之閻成瑞李萬深王英拏獲李青仲等因閻成瑞等形跡可疑帶至劉長令店內盤問並非盜匪李青仲等當以雖非盜匪究係賭犯未敢釋放天晚就寢擬俟次日送案二十七日早初爾塗率領不知姓名八九人各持鎗械偕抵劉長令店門首喊稱速將閻成瑞等釋放否則搶回李青仲聽聞帶領夥役范得泳等出屋捕拏初爾塗施放鳥鎗打傷范得泳腦後髮際倒地初

大武庫子之
命明或案下

李青中

爾淫復欲裝鎗施放李青仲情急點放鳥鎗致傷其額顛右眉叢左血盆右乳心坎左脇左腋臍倒地至二十八日殞命報驗審供不諱該將軍以李青仲奉票緝賊將賭犯閻成瑞等拏獲盤問初爾淫欲行打奪致傷差役李青仲將其鎗斃初爾淫雖非本案罪犯惟所奉差票載明遇有形迹可疑之人准其拏送與非所勾捕之人有聞可否照擅殺科斷抑仍照凡鬪定擬之處例無治罪專條咨請部示經刑部查初爾淫雖係開局聚賭罪犯惟究非李青仲奉票緝拏之人其用鳥鎗將捕役放傷卽不可以聚眾奪犯傷差論李青仲將其致斃仍應照凡鬪科斷如謂李青仲原奉另案票內載明遇有形跡可疑之人准其拏送與非所勾捕之人情稍有聞亦祇可於秋審時酌量聲敘不得於定案時遽議從寬等因咨覆去後茲據該將軍遵照定擬咨部除李萬深等分別擬以

枷杖笞責閻成瑞病故不知姓名人及搶案正賊緝獲另結外李青仲合依因爭鬪擅將烏鎗施放殺人以故殺論故殺者斬律擬斬監候秋後處決等因具題奉

旨李青仲依擬應斬著監候秋後處決餘依議欽此

同治九年秋審火器殺人李青仲應情實查該犯原奉差票內載明賊匪竄擾遇有形跡可疑之人准其拏送似與非所勾捕之人情稍有閒相應聲明

雖係差役火器斃命惟死者開局聚賭本係罪人該犯奉票緝賊票內載明遇有形跡可疑之人准其拏送迨將死者同賭之人拏獲因死者率領多人登門打奪鎗傷夥役情急將其致斃亦與私自勾攝倚勢滋事者不同定案時究非票緝正賊不得照擅殺科斷其情節實有可原

可否酌量入緩抑或於

黃冊內聲敘以冀邀

恩免勾之處恭候

堂定 照實聲敘

並未報院有名之鹽店巡役火器致斃販私罪人 直隸靜

海縣案

一起韓泳漬鎗傷孫立亭身死一案將韓泳漬依律擬斬等因具題奉

旨三法司核擬具奉欽此該 臣 等會看得韓泳漬與孫立亭素不認識韓泳漬充當鹽店巡役並未報院有名咸豐八年二月二十日夜孫立亭同不知姓名十餘人用小車推載私鹽鎗械與另夥私販賈三牛吉城賈大張汰同赴楊氏歇店住宿楊氏不肯容留孫立亭等強行走進韓泳漬查知邀允夥役雷起雲等同往捕拏雷起雲等踰門進院將賈三牛吉城賈大張汰拏獲餘匪逃跑雷起雲攏捕被一匪用槍毆扎致傷倒地韓泳漬在門外堵拏亦被一匪用槍扎戳致傷頤門等處逃逸孫立亭在院內點放鳥鎗韓泳漬聽聞恐傷夥役進

火獸耳要 卷四 人命門成案下

三 韓泳漬

院幫捕孫立亭裝鎗復欲點放韓泳漬奪鎗將其放傷孫立亭跑進屋內韓泳漬拾取砂藥葫蘆將鎗裝好孫立亭持木擔出屋向毆韓泳漬情急用鎗嚇放先後致傷其左胎膊左右手腕左肋右腿左臂膊右肱肘左後肋倒地登時殞命報驗審供不諱查孫立亭雖係販私罪人惟韓泳漬充當鹽店巡役並未報院有名其將孫立亭致斃應仍按凡鬪問擬除賈三等依犯無引私鹽律擬徒累減援免不知姓名逸犯緝獲另結外韓泳漬合依因爭鬪擅將鳥鎗施放殺人者以故殺論故殺者斬律擬斬監候秋後處決恭逢

恩詔係火器殺人不往寬免據供母老丁單應否酌量入緩並准查辦留養之處應俟秋審時再行酌核辦理等因具題奉旨韓泳漬依擬應斬著監候秋後處決餘依議欽此

同治九年秋審案雖火器殺人惟死者究屬鹽匪該犯身充

巡役責有應捕祇因未經報院有名按照凡鬪鬥擬而衡情
不無區別韓詠漬瀆應緩決再犯俱母老丁單是否屬實應否
留養飭屬查明取結另行核辦

未經報部有名巡役火器致斃販私罪人向有
入緩成案此起火器致斃鹽匪定案時因該犯
並未報院有名仍照本律定擬已屬從嚴秋審
自應照歷辦成案入緩並准留養 照緩

灌糞致斃人命 陝西商州案

一起陳禾世用糞水灌入陳沈裕口內致令觸穢身死一案將陳禾世依律擬絞等因具題奉

旨三法司核擬具奏欽此該_部等會看得陳禾世與無服族弟陳

沈裕先無嫌隙陳沈裕素性兇橫霸種闖族公地抗不退交陳禾世向斥其非陳沈裕因此挾讎屢向尋鬧同治七年三月十八日陳禾世往胞姪陳錫慶家閒坐陳沈裕酒醉手執矛桿身帶腰刀尋往滋鬧陳沈裕用矛向陳禾世撲扎陳錫慶將矛奪棄陳沈裕拔刀向戳陳錫慶躲避不及被刀尖割傷右顙頰時陳錫俊陳蘭州聞鬧趨至陳禾世告述前情令陳錫俊陳蘭州將其拉往官地理論行至中途陳沈裕臥地不起陳禾世氣忿起意用糞水灌口使其知辱儆戒不再酗酒橫行隨在路旁糞坑取糞水一碗適陳兆桂趕至問明情

由陳禾世喝令陳錫俊陳蘭州陳兆桂幫灌陳錫俊用手按
住陳洸裕右手陳蘭州抱頭陳禾世用漆壓腿一手按其胸
膛一手拉住其左手陳兆桂接過糞碗灌入口中經人趨至
喝阻陳洸裕躡地聲哼逾時殞命報驗審供不諱將陳禾世
依擅殺律擬絞具題經刑部查陳洸裕挾嫌屢次尋衅爭鬧
並持刀傷人固屬咎有應得惟係陳禾世無服族弟按搶竊
及嚇詐親屬財物有犯殺傷例不得照凡人擅殺科斷自應
照以他物置人耳鼻孔竅中致死律問擬絞候該撫將該犯
依罪人已就拘執而擅殺律擬絞罪名雖無出入引斷究未
允協應卽更正除陳錫俊等擬杖外陳禾世應改依以他物
置人耳鼻孔竅中至死者絞律擬絞監候秋後處決等因具
題奉

旨陳禾世依擬應絞著監候秋後處決餘依議欽此

同治九年秋審灌糞僅使知辱做戒死本兇惡情類棍徒陳
禾世應緩決

按例後喝令用糞水灌入口中致繁人命情節
不好惟死者理曲尋衅滋鬧情近罪人該犯喝
令灌糞意欲使知儆戒其致死者觸穢身死尙
非該犯意料所及稍有可原記緩候核 照緩

天言車夏

冬

新

五

灌糞致斃人命 四川鄰水縣案

一起李紹漢灌服王勤新糞水致令毒發身死一案將李紹漢依律擬絞並聲明親老丁單等因具題奉

旨三法司核擬具奏欽此該臣等會看得李紹漢與王勤新素睦

無嫌王勤新係李紹漢姊夫向佃李紹漢家田宅耕居李紹漢之父李克斌因王勤新不肯經理田地將田業另行招佃幫給王勤新穀子二石作為搬費王勤新將穀耗費仍不搬遷光緒二年十月十八日王勤新走至李紹漢廚房取碗欲食飯食李紹漢瞥見斥阻王勤新不服用碗擲毆李紹漢用煙袋鐵頭毆傷其額門王勤新彎身拾柴李紹漢將其推跌倒地磕傷左眉李紹漢之母鄧氏趨勸王勤新滾地撒賴搥傷腦後連髮際並將鄧氏辱罵李紹漢氣忿商允鄧氏向王勤新灌糞卽拾碗盛取糞水鄧氏按住王勤新兩手騎壓身

上李紹漢用破碗片撬開其唇齒將糞水灌入口內經人解勸王勤新回家嘔吐不食至十九日壽發殞命報驗審供不諱除鄧氏擬杖收贖外李紹漢合依以地物置人孔竅至死者絞律擬絞監候秋後處決據供伊父年老家無次丁是否屬實應俟秋審時照例查明取結送部核辦等因具題奉旨李紹漢佐擬應絞著監候秋後處決餘依議欽此

光緒五年秋審死者肇衅逞兇灌糞由於被罵死非意料李紹漢應緩決查明該犯父老丁單核與留養之例相符相應聲明

以他物置人耳鼻孔竅致死情同故殺者方入情實此起用糞水灌入死者口內致斃其命與用鹽鹵等物灌入口內情近于故者不同且死者辱罵妻母亦屬犯尊該犯尚可原緩應不准

其留養 照緩

人命門成案下

三

李紹漢

秋講軒要

卷四

三

熱水燙斃人命 直隸肅甯縣案

一起曹漢沅燙傷李恆奇身死一案將曹漢沅依律擬絞等因具題奉

旨三法司核擬具奏欽此該 臣等會看得曹漢沅與李恆奇素好無嫌光緒元年五月閒李恆奇邀允曹漢沅出錢趕廟會擺攤耍賭言明贏錢均分嗣曹漢沅因家中有事未經同往李恆奇用篋子折成四截雕空缺口作爲賭具令不識姓名人猜壓贏得錢貳拾餘千文曹漢沅聞知找向索分李恆奇未給六月十九日李恆奇光赤上身在麪鋪閒坐曹漢沅踵至復向索分賭錢李恆奇斥言並未在場不應分用曹漢沅分辯李恆奇不服混罵曹漢沅回詈李恆奇拾磚撲毆曹漢沅情急順取棹上瓦壺嚇擲將壺摔破致壺內熱水燙傷李恆奇左額角左耳連額頰咽喉連左右肩甲左右腋肌左右胎

肱左手腕胸膛連左右乳心坎左右肋項頸連脊背左右脊
脅左右後肋倒地蜚傷左右膀髮際殺道訪驗筋醫李恆奇
至七月二十日殞命復驗審供不諱查李恆奇於六月十九
日午刻受傷至七月二十日午刻斃命六月係小建尙在燙
傷保辜正限三十日之內仍應按律問擬除失察牌甲傳責
外曹漢沅合依鬪毆殺人者不問手足他物金刃並絞律擬
絞監候秋後處決等因具題奉

旨曹漢沅依擬應絞著監候秋後處決餘依議欽此

光緒三年秋審被毆嚇擲死屈三旬曹漢沅應緩決

賄匪盛暑時熱水湯潑斃命連片多傷皮脫肉
爛情傷較慘惟死亦賄匪死向撲毆該犯係用
壺嚇擲抵禦致熱水全行傾出尙與故用熱水
連澆多傷者不同且死屈三旬只爭數時不得

照正限外餘限內因傷身死之例隨本聲請不
無可原記緩候核 照緩

和譜鞋要

卷四

三

鬪殺金刃一傷右脇透出左脇直隸遷安縣案

一起楊添才扎傷張汶薜身死一案將楊添才依律擬絞等因具題奉

旨三法司核擬具奏欽此該臣等會看得楊添才與張汶薜同村無嫌同治六年六月十七日張汶薜牧放豬隻將楊添才地內禾苗踐踏楊添才撞遇向理爭吵各散嗣張汶薜路過楊添才門首混罵楊添才聽聞氣忿持槍出向理論張汶薜堂姪張奎攜帶鐮刀割草回歸瞥見向阻楊添才慮恐被砍用槍扎傷張奎胸膛倒地張汶薜拾石擲傷楊添才左血盆左肩甲楊添才情急閃至張汶薜身旁用槍橫扎一下因用力過猛致扎傷其右脇槍尖透出左脇倒地當卽殞命報驗審供不諱張奎傷經平復楊添才合依鬪毆殺人者不問手足他物金刃並絞律擬絞監候秋後處決等因具題奉

旨楊添才依擬應絞著監候秋後處決餘依議欽此

同治九年秋審衅起死者扎由受傷情急卽其另傷一人係恐被砍所致楊添才應緩決

先將死者堂姪扎傷倒地復閃至死者身旁金刃橫扎一傷由右脇透出左脇立時斃命情傷綦重雖釁起死者身先受傷扎由情急所致另傷一人向不以之加重似未便率行議緩記候核改實

鬪殺金刃一傷咽喉透過項頸

山東單縣案

一起藍樹立扎傷張演汗身死一案將藍樹立依律擬絞並聲
明親老丁單等因具題奉

旨三法司核擬具奏欽此該臣等會看得藍樹立與張演汗素好
無嫌咸豐四年四月間張演汗借欠藍樹立胞叔藍世賢錢
壹百文將布衫作抵言明隨後兩相歸償六月初九日藍世
賢身穿張演汗抵欠布衫外出張演汗撞見不依致相揪扭
張演汗用指甲抓傷藍世賢下部經人勸散初十日藍樹立
攜鐵槍看稼回歸與張演汗途遇藍樹立斥其抓傷伊叔之
非張演汗不服混罵藍樹立回詈張演汗撲毆藍樹立情急
用槍嚇扎適傷其咽喉透過項頸倒地移時殞命報驗獲犯
審供不諱藍樹立合依鬪毆殺人者不問手足他物金刃並
絞律擬絞監候恭逢

恩詔金刃要害傷重不准援免仍照奏定章程酌入秋審緩決據供母老丁單是否屬實應俟秋審時照例查明取結送部核辦等因具題奉

旨藍櫬立依擬應絞著監候酌入秋審緩決餘依議欽此

同治九年秋審藍櫬立應緩決再該犯成招時據供伊母鄭氏年逾八旬家無次丁是否屬實俟飭縣查明取結勘辦

金刃要害一傷由咽喉透過項頸食氣喉俱斷
勘傷奇重業因恭逢

恩詔題明入於緩決未便再准留養記候核 照緩
不准留養

鬪殺金刃一傷臍肚透過左後肋 四川崇慶州案

一起李萬淋戮傷陳汶政身死一案將李萬淋依律擬絞等因具題奉

旨三法司核擬具奏欽此該 臣等會看得李萬淋與陳汶政素識無讎李萬淋佃種楊萬深山地付給押佃錢拾叁千文同治六年十月間李萬淋退佃楊萬深央允陳汶政招認代還押錢陳汶政當付李萬淋錢五千文餘欠屢索未給十一月初九日李萬淋攜菜刀赴場修整途遇陳汶政向索認還錢文陳汶政斥其不應攔路逼索李萬淋分辯致相罵詈陳汶政持刀撲砍李萬淋情急用刀嚇戮適傷其臍肚近左因刀尖鋒利斜透過左後肋倒地移時殞命報驗審供不諱除楊萬深擬杖外李萬淋合依鬪毆殺人者不問手足他物金刃並絞律擬絞監候秋後處決等因具題奉

李萬淋依擬應絞著監候秋後處決餘依議欽此

同治九年秋審釁起不曲一傷適斃確有抵禦急情由致命斜透不致命傷未損骨李萬淋應緩決

金刃一傷由致命臍肚斜透過左後肋勘傷甚重姑以鮮起索欠死先逞兇嚇戮究止一傷係由被砍情急抵禦所致且透過處在不致命部位與洞胸貫脇者稍覺有聞不無一綫可原記緩候核 照緩

刃斃宗室咽喉透過脊背

盛京案

一起李幅戮傷宗室他什哈身死一案將李幅依律擬斬
具題奉

旨三法司核擬具奏欽此該臣等會看得李幅與宗室他什哈同
村無嫌光緒二年七月初一日李幅持木柄扎槍赴村外看
視禾稼與他什哈路遇他什哈向李幅攔阻強借錢文李幅
未允他什哈嚷罵拔出腰掖尖刀奔砍李幅閃避用槍柄毆
傷其左臂膊他什哈揪住李幅髮辮用刀向砍李幅棄槍攔
住他什哈持刀之右手腕奪獲尖刀戮傷其左血盆帶劃傷
右乳他什哈鬆手奪刀李幅情急復用刀向戮致傷其咽喉
左透過脊背倒地立時殞命報驗審供不諱李幅合依宗室
覺羅而毆之死者斬律擬斬監候秋後處決等因具題奉
旨李幅依擬應斬著監候秋後處決餘依議欽此

火獄茸要

人命門成案下

吳

李幅

和計車馬

光緒四年秋審死本理曲逞兇刀係奪獲截由情急李幅應
緩決

致斃老人金刃二傷 四川敘永廳案

起陳海山戮傷曾冠儒身死一案將陳海山依律擬絞等因具題奉

旨三法司核擬具奏欽此該 臣等會看得陳海山與年七十二歲之曾冠儒素識無嫌陳海山故祖將田業售賣與人業內葬有祖墳並護蓄杉樹立有界址嗣經業主轉賣與曾冠儒爲業光緒元年六月二十七日曾冠儒持刀砍伐墳前杉樹陳海山瞥見斥阻曾冠儒不依嫚罵陳海山回詈曾冠儒用刀向砍陳海山奪刀劃傷其右太陽曾冠儒撲向抓扭陳海山戮傷其胸膛曾冠儒抓住陳海山衣襟拚命陳海山掙不脫身情急用刀嚇戮適傷其左乳鬆手倒地逾時殞命首驗審供不諱陳海山合依鬪毆殺人者不問手足他物金刃並絞律擬絞監候秋後處決等因具題奉

旨陳海山依擬應絞著監候秋後處決餘依議欽此

光緒三年秋審死先逞兇刀由奪獲情非欺陵陳海山應緩
決

刃斃逾七老人二傷均致命另劃一傷情傷不
輕惟死者砍伊祖塋樹株輒因理阻用刀向砍
起衅本不爲直該犯戮由抵禦刀係奪獲未後
重傷確因拚命情急所致與有意欺陵者不同
不無可原記緩候核 照緩

致斃老人刃物十傷

四川開縣案

一起劉洗幅砍傷郭仕武身死一案將劉洗幅依律擬絞等因具題奉

旨三法司核擬具奏欽此該臣等會看得劉洗幅與年七十一歲之郭仕武素識無嫌光緒元年二月二十五日夜劉洗幅路過郭仕武門首因天雨路黑進內借宿劉洗幅飢餓將桌上煮熟山豆取食郭仕武喝阻劉洗幅斥說小器郭仕武不依嫂罵劉洗幅回詈郭仕武拾鐵斧向砍劉洗幅奪斧用背毆傷其左顙頰郭仕武撲向奪斧劉洗幅用斧砍傷其額顙並連砍傷左額角郭仕武彎身拾石劉洗幅連砍傷其腦後近左右臂膊郭仕武抓住劉洗幅衣襟撞頭拚命劉洗幅掙不脫身情急用斧連砍傷其腦後劃傷項頸鬆手倒地移時殞命報驗獲犯審供不諱劉洗幅合依鬪毆殺人者不問手足

他物金刃並絞律擬絞監候秋後處決等因具題奉

旨劉沈幅依擬應絞著監候秋後處決餘依議欽此

光緒三年秋審斧刃立斃年逾七十老人頭面致命傷多且重情殊欺陵劉沈幅應情實

刃斃逾七老人九傷七致命二骨損又斧背一傷另劃二傷情傷較重雖死先向砍斧係奪自死者之手各傷俱在倒地以前未便率緩仍記候核 照實

致斃老人他物三傷

陝西府谷縣案

一起蘇二鎖仔毆傷高良雲身死一案將蘇二鎖仔依律擬絞等因具題奉

旨三法司核擬具奏欽此該 臣等會看得蘇二鎖仔與高良雲隣村無嫌光緒元年四月初五日高良雲趕驢由蘇二鎖仔地內經過蘇二鎖仔斥阻高良雲不服混罵蘇二鎖仔回詈高良雲用鐵鋤撲毆蘇二鎖仔用鐵鋤木柄將鋤格落乘勢毆傷其右顙頰右血盆高良雲彎身拾鋤蘇二鎖仔情急掉轉鐵鋤嚇毆適傷其腦後近左倒地至初八日殞命報驗審供不諱蘇二鎖仔合依鬪毆殺人者不問手足他物金刃並絞律擬絞監候秋後處決等因具題奉

旨蘇二鎖仔依擬應絞著監候秋後處決餘依議欽此

光緒三年秋審死先撲毆傷係他物蘇二鎖仔應緩決

大英律例 人命門成案下

三

蘇二鎖仔

致斃逾七老人木器二傷鐵器一傷致命骨損
傷不爲輕惟死先撲毆傷由抵禦起衅亦不爲
曲尙有可原 照緩

致斃幼孩他物一傷又膝壓一傷 河南信陽州案

一起董泳青毆傷甘其才身死一案將董泳青依律擬絞等因具題奉

旨三法司核擬具奏欽此該 臣等會看得董泳青與年十五歲之甘其才隣居無嫌光緒二年二月十五日董泳青與甘其才同在柴市拾柴甘其才將董泳青拾得碎柴拏去董泳青奪還甘其才撲毆董泳青將甘其才扭倒用膝蓋壓傷其肚腹甘其才抓住董泳青下部不放董泳青情急拾石塊嚇毆適傷其左耳根至十六日殞命報驗審供不諱董泳青合依鬪毆殺人者不問手足他物金刃並絞律擬絞監候秋後處決等因具題奉

旨董泳青依擬應絞著監候秋後處決餘依議欽此

光緒四年秋審死先撲毆手足他物二傷董泳青應緩決

人命門成案下

三

董泳青

毆斃幼孩傷均致命一骨微損勘傷不輕惟鮮起死者傷係手足他物且有被抓急情死雖尙未及歲該犯亦甫逾成童不無可原記緩候核

照緩

致斃幼孩掌毆一傷 四川雲陽縣案

一起周禾尙毆傷袁式洪身死一案將周禾尙依律擬絞等因具題奉

旨三法司核擬具奏欽此該 臣等會看得周禾尙與年甫八歲之袁式洪素識無嫌同治七年二月間周禾尙同母異父弟楊八沅賒欠袁式洪甘蔗錢二文未還十九日袁式洪撞遇楊八沅向索欠錢楊八沅央緩袁式洪不依與楊八沅抓扭周禾尙路過拉勸袁式洪斥罵幫護周禾尙回詈袁式洪彎身拾石周禾尙用掌嚇毆適傷其右後脇倒地至二十七日殞命報驗獲犯審供不諱周禾尙合依鬪毆殺人者不問手足他物金刃並絞律擬絞監候秋後處決等因具題奉

旨周禾尙依議應絞著監候秋後處決餘依議欽此

同治九年秋審衅起解勸掌毆一傷適斃並非欺陵周禾尙

大獄錄卷之四 人命門成案下

三

周禾尙

應緩決

毆斃年甫八齡幼孩情節不好惟衅起拉勸掌
毆究止一傷與實在欺陵者有間且死近一旬
稍有可原記緩候核 照緩

致斃幼孩手足二傷

直隸下川縣案

一起李振繼致傷黨定兒身死一案將李振繼依律擬絞等因具題奉

旨三法司核擬具奏欽此該部等會看得李振繼與年甫十三歲

之黨定兒素睦無嫌黨定兒與李振繼均從李振繼本生胞兄李振綱讀書同治六年八月初七日李振綱有事外出李振繼攜帶象棋至學房與同學之黨柏兒對下黨定兒在旁觀看李振繼因黨定兒功課未完恐誤向斥黨定兒不服混罵李振繼氣忿順用手掌毆傷其右太陽黨定兒辱罵李振繼復用腳踢傷其右太陽倒地磕傷額顱當即殞命報驗審供不諱李振繼合依鬪毆殺人者不問手足他物金刃並絞律擬絞監候秋後處決等因具題奉

旨李振繼依擬應絞著監候秋後處決餘依議欽此

大獄錄

卷四

人命門成案下

旨

李振繼

同治九年秋審情非欺陵傷係手足李振繼應緩決再該犯到案時據供嗣父母年俱六十七歲核計至今年均七十歲是否屬實應否留養飭縣查明訊取供結另行核辦

致斃年甫十三幼孩究止手足二傷起衅亦不為曲與恃長欺陵者不同尙可原緩記候核
准其留養

致斃婦女金刃五傷 四川郫縣案

一起李庭選致傷雷氏身死一案將李庭選依律擬絞等因具題奉

旨三法司核擬具奏欽此該 臣 等會看得李庭選與雷氏無嫌雷氏係李庭選妻妹同治五年八月間雷氏承佃李庭選田房年納租米四石六年分應納租米屢索未給七年二月初五日李庭選見雷氏在業內砍取柏枝斥其欠租不還躑躅樹木欲令退佃搬遷雷氏不依嫚罵李庭選回詈雷氏用刀割傷李庭選左手大指李庭選奪刀砍傷其右手腕帶割傷右手背雷氏撲向抓扭李庭選戳傷其左額額左額角雷氏奪刀被刀尖割傷右手大指左手心李庭選戳傷其人中雷氏揪住李庭選胸襟稱欲拚命李庭選掙不脫身情急用刀嚇砍適傷其左太陽連左耳鬆手倒地至初六日殞命報驗審

大獄詳臣 李庭選 人命門成案下

三

李庭選

供不諱李庭選合依鬪毆殺人者不問手足他物金刃並絞律擬絞監候秋後處決等因具題奉

旨李庭選依擬應絞著監候秋後處決餘依議欽此

同治九年秋審覺起不曲身先受傷刀係奪獲各傷均由抵禦情急並非欺陵李庭選應緩決

致斃婦女金刃五傷二致命二骨損大半在頭面處所另劃三傷情傷較重雖死者欠租無償不允退佃理不爲直該犯身先受傷砍戮均由抵禦重傷係由被揪拚命情急所致刀亦奪自死者之手似未便率行議緩記候核 改實

致斃婦女他物十三傷又手足五傷 山西應州案

一起李作善致傷李氏身死一案將李作善依律擬絞等因具
題奉

旨三法司核擬具奏欽此該 臣 等會看得李作善與李氏隣居無
嫌同治五年五月間李作善因修理院牆將李氏屋後走道
侵佔一尺經李氏之子王有控州斷令拆毀照舊基另築完
案六月初六日李作善攜鐵鋤赴地工作路經王有地邊見
李氏在地拔草觸起前嫌心懷不甘向李氏理論李氏不服
混罵李作善回詈李氏撲毆李作善棄鋤用拳毆傷其偏右
並抓傷咽喉左臂膊李氏攏揪李作善胸衣李作善用腳連
踢傷其左肋臍肚李氏彎身拾鋤李作善將鋤拾獲李氏奪
鋤李作善用鋤連毆傷其左血盆連左肩甲並疊毆傷胸膛
連心坎李氏閃避致鋤打在樹上木柄斷折李氏用頭向撞

李作善用斷鋤柄連戳傷其右頤頰連右領頰下部倒地擦傷脊背王有瞥見幫護被李作善用手抓傷項頸李氏至初七日殞命報驗審供不諱王有傷經平復李作善合依鬪毆殺人者不問手足他物金刃並絞律擬絞監候秋後處決等因具題奉

旨李作善依擬應絞著監候秋後處決餘依議欽此

同治九年秋審死先撲毆傷由抵禦尙無欺陵情事李作善應緩決

挾其子控告之嫌遷怒致斃其母鐵器五傷一致命重迭腳踢拳毆五傷三致命另抓傷五道又木器連毆二處一處周圍四傷一處戳傷四點死係徒手婦女復另傷其子情節不好姑以死先撲毆他物傷無損折餘傷均係手足且係

在倒地以前另傷其子係屬輕罪稍有可原記
緩候核 改實

命門成案下

官

李作善

被蔽搭住婦女咽喉推按牆上氣閉殞命

直隸涿州案

一起張六十兒搭傷林氏身死一案將張六十兒依律擬絞等

因具題奉

旨三法司核擬具奏欽此該臣等會看得張六十兒與林氏同村

無嫌林氏有地二畝當與張六十兒承種嗣林氏備價回贖張六十兒因已種植麥禾未允林氏不依經人說合令林氏還給張六十兒麥糧籽種將地贖回完事同治六年五月閒林氏因無食用憶及張六十兒之母李氏忠厚可欺攜棍找向李氏訛索聲言前借麥種必須歸還李氏分辯致相爭吵林氏用棍毆傷李氏額顱控驗差傳六月初三日林氏嗔控飲醉復至李氏家斥罵不應將其控告並揪住李氏撞頭拚命適張六十兒外回瞥見攔勸林氏將李氏鬆放蔽住張六十兒右手腕張六十兒被蔽情急用左手搭住其咽喉推按

牆上林氏鬆口張六十兒放手林氏倒地立時氣閉殞命報
驗審供不諱張六十兒合依鬪毆殺人者不問手足他物金
刃並絞律擬絞監候秋後處決等因具題奉

旨張六十兒依擬應絞著監候秋後處決餘依議欽此

同治九年秋審死者理曲搭由情急張六十兒應緩決

搭住婦女咽喉推按牆上立斃其命情節不好
惟衅起死者理曲訛索先將伊母毆傷嗣復倚
醉登門辱罵並揪住伊母撞頭拚命該犯情因
護母搭由被齧情急所致稍有可原記緩候核

照緩

推跌婦女蕘傷身死 四川東鄉縣案

一起李得澍推跌王氏身死一案將李得澍依律擬絞等因具題奉

旨三法司核擬具奏欽此該 臣等會看得李得澍與王氏同院無嫌光緒二年二月二十一日李得澍與王氏縫補衣服王氏未允李得澍斥說薄情王氏混罵李得澍回言王氏抓住李得澍衣襟欲毆李得澍情急用手向推王氏站立不穩鬆手仰跌倒地被石坎蕘傷腦後脊背連左右脊膂左右後肋連左右腰眼至二十二日殞命報驗審供不諱李得澍合依鬪毆殺人者不問手足他物金刃並絞律擬絞監候秋後處決等因具題奉

旨李得澍依擬應絞著監候秋後處決餘依議欽此

光緒四年秋審推因被抓死由於跌情非欺陵李得澍應緩

和詩車馬

決

三

致斃祖妾 山東新泰縣案

一起朱小訓砍傷祖妾張氏身死一案將朱小訓比律擬絞並聲明祖老丁單等因具題奉

旨三法司核擬具奏欽此該 臣等會看得朱小訓與祖妾張氏同居分爨素睦無嫌張氏並未生有子女同治三年六月初七日張氏在院曬晾糧米被朱小訓之母王氏雞隻踐食張氏斥說王氏不爲照管王氏分辯致相罵詈張氏將王氏揪跌倒地適朱小訓攜刀由地回歸瞥見上前救護用刀扎傷張氏左手腕右手背透過右手手心張氏撲壓王氏身上張口欲齧朱小訓用刀砍傷張氏腦後帶劃傷左耳根張氏起身向朱小訓撞頭拚命朱小訓情急用刀嚇砍致傷其頂心偏左帶劃傷左額角倒地移時殞命報驗獲犯審供不諱查張氏係朱小訓未生子女之祖妾朱小訓將其致斃例無治罪明

文自應比律問擬除王氏擬杖收贖外朱小訓應比依子毆父妾至死者絞律擬絞監候秋後處決據供祖父年老有子尙未成丁是否屬實應俟秋審時照例查明取結送部核辦等因具題奉

旨朱小訓依擬應絞著監候秋後處決餘依議欽此

同治九年秋審釁起救母傷由抵禦尙無欺陵情事朱小訓應緩決再該犯成招時據供伊祖朱京樂年逾七旬家無次丁是否屬實俟飭縣查明取結勘辦

致斃未生子女之祖妾金刃五傷三致命三骨損一由手心透過手背骨折另劃二傷情傷均重姑以先砍各傷衅起護母末後二傷確由被撞拚命情急所致稍有一綫可原記緩應不准其留養仍候核 改實

致斃大功兄妻 山東武城縣案

一起張淮毆傷馬氏身死一案將張淮依律擬絞並聲明親老丁單等因具題奉

旨三法司核擬具奏欽此該 臣 等會看得張淮與馬氏分爨無嫌馬氏之夫本係張淮胞兄因其夫出繼降服大功光緒元年二月初四日張淮因公其大門破壞向馬氏商議公修馬氏無錢回覆並斥說多事張淮分辯馬氏混罵張淮回詈馬氏撲毆張淮順取門旁鐵鍬毆傷其左額角連左太陽馬氏撞頭拚命張淮情急用鐵鍬毆傷其頂心連偏左倒地移時殞命報驗審供不諱張淮合依弟毆兄妻死者依凡人論鬪殺者絞律擬絞監候秋後處決據供父老丁單是否屬實應俟秋審時照例查明取結送部核辦等因具題奉

旨張淮依擬應絞著監候秋後處決餘依議欽此

光緒三年秋審死先撲毆傷由抵禦尙無欺陵情事張淮應緩決再該犯成招時據供伊父張如沛年逾七旬家無次丁茲據該縣差傳犯屬屍親地鄰人等訊明該犯之父張如沛現年實係未及七十毋庸查辦等情由司具詳除飭查明犯父究竟現年若干歲另行詳辦外合併陳明

致斃徒手大功兒妻鐵器二傷均在頭面一骨損情傷不輕惟死先撲毆鏹不用刃確有抵禦急情與欺陵有閒尙可原緩結到並准留養記

候核 照緩

致斃總麻兄妻

山東濰縣案

一起于暎濳扎傷總麻兄妻潘氏身死一案將于暎濳依律擬絞等因具題奉

旨三法司核擬具奏欽此該 等會看得于暎濳與總麻兄妻潘

氏素睦無嫌彼此場園毘連中隔族人于樂曾家墓道同治六年六月開潘氏之夫于景朱在場蓋屋誤佔墓道尺餘七月二十五日于樂曾查知央于暎濳往向于景朱索退佔地于景朱斥說多管于暎濳分辯致相罵詈于景朱拏防夜撥刀槍撲扎于暎濳奪槍扎傷于景朱左顙頰劃傷左手腕潘氏持木棍趕出幫護于暎濳用槍扎傷其左肋右乳潘氏用棍向毆于暎濳情急用槍扎傷其肚腹倒地于景朱弟婦張氏並張氏之子于小送揪住于暎濳衣服不依于暎濳之子于小緒趨護接槍將于小送扎傷並用槍桿將張氏毆傷潘

氏移時殞命報驗審供不諱于景朱等傷均平復除于小緒
緝獲另結外于曠濫合依鬪大功以下兄妻以凡論鬪殺者
絞律擬絞監候秋後處決等因具題奉

旨于曠濫依擬應絞著監候秋後處決餘依議欽此

同治九年秋審死非徒手扎有急情尙無欺陵情狀卽月傷
其夫亦屬輕罪不議于曠濫應緩決

先將總麻兄扎傷因總兄妻攏護致死其命金
刃三傷二致命一骨損一透內腸出情傷較重
姑以衅起不出扎由情急抵禦所致死者並非
徒手至另傷總麻兄究屬輕罪稍有可原記緩
候核 照緩

致斃弟妻 河南唐縣案

一起張百玲砍傷李氏身死一案將張百玲依律擬絞等因具題奉

旨三法司核擬具奏欽此該臣等會看得張百玲與李氏同居素睦李氏係張百玲胞弟張百川之妻光緒元年四月二十二日張百玲工作回歸因飯未熟向妻粟氏村斥李氏因粟氏爲伊有事遲緩聽聞不依張百玲斥說多管李氏不服辱罵張百玲回詈李氏拾柴棒撲毆張百玲取菜刀砍傷李氏左手食指右手腕將棒格落李氏彎身拾棒張百玲砍傷其脊背左臂膊李氏撞頭拚命張百玲情急用刀嚇砍適傷其右額角連右眉倒地至二十三日殞命報驗審供不諱張百玲合依兄毆弟妻至死依凡論鬪毆殺人者不問手足他物金刃並絞律擬絞監候秋後處決等因具題奉

旨張百玲依擬應絞著監候秋後處決餘依議欽此

光緒三年秋審死先撲毆傷由抵禦張百玲應緩決

刀斃弟妻五傷二致命二骨損勘傷不輕惟死者先經辱詈夫兄並持棒撲毆理不爲直該犯先砍二傷均在不致命處所未後重傷亦由被撞情急所致且衅起口角與有意欺陵不同無可原記緩候核 照緩

瞽目致斃瞽目 廣東順德縣案

一起黎亞遠砍傷周亞求身死一案將黎亞遠依律擬絞等因具題奉

旨三法司核擬具奏欽此該 臣等會看得黎亞遠與周亞求素好無嫌均雙目俱瞽賃屋同住同治七年三月間周亞求代黎亞遠贖付房租銀一錢六分屢索未償十月初八日黎亞遠持刀批削引路竹杖周亞求向索前欠黎亞遠央緩周亞求不依斥罵並舉拳向毆黎亞遠用刀砍傷其左肩甲胸膈周亞求掌批黎亞遠右頤頰未傷黎亞遠砍傷其右乳右脇膊周亞求彎身揸住黎亞遠下部黎亞遠劃傷其項頸周亞求用力很揸黎亞遠負痛又用刀砍傷其左後肋鬆手倒地至初九日殞命報驗獲犯審供不諱黎亞遠合依鬪毆殺人者不問手足他物金刃並絞律擬絞監候秋後處決等因具題

奉

旨黎亞遠依擬應絞著監候秋後處決餘依議欽此

同治九年秋審砍由被搶情急惟兩比俱係雙瞽情無可矜
黎亞遠應緩決

兩比均係雙瞽該犯負欠金刃五傷二致命一
骨損一透內另劃一傷勘傷不輕惟死先向毆
各傷均由抵禦且身亦受傷負欠並非昧賴尚
可原緩記候核 照緩

僧人糾眾共毆斃命復致糾往之人放火燒斃死者之妻

與子女並雇婦 安徽霍邱縣案

一起嵐洗等共毆姚三淋身死一案將嵐洗依律擬絞等因具奏奉

旨刑部議奏欽此該 臣等議得僧嵐洗與姚三淋素識無嫌嵐洗自幼出家蓮花寺為僧該寺有田二十八石種坐落姚三淋莊前嵐洗避賊外出同治三年回寺查知田被姚三淋霸佔當招尙蝦屎王良正王良友佃種屢向姚三淋索田姚三淋強霸不讓四年六月間嵐洗控縣差傳未到姚三淋挾嫌邀人尋毆尙蝦屎風聞向嵐洗告知嵐洗起意先捉送官令尙蝦屎轉邀尙輪元時正興孫小又自糾允俗家胞兄張顯曾張顯思張顯明並王良正王良友一其十人十六日夜嵐洗等分攜刀棍徒手不等尙蝦屎攜火把照亮齊抵姚三淋門

首喊捉姚三淋從門竄放鎗尙蝦屎起意燒屋使姚三淋走出捉拏當用火把燃著草屋登時火起延燒入內姚三淋衝出逃走尙蝦屎拔刀跟追扎傷其脊背嵐洗趕上用刀扎傷其右肋倒地旋卽殞命嵐光等各白逃逸姚三淋幼子姚貴致幼女姚孩致當各被火燒斃其妻周氏同雇婦鄒氏均被燒傷逃出先後殞命報驗獲犯審供不諱查姚三淋身受各傷惟後被嵐洗扎傷右肋爲重其於尙蝦屎臨時放火並未預謀仍按共毆本律應以擬抵除放火致死一家三命以上罪應斬梟之尙蝦屎病故仍戮屍梟示王良正等緝獲另結外嵐洗合依同謀共毆人致死下手致命傷重者絞律擬絞監候秋後處決等因具奏奉

旨依議欽此

同治九年秋審除尙蝦屎病故戮屍示眾外該犯糾捉拏覺

致釀四命又自刃斃一命僧嵐沈憊情實

查聚眾共毆致斃一家三命以上之案例應斬決尋常共毆致斃四命以上之案秋審亦俱入情實此起僧人挾嫌糾夥十人共毆斃命復致糾往之人放火燒房將死者之妻與子女並雇婦四人一併焚斃情節綦重定案時以該犯並未商謀放火不照聚眾共毆例定擬聲明放火致死一家三命以上之犯病故戮屍梟示將該犯仍照共毆本律問擬秋讞衡情卽以尋常共毆而論業已致斃五命亦係例應入實之案自難不實記候核 照實

毛誠車夏
免

三

姦匪妒姦致斃姦匪金刃四傷 四川南川縣案

一起李詳禧致傷張青鍾身死一案將李詳禧依律擬絞等因具題奉

旨三法司核擬具奏欽此該 臣 等會看得李詳禧與張青鍾同村無嫌先後與鄰婦余氏通姦彼此均不知情光緒元年八月閒張青鍾正與余氏在房說笑李詳禧踵至張青鍾跑走李詳禧向余氏詢悉姦情稱欲找尋張青鍾不依經余氏勸散十七日李詳禧路遇張青鍾斥其不應與余氏通姦張青鍾不服嫚罵李詳禧回詈張青鍾拔刀向砍李詳禧奪刀砍傷其左耳根連左顙頰張青鍾彎身拾石李詳禧砍傷其腦後張青鍾抓住李詳禧胸襟拚命李詳禧掙不脫身情急用刀嚇戮致傷其額顙連左額角咽喉鬆手倒地移時殞命報驗獲犯審供不諱除余氏擬以枷杖援免並免收贖給屬

人命門成案下

李詳禧

領回聽其去留外李詳禧合依鬪毆殺人者不問手足他物金刃並絞律擬絞監候秋後處決等因具題奉

旨李詳禧依擬應絞著監候秋後處決餘依議欽此

光緒四年秋審姦匪妒姦致斃姦匪金刃傷多且重法無可貸李詳禧應情實

姦匪妒姦斃命金刃四傷均頭面致命一骨損二骨微損一要害透內氣噪斷情傷均重雖死亦姦匪先向逞凶該犯刀係奪獲戮由抵禦要害傷尙未爲奇重究難率緩記候核 照實

姦匪妒姦致斃姦匪拳毆二傷金刃要害一傷

江西德興

縣案

一起王兆然致傷王紹侏身死一案將王兆然依律擬絞等因具題奉

旨三法司核擬具奏欽此該臣等會看得王兆然與無服族弟王紹侏素好無嫌均與族人王樟根往來王樟根之妻吳氏見面不避王兆然乘閒與吳氏通姦王紹侏亦與吳氏姦好吳氏之姑董氏貪利縱容王樟根並不知情同治十三年十月初二日夜王樟根出外未回王紹侏與吳氏在房並坐談笑王兆然踵至撞遇王紹侏向王兆然斥罵王兆然回詈往外跑走王紹侏趕上揪扭王兆然用拳毆傷王紹侏右太陽王紹侏低頭向撞王兆然用拳毆傷其腦後王紹侏取尖刀向戳王兆然奪刀過手王紹侏奪刀王兆然舉刀嚇戳適傷其

人命門成案下

三

王兆然

咽喉倒地移時殞命王兆然起意移屍滅跡嚇禁董氏不許
聲張邀允族人王大信幫同將屍身擡至門外丟棄逃逸報
驗獲犯審供不諱除王大信等分別擬以枷杖均援免外王
兆然合依同姓服盡親屬相毆至死以凡論鬪殺者絞律擬
絞監候秋後處決事犯在

恩旨

恩詔以前係刃傷要害奇重不准援減援免應照奏定章程酌入
秋審緩決辦理等因具題奉

旨王兆然依擬應絞著監候酌入秋審緩決餘依議欽此
光緒三年秋審王兆然應緩決

姦匪妒姦致斃姦匪他物五傷脚踢一傷 四川安縣案

一起彭綱字致傷唐思友身死一案將彭綱字依律擬絞等因具題奉

旨三法司核擬具奏欽此該 臣 等會看得彭綱字與唐思友素識

無嫌彭綱字與楊怔濼鄰居往來楊怔濼之妻蕭氏見面不避同治六年九月間彭綱字乘閒與蕭氏通姦嗣唐思友亦與蕭氏姦好楊怔濼均不知情十一月二十六日蕭氏在竹林內檢柴唐思友走至與蕭氏續姦彭綱字路過撞見斥說唐思友不應與蕭氏姦好唐思友不依嫚罵彭綱字回詈唐思友拔刀砍傷彭綱字左手大指彭綱字奪刀用背毆傷其右血盆連右肩甲右胎膊唐思友彎身拾石彭綱字用刀背毆傷其項頸唐思友拾石將刀格落彭綱字奪石毆傷其胸膻右肋唐思友搥頭拚命彭綱字情急用脚嚇踢適傷其臍

大快尋身 命門成素下

三

彭綱字

言車馬三
名
肚倒地移時殞命報驗審供不諱除蕭氏擬以杖決枷贖給
屬領回聽本夫去留外彭幗宇合依關毆殺人者不問手足
他物金刃並絞律擬絞監候秋後處決等因具題奉

旨彭幗宇依擬應絞著監候秋後處決餘依議欽此

同治九年秋審釁雖因姦身先被砍傷無損折死亦姦匪彭
幗宇應緩決

姦匪妒姦致斃姦匪刀背三傷石塊二傷一致
命又腳踢致命一傷情傷不輕惟身先受傷各
傷均由抵禦亦無損折重情刀石均奪自死者
之手尚可原緩記候核 照緩

姦匪爭姦致斃姦匪他物八傷

山西徐溝縣案

一起牛三城毆傷薛臭蠻身死一案將牛三城依律擬絞等因具題奉

旨三法司核擬具奏欽此該臣等會看得牛三城與薛臭蠻素好

無嫌牛三城並潘連魁均與韓三蠻同村往來韓三蠻之妻趙氏習見不避牛三城潘連魁先後與趙氏通姦韓三蠻並不知情同治六年五月間韓三蠻病故薛臭蠻前往幫忙亦與趙氏姦好嗣牛三城等三人均在趙氏家撞遇詢知俱有姦情說明各不避忌輪流住宿八月十八日夜牛三城與薛臭蠻先後至趙氏家薛臭蠻因數日不至欲牛三城讓其住宿牛三城不允薛臭蠻在炕躡臥不走牛三城與趙氏同坐一夜十九日早趙氏赴街買米薛臭蠻起身斥罵牛三城將趙氏獨霸牛三城回詈薛臭蠻拏資梳向擲牛三城閃避薛

禾詞申
一
二
臭蠻拏鐵鋏撲毆牛三城將鐵奪獲薛臭蠻彎身拾取鐵通條牛三城用鐵毆傷其偏左薛臭蠻用拳撲毆牛三城毆傷其頂心薛臭蠻倒地滾罵牛三城棄鐵拾木棒疊毆傷其左肩甲連胎膊肱于腕左臂膊連肱肘手腕薛臭蠻用腳亂蹬牛三城又用棒毆傷其左膝並疊毆傷左腿左膝肋連腳腕右膝肋至二十日殞命報驗審供不諱除潘連魁等擬以枷杖趙氏杖決枷贖給屬領回聽其去留外牛三城合依鬪毆殺人者不問手足他物金刃並絞律擬絞監候秋後處決等因具題奉

旨牛三城依擬應絞著監候秋後處決餘依議欽此

同治九年秋審傷皆他物死亦姦匪牛三城應緩決

姦匪爭姦斃命鐵器致命二傷倒地後又木器六傷五重迭相連成片一骨微損毆情較凶姑

以死先擲毆該犯先毆各傷係由奪欵抵禦末
後重迭各傷均在肢體不致命處所且死亦姦
匪稍有可原記緩候核 照緩

姦匪毆姦匪毆死非所欲毆之平人

湖南瀏陽縣案

一起周貫鈺毆傷饒僖眇身死一案將周貫鈺依律擬絞等因具題奉

旨三法司核擬具奏欽此該臣等會看得周貫鈺卽周沈冕與饒僖眇素不認識周貫鈺係捐納監生饒僖眇在周貫鈺素識之尙德豐首飾店幫夥尙德豐與周貫鈺族人周青湘孫媳徐氏通姦周貫鈺亦與周青湘孫女二妹子姦好彼此曾經撞遇周青湘與子周建勳知情縱容嗣尙德豐因向周貫鈺借錢未允屢次用言譏誚並稱日後必使周貫鈺出醜周貫鈺聽聞氣忿往尋尙德豐理論未遇光緒元年四月初九日夜饒僖眇同尙德豐在周青湘家客房牀上吸食洋煙尙德豐有事他往饒僖眇躡睡熟周貫鈺踵至與周青湘在客房隔壁屋內閒談聽聞客房軒聲向周青湘查問周青湘答

係尙德豐銀匠周貫鉦誤爲尙德豐本人起意將其毆打洩忿卽往向斥罵並用旱煙袋鐵頭向毆致傷饒信吟顛門饒信吟驚起不依周貫鉦認錯饒信吟撲毆周貫鉦情急用煙袋鐵頭嚇毆適傷其頂心倒地逾時殞命周貫鉦畏罪商允周青湘周建勳其將屍身擡放塘邊假裝溺斃尙德豐聞知慮恐報官受累買棺裝殮捏稱病故倩人擡埋報驗獲犯革審屍子饒選良痛父情切卽以凶確案懸等情控司控院並添砌情節來京赴步軍統領衙門具控咨交審擬供認不諱除周青湘等分別擬以枷杖周青湘年逾七十照例收贖徐氏周二妹子援免並免收贖外周貫鉦卽周洗冕合依鬪毆殺人者不問手足他物金刃並絞律擬絞監候秋後處決等因具題奉

旨周貫鉦卽周洗冕依擬應絞著監候秋後處決餘依議欽此

光緒四年秋審粵非爭姦死非欲毆之人傷係他物毆有急
情周貫鈺卽周沈冕應緩決

大清律例
刑部
人命門成案下

三

周貫鈺

竊匪刃斃非應捕人 江蘇沭陽縣案

一起陳淮行戮傷徐阿大身死一案將陳淮行依律擬絞等因具題奉

旨三法司核擬具奏欽此該 臣等會看得陳淮行與徐阿大素不認識光緒元年六月初二日陳淮行趁船過江意欲投營當勇天晚停泊登岸有不知姓名船客將衣包放在岸上復回船取物陳淮行因乏路費乘閒將衣包攜走船夥楊春喜瞥見將賊奪獲給還揪住陳淮行髮辮陳淮行拔刀戮傷楊春喜右腿鬆手滾跌落河徐阿大路過趕攏將陳淮行扯住陳淮行情急圖脫用刀戮傷其咽喉劃傷胸臆連心坎鬆手倒地陳淮行逃跑船戶王鶴雨等喊捕該處地保聞鬧邀同村人費汶淋等幫捕陳淮行用刀戮傷費汶淋右肋當被拏獲徐阿大移時殞命報驗審供不諱楊春喜等傷經平復查陳

火賊草草

人命門成案下

陳淮行

淮行雖係行竊罪人惟徐阿大並無應捕之責陳淮行將其
致斃應仍按本律問擬陳淮行合依鬪毆殺人者不問手足
他物金刃並絞律擬絞監候秋後處決等因具題奉

旨陳淮行依擬應絞著監候秋後處決餘依議欽此

光緒三年秋審截出被扭圖脫死非應捕之人陳淮行應緩
決

竊匪刃斃路過攏擊之人要害一傷深透食氣
喉俱破另劃一傷又另傷二人定案時因死非
應捕不得不照鬪殺定擬惟該犯斃命實有凶
暴情狀其另傷一係船夥殆與事主雇工無異
一係地保糾往之人亦與捕人相似未便以被
扭情急要害尚非奇重另傷係屬輕罪等詞爲
解仍記候核 改實

姦匪因姦尋衅遷怒致斃姦婦 奉天案

一起王生毆傷白氏身死一案將王生依律擬絞等因具題奉旨三法司核擬具奏欽此該_臣等會看得王生與白氏同屯居住見面不避嗣王生乘閒與白氏通姦白氏之姑老白氏並夫李玉功子李慶付均不知情同治七年六月初十日夜李玉功出外未歸李慶付與老白氏另屋就寢王生往與白氏續姦事畢開門外走李慶付聽聞疑係竊賊手攜木棒出看見王生從中屋走出窺破姦情氣忿追遂用棒毆傷王生腦後王生逃逸十一日王生憶及姦情已被李慶付看破日後難以續舊起意往向尋鬧使其畏懼不敢阻止攜木棒至李慶付院內指名嚷罵白氏出勸王生斥護用棒毆傷其髮際白氏哭罵抓毆王生用棒毆傷其顙門偏左倒地老白氏趕出不依被王生用棒毆傷偏右李慶付趨出用刀砍傷王生左

右脊脊背右肋右臂膊王生棄棒奪刀砍傷李慶付項頸
胸膛李慶付拾棒毆傷王生顙門右臙肋王生又砍傷李慶
付脊背左臂膊白氏逾時殞命報驗審供不諱老白氏等傷
均平復除李慶付律得勿論外王生合依鬪毆殺人者不問
手足他物金刃並絞律擬絞監候秋後處決等因具題奉

旨王生依擬應絞著監候秋後處決餘依議欽此

同治九年秋審因姦尋釁致斃姦婦又刃傷其子並毆傷逾
八之姑情凶勢惡王生應情實

姦匪致斃姦婦之案如情傷稍輕及衅起別故
者原可人緩此起與死者通姦因被其子窺破
慮恐日後難以續姦起意登門尋鬪冀使畏避
不敢阻止經死者出勸遷怒逞凶毆斃其命木
器頭面三傷二致命骨損一骨微損另傷其子

並其瞽目之姑情殊淫凶雖死非悔過拒絕各
傷均係他物未便率緩 照實

姦匪非因姦起釁致斃姦婦 山西長甯縣案

一起潘汶節致傷賴氏身死一案將潘汶節依律擬絞等因具
題奉

旨三法司核擬具奏欽此該 臣 等會看得潘汶節與賴氏素無嫌
隙潘汶節受雇與賴氏之夫陳玉詳家砍柴與陳玉詳同坐
其食平等稱呼並無主僕名分賴氏見面不避嗣潘汶節乘
閒與賴氏通姦陳玉詳先不知情後陳玉詳向賴氏盤出姦
情欲將潘汶節辭逐潘汶節情願不要工錢幫同砍柴陳玉
詳亦即縱容同治七年正月間賴氏囑潘汶節代買布褂潘
汶節許俟有錢買給初十日潘汶節攜刀在山砍柴適賴氏
路過向潘汶節索討布褂潘汶節無錢央緩賴氏斥罵薄情
潘汶節分辯致相爭鬧賴氏舉拳撲毆潘汶節閃側用刀戳
傷其左額角並帶傷左額角近下賴氏撞頭拚命潘汶節用

刀嚇砍適傷其腦後倒地移時殞命潘汶節畏罪起意棄屍滅跡將屍背棄山坑逃避報驗獲犯審供不諱除陳玉詳擬以枷杖外潘汶節合依先經和姦後因別故將被姦之人殺死仍照本律定擬例鬪殺者絞律擬絞監候秋後處決等因具題奉

旨潘汶節依擬應絞著監候秋後處決餘依議欽此

同治九年秋審衅非因姦傷由抵禦潘汶節應緩決

姦通並無名分雇主之妻復刃斃其命頭面致命二傷一骨損一骨微損又帶傷一處情傷較重姑以死者囑伊代買布褂無給爭鬧起衅並非因姦該犯各傷均由抵禦且在倒地以前至事後棄屍係由畏罪起見向不以之加重稍有可原記緩候核 照緩

姦匪非因姦起釁致斃姦婦 山東濰縣案

一起王押憶扎傷柳氏身死一案將王押憶依律擬絞等因具題奉

旨三法司核擬具奏欽此該 臣等會看得王押憶與柳氏同莊無嫌王押憶平日在外遊蕩並不寄資養親與柳氏之夫田秀飽時相往來柳氏見面不避王押憶乘閒與柳氏通姦嗣田秀飽族兄田秀和亦與柳氏姦好彼此均無避忌田秀飽俱不知情同治七年正月初八日田秀飽外出趕集王押憶與田秀和同赴柳氏家飲酒柳氏向王押憶田秀和各借錢四千田秀和回家取錢王押憶無錢回覆柳氏斥說薄情王押憶分辯致相罵詈柳氏撲毆王押憶用手指抓傷柳氏額顛並拔身帶小刀扎傷其左膀柳氏撞頭拚命王押憶情急又用刀扎傷其項頸髮際帶劃傷偏左倒地磕傷左脊脊連左

後册移時殞命報驗審供不諱除田秀和擬以枷杖外王押憶合依鬪毆殺人者不問手足他物金刃並絞律擬絞監候秋後處決據供父老丁單惟係遊蕩忘親毋庸查辦留養等因具題奉

旨王押憶依擬應絞著監候秋後處決餘依議欽此

同治九年秋審釁非伊肇扎有急情死係索錢無恥姦婦亦無欺陵情事王押憶應緩決

姦匪致斃姦婦金刃三傷一骨損另劃一傷又
抓傷二道情傷不輕惟死者索錢無恥扎由被
毆被撞情急抵禦所致刃傷均在不致命處所
尚可原緩記候核 照緩

乞丐毆斃人命 山西平遙縣案

一起李穩按則毆傷任有直身死一案將李穩按則依律擬絞等因具題奉

旨三法司核擬具奏欽此該臣等會看得李穩按則與任有直同村無嫌李穩按則乞食度日同治七年二月初七日李穩按則至任有直門首乞食任有直不給稱欲攆逐李穩按則斥其薄情任有直混罵李穩按則回詈任有直取鐵錘撲毆李穩按則奪錘毆傷其左眉左額頰連左耳輪並連毆傷左額頰任有直撞頭拚命李穩按則又用錘毆傷其頂心偏左額顛倒地移時殞命報驗審供不諱李穩按則合依鬪毆殺人者不問手足他物金刃並絞律擬絞監候秋後處決等因具題奉

旨李穩按則依擬應絞著監候秋後處決餘依議欽此

李穩按則

同治九年秋審械係奪獲毆由抵禦李穩按則應緩決

丐匪乞食無給逞凶致斃其命鐵器頭面七傷
三致命三骨損情傷均重雖死先向毆錘係奪
獲各傷均由抵禦且在倒地以前亦難率緩

改實

乞丐共毆斃命餘人起意棄屍滅跡 四川安縣案

一起盧長娃等共毆易紹滢身死一案將盧長娃依律擬絞等
因其題奉

旨三法司核擬具奏欽此該 臣 等會看得盧長娃與易紹滢素識
無讐盧長娃求乞度日同治六年五月十五日夜盧長娃與
楊秋娃乞食轉回同至易紹滢門外歇宿易紹滢瞥見斥逐
盧長娃等不走易紹滢不依嫚罵盧長娃回詈易紹滢撲向
抓毆盧長娃順攜柴棒毆傷其左脅膊易紹滢奪棒楊秋娃
攜棒毆傷其右脅膊右後肋易紹滢抓住楊秋娃髮辮按
盧長娃恐楊秋娃受虧情急用棒嚇毆適傷其左脊脊腦後
鬆手倒地王官義趨勸無及向易紹滢詢悉情由易紹滢移
時殞命王官義稱欲報驗盧長娃嚇禁聲張王官義畏累走
散楊秋娃畏罪起意棄屍滅跡商同盧長娃將屍身擡至河

火獸尋更

卷四

人命同

七

盧長娃

才詞車馬
邊丟棄被水衝失訪聞獲犯打撈屍身無獲審供不諱查易
紹滌身受各傷惟後被盧長娃毆傷左脊膂等處爲重應以
擬抵易紹滌屍身雖未撈獲無從相驗惟既據王官義供證
確鑿應卽據供定擬除楊秋娃依棄屍爲首律擬流外盧長
娃合依共毆人致死下手致命傷重者絞律擬絞監候秋後
處決等因具題奉

旨盧長娃依擬應絞著監候秋後處決餘依議欽此

同治九年秋審毆非預糾傷係他物其聽從棄屍滅跡係畏
罪常情盧長娃應緩決

丐匪二人夜至死者門外歇宿因死者向伊驅
逐輒共毆致斃其命該犯於餘人毆有多傷後
棒毆二傷均致命死係徒手復棄屍河內致被
漂失情節不好姑以毆非預糾傷係他物其棄

屍滅跡係因畏罪起見且並非該犯起意稍有
可原記緩候核 照緩

乞匪挾嫌糾毆斃命

四川中江縣案

一起廖躡仔等共毆彭定幫身死一案將廖躡仔依律擬絞等因具題奉

旨三法司核擬具奏欽此該臣等會看得廖躡仔與彭定幫素識無嫌廖躡仔求乞度日光緒二年九月間廖躡仔竊人雞隻彭定幫瞥見喊叫事主知覺扭獲廖躡仔毆打掙逃十月初四日廖躡仔與丐夥何娃兒林三娃般二娃同路求乞告知前情邀允何娃兒等將彭定幫毆打洩忿卽於是日分攜刀械尋見彭定幫廖躡仔斥其不應管人間事彭定幫不服嫚罵廖躡仔回詈何娃兒拔刀戳傷其右肱肘彭定幫撲向何娃兒抓扭廖躡仔用木棒毆傷其右臂膊彭定幫奪棒何娃兒劃傷其腦後彭定幫扭住廖躡仔衣襟搥頭拚命廖躡仔掙不脫身情急用棒嚇毆適傷其額顱鬆手倒地擦傷右臙

火獸尋要

卷四

人命門成案下

三

廖躡仔

朋林三娃殷二娃後至未經動手彭定幫移時殞命廖躡仔畏罪起意棄屍滅跡用石板細繫屍身令林三娃殷二娃擡棄塘內逃逸經人瞥見屍身報驗獲犯審供不諱查彭定幫身受各傷惟後被廖躡仔毆傷額顱爲重應以擬抵除林三娃依棄屍爲從律何娃兒依刃傷人律均擬徒殷二娃病故外廖躡仔合依同謀共毆人致死下手致命傷重者絞律擬絞監候秋後處決等因具題奉

旨廖躡仔依擬應絞著監候秋後處決餘依議欽此

光緒四年秋審毆雖預糾傷係他物其棄屍滅跡係畏罪常情廖躡仔應緩決

丐匪因竊糾毆斃命復棄屍滅跡情節較重惟死者究非應捕木器僅止二傷有被毆抵禦急情事後棄屍係畏罪起見向不以之加重且一

犯提禁病故命已有抵稍有可原記緩候核
照緩

大英律例
人命門成案下

三

廖匪仔

賭匪致斃賭匪 湖南邵陽縣案

一起黃九保致傷石癸二身死一案將黃九保依律擬絞等因具題奉

旨三法司核擬具奏欽此該 等會看得黃九保與石癸二素識無嫌同治五年五月十五日黃九保與石癸二在山樵採彼此坐歇石癸二誘令賭博黃九保不懂石癸二將錢彈轉用手遮蓋令黃九保猜壓字背黃九保曉悟互相猜壓黃九保輸錢二百文石癸二索取現錢黃九保央緩石癸二不允致相爭鬪石癸二強取黃九保腰繫布手巾作抵黃九保不依順取柴刀連戳傷其偏右石癸二拉奪手巾黃九保砍傷其右頤頰帶傷右顙頰石癸二捏住布頭黃九保連砍傷其偏左石癸二脫手坐跌地上拉住黃九保袴腳將袴拉脫黃九保情急用刀連向嚇砍致傷其頂心連顙門鬆手倒地磕傷

火跌身夏 人命門成案下

九齒

黃九保

牙言車...
腦後連右耳根旋即殞命黃九保起意棄屍滅跡將屍拖棄塘內逃逸經屍母看見屍身報驗獲犯審供不諱將黃九保依鬪殺律擬絞等因具題經刑部以案情未確恐別有弊端及其毆致死各情題駁去後茲據該撫提犯覆訊委無另有別情及在場幫毆之人仍照原擬具題除失察賭博保正貢革外黃九保合依鬪毆殺人者不問手足他物金刃並絞律擬絞監候秋後處決等因具題奉

旨黃九保依擬應絞著監候秋後處決餘依議欽此

同治九年秋審死近罪人傷由情急抵禦黃九保應緩決

賭匪致斃徒手金刃頭面七傷六致命四骨損
二在跌地後另帶一傷情傷綦重雖死者誘賭並強取手巾欲抵賭欠理亦不直惟死者僅止拉巾拉袴並未還手向其毆打該犯亦無抵禦

急情可言輒將砍戮致斃似未便率行入緩記
 候核 改實

大猷軍中
 人命門成案下

...

黃九保

禾 訓 轉 夏 三 冬 旦

三

賭匪致斃賭匪 奉天案

一起李泳青致傷程中幅身死一案將李泳青依律擬絞等因具題奉

旨三法司核擬具奏欽此該 臣等會看得李泳青與程中幅同院無嫌李泳青在程中幅家壓寶輸欠程中幅錢十四千文屢討未給同治五年三月十二日夜程中幅尋向李泳青索討賭欠李泳青央緩程中幅不允逼索致相罵詈程中幅用槍奔戳李泳青順取夾靴刀用背毆傷其偏左左顙頰連左耳根程中幅復向奔戳李泳青用刀將槍格落砍傷其額顙程中幅奪刀李泳青用刀連砍傷其腦後倒地逾時殞命報驗獲犯審供不諱除鄉約張廣興擬答失察賭博職名交部議處外李泳青合依鬪毆殺人者不問手足他物金刃並絞律擬絞監候秋後處決等因具題奉

旨李泳青依擬應絞著監候秋後處決餘依議欽此

同治九年秋審死先奔戮傷由抵禦李泳青應緩決

賄匪斃命該犯金刃三傷又刀背二傷四致命

一不致命連及致命各傷均重至骨損俱在頭

面處所情傷較重姑以死非徒手該犯先毆刀

不用刃刃傷均由抵禦且死亦糾賄匪徒尙有

可原記緩候核 照緩

回民致斃人命 西川案

一起馬涇瀧砍傷郭如莘身死一案將馬涇瀧依律擬絞等因具題奉

旨三法司核擬具奏欽此該 臣等會看得回民馬涇瀧籍隸陝西來至四川與郭如莘素識無讐同治七年十月十九日郭如莘買得布疋放在櫃上馬涇瀧至郭如莘錢鋪閒耍轉回郭如莘因查找布疋不得疑係馬涇瀧偷竊適馬涇瀧攜刀赴地割菜路過郭如莘鋪前郭如莘攏向查問馬涇瀧斥其不應混疑郭如莘不依嫚罵馬涇瀧回詈郭如莘撲向抓襟拚命馬涇瀧掙不脫身情急用刀嚇砍適傷其咽喉鬆手倒地移時殞命報驗審供不諱除行竊正賊緝獲另結外馬涇瀧合依鬪毆殺人者不問手足他物金刃並絞律擬絞監候秋後處決等因具題奉

日馬涇瀧依擬應絞著監候秋後處決餘依議欽此

同治九年秋審贛由死肇嚇砍一傷適斃馬涇瀧應緩決

回民致斃徒手金刃要害一傷食氣嚙俱斷勒

傷奇重雖衅起死者被抓拚命情急所致似難

議緩記候核 改實

兵丁致斃人命 山東高唐州案

一起王潰芒扎傷于四身死一案將王潰芒依律擬絞等因具題奉

旨三法司核擬具奏欽此該臣等會看得王潰芒與于四素無嫌隙王潰芒充當兵丁同治六年五月閒王潰芒奉調防勦六月十三日王潰芒持鐵矛赴于四稗梁地內出恭誤將梁禾踏毀于四瞥見村斥王潰芒分辨致相罵詈于四用槍札傷王潰芒右肋右耳連耳根左腳腕王潰芒用矛扎傷其左右胎膊左右腿于四又用槍扎傷王潰芒右肩甲右臀王潰芒又用矛扎傷其右脊脅左右臀偏右于四舉槍亂扎王潰芒情急用矛將槍格開扎傷其小腹並連扎傷胸膛倒地移時殞命報驗審供不諱王潰芒合依鬪毆殺人者不問手足他物金刃並絞律擬絞監候秋後處決等因具題奉

旨王潰在依擬應絞著監候秋後處決餘依議欽此

同治九年秋審兵丁斃命金刃傷多且重王潰茫噫情實
兵丁斃命金刃十二傷六致命三透內一透膜
傷多且重雖身迭受傷各傷均由抵禦情急所
致且俱在倒地以前並無倚勢逞兇情事未便
率緩記候核 照實

革兵刃斃幼女

直隸盧龍縣案

一起孟株砍傷楊欵姐身死一案將孟株依律擬絞等因具題奉

旨三法司核擬具奏欵此該 臣等會看得孟株與年甫十一幼女楊欵姐之父楊愷素識無嫌孟株係已革兵丁同治六年十月初十日孟株日向楊愷借錢楊愷不允孟株斥罵薄情楊愷回詈孟株取刀撲砍楊愷閃避時楊欵姐在楊愷身旁站立致誤傷楊欵姐偏左連顙門孟株轉身欲逃楊欵姐揪住孟株衣服哭罵孟株掙扎不脫又見楊愷上前捉拏情急用刀向楊欵姐嚇砍致傷其顙門鬆手倒地報驗獲犯飭醫楊欵姐至十一月初五日殞命復驗審供不諱孟株合依鬪毆殺人者不問手足他物金刃並絞律擬絞監候秋後處決等因具題奉

旨孟株依擬應絞著監候秋後處決餘依議欽此

同治九年秋審死雖十一歲幼女惟先砍一傷係由誤中末
後一傷確有被揪不放急情且死越兼旬尙無欺陵情狀孟
株應緩決

革兵因借錢未遂致斃其人年甫十一幼女金
刃頭面致命二傷均骨損情傷較重雖先砍一
傷係由誤中後砍一傷亦由被揪掙不脫身所
致且死逾二旬未便率緩記候核 改實

差役共毆斃命 直隸景州案

一起溫鈺等共毆張煥身死一案將溫鈺依律擬絞等因具題奉

旨三法司核擬具奏欽此該臣等會看得溫鈺卽溫虎與張煥素不認識溫鈺充當該州阜役張煥拖欠鄉地吳城濬墊完新舊糧銀七錢五分八釐未償同治元年八月間經吳城濬稟州票差吳澱臣訾得立往傳十月初五日吳澱臣等將張煥找獲卽欲帶案張煥不允其子張汝辛亦向攔阻致相口角適溫鈺與阜役薛幅瀆奉票往傳另案經過趨勸溫鈺斥張煥抗傳之非張煥父子不服混罵並向溫鈺等撲毆吳澱臣等趨護吳澱臣揪住張煥髮辮訾得立揪住張汝辛髮辮致各揪落一縷張煥向溫鈺撞頭稱欲拚命溫鈺情急舉腳嚇踢適傷其下部倒地移時殞命報州驗訊吳城濬畏刑誣認

踢斃張煥正兇溫鈺等希圖卸罪亦卽隨同混供嗣張汝辛查知情由痛父情切卽以勾串舞弊私押買放等詞赴府司呈控提審供認不諱查張煥身受各傷惟後被溫鈺踢傷下部爲重張煥雖欠糧抗傳究非溫鈺奉票勾攝之人其將張煥致斃應按其毆本律擬抵除訾得立等擬杖援免吳城滌病故外溫鈺卽溫虎合依其毆人致死下手致命傷重者絞律擬絞監候秋後處決等因具題奉

旨溫鈺卽溫虎依擬應絞著監候秋後處決餘依議欽此

同治九年秋審踢山情急一傷適斃溫鈺卽溫虎應緩決

恃差幫毆致斃非所應勾攝之七旬老人事後復狡供推卸誣證餘人爲正兇致令羈押斃命難以衅起趨勸脚踢一傷爲解記核 改實

聽糾同謀投捻戕害本管知縣身死在場助勢 安徽太和縣案

一起劉廣漳田西咏聽從聚眾鬪堂毆傷本管知縣身死尙未下手助毆一案將劉廣漳田西咏均依例擬絞等因具題奉旨三法司核擬具奏欽此該 臣等會看得劉廣漳田西咏先未爲

匪劉廣漳等住寨距亳州龍德等捻巢不遠久爲捻匪垂涎咸豐十一年二月間劉廣漳之父劉振剛長兄劉洪漳次兄劉松漳因地方荒亂與素識之張安儉劉香張山根投入捻巢捻首定期赴該處攻寨卽令劉振剛等潛回開門接應許俟破寨後派劉振剛爲寨主劉振剛應允回至該處密向劉廣漳囑與張安儉等分途邀人張安儉等旋各邀允田西咏並田西咏之父田瀛宇及劉密劉振威張懷儉翟近軍劉澣漳張振起戚九魁趙應方郭科劉驢王成韓懇劉喬南劉碌

劉方劉泳華張心廣張保張套劉周張振碌張虎入夥眾議以該縣知縣侯樞臣現在該處駐紮防剿不便舉事劉振剛起意商允劉廣漳等戕官以便勾捻破寨十五日劉振剛等因侯樞臣素得民心不敢明言戕官乘該處練總外出鳴鑼聚集鄉農百餘人捏稱往向知縣求免錢糧劉振綱劉洪漳同張安儉等領首各帶刀棍偕抵侯樞臣公館擁入大門侯樞臣出問劉振剛劉洪漳張安儉劉香張山根上前假意求免錢糧侯樞臣答以錢糧不能寬免劉香先用刀扎傷侯樞臣項頸張安儉用鐵錐扎傷其左脇劉洪漳張山根各用木棍毆傷其脊背倒地劉廣漳田西咏徒手在後並未幫毆鄉農俱各驚散劉振剛主令閉寨踞守用車將侯樞臣推出寨外正欲送往捻巢經沿途團練奪護送城侯樞臣回署至十六日因傷殞命劉振剛等因捻首失期不到情急欲逃卽被

團練圍住該府帶兵趕至獲犯驗訊供認不諱劉振剛劉洪
漳張安儉先行正法梟示具奏將劉廣漳田西咏均依謀殺
人從而不加功律擬流從重發遣聲明劉香張山根張保張
套劉周張派碌張虎並不知姓名六人均被格殺劉松漳田
瀾宇劉密劉振威張懷儉翟近軍劉漣漳張振起戚九魁趙
應方郭科劉驢王成韓懇均病故劉坤等八犯均擬杖等因
咨部經刑部查劉廣漳田西咏聽從劉振剛聚眾以求免錢
糧爲由戕害本管知縣身死均隨同助勢按刁民約會抗糧
聚眾毆官爲從已應擬絞該撫僅將劉廣漳等擬流加遣情
罪未協等因咨駁去後旋據該撫遵駁改擬具題除聽從聚
眾戕官之劉喬南等緝獲另結外劉廣漳田西咏均合依刁
民假地方公事約會聚眾鬪堂塞署逞兇毆官其餘從犯絞
例均擬絞監候秋後處決恭逢

恩詔

恩旨係聚眾戕官爲從不准援免援減等因具題奉

旨劉廣漳田西咏俱依擬應絞著監候秋後處決餘依議欽此

光緒二年秋審聽糾同謀投捻戕官在場助勢事後隨同踞

寨卽屬同惡相濟逢

恩不准減免劉廣漳田西咏均應情實 俱照實

聽糾刃傷本管知縣 廣東龍門縣案

一起旋見葆聽從逞兇毆官下手已傷一案將旋見葆依例擬絞等因具題奉

旨三法司核擬具奏欽此該 臣等會看得旋見葆先未爲匪旋見葆族人旋罄怡有田七畝五分土名茅田等處旋罄怡將田立契向李獎汶押錢一百二十千文每年交穀作爲利息契寫土名并研村約嗣旋罄怡因母故乏用又將該田私賣與族人旋汶禾管業契寫土名茅田等處李獎汶查知不依控經該縣知縣王承彥集訊供詞各執將旋汶禾押候勘明究斷同治十一年四月初二日王承彥帶領家丁胡茂並差役押同李獎汶旋罄怡赴鄉履勘旋汶禾之母廖氏聞知至王承彥轎前求將旋汶禾釋放王承彥諭令候斷廖氏不遵維時觀看人多將廖氏擠跌倒地旋汶禾族人旋能廖以旋汶

禾田非盜買反被管押心懷不平起意糾眾毆打洩忿卽邀允旋見葆並族人旋亞寬旋亞金旋建勝旋長腳以旋雲路旋金玉旋亞長旋亞鎮旋黃養旋亞廖旋彬禾旋亞催旋亞乾一共十五人分攜刀棍一齊趕出見王承彥與胡茂等在前行走併力追到旋能廖喝令毆打旋見葆用禾槍戳傷王承彥右腿旋亞寬用刀背將胡茂毆傷捉住旋雲路等各用槍棍將差役人等毆戮致傷並將官轎毀爛旋亞金旋建勝旋長腳以在場助勢並未下手旋能廖囑旋彬禾等將胡茂關禁空寮給與飯食並未陵虐王承彥回縣稟請查辦旋見葆等逃走廖氏畏累自盡旋能廖向族人旋連楨告知情由並令設法旋連楨起意捏稱廖氏因攔輿求釋旋汝禾被壯勇推跌身死控府抵制令不識姓名人寫就呈詞並詎令族人干總職銜旋憬炎生員旋維楨並旋時葆地保旋仲餘將

胡茂送府遞呈控告經府驗訊供詞互異飭縣拘拏旋能廖復起意商允旋建勝旋雲路旋亞乾並族人旋亞輕旋池英旋黃嬌旋亞奴旋亞懶旋亞淦旋亞早一同拒敵尙未糾齊夥黨卽經兵役將旋見葆等拏獲審供不諱王承彥並胡茂等傷均平復除起意逞兇傷官罪應斬決之旋能廖並旋雲路等緝獲另結旋長腳以旋連楨病故旋亞寬旋亞金旋建勝均於旋見葆絞罪上量減擬流加等擬軍旋亞輕旋池英均依謀叛未行爲從律擬流旋馨怡等擬以杖笞旋汝禾照例納贖外旋見葆合依部民挾讐逞兇殺害本官已傷爲從下手者絞例擬絞監候秋後處決等因具題奉

旨旋見葆依擬應絞著監候秋後處決餘依議欽此

同治十三年秋審部民聽糾下手刃傷本管官藐法難寬旋見葆應情實等因具題奉

旨三法司知道欽此該臣等會審旋見葆應情實奉

旨停止勾決恭逢

恩旨

恩詔奏明不准減免光緒元年秋審仍情實奉

旨停勾二年秋審仍情實

勇丁致斃糧臺差官 陝西案

一起徐怔江戮傷本部五品以上長官熊詳麟身死一案將徐怔江依律擬斬等因具題奉

旨三法司核擬具奏欽此該臣等會看得徐怔江卽徐驢娃籍隸河南來至陝西與熊詳麟素無嫌隙熊詳麟先係河南補用遊擊管帶撫標步隊徐怔江在部下當勇熊詳麟卸事積欠徐怔江口糧銀二十七兩未給嗣熊詳麟來陝投効西征糧臺充當差官徐怔江另投小隊充當勇丁同治十三年六月十七日徐怔江在院用刀削瓜熊詳麟走至徐怔江向索前欠糧銀熊詳麟斥說訛賴徐怔江分辯熊詳麟揪住徐怔江髮辮欲毆徐怔江用手搪抵熊詳麟閃側被瓜皮滑倒將徐怔江帶跌跪地熊詳麟仍不放手稱欲拚命徐怔江情急用刀嚇戮適傷其左肋鬆手報驗飭醫熊詳麟至二十四日殞

命覆驗獲犯審供不諱查徐怔江雖現非熊詳麟部下勇丁
惟熊詳麟以三品武職充當糧臺差官卽與本部長官無異
徐怔江將其致斃自應按律問擬徐怔江卽徐驢娃合依吏
卒毆本部五品以上長官死者斬律擬斬監候秋後處決事
犯在

恩旨

恩詔以前係吏卒毆死本部長官不准援減援免等因具題奉
旨徐怔江卽徐驢娃依擬應斬著監候秋後處決餘依議欽此
光緒二年秋審吏卒致斃舊本管三品武職大員徐怔江卽
徐驢娃應情實

兵丁逼迫本管官自盡 山東案

一起唐萬椿逼迫本管官宋承德投井身死一案將唐萬椿依例擬絞等因具題奉

旨三法司核擬具奏欽此該 臣等會看得唐萬椿與宋承德素無嫌隙唐萬椿充當濟南城守營兵丁宋承德係莒州汛把總光緒二年五月間該撫因天氣亢旱慮恐匪徒煽惑饑民滋事派委宋承德管帶濟南城守營兵丁一百名赴章邱一帶彈壓並添委候補把總王汝愷帶宋承德派兵丁周茂松充當百長由省起程唐萬椿在途與同營兵丁崔兆詳談及宋承德係外營汛弁不甘服其管束起意將宋承德糟蹋崔兆詳允從行至中途唐萬椿騎驢越隊先行宋承德瞥見喝阻唐萬椿不服出言頂撞並誚稱不要妝官惹人恥笑晚間走至章邱縣境內住宿崔兆詳飲醉至宋承德住屋門外小

便宋承德反其無禮崔兆詳進屋分辯宋承德令馬夫孫玉
僖拉逐出屋崔兆詳臥地混罵周茂松在旁目擊並未禁阻
適王汝幗趕至宋承德告述前情王汝幗譏誚宋承德不善
帶兵所以不服約束宋承德隱忍寢息各散十六日宋承德
有事折回囑隊伍等候王汝幗拔隊先行宋承德轉回氣忿
卽以唐萬椿等如此不遵紀律竟敢誚罵實在逼迫難堪不
如尋死之言向孫玉僖告述孫玉僖勸慰防範詎宋承德氣
忿莫釋乘閒投入井內經孫玉僖查知撈救業已被溺殞命
報驗審供不諱查宋承德係把總奉委管帶兵丁唐萬椿等
赴各處彈壓卽屬本管官其被逼迫自盡訊係唐萬椿起意
爲首自應按例問擬除崔兆詳依爲從例擬軍周茂松等擬
杖王汝幗革去把總免其發落外唐萬椿合依軍人逼迫本
管官致死爲首比依逼迫期親尊長致死律絞例擬絞監候

秋後處決等因具題奉

旨唐萬椿依擬應絞著監候秋後處決餘依議欽此

光緒四年秋審空言觸犯尙無兇悍情形唐萬椿應緩決

秋讞輯要卷五

目錄

姦盜搶竊門成案 計四十起

強姦十一歲幼女已成

童鶴年

誘姦七歲幼女已成

萬阿大

強姦幼孩已成致令羞忿自盡

薛聰

強姦未成本婦羞忿自盡

李六十

因姦毆逼本夫自盡

郝三纏

翁調姦媳不從將其毆傷越三日身死

李存

語言調戲致室女羞忿自盡

郝朋云

語言調戲致室女羞忿自盡

侯時寅

本夫姦所獲姦登時將姦婦毆傷身死姦夫擬抵

何三汰

搶賣總麻姪婦致令自盡

雷洗炳

搶賣無服族姪孫婦已成並追毆無服族姪孫落水溺斃

周銘常

誘拐幼孩

蔡沽利

誘拐幼孩

李會

誘拐幼女

談招生

雇工姦拐家長期親姪女致令自盡

胡後亭

長隨與家長弟妻通姦同逃

張洪

強奪良婦嚇逼與子成姦

盧三疤仔

聚眾夥謀入室搶奪婦女已成

吳毛二等

聽從夥搶婦女已成並未入室架拉

劉坎淋

聽從夥搶婦女已成並未入室架拉

李鉦城

聽從夥搶路行婦女雖未動手而被搶數在三人以上

夥眾搶奪婦女拒捕殺人

黃 四

聚眾搶奪婦女未成

劉扭等

川匪攔搶計賊逾貫

趙深淮

迭次聽糾夥眾持械訛搶得贓

張汶頂

糾搶拒捕刃傷事主平復

翟 三

糾竊計賊逾貫

高 致

糾竊計賊逾貫夥賊臨時行強

高二錫平

糾竊計賊逾貫夥賊臨時盜所拒殺事主

胡老等

船戶盜賣漕糧

蔡大塊等

竊盜臨時盜所拒捕刃傷事主平復

顧碌發

行竊尚未得財被捉圖脫刃傷事主平復

馬新椿

竊盜夥賊攜贓先遁後逃之賊被追拒捕刃傷事主平復

趙 三

誠 森

竊盜臨時盜所拒殺事主夥賊幫毆折傷以上 姚紅頭等

窩主造意盜馬二十匹以上 任估罄

蒙古喇嘛糾竊內地馬二十匹以上 黨 僧

聽從發塚起骸及捉人勒贖聚眾奪犯 譚冠等

聽從發掘多塚鑿棺抽竊 李椿會

聽從發掘小功伯母墳塚鑿棺抽竊 宋老琥

賊犯遺火燒斃事主一命 樊 牛

秋讞輯要卷五

姦盜搶竊門成案

強姦十一歲幼女已成 陝西案

一起童鶴年強姦幼女薛桂女子已成一案將童鶴年依例擬斬等因具題奉

旨三法司核擬具奏欽此該臣等會看得童鶴年籍隸浙江來至

陝西與年甫十一歲之薛桂女子先不認識薛桂女子係王氏童養未婚之媳嗣童鶴年因與王氏通姦租賃王氏房屋同院居住同治十二年二月十五日王氏出外觀劇爾薛桂女子在家看門童鶴年憶及薛桂女子少艾頓萌淫念關閉院門誑稱房內有糖誘令取食薛桂女子信實進房童鶴年將薛桂女子抱至炕上按倒扯下褲子薛桂女子聲喊掙紮致將褲腰扯裂童鶴年用腰帶手帕將薛桂女子手口捆裹

大狀臣等

童鶴年

天言車馬
強行姦污姦畢解開帶帕令薛桂女子穿褲下炕薛桂女子
往向王氏告知王氏回向童鶴年盤悉實情童鶴年央免聲
張訪驗獲犯審供不諱除王氏擬以枷杖援免外童鶴年合
依強姦十二歲以下十歲以上幼女斬例擬斬監候秋後處
決事犯在

恩旨

恩詔以前係強姦幼女已成不准援減援免等因具題奉
旨童鶴年依擬應斬著監候秋後處決餘依議欽此

光緒二年秋審姦匪強姦幼女已成童鶴年應情實

誘姦七歲幼女已成 江蘇武進縣案

一起萬阿大誘姦幼女劉催弟已成一案將萬阿大依律擬斬立決等因具題奉

旨三法司核擬具奏欽此該臣等會看得萬阿大與年甫七歲幼女劉催弟之父劉禮錫認識往來光緒元年正月初八日萬阿大飲醉路過劉禮錫門首見催弟在彼閒耍問知家無別人買給橘子一個並令上街頑耍催弟答應欲去萬阿大將催弟抱起順摸下體頓萌淫念即將催弟抱至僻處仰面放在地上甫經行姦催弟喊痛萬阿大慌忙起身見催弟下體流血心生悔懼當即送回逃避劉禮錫回家詢悉前情報驗獲犯審供不諱萬阿大合依將未至十歲幼女誘去強行姦污者照光棍斬例擬斬立決恭逢

恩詔係誘姦十歲以下幼女已成不准援免並援案聲明萬阿大

大快尋原案二姦盜搶竊門成案

萬阿大

尚有悔懼之心等因具題奉

旨九卿定擬具奏欽此該_臣等議得萬阿大誘姦七歲幼女劉催弟已成因催弟喊痛卽行中止尙有悔懼之心核與孫小連成案情事相同自應量從末減應將萬阿大改爲斬監候秋後處決等因具題奉

旨萬阿大依擬改爲應斬著監候秋後處決餘依議欽此

光緒三年秋審誘姦悔懼中止惟係年甫七齡幼女萬阿大應情實

強姦幼孩已成致令羞忿自盡 安徽靈璧縣案

一起薛聰強姦陳迎椿已成致令羞忿自縊身死一案將薛聰
比例擬斬等因具題奉

旨三法司核擬具奏欽此該臣等會看得薛聰與年十五歲之陳迎
椿鄰居往來薛聰開雜頭鋪生理同治十一年七月十二日
更餘時分陳迎椿至薛聰鋪內乘涼隨在地鋪席上側身睡
熟薛聰四顧無人從陳迎椿背後拉下衣袴潛行雜姦陳迎
椿驚醒喊掙薛聰用力抱住嚇禁聲張強行姦畢逃逸陳迎
椿回家哭訴其父陳庭祥邀人找尋薛聰未遇回見陳迎椿
哭泣不止稱被薛聰欺侮無顏為人當向用言勸慰十三日
陳庭祥外出詎陳迎椿羞忿莫釋乘閒投繯殞命報驗獲犯
審供不諱查薛聰強行雜姦陳迎椿已成致令羞忿自縊身
死例無治罪專條自應比例問擬薛聰應比依強姦已成本

手諭軍門
婦羞忿自盡者斬例擬斬監候秋後處決等因具題奉
旨薛聰依擬應斬著監候秋後處決餘依議欽此恭逢

恩旨

恩詔奏明不准援減援免

光緒元年秋審強嚇姦污致令羞忿自盡薛聰應情實等因
具題奉

旨這情實人犯今年著停止勾決已有旨了欽此二年秋審薛聰
仍情實

强姦未成本婦羞忿自盡

河南登封縣案

一起李六十强姦劉氏未成致令羞忿自縊身死一案將李六十依例擬絞等因具題奉

旨

三法司核擬具奏等因欽此該

臣

等會看得李六十與劉氏同

院居住劉氏係李保淋童養未婚之妻李六十與李保淋同姓不宗同治十三年六月二十七日李保淋與母呂氏外出劉氏在屋獨處李六十起意圖姦往向調戲劉氏不依喊罵李六十將劉氏拉至床邊欲行强姦劉氏掙拒李六十用手抓傷其左右手背擦傷脊背尙未姦污適呂氏回家聞聲趨至喝罵李六十逃逸劉氏以被李六十欺辱無顏爲人之言向呂氏哭訴呂氏勸慰並找李保淋回歸告知正欲控究劉氏羞忿莫釋乘閒投繯殞命報驗獲犯審供不諱除劉氏附請

旌表外李六十合依強姦未成本婦羞忿自盡者絞例擬絞監候
秋後處決事犯在

恩旨

恩詔以前係強姦未成致本婦羞忿自盡不准援減援免應照奏
定章程酌入秋審緩決辦理等因具題奉

旨李六十依擬應絞著監候酌入秋審緩決餘依議欽此
光緒二年秋審李六十應緩決

因姦毆逼本夫自盡 山西甯武縣案

一起郝三纏因姦威逼致本夫郝來征服毒身死一案將郝三纏依律擬斬等因具題奉

旨三法司核擬具奏欽此該_臣等會看得郝三纏與無服族弟郝

來征同村往來郝來征之妻梁氏習見不避郝三纏與梁氏通姦郝來征先不知情後經窺破姦情將梁氏毆詈禁絕往來郝三纏未敢再往嗣郝三纏將郝來征家水渠侵占郝來征向論爭吵郝三纏拳毆郝來征未傷經人勸歇仍將水渠退還同治十年九月十三日夜郝三纏探知郝來征外出未回欲往與梁氏續姦懼被郝來征撞見不依憶及郝來征曾借欠伊錢文未償以索欠為名走進梁氏院內適郝來征外回撞見喝問郝三纏答稱索欠郝來征斥說不應黑夜討欠定係來與梁氏姦宿將郝三纏揪住稱欲送官郝三纏將郝

來征推跌倒地用手抓傷其左右眼胞左右顙頰致擦傷左
手腕右肋左後肋郝來征揪住郝三纏衣襟不釋郝三纏情
急用手帶銅鐲毆傷其額顙經郝銀得等趨至勸歇梁氏亦
聞聲趨視詢明情由將郝來征扶至屋內郝來征聲言屢被
郝三纏欺辱定欲拚命梁氏等勸慰詎郝來征氣忿莫釋乘
間自服煙土至次日毒發殞命報驗審供不諱將郝三纏比
依因姦威逼人致死斬律量減擬流等因具題經刑部以郝
三纏與郝來征之妻通姦迨經郝來征撞遇輒敢將其推跌
倒地抓毆致傷顯有挾制窘辱情狀駁令覆審妥擬去後茲
據該撫遵駁訊明改擬具題查郝來征係郝三纏無服族弟
應同凡論除梁氏擬以枷杖援免外郝三纏合改依因姦威
逼人致死者斬律擬斬監候秋後處決事犯在

恩詔以前係因姦威逼本夫自盡不准援減援免酌入秋審緩決
辦理等因具題奉

旨郝三纏依擬應斬著監候酌入秋審緩決餘依議欽此
光緒三年秋審郝三纏應緩決

翁調姦媳不從將其毆傷越三日身死 吉林案

一起李存強姦未成毆傷本婦李氏越三日身死一案緣李存與李氏素睦無嫌李氏係李存子婦同治十年二月初四日李存之妻劉氏同子李連升出外探親李存在家飲醉向李氏調姦李氏不從聲喊李存恐人聞知恥笑嚇禁不止取木棒毆傷其右腿李氏愈肆喧鬧李存氣忿棄棒取鐵斧用背嚇毆適傷其腦後倒地經人聞鬧踵至詢悉前情李氏至初七日殞命報驗審供不諱查李存向伊子婦李氏調姦未成將其致斃翁媳之義已絕應同凡論調姦未成毆死本婦例內並無作何治罪明文自應比例問擬除李氏附請旌表外李存應比依強姦未成將本婦毆傷越數日後因傷身死者照因姦威逼致死律斬例擬斬監候秋後處決事犯在

恩旨

火獄身更

卷二 姦盜搶竊門成案

李存

恩詔以前係調姦子媳未成毆斃本婦不准援減援免等因具題奉

旨李存依擬應斬著監候秋後處決餘依議欽此

光緒三年秋審調姦子婦未遂逞忿毆斃淫惡亂倫李存應情實

語言調戲致室女羞忿自盡 山東平度州案

一起郝朋云語言調戲致李滿嫚羞忿自縊身死一案將郝朋云依例擬絞等因具題奉

旨三法司核擬具奏等因欽此該 臣等會看得郝朋云與李滿嫚

之兄李秀云素識往來李滿嫚見面不避同治六年四月二十六日郝朋云赴李秀云家閒逛適李秀云與母許氏外出李滿嫚在家獨處郝朋云用言向李滿嫚調姦李滿嫚不依喊罵郝朋云畏懼逃避李秀云回家李滿嫚哭訴前情並稱被郝朋云欺侮無顏爲人不如自盡李秀云用言勸慰通知許氏同往找尋郝朋云理論未遇詎李滿嫚羞忿莫釋乘間投繯殞命報驗獲犯審供不諱除李滿嫚附請

旌表外郝朋云合依但經調戲本婦羞忿自盡者絞例擬絞監候秋後處決等因具題奉

旨郝朋云依擬應絞著監候秋後處決餘依議欽此

同治九年秋審語言調戲致室女羞忿自盡郝朋云應情實
語言調戲致室女羞忿自盡例應入實惟尙無
手足勾引情狀似應照向辦成案於

黃冊內黏籤聲敘記候核 照實聲敘

語言調戲致室女羞忿自盡 河南甯陵縣案

一起侯時寅語言調戲致徐大姐羞忿自縊身死一案將侯時寅依例擬絞等因具題奉

旨三法司核擬具奏欽此該 臣等會看得侯時寅與徐大姐之父徐灏光鄰居往來徐大姐見面不避同治七年四月二十八日徐灏光夫妻外出徐大姐在家看門侯時寅赴徐灏光家借櫟見徐大姐獨處起意調姦卽用言向其調戲徐大姐不依喊罵適徐灏光回歸侯時寅畏懼逃避徐大姐哭訴前情徐灏光生氣往尋侯時寅理論未遇徐大姐哭泣不止聲言被人調戲不願爲人不如尋死徐灏光勸慰詎徐大姐羞忿莫釋於二十九日乘閒投繯殞命報驗審供不諱除徐大姐附請

旌表外侯時寅合依但經調戲本婦羞忿自盡者絞例擬絞監候

秋後處決等因具題奉

旨侯時寅依擬應絞著監候秋後處決餘依議欽此

同治九年秋審語言調戲致室女羞忿自盡侯時寅應情實
死係十五歲幼女雖無手足勾引亦難聲敘

照實

本夫姦所獲姦登時將姦婦毆傷身死姦夫擬抵
四川南
部縣案

一起何三汰因姦致姦婦嚴氏被本夫姦所登時毆傷身死一
案將何三汰依例擬絞等因具題奉

旨三法司核擬具奏欽此該 臣 等會看得何三汰與嚴氏之夫何
大哮時常往來何三汰係何大哮無服族叔嚴氏見面不避
何三汰乘閒與嚴氏通姦何大哮並不知情光緒元年二
月初十日夜何三汰探知何大哮出外復往與嚴氏續姦適何
大哮回家從門縫窺見何三汰與嚴氏在房說笑氣忿踢門
進內喊拏何三汰起身欲跑何大哮趕攏抓住何三汰髮辮
嚴氏攏護何三汰掙脫逃逸何大哮忿激順用木凳毆傷嚴
氏左右臂膊嚴氏奪凳何大哮毆傷其左右肱肘倒地移時
殞命首驗審供不諱查嚴氏係何三汰無服族姪之妻應同

火獸毆更 卷五 姦盜搶竊門成案
何三汰

凡論除何大哮擬杖外何三汰合依本夫姦所獲姦登時將姦婦殺死姦夫到官供認不諱者姦夫絞例擬絞監候秋後處決等因具題奉

旨何三汰依擬應絞著監候秋後處決餘依議欽此

光緒三年秋審因姦釀命究由本夫自殺其妻何三汰應緩決

搶賣總麻姪婦致令自盡 湖北松滋縣案

一起雷洗炳搶賣總麻姪婦蕭氏致令自縊身死一案將雷洗炳依例擬絞等因具題奉

旨三法司核擬具奏等因欽此該 臣等會看得雷洗炳與蕭氏素無嫌隙蕭氏係雷洗炳總麻服姪雷序柏之妻同治十一年十二月間雷序柏因貧往託雷洗炳借錢雷洗炳無從設措雷序柏復央代爲籌畫雷洗炳稔知蕭氏年輕生有姿色起意勸令雷序柏嫁賣得財分用雷序柏應允雷洗炳探有素識之李心壽欲娶妻室囑令雷序柏將蕭氏捏作孀居弟妻央人向李心壽媒說議定財禮錢七十五千文寫給婚書約俟過門交錢雷序柏回向蕭氏告知前情勸令改嫁蕭氏哭稱情願餓死誓不改嫁雷序柏往告雷洗炳欲將婚書退回雷洗炳因慮改嫁不成不能度歲復起意主使屆期邀人強

搶雷序柏先未應允雷洸炳用言恐嚇雷序柏畏懼允從二
十五日雷洸炳邀同李心壽等前往搶親行抵雷序柏門首
雷序柏出見囑令李心壽等在外等候自與雷洸炳進內強
捉蕭氏由後門跑往附近族人雷向雲家躲避雷洸炳等趕
至雷向雲家搜尋蕭氏聞鬧慮被尋獲搶嫁不甘失節潛開
雷向雲園門趨至閒壁雷氏家祠將門關閉用布帶在鼓架
上自縊殞命報驗獲犯審供不諱查雷洸炳係蕭氏夫之總
麻服叔與蕭氏並無服制應以疏遠親族論除雷序柏比照
孀婦自願守志夫家強嫁不甘失節自盡例擬徒援免李心
壽免緝蕭氏附請

旌表外雷洸炳合依圖財強賣卑幼如婦女不甘失節因而自盡
者疎遠親族絞例擬絞監候秋後處決事犯在

恩詔以前係圖財強賣總麻姪婦致令自盡不准援減援免應照
奏定章程酌入秋審緩決等因具題奉

旨雷洸炳依擬應絞著監候酌入秋審緩決餘依議欽此

光緒二年秋審雷洸炳應緩決

搶賣無服族姪孫婦已成並追毆無服族姪孫落水溺斃

安徽壽州案

一起周銘常搶賣族姪孫婦馬氏已成並追毆周理紀落水身
死一案將周銘常依例擬絞等因具題奉

旨三法司核擬具奏欽此該_臣等會看得周銘常係馬氏之夫周

廷貴並周理紀無服族叔祖均素無嫌隙馬氏夫故孀守光
緒二年七月間周銘常因貧起意將馬氏嫁賣得錢用度邀
允伊弟周銘禮捏稱馬氏自願再醮托素好之高勝韓三媒
說賣與宋麻孜爲妻言明身價錢一百四十五千文宋麻孜
隨付錢三十五千經周銘常寫給婚書初九日周銘常與周
銘禮雇轎至馬氏家向告情由勸令改嫁馬氏不從哭阻周
銘常與周銘禮用言嚇唬將馬氏強拉入轎擡至宋麻孜家
又付身價錢七十千文餘錢四十千約俟遲日找清各散馬

氏因懼周銘常兇惡不敢哭鬧回家卽與宋麻攷成親十一日周理紀聞知向周銘常索分身價周銘常不允周理紀不依斥罵周銘常生氣順拾地上樹枝連毆傷其右血盆戳傷胸膛周理紀舉拳撲毆周銘常又用樹枝毆傷其偏左額顙帶傷左顙頰周理紀逃跑聲言糾人報復周銘常追趕周理紀鳧水過河陷入深處經人撈救業已被淹殞命報驗獲犯審供不諱查周銘常搶賣無服族姪孫之妻馬氏已成罪應擬絞其追毆無服族姪孫周理紀致令被溺身死同凡人論亦罪應擬絞二罪相等應從一科斷除周銘禮緝獲另結馬氏斷歸後夫完聚外周銘常合依貪圖聘禮用強搶賣疏遠無服卑幼者絞例擬絞監候秋後處決等因具題奉

旨周銘常依擬應絞著監候秋後處決餘依議欽此

光緒四年秋審圖財強賣孀婦致被姦污復追毆淹斃索分

身價之人周銘常應情實

大宋法司
盜盜倉竊門成案

一

周銘常

木蘭車馬

一

誘拐幼孩 廣東潮陽縣案

一起蔡沽利略誘吳媽應圖賣一案將蔡沽利依例擬絞等因具題奉

旨三法司核擬具奏欽此該臣等會看得蔡沽利先未爲匪與六歲幼孩吳媽應素識光緒元年十月初三日蔡沽利與素識之陳逢源各處尋工瞥見吳媽應獨自在街頑耍蔡沽利起意商允陳逢源幫同誘拐賣銀分用向吳媽應哄稱同往街口買餅給食吳媽應信真隨往蔡沽利將吳媽應帶至陳逢源源寮內住宿吳媽應哭喊欲歸蔡沽利嚇禁聲張與陳逢源畱心尋覓買主旋被訪聞拏獲審供不諱除陳逢源緝獲另結吳媽應給親完聚外蔡沽利合依誘拐子女不分已賣未賣但誘取者被誘之人若不知情爲首絞例擬絞監候秋後處決等因具題奉

旨蔡沽利依擬應絞著監候秋後處決餘依議欽此

光緒四年秋審誘拐幼孩被誘之人業已給親完聚蔡沽利
應緩決

誘拐幼孩 直隸甯晉縣案

一起李會略誘王保已成一案將李會依例擬絞等因具題奉
 一法司核擬具奏欽此該 臣 等會看得李會先未為匪與年十
 二歲之王保素不認識光緒二年閏五月間王保之祖王大
 攜王保外出覓工初九日行抵該處值集期人多擁擠彼此
 相失王保查找王大無跡蹲歇路旁發愁適李會路過瞥見
 查問王保告知情由李會起意拐賣捏稱王大與伊交好令
 王保隨伊赴店住宿明日幫同找尋王保信以為真跟隨李
 會至馬九客店搜得李會攪稱王保係伊胞弟經馮九聽出
 二人口音不同因率警盤詰出賣情悉獲悉縣審訊由直隸
 保侯查傳親屬將李會解回原籍交與親屬領回李會
 案奉奉會知縣為首絞例擬絞監候秋後處決等因具題奉

李會略誘王保已成一案將李會依例擬絞等因具題奉

李會略誘王保已成一案將李會依例擬絞等因具題奉

李會

光緒四年秋審誘拐幼孩尙無毆逼重情被誘之人業已到案李會應緩決

誘拐幼孩已成尙未賣出雖親屬未經到案領回完聚與被誘之人無下落者不同自可原緩
記候核 照緩

誘拐幼女 江蘇長洲縣案

一起談招生略賣俞阿巧已成一案將談招生依例擬絞等因具題奉

旨三法司核擬具奏欽此該 卞等會看得談招生先未爲匪與年甫九齡幼女俞阿巧素不相識光緒三年俞阿巧因迷路啼哭談招生經過看見詢知姓名年歲起意誘賣誑稱送令回家將俞阿巧領走向素識之戴少卿告知實情託令覓主價賣戴少卿憶及鄭阿湖欲爲姪買媳會央燕灑卿爲媒往託燕灑卿轉向媒說邀同將俞阿巧看明議定財禮談招生捏稱係伊堂妹因貧願賣鄭阿湖令談招生帶俞阿巧隨同下船送至長興取錢俞阿巧在途啼哭鄭阿湖盤詰談招生告知誘賣情由船抵長興鄭阿湖付給身價洋銀肆拾圓談招生回蘇與戴少卿分用鄭阿湖將俞阿巧轉賣與不知情之

次獻

卷五

盜搶竊門成案

十七

談招生

播旌瀟政渴受傳價時限五卅填能滌而報護與審供不尋
除藏費調依瀟凝刻凝流滌隱抑凝校俞判賜給親從悉
劑湖病敷跌察地保傳博責外誤紹准倫賦凝掃好改披誘
謎汰坏卸精為首敏刺凝絞監候凝後趁決備因誤譴陣不
談招逆喉擬凝撥儲監凝後處快辭凝凝致世斷凝計主其
竟瀟五陣凝審凝辨吻被凝實賦業史給親曉凝凝報在

慈潑决河江前去向素精之漢少與吉其實計請命負主賈

哭端計主孫颯勸助改被誘之末業史瀟親寬凝凝凝凝
甫止繼必大及臨冷凝相情凝拍應照向辦障程以緩記凝
二出河凝對具焚凝凝凝中善會昏昏凝計主未為因與半

具惡率

一昨凝計主甜賣俞同江口外一案律凝計主亦同凝凝因

隨計良女

雇工姦拐家長期親姪女致令自盡 江西南昌縣案

一起胡後亨與家長期親姪女劉凡姑通姦一案將胡後亨依律擬絞等因具題奉

旨 二法司核擬具奏 欽此 該 鴻 等 會 看 德 韓 後 亨 受 雇 劉 凡 姑 胞

叔職員劉天驥家傭王素在姦僕各旁觀見姪兒面看避同

流九年十一月不記日期劉天驥夫婦外出胡後亨乘間與

劉素烟通姦後燕而乘間和縱避錢物劉天驥起疑均願縣

世情解因後後喉傷重將斃其辭出胡後亨戀姦情熱起意

請誘拐劉素烟姑同逃憶應素諫孝劉氏當會對天驥懇待走向

告前情許給酬謝央允通知劉凡姑約期夜間同逃胡後亨

至縣溝街將劉素烟挾至劉氏家住宿議給緝取錢二千文

姪後亨與劉素烟姑裝像起疑而逃避嗣劉天驥邀同族

劉素宗鄉鄰後等尋獲履坐船隻逃歸劉凡姑畏難乘劉

朱張軍案

李王姦盜搶竊門成案

志

胡後亨

天驥等睡熟吞服洋藥毒發殞命報驗審供不諱除劉氏依和誘為從例擬徒援免劉儿姑畏罪自盡外胡後哼合依雇工姦家長期親者絞律擬絞監候秋後處決事犯在

恩旨

恩詔以前係雇工姦家長期親不准援減援免等因具題奉

旨胡後哼依擬應絞著監候秋後處決餘依議欽此

光緒四年秋審姦通非關內亂釀命出於不虞胡後哼應緩決

謹按此起雇工姦拐家長期親致令自盡名分攸關難以死非意料為解是以改實

長隨與家長弟妻通姦同逃 江蘇甘泉縣案

一起張洪與家長弟妻左氏通姦一案將張洪依律擬絞等因
具題奉

旨三法司核擬具奏欽此該 臣 等會看得張洪係左氏夫兄方遠
謨跟丁素有主僕名分左氏見面不避同治五年正月初二
日張洪乘閒向左氏調戲成姦以後遇便續姦方遠謨及左
氏之夫捐職從九品方遠猷均不知情嗣左氏慮恐敗露密
向張洪商允同逃捏稱夫婦各處賃房居住左氏逃後方遠
猷至妻母李氏並左氏姨夫紀利棠家查尋不見李氏等同
至方遠猷家追詢無著李氏等誤聞左氏被方遠猷害死方
遠猷亦疑李氏等串匿陷害控縣提訊差緝無獲兩造疊次
互控將方遠猷捐職革訊取結尋找旋經緝獲審供不諱除
左氏依婦女滅等律於絞罪上減等擬流援免交本夫領回

火賊冒更 盜盜搶竊門成案

十九

張洪

恩詔

監候秋後處決謀逢革局阻礙候并試登嚴懲審計不結制
聽其姑鬪外張洪翰依羅罪人竊家長期親之妻殺律擬絞

旨

張燦茲擬應絞著監候秋後處決餘教議欽此不長李升等同

恩詔

光緒四年秋審通發嗣逃固係家長長期親之妻名勞殺關難

恩詔

狗弄設計劍斃恭逢大慶刑以不賦計圖空刃亂恐煩密

恩詔

題期不雅暖免張洪應惡酌奏緩決聽候核辦貽文

恩詔

趙如丁素育主對各各法刃見面不經同命正半五月既二

恩詔

三法同劫劫具奏旋出結日善會香野野其利空刃夫只大鼓

恩詔

具懇奉

恩詔

一匪匪共與案尋弟妻法刃匪獲一案匪匪共劫劫絲等因

恩詔

尋罰與案尋弟妻匪獲同案

恩詔

正獲甘泉線案

強奪良婦嚇逼與子成姦 山西忻州案

一起盧三疤仔強搶劉氏配與伊子為妻一案將盧三疤仔依

律擬絞等語其題奉

旨二清刑部係擬呈奉審時該部更該會看盧三疤仔係與繼唐繼村

旨盧三疤仔係擬呈奉審時該部更該會看盧三疤仔係與繼唐繼村

旨盧三疤仔係擬呈奉審時該部更該會看盧三疤仔係與繼唐繼村

旨盧三疤仔係擬呈奉審時該部更該會看盧三疤仔係與繼唐繼村

旨盧三疤仔係擬呈奉審時該部更該會看盧三疤仔係與繼唐繼村

旨盧三疤仔係擬呈奉審時該部更該會看盧三疤仔係與繼唐繼村

旨盧三疤仔係擬呈奉審時該部更該會看盧三疤仔係與繼唐繼村

旨盧三疤仔係擬呈奉審時該部更該會看盧三疤仔係與繼唐繼村

旨盧三疤仔係擬呈奉審時該部更該會看盧三疤仔係與繼唐繼村

旨盧三疤仔係擬呈奉審時該部更該會看盧三疤仔係與繼唐繼村

旨盧三疤仔係擬呈奉審時該部更該會看盧三疤仔係與繼唐繼村

朱紫蓮連連 家二家盜搶竊門成案 三 盧三疤仔

內令與盧皿子成婚劉氏不允盧三疤仔嚇稱如不聽從定欲將其致死劉氏不敢抗拒卽被盧皿子姦污嗣顧大盛回歸查知往向盧三疤仔不依盧三疤仔欲行捆毆並用言嚇唬顧大盛畏兇隱忍走回經州訪聞差緝獲犯審供不諱除盧皿子依強奪良家妻女姦占爲從例擬流不准援減劉氏給屬領回完聚外盧三疤仔合依強奪良家妻女姦占爲妻者絞配與子者罪亦如之律擬絞監候秋後處決事犯在

恩旨以前係強搶良家婦女不准援減等因具題奉

旨盧三疤子依擬應絞著監候秋後處決餘依議欽此

同治十三年秋審強奪良婦嚇逼與子成姦藐法難寬盧三疤仔應情實

聚眾夥謀入室搶奪婦女已成 江蘇吳江縣案

一起吳毛二吳毛四聽從陳夔注夥眾搶奪陸氏已成一案將陳夔注依例擬斬立決吳毛二吳毛四均擬絞監候等因具題奉

旨三法司核擬具奏欽此該 臣 等會看得吳毛二並堂弟吳毛四暨陳夔注與陸氏均素無瓜葛光緒二年二月二十三日吳毛二等會遇素識之王汰湯法淋各道貧難陳夔注述及路遇年輕婦人探係陸氏丈夫外出住址偏僻起意糾允吳毛二二等將陸氏搶賣是夜陳夔注與吳毛二等其夥五人駕坐王汰船隻駛抵陸氏門首畱吳毛四湯法淋在船陳夔注用鐵鑿撬門與吳毛二王汰進內吳毛二幫同陳夔注將陸氏用被裹住搶出王汰將陸氏幼女一同抱走上船駛逃陸氏哭喊陳夔注嚇禁聲張搶至吳毛二家將陸氏同幼女暫閉

空房旋又帶至遠處吳毛三吳毛四湯法淋將陸氏捉係湯
 法淋孀妹因貧難守倩王安心媒說嫁賣與陳倡沈為妻得
 受身價洋銀二百四十圓俵分各散經陳倡沈向陸氏盤出
 實情報案獲犯審供不諱除夥搶婦女為從罪應擬絞之王
 汰湯法淋緝獲另結陸氏給親完聚外陳夔注合依聚眾夥
 謀於素無瓜葛之家入室搶奪婦女已屬首者斬併擬斬
 立決吳毛三吳毛四均合依為從絞例各擬絞監候秋後處
 決等因具題奉 旨 欽此

旨陳夔注著即處斬吳毛三吳毛四俱依擬應絞著監候秋後處
 決餘依議欽此

光緒四年秋審除首犯陳夔注先行正法從犯吳毛三吳毛四擬
 一情實外聽糾夥搶婦女已成該犯在臚照看吳毛四應緩決
 查夥眾搶奪婦女已成為從之犯或幫同架拉

或將被搶之人領賣尚無下落者俱入情實其
無前項情事擬入緩決此起該犯吳毛二於首
犯撬門進內將陸氏用被裹住卽入室幫同搶
出復將陸氏關閉空房並領出嫁賣與人爲妻
情殊兇暴應實該犯吳毛四聽從夥眾夤夜搶
奪婦女情節不輕惟該犯於首犯入室搶奪之
時僅止在船照看尙無入室架拉及姦污重情
且被奪之人業經給親完聚似不無一線可原
記緩候核 照擬吳毛二人實

聽從夥搶婦女已成並未入室架拉 江蘇桃源縣案

一起劉垵淋聽從夥搶唐氏已成一案將劉垵淋依例擬絞等
因具題奉

旨三法司核擬具奏欽此該 臣 等會看得劉垵淋先未爲匪與唐
氏素無瓜葛有劉垵淋素識之徐谷贊媒說唐氏與牛指南
爲妻允送謝媒錢文屢索未給光緒三年三月初四日徐谷
贊會遇劉垵淋談及前情心懷不甘起意糾搶唐氏賣錢分
用劉垵淋允從徐谷贊又糾徐小咬徐憬誌並不知姓名一
人入夥是夜共夥五人徒手借抵牛指南門首徐谷贊劉垵
淋在外瞭望徐小咬等推門進內牛指南攔阻徐小咬等用
繩將牛指南捆縛唐氏出喊徐谷贊將唐氏拉走劉垵淋隨
行徐小咬等順牖搜得衣物先後至徐谷贊家互相告知情
形徐谷贊旋將唐氏賣與過路不知姓名人爲妻得受身價

旨

旨

洋銀古亦營國使各道報案獲犯審備吞謀命獲商經獲者
 解於後舉發臨臨重慶府增尉趙至於府署除聚匪警據婦
 奔歸首罪應斬決由在重慶府俗署應捕總趙後僅擬解歸
 諸及不知姓各人緝獲身細外重慶府增尉趙至於府署除聚匪警據婦
 唐氏因感肉髮總徐小索等刑罰釋事刑門捕南捕獲獲
 衣物誤係順便獲取贖非獲謀為盜將強盜得財取財甚致
 備指曹越員身死據屍婦人劉練相實係麻藥與獲獲殺
 為獲異且劉越並獲獲屍下孫承賊應任換本例分府問
 擬劉越合依應照賊謀素無反贖家搶獲婦女自賊
 三為從絞劉擬絞監候秋後處決等語具題奉去未為阻與旨
 旨劉越應絞著監候秋後處決餘依議欽此
 一並總丑解獲審獲衙門獲獲婦女已處解擬對案對擬
 應擬決速討賊文曰劫並未入室案結
 正獲將斬案

聽從搶奪婦女瞭望隨行並未入室幫同架拉
及事後姦污情事惟被搶之人尙無下落事主
被捆事後病故情節不好入緩未見平允 照
緩

聽從夥搶婦女已成並未入室架拉

江蘇銅山縣案

一起李鈺城聽從夥搶唐氏已成一案將李鈺城依例擬絞等
因具題奉

旨三法司核擬具奏欽此該 臣等會看得李鈺城先未爲匪與同
姓不宗李丙桂之妻唐氏素無瓜葛光緒二年三月二十四
日李鈺城與李汰然羅運隨遇道貧難李汰然稔知唐氏年
輕起意糾允李鈺城等夥搶賣錢分用並邀張潰李二能仔
魏澱友入夥是夜同夥六人分攜刀棍徒手不等偕抵李丙
桂門首李汰然畱李鈺城與張潰在外把風自與羅運隨李
二能仔魏澱友砸門入室李丙桂驚起喝問李汰然用刀砍
傷李丙桂頭顱唐氏喊救被李汰然砍傷左臂膊一同將唐
氏搶奪出門架至李二能仔家暫住李汰然嚇禁唐氏不許
說出實情令李鈺城與張潰將唐氏帶至素識之許鳳苞家

輕繭親戚因資願嫁許瀛州媒說費與董承禧為妻得度身
 積錢十千改換身分客散董承禧唐長鴻懷納悉精由未
 敢戒婚送交學內桂收積藥毒獲犯審棋本薛餘聚原夥
 婦女已賊為首罪應擬斬之季扶然為從罪應擬絞因羅輝
 精議請季亦能釋魏徽汝均緝獲身結許瀛州疑殺唐武翁
 欲縲囚完獄外季駐蹕谷依聚謀夥謀於素無抵當送家以
 塗搶奪婦女已賊為從絞例擬絞監候秋後處決餘依議欽此二月二十四
 日李煜城被擬應絞著監候秋後處決餘依議欽此二月二十四
 日光緒汪維秋審廳糾夥搶奪會昌賊裔珠娘室架註李煜屍
 應擬絞奉

一 李煜城被擬應絞著監候秋後處決餘依議欽此二月二十四日
 光緒汪維秋審廳糾夥搶奪會昌賊裔珠娘室架註李煜屍
 應擬絞奉

緩記候核 照緩

大清律例
卷五十二 盜賊竊門成案

三六

李廷城

聽從夥搶路行婦女雖未動手而被搶數在三人以上福建
建南安縣案

一起黃四聽從搶奪路行婦女王春妹等已成一案將黃四依
例擬絞等因具題奉

旨三法司核擬具奏欽此該臣等會看得黃四並黃省黃池黃花
均先未爲匪同治元年閏八月十七日有曹毛招帶同童養
妻王春妹并王春妹之嫂曹氏叔王阿三弟王和尚由外回
籍與黃老三黃妹黃好同店住宿彼此問知姓名次早曹毛
招等由店起身路遇不識姓之狗仔販帶男孩一口並幼女
王蘭妹止王三奶一同行走王阿三狗仔押擔先行王春妹
等落後黃老三黃妹黃好從後趕上將曹氏並狗仔所帶之
男孩搶去曹毛招趕往追捕王春妹等在路坐哭黃省路過
瞥見問知情由起意將王春妹等搶賣邀允黃四並黃池黃

黃四依疑難叙著醫候候楚後應濟餘依議飲此黃省黃四黃芬
 同嶽楚年秋實聽繼夥搶婦女並未動手黃四應緩決
 一賦黃四罪首難從搶奪難從婦女春難無動手承幫操殺妻後發
 黃四依疑難叙著醫候候楚後應濟餘依議飲此黃省黃四黃芬
 同嶽楚年秋實聽繼夥搶婦女並未動手黃四應緩決
 一賦黃四罪首難從搶奪難從婦女春難無動手承幫操殺妻後發

數南定焉精事所搶之人亦均給親完聚惟被搶婦女
 難於課能觀在獄及雖去儘難擬擬銀便極三改實土

一
 起劉驥傅結髮淫婦孫德元戎能獨備蘇哥發僧身死劉謙
 得聽從避賊賊傷世際將劉捷獲劉謙獲蘇劉謙得振發
 監餘編因集聽錄人罪烈誌博之怪封筆試試防際文學照高
 二
 二
 法司縣擬具奏欽此該如等會看得劉謙獨即劉毅並劉
 與行發警肅無異葛何路取並案三月計筆制劉謙獨劉
 並發來圖驗龍觀淡州武軍機會傾賜發孫民赴復備際
 執醫時匪該誌在實賊劉慎賊某莊捕劉發範疑係得帶
 恩謝此劉謙等獲發得錢數用疑絞審案審訊在法結
 賊劉驥賊傅諸利門進院將賊獲匪審出刑罰發監劉謙
 劉毅杜喝茶在捕劉謙得將于發會雜食到地刑職陳陳德
 獲獎倉味運新藤初孫賜右卒勳劉毅歸團戮歸殺傷其困
 籍博劉丑期被錄籍樂獲傷其計亂逃情尋齊獲送將縣候

天續書夏
 卷三
 盜搶竊門成案
 劉丑等

輪流背至族人劉汶學家告知情由並許尋主賣錢分用劉汶學貪利允從將孫氏關入空屋各散嗣劉謙得與劉扭因見孫氏少艾各向強逼姦污一次于發會至二十四日殞命劉汶學畏罪將孫氏放回報驗獲犯審供不諱查劉揆範糾同劉扭等搶奪孫氏已成應以劉揆範爲首于發會係孫氏母舅卽有應捕之責劉扭等將其拒傷身死于發會身受各傷惟後被劉扭戮傷右乳爲重應以劉扭擬抵劉謙得聽糾搶奪孫氏幫毆成傷事後復強逼姦污按搶奪婦女爲從拒捕幫毆成傷及強姦已成均罪應擬絞應從一科斷除起意糾搶婦女拒捕殺人罪應擬斬之劉揆範病故劉汶學照窩主知情擬流留養外劉扭合依夥眾搶奪婦女拒捕下手殺人之犯斬決梟示例擬斬立決梟示劉謙得卽劉汶合依拒捕幫毆成傷從犯不論手足他物金刃絞例擬絞監候秋後

處決等因具題奉

旨劉扭著卽處斬梟示劉謙得卽劉汶依擬應絞著監候秋後處決餘依議欽此

同治十三年秋審除劉扭正法外夥搶婦女拒捕殺人該犯爲從幫毆成傷事後又向本婦強逼姦污劉謙得卽劉汶應情實

謝實

竊竊精竭效事效又向本款題畫奏云隆州縣門對案
同前十三手好審判隆州五去衣課餘數女詳詳人結以
野翁好畫燈此

隆州縣門對案示隆州縣門對案
烈火善因其國奉

聚眾搶奪婦女未成 江蘇通州案

起趙滌淮糾搶秦氏未成一案將趙滌淮依例擬絞等因具
題奉

旨 二法司核擬具奏欽此該 臣 等會看得趙滌淮先未為匪秦氏

係趙滌淮分籍率眾強姦秦氏故矯旨趙滌淮起意搶奪為妻

秦氏之姑聞報將秦氏送縣外相商送縣解縣審辦滿定年

二月初五日趙滌淮探知糾允秦氏之舅聞報直趨蘇州府

許亦附述相替秦某亦於初十日持器械備至李法然錦期首李法

然錦期首李法然錦期首李法然錦期首李法然錦期首李法然

二海邊圍捕鎗由放槍擊火鎗炸裂自行轟傷胸膛右乳等處

例禁槍鎗等器嚴禁逃逸匪徒鈔此移時奉命報驗獲犯審訊

稟請嚴拿秦氏係趙滌淮無服旗勇之妻趙滌淮糾搶秦氏

屬兇奪庶民婦女成論其數以天鈔既獲鎗鎗等物自行

朱武軍 卷之三 盜搶竊門成案 趙滌淮

轟傷身死與拒捕殺人不同應仍按本例問擬除單門四依夥搶婦女未成爲從例擬軍周萇等緝獲另結外趙灤漑合依聚眾夥謀搶奪婦女未將婦女搶獲首犯絞例擬絞監候秋後處決等因具題奉

旨趙灤漑依擬應絞著監候秋後處決餘依議欽此

光緒五年秋審聚眾夥搶婦女未成趙灤漑應緩決

糾眾搶奪婦女未成致工人放鎗自行轟傷身死雖與拒捕殺人不同究由該犯搶奪所致似難率緩記候核 改實

川匪擄搶計賊逾貫 四川彭縣案

一起張汝頂擄搶孫萬幅等銀兩逾貫一案將張汝頂依例擬絞等因其題奉

旨三法司核擬具奏欽此該 府等會看得張汝頂素不務正同治十二年九月十八日張汝頂與素識之王潮楹王真馮深泗白玉閣王新開王和尚並王籠受岳二娃遇道貧難張汝頂起意糾允王潮楹等在野擄搶得賊分用同夥九人徒手借至僻處等候適孫萬幅與子孫大受雇挑運興文縣揚天申鹽店銀兩赴健廠配鹽走至該處張汝頂等瞥見趕攔搶奪孫萬幅等畏懼棄擔逃避張汝頂王籠受各攜銀一匣約同王潮楹等至僻處俵分逃逸旋經事主投團拏獲報勘審供不諱此案計贓五百兩訊係張汝頂起意爲首除王潮楹等病故王籠受等緝獲另結犯兄應免傳責外張汝頂合依川

海匪徒蘇野潮翰奉經傷來房數賊重責各盡培兩以壯

例續被擊傷賊後處決肅殺盡奸匪味意為首利王勝督

旨王勝督等至利與對衣此或恐事主與團等變時時審

思新其前無其匪續續賊逃其不進據後賊幾因夏懸

旨聖恩優依接應統轄匪徒後處決餘匪使護獄匪計奪

光緒五年秋接辦匪徒揭揭為首賊逃匪員張波廣遵東

廣靈保元王勝督等至利與對衣此或恐事主與團等變

白王閩王勝督係新內關搶奪廣其者敢惡程後逃越搶

十二平片月詳賊揭發賊無積案逃惡儘新密與前綴條款

三去同然辦其後從亦備相保州屬界德加重保應縣五節

察其因其恩錄以緩決謹記候核 改緩歸臬奏

一疏請其罪附付符萬帥等雖兩面貴一案殊恐其可如

川州附能情類匪貫四川道張

迭次聽糾夥眾持械訛搶得贓 江蘇邳州案

一起翟三聽從糾夥五人以上訛搶湯懷球等家銀物一案將

翟三依例擬絞等因其題奉

旨三法司核擬具奏欽此該 臣等會看得翟三先未為匪翟三與

高繼涓張臧因貧先後投入馮茂功忿內成豐二年六月間

馮茂功探知湯懷球家道殷實起意訛搶帶同翟三高繼涓

張臧並張保按王小高八及翟三禿仔孫產孟旺王歡李雷

城朱路章一其十三人各持器械借抵湯懷球家先向訛錢

湯懷球不允馮茂功等進屋搶得錢物驅隻馱運僻處查點

俵分七月十二日馮茂功復起意訛搶帶同翟三高繼涓張

臧張保按王小高八翟三禿仔孟旺朱路章並添邀翟騷高

丁良張年白時來孫有得及不識姓名一人一其十六人各

持鎗械至胡孟會家訛錢聲言如不送給定行開鎗轟擊胡

江蘇邳州案

三

翟三

孟曾畏懼給銀一百兩錢五千文又至胡成家嚇訛得錢八十七千均分花用十三日馮茂功又帶原夥十六人各攜器械乘坐船隻至馮瑞東家訛錢馮瑞東不允馮茂功等進屋搶得銀錢衣物搬運下船擄至僻處查點俵分各散報州自營勸緝吏目陳幹帶役前往捕拏馮茂功等開鎗拒捕陳幹飲役抵禦張保按王小高八當被格斃翟三等亦被拏獲審供不諱將翟三比照山東省匪徒結捻訛索爲從例擬遣等因咨部經刑部以引斷未協較令另行妥擬旋據該署撫將翟三改照山東省匪徒持械搶奪爲從例擬遣咨部復經刑部查翟三係徐州府屬匪徒聽從聚眾持械搜劫核與拔刀手等項匪類同一爲害閭閻該署撫舍本省專條本例於不問牽引他省之例曲爲比附辦理仍未允協較令再行妥擬去後茲據該署撫遵駁改擬具題除糾夥搶劫爲首罪應斬

決之馮茂功並翟三禿仔等緝獲另結為從罪應絞候之高
繼涓張斌病故張保按王小高八均被格斃外翟三合依徐
州府拽刀手等名目在場市人煙湊集之所橫行搶劫糾夥
五人以上為從同搶絞例擬絞監候秋後處決事犯雖在疊
次

恩旨以前係比照拽刀手名目搶劫為從不准減免等因具題奉
旨翟三依擬應絞著監候秋後處決餘依議欽此

同治十三年秋審聽從結捻迭次持械訛搶法難寬貸翟三
應情實

大清律例 盜搶竊門成案 卷三 三

A large empty rectangular frame with vertical lines, possibly a table or a diagram. The frame consists of approximately 12 vertical columns and is currently blank.

糾搶拒捕刃傷事主平復 熱河案

一起高致搶奪刃傷事主李幅印平復一案緣高致籍隸山東來至熱河先未爲匪光緒元年十月十八日高致與素識之王平遇道貧難高致起意商允王平搶奪得贓分用是日高致攜帶腰刀王平拾取樹枝同夥二人偕至僻處等候適李幅印驢馱錢物走至高致等瞥見一齊上前搶得驢頭錢物拉跑李幅印追捕高致轉身用刀砍傷李幅印頸門右手腕王平趕攏用樹枝將李幅印亂毆倒地高致等攜贓逃逸報驗獲犯審供不諱李幅印傷經平復除王平病故外高致合依搶奪傷人未死如刃傷者斬例擬斬監候秋後處決等因具題奉

旨高致依擬應斬著監候秋後處決餘依議欽此

光緒四年秋審搶奪刃傷事主尙無倚眾兇暴情事高致應

大狀具呈

盜竊門成案

高

致

天諭車馬

卷五

緩決續據若請改入情實

糾竊計贓逾貫 直隸武邑縣案

一起高二錫乎糾竊蘇經邦銀錢計贓逾貫一案將高二錫乎依律擬絞等因具題奉

旨三法司核擬具奏欽此該 臣等會看得高二錫乎先未為匪光

緒二年七月初三日高二錫乎與素識之馮得蕓並趙中維王白遇道貧難高二錫乎起意糾允馮得蕓等行竊趙中維轉邀不識姓名二人入夥是夜同夥六人王白攜帶搖山動餘俱徒手偕至蘇經邦錢鋪門首王白用搖山動空窟與高二錫乎趙中維進內馮得蕓等在外等候接贓高二錫乎等竊得銀錢遞交馮得蕓等接收攜至漫地查點俵分各散報勘獲犯審供不諱此案計贓一百七十九兩訊係高二錫乎起意為首自應按律問擬除馮得蕓依行竊為從律擬流趙中維等緝獲另結外高二錫乎合依竊盜贓一百二十兩以

大英律例 竊盜搶竊門成案

高 二 錫 乎

上絞律擬絞監候秋後處決等因具題奉

旨高二錫乎依擬應絞著監候秋後處決餘依議欽此

光緒四年秋審糾竊得贓未至五百兩高二錫乎應緩決

糾竊計贓逾貫夥賊臨時行強 直隸案

一起胡老糾竊張允焯家銀兩計贓逾貫並曹七等臨時行強
一案將曹七依律擬斬立決胡老擬絞監候並聲明胡老親
老丁單等因具題奉

旨三法司核擬具奏欽此該 臣等會看得胡老並曹七均先未爲
匪同治四年十月二十八日胡老與曹七並楊克巴曹二宋
玉山孫二汪七胡僖張二王老遇道貧難胡老稔知張允焯
家道寬裕起意邀允曹七等行竊是夜同夥十人持械徒手
不等偕至張允焯家門外胡老與汪七胡僖張二王老在外
等候接賊楊克巴暨桿同曹七等緣桿上房下院撥門入室
正撬箱櫃行竊張允焯驚覺起捕曹七與楊克巴用言嚇禁
曹二宋玉山孫二隨同嚇唬張允焯未敢聲張曹七等劫得
衣物開門走出與胡老等分手攜至僻處查點俵分曹七等

未將行強情由向胡老告知各散報勘獲犯審供不諱此案計贓一百六十九兩零訊係胡老起意爲首其於曹七等臨時行強並不知情應各按本律問擬除其謀爲竊臨時行強不分首從罪應斬決之楊克巴曹二宋玉山孫二並胡億等緝獲另結汪七依竊盜爲從律擬流外曹七合依其謀爲竊臨時行強不分首從斬律擬斬立決胡老合依竊盜贓一百二十兩以上絞律擬絞監候秋後處決據供母老丁單是否屬實應俟秋審時照例查明取結送部核辦等因具題奉旨曹七著卽處斬胡老依擬應絞著監候秋後處決餘依議欽此同治九年秋審除曹七正法外竊贓未至五百兩並未知夥賊強情胡老應緩決再該犯到案時據供母老丁單現據該縣查明該犯之母徐氏現年實係八十三歲僅生胡老一子別無次丁取有地鄰族長人等供結合與畱養之例相符除

將供結咨部核辦外合併陳明

獲贓未至五百兩例應入緩至夥賊臨時行強
該犯訊係在外並不知情可不以之加重據供
母老丁單其應否留養之處應俟年例減等時
再行查辦 照緩不准留養

本草綱目卷之五

五

糾竊計賊逾貫夥賊臨時盜所拒殺事主
江蘇泰興縣案
一起蔡大塊糾竊事主應氏銀物計賊逾貫並邵俊臨時盜所
拒傷應氏身死一案將邵俊依例擬斬立決蔡大塊依律擬
絞監候等因具題奉

旨三法司核擬具奏欽此該 臣等會看得蔡大塊並邵俊均先未
為匪與應氏素無讐隙同治五年九月二十六日蔡大塊與
邵俊遇道貧難蔡大塊稔知應氏家道殷實起意糾允邵俊
行竊是夜蔡大塊攜帶尖刀邵俊徒手偕抵應氏門首撬開
大門蔡大塊將刀遞給邵俊自在門外接賊邵俊進內用刀
撥門入室竊得洋銀衣服遞交蔡大塊接收先行邵俊進內
復竊應氏驚覺披衣下床扭住邵俊衣襟喊捕邵俊掙不脫
身用刀戳傷應氏右胯應氏奪刀致被劃傷左手大指肚應
氏仍不放手邵俊情急用刀戳傷其咽喉倒地登時殞命邵

俊隨擊衣包走出追及蔡大塊告知拒捕情由同至僻處點
賊俵分被張王氏王王氏看見盤出實情蔡大塊等分給張
王氏等銀物囑勿聲張各散報驗獲犯審供不諱此案計贓
一百五十六兩零訊係蔡大塊起意爲首邵俊臨時盜所拒
傷應氏身死蔡大塊並未在場應各按本律問擬除張王氏
等擬杖收贖外邵俊合依竊盜臨時盜所拒捕殺人斬例擬
斬立決蔡大塊合依竊盜贓一百二十兩以上絞律擬絞監
候秋後處決等因具題奉

旨邵俊著卽處斬蔡大塊依擬應絞著監候秋後處決餘依議欽
此

同治九年秋審除邵俊正法外鼠竊得贓未至五百兩蔡大
塊應緩決

竊贓未至五百兩按向辦章程應入緩決至夥

賊拒殺事王該犯並未在場可不以之加重記

緩候核 照緩

船戶盜賣漕糧 山東案

一起船戶顧碌發盜賣漕糧六百石以上一案將顧碌發照奏定章程擬斬等因具奏奉

旨孫禧吳恩榮均著交部議敘餘著刑部議奏欽此該臣等議得

顧碌發籍隸江蘇向在沈元茂商船充當舵工先未爲匪同治六年四月閒顧碌發在上海米局承領吳江縣白糧正耗等米一千三百八石二斗二升六勺並三連票單運津交卸未出日之先顧碌發因有急用假裝米商私將漕米四百五十四石五斗一升三合六勺賣與不識姓名人得錢花用贖米八百五十三石七斗七合隨邀允凌光照在船照料並雇水手姚永昇施老度宋大奎王滙受張得堂范順發張受春王幅受施其升沈富春仇老開楊老裕陸晉升王永春及顧碌發之父顧錫榮十五人駕駛船隻由上海茶山口放洋船

上事務均由顧碌發作主六月初一日船至烟臺時值南搶東竄米價昂貴顧碌發起意盜賣漕米圖利將船上旗號收藏捏稱由南路販運大米進口售賣先後盜賣漕米一百六十二石與義生等鋪又託素識之劉老三楊虎說合盜賣與洋行米四百三十四石每米一石作價銀二兩共賣米五百九十六石核銀一千一百九十二兩顧碌發因借劉老三楊虎銀兩送給劉老三米三十石楊虎米二十石作爲償欠劉老三等所得之米尙存船上正欲起運卽被訪拏顧碌發聞知急速開船欲至威海將贖米盡行盜賣再駛至龍口等處呈報遭風詎出口大霧不辨山島南北飄至榮成縣石家泊海口搶灘船被風浪擊碎贖米二百七石七斗七合連劉老三等存米及票單均漂失無存顧碌發等上岸逃生旋被拏獲並追出銀一千兩零審供不諱該撫聲明顧碌發盜賣漕

糧以追獲銀數劃除計虧米在六十石以上將願祿發照偷盜漕糧入已數在六十石以上擬斬監候秋審入於情實等因具奏經刑部查願祿發承領漕糧運津卽有監守之責輒敢盜賣一千餘石之多核計已在六百石以上雖經追獲銀一千餘兩仍應併計科罪該撫照偷盜漕糧數在六十石以上擬斬監候秋審入於情實係按照舊章辦理應卽更正除凌光照姚永昇等分別擬以杖笞外願祿發應改依船戶監守竊盜漕糧入已數滿六百石斬例擬斬監候仍勒限監追候限滿完繳若干分別入於秋審情實緩決辦理等因具奏奉

旨依議欽此

同治九年秋審查該犯原領正耗等米一千三百八石二斗二升陸勺除遭風漂沒贖米二百七石七斗七合劉老三等

大洪年夏
卷之三 盜盜搶竊門成案

呈

願祿發

存米五十石共二百五十七石七斗七合應令著賠免科盜罪外計節次盜賣漕米一千五十石五斗一升三合六勺查明該犯並無家產在滬無從封變原保稅行前已革退歇業行主物故無從著賠該犯應以同治八年五月十五奉准部覆之日起扣至九年正月十五日八個月初二限已滿屢提比追委係赤貧無力完繳應將該犯彙入秋審辦理所有當時追獲米價銀一千兩二錢一分按該犯盜賣原價以銀二兩合米一石作爲已完米五百石一斗五合實在未完米五百五十石四斗八合六勺數在一百石以上願祿發應遵照章程入於緩決 照緩歸彙奏

竊盜臨時盜所拒捕刃傷事主平復 直隸祁州案

一起馬新椿行竊臨時盜所拒捕刃傷事主邵鳳鳴等平復一案將馬新椿依例擬斬等因具題奉

旨三法司核擬具奏欽此該 臣 等會看得馬新椿先未為匪同治元年閏八月初二日馬新椿與牛楚子李由秋帥大雪張號遇道貧難帥大雪起意糾允馬新椿等行竊是夜馬新椿等分攜刀械同夥五人偕至邵鳳鳴門外張號越牆進院開啟大門馬新椿牛楚子進院李由秋帥大雪在外接贓牛楚子在牲口棚內竊得牛隻馬新椿撥開北屋門與張號走入裏間竊得衣飾等物均交李由秋等接收進屋復竊邵鳳鳴驚覺起捕李由秋帥大雪攜贓先遁張號逃跑邵鳳鳴將馬新椿揪住馬新椿情急用刀扎傷邵鳳鳴左手大指左臙肋邵鳳鳴之妻武氏起身幫捕馬新椿用刀砍傷武氏額顱邵鳳

鳴等退避馬新椿出屋時牛楚子已撥落廂房門入內竊得衣飾等物經邵鳳鳴之母商氏喊嚷牛楚子持械嚇禁聲張攜贓同馬新椿逸出村外趕上李由秋等告知拒捕情由李由秋恐事主追捕將牛撩棄一同逃至漫地點賊俵分各散報驗獲犯審供不諱查馬新椿聽從行竊臨時盜所拒捕刃傷事主邵鳳鳴武氏傷各平復均罪應擬斬應從一科斷除牛楚子依竊盜拒捕未傷例擬軍李由秋依竊盜糾夥三人以上持械爲從例擬徒帥大雪病故張曉緝獲另結外馬新椿合依竊盜臨時盜所拒捕傷人未死如刃傷者首犯斬例擬斬監候秋後處決等因其題奉

旨馬新椿依擬應斬著監候秋後處決餘依議欽此

同治九年秋審竊匪盜所拒捕刃傷事主夫妻二人情殊兇惡馬新椿應情實

竊盜臨時盜所拒捕金刃砍扎事主夫妻二人
成傷情殊兇暴雖無護賊護夥情事究難不實
記候核 照實

行竊尙未得財被捉圖脫刃傷事主平復 直隸大名縣案
一起趙三行竊拒捕刃傷事主王三平復一案將趙三依例擬
絞等因具題奉

旨三法司核擬具奏欽此該 臣等會看得趙三先未爲匪同治六
年五月二十八日趙三因貧難過起意邀允李四行竊是夜
趙三攜帶小刀同夥二人偕至王三门首李四在外等候接
贓趙三爬牆下院尙未行竊王三驚覺起捕趙三爬牆欲走
王三追及將趙三拖拉下牆捉住左胎膊趙三圖脫情急拔
刀扎傷王三額顛劃傷右顛頰右領頰胷王三將趙三揪
按趙三扎傷王三左腿肚王三喊嚷仍不鬆手趙三畏懼不
敢再扎經王三之兄王潤月並鄰人趕至幫同將趙三捉獲
報驗審供不諱王三傷經平復除李四緝獲另結外趙三合
依竊盜未得財逃走被事主追逐拒捕傷人未死如刃傷者

首犯絞例擬絞監候秋後處決等因具題奉

旨趙三依擬應絞著監候秋後處決餘依議欽此

同治九年秋審竊賊圖脫拒捕刃扎僅止二傷趙三應緩決
竊盜拒捕刃扎事主在三傷以下者如無兇惡
情節秋審向俱入緩此起行竊尚未得財拒捕
刃扎事主二傷係由捉住不放情急圖脫所致
並無護賊護夥格關重情至另劃三傷向不併
計核算尙有一綫可原記緩候核 照緩

竊盜夥賊攜賊先遁後逃之賊被追拒捕刃傷事主平復

山東諸城縣案

一起誠森行竊拒捕刃傷事主張希戴平復一案將誠森依例擬絞等因具題奉

旨三法司核擬具奏欽此該 臣等會看得誠森先未爲匪同治六年九月初一日夜誠森因貧起意糾允惠小柱劉河行竊誠森攜帶刀杆餘俱徒手同夥三人偕抵事主張毓冥團練局牆外惠小柱劉河在外接賊誠森躍杆進院入室竊得銀錢布物開啟大門遞交惠小柱等分攜先逃誠森落後張毓冥族兄張希戴驚覺起捕追出門外向誠森捉拏誠森圖脫情急用刀扎傷張希戴左顙頰帶割傷左耳輪張希戴奪刀誠森又用刀扎傷張希戴右血盆帶割傷人中左手大指經張希戴之兄張希純並巡緝兵丁將誠森拏獲報縣勘驗審供

不諱張希戴傷經平復查誠森行竊張毓冥團練局內銀物被追拒捕刃傷張希戴平復張希戴在局住宿卽與事主無異自應按例問擬除惠小柱等緝獲另結外誠森合依竊盜夥賊攜贓先遁後逃之賊被追拒捕傷人未死如刃傷者首犯絞例擬絞監候秋後處決等因具題奉

旨誠森依擬應絞著監候秋後處決餘依議欽此

同治九年秋審竊盜圖脫情急扎止二傷尙無護贓護夥格鬪情事誠森應緩決

竊盜拒捕刃傷事主二傷另劃三傷係由被追圖脫所致惟並未扭輒用刃將事主連扎成傷情近格鬪雖無護贓護夥情事似未便率行議緩仍記候核 改實

竊盜臨時盜所拒殺事主夥賊幫毆折傷以上

直隸樂亭

縣案

起姚紅頭行竊臨時盜所拒傷事主侯氏身死翟二廝聽從幫毆折傷以上一案將姚紅頭依例擬斬立決翟二廝擬絞監候等因具題奉

旨三法司核擬具奏欽此該臣等會看得翟二廝並姚紅頭均與侯氏素識無嫌同治九年九月閒侯氏之夫王浚售賣棉花用車載錢一百千回歸途遇翟二廝問明情由旋各走回十三日姚紅頭與翟二廝張白廝魏拴頭遇道貧難翟二廝以途遇王浚車載錢文向姚紅頭等告述姚紅頭稔知王浚在窩舖住宿代人看墳家僕侯氏一人起意往竊翟二廝等允從是夜同夥四人各持刀械偕至王浚家門首翟二廝與魏拴頭在外接賊姚紅頭與張白廝撥門入室竊得錢物遞交

竊盜搶竊門成案

姚紅頭等

翟二廝等接收姚紅頭等進屋復竊侯氏驚醒起身喊捕張白廝逃避出屋姚紅頭逃走不及被侯氏堵住屋門喊嚷姚紅頭情急喝令動手張白廝用刀扎傷侯氏右耳根侯氏益肆聲喊姚紅頭慮王浚聞聲趨救令張白廝前往堵截姚紅頭鑽身出屋被侯氏揪住衣襟不放姚紅頭用刀扎傷侯氏右胳膊左腿左額角肚腹連小腹翟二廝用鐵叉毆傷其脊背右太陽並右後肋骨損魏拴頭用木棍毆傷其左右肩甲左胳膊右臀右腳面倒地旋即身死王浚聞喊接應攜禾叉出捕張白廝瞥見奪叉用柄毆傷王浚頂心偏右右顙頰王浚撲毆張白廝掉轉叉頭戳傷其右肋王浚奪叉不放張白廝拔刀亂扎傷其頂心顙門右眉劃傷右顙頰項頸倒地當即殞命姚紅頭等踵至點賊俵分各散報驗獲犯翟二廝張白廝魏拴頭分別飭押魏拴頭在押逃脫看役盧順訊無賄

縱情弊續獲姚紅頭審供不諱查王安係張白廝一人拒斃侯氏身受各傷惟後被姚紅頭扎傷小腹爲重係各拒各捕應各以爲首論翟二廝聽從拒傷侯氏右後肋骨損與折傷無異應照爲從問擬除拒捕殺人罪應斬決之張白廝病故盧順擬杖援免魏拴頭緝獲另結外姚紅頭合依竊盜臨時盜所拒捕殺人者爲首斬例擬斬立決翟二廝合依爲從幫毆折傷以上絞例擬絞監候秋後處決事犯在

恩旨

恩詔以前姚紅頭係竊盜拒捕殺人爲首翟二廝係爲從幫毆折傷以上不准援減援免翟二廝應照奏定章程酌入秋審緩決辦理等因具題奉

旨姚紅頭審卽處斬翟二廝依擬應絞著監候酌入秋審緩決餘依議欽此

大英律

卷五

竊盜搶竊門成案

三

姚紅頭等

光緒二年秋審除姚紅頭正法外翟二廝應緩決

窩主造意盜馬二十四匹以上 黑龍江案

一起任佶罄糾竊馬二十四匹以上一案緣任佶罄係齊齊哈爾城官屯幼丁先未爲匪光緒三年六月十四日任佶罄因貧起意邀允素識之旗丁崔脖子站丁張保吉偷竊馬匹並稱伊在家等候勿論竊馬多寡伊能詭計售賣崔脖子等騎馬起身轉邀素識之站丁徐濟勒並蒙古安達雅克賚額勒登入夥一共六人各騎馬匹同行十六日夜安達探知旗丁張告攬眾戶馬匹在野牧放引領崔脖子等偕抵該處探聽人俱睡熟安達下馬潛將馬圈穿梁拔開盜出馬羣仍騎馬同崔脖子等趕至任佶罄屯內藏匿告知竊情點明現存匹數輪流看守尙未售賣報案獲犯審供不諱此案計大小馬一百一十二匹除沿途倒斃三十九匹外現存大小馬七十三匹訊係任佶罄起意爲首除崔脖子徐濟勒安達均依爲從

例擬流張保吉等緝獲另結外任佶罄合依奉天偷竊馬匹照盜牛治罪盜牛二十隻以上不計贓數多寡絞例擬絞監候秋後處決等因具題奉

旨任佶罄依擬應絞著監候秋後處決餘依議欽此

光緒五年秋審偷竊牧放馬匹任佶罄應緩決

查條款內稱盜牛計隻擬絞原較凡盜爲重如秋審再行情實則較之尋常盜馬匹等項輕重大相懸遠似應入於緩決等語究竟以若干隻擬實若干隻擬緩未經確指亦未見盜牛計隻及盜馬計匹擬緩成案揆諸盜馬牛而賣者若計贓已逾五百兩難以不實則計隻計匹必無全緩之理此起實竊得馬七十三匹其沿途倒斃馬三十九匹已出柵圈應併計以一百一十

二匹論為數較多該犯係窩主造意情節較重
惟究非積慣巨窩尚可酌緩為數雖多亦非例
實之案條款及成案均鮮依據未敢擅擬謹記
出與該省黨僧一起一併恭候

堂定 照緩

大清刑部
卷一百一十五
盜案
刑門成案

七

任信

蒙古喇嘛糾竊內地馬二十匹以上 黑龍江案

一起黨僧糾竊內地馬二十匹以上一案緣黨僧係不知旗籍
蒙古喇嘛先未為匪光緒四年十二月間黨僧至黑龍江地
方會遇素識之蒙古布庫郭特爾薩凌保共談貧苦黨僧起
意邀允布庫郭特爾等偷竊馬匹賣錢分用初九日夜同夥
三人騎馬至廣興號馬圈內偷出馬匹拉走經事主張受全
知覺跟追將黨僧等連賊拏獲報案審供不諱此案計大小
馬七十七匹訊係黨僧起意為首在內地行竊應按刑律問
擬除布庫郭特爾薩凌保均依為從律減等擬流外黨僧合
依奉天偷竊馬匹案件照盜牛治罪盜牛二十隻以上不計
贓數多寡絞例擬絞監候秋後處決等因具題奉

旨黨僧依擬絞監候餘依議欽此

光緒五年秋審竊賊未至五百兩黨僧應緩決 照緩

大清律例 卷之六十二 盜盜搶竊門 成案

三 黨 僧

毛詩車馬圖卷五

三

聽從發塚起骸及捉人勒贖聚眾奪犯 江西雩都縣案

一起譚冠譚義檀譚禮芹聽從發塚一案將譚冠譚義檀譚禮
芹俱依例擬絞等因具題奉

旨三法司核擬具奏欽此該 臣 等會看得譚冠譚義檀譚禮芹均

先未為匪譚冠係廩生鄧昌國將田佃給族人鄧檢仔耕種
該田係譚姓出業向有無主古墳一塚並譚冠等族祖譚楚
瑛墳墓鄧檢仔因古墳年久下陷平治為田未見棺槨經譚
冠族人譚乞人仔瞥見稔知鄧昌國家道殷實起意訛詐錢
文商允譚冠捏稱鄧昌國平毀譚楚瑛墳墓控縣勘訊將鄧
檢仔杖責飭令將墳修復譚乞人仔等控出有因免議完案
同治元年十月間譚冠譚義檀譚禮芹與譚乞人仔並族人
譚揚柏譚義株譚器七譚志在譚揚桃譚揚球譚禮倡譚揚
忠譚揚斌譚揚富會遇閒談譚乞人仔因前控鄧昌國毀墳

火獸身及 卷五 奏盜盜竊門成案

譚冠等

未經訛得錢文心懷不甘起意糾允譚冠等發掘鄧昌國之祖鄧業七墳塚起骸勒贖得錢分用二十三日夜譚乞人仔等分攜香火鋤斧籬擔偕抵鄧業七墳前譚乞人仔令譚冠譚義檀譚禮芹並譚揚忠譚揚斌譚揚富在山口瞭望自與譚揚柏等用火照亮分手刨開墳土擣棄棺蓋檢取骸骨裝入籬筐經譚揚柏挑往譚義株家藏放各散鄧昌國查知託人向譚族詢問報縣詳緝譚冠等逃避嗣譚冠譚義檀潛回與譚揚柏譚義株譚禮倡並族人譚禮俊譚禮勤譚富家仔譚漬葆在山修整祖墳適鄧昌國之弟鄧昌蘭帶領工人廖老寵周木匠趕墟回歸譚冠憶及鄧昌國不肯給錢贖骸起意糾允譚義檀等捉禁鄧昌蘭等勒贖得贖分用喝令譚義檀等將鄧昌蘭等攔捉帶至譚姓祖祠關禁並未陵虐鄧昌國聞知邀人向譚冠懇釋譚冠勒索洋銀四百圓並嚇稱如

不給銀告官定將鄧昌蘭等打死鄧昌國恐鄧昌蘭等受苦
備洋銀三百三十圓交譚冠收受將鄧昌蘭等放回控縣會
營勘緝經兵役唐魁等將譚冠緝獲稟經外委陳飛龍押解
赴縣譚義株探知恐譚冠到官受罪起意糾眾打奪邀允譚
義檀譚禮芹並譚揚柏譚揚桃譚揚球譚揚忠譚揚斌及族
人譚協中譚讓玉譚義作譚義盜幫助分攜竹銃木棍同夥
十二人偕抵樹林內等候陳飛龍督同唐魁張勝等押解譚
冠走至譚義株瞥見開放竹銃轟傷陳飛龍倒地譚義檀等
趕出將譚冠奪脫譚冠乘閒扭斷鎖鍊同逃唐魁張勝追捕
均被譚讓玉用木擔毆傷報驗獲犯起出骸骨革審供認不
諱陳飛龍等傷均平復查譚冠譚義檀譚禮芹聽從譚乞人
仔發塚起骸勒贖雖未得財惟已將骸骨檢出卽與開棺見
屍無異按例罪應擬絞其另犯捉人勒贖並未陵虐及聚眾

奪犯爲從均屬輕罪自應從重問擬除發塚開棺見屍爲首
罪應斬決之譚乞人仔病故爲從罪應擬絞之譚揚柏譚器
七譚志荏譚揚桃譚揚球譚禮倡譚揚忠譚揚斌譚揚瀛聚
眾十人以上奪犯傷差爲首罪應擬斬之譚義株並譚禮俊
等緝獲另結譚協中依奪犯傷差爲從律擬流外譚冠譚義
檀譚禮芹均合依發掘常人墳塚開棺見屍爲從絞例擬絞
監候俱秋後處決等因具題奉

旨譚冠譚義檀譚禮芹俱依擬應絞著監候秋後處決餘依議欽
此

同治九年秋審聽從發塚見屍在外瞭望一次譚冠譚義檀
譚禮芹均應緩決

聽從發塚開棺見屍在外瞭望一次按例原應
入緩惟查此起該犯譚冠聽從發塚起骸索詐

經事主報官差緝復敢將其人之弟及雇工擄
捉關禁勒贖並嚇稱如不給銀告官定將被捉
之人打死索得洋銀三百三十圓始行放出實
屬慙不畏法雖未幫同動手擣棺似未便率行
議緩該犯譚義檀譚禮芹聽從起骸在外瞭望
一次其另犯聽從捉人勒贖及聚眾奪犯究屬
爲從較之譚冠一犯情節稍輕似可分案入緩
譚冠改實其餘照緩

聽從發掘多塚鑿棺抽竊 山西鳳臺縣案

一起李椿會聽從發掘喬姓等墳塚鑿棺抽竊衣飾一案將李椿會依例擬絞等因具題奉

旨三法司核擬具奏欽此該 臣 等會看得李椿會與胞兄李心奪均先未爲匪同治六年八月間李心奪因貧起意糾允李椿會發塚得贓分用是夜各攜鐵鑊行至喬姓墳前見有六塚李心奪令李椿會用鐵鑊將五塚次第各刨一窟李心奪先後擺落墓門露出屍棺用鑊將各棺堵板鑿孔摸取首飾李椿會又將第六塚刨空尙未掘透天色已明各攜贓物走回十月間李心奪又邀李椿會分攜器械夜至劉姓墳前李椿會在外瞭望李心奪用鑊掘窟擺開墓門將墓內兩棺堵板各鑿一孔摸取贓物走回李心奪又邀李椿會分攜器械夜至曲姓墳前見有四塚李心奪令李椿會掘開兩塚李心奪

先後撬開墓門查看每塚各有四棺將各墓內女棺六具堵板用鑊鑿孔摸竊贓物因天已明亮攜贓走回次夜李心奪又邀李椿會仍到曲姓墳前李椿會在外瞭望李心奪先後刨掘二塚用鑊將三棺楮板鑿孔摸竊俱無首飾回將前後所竊贓物賣錢分用旋被拏獲審供不諱并究出李心奪另犯獨自發塚開棺見屍一次糾同李椿會發塚尙未見棺一次除發塚開棺見屍爲首罪應斬決之李心奪病故失察牌甲傳責外李椿會合依發塚見棺鋸縫鑿孔抽取衣飾爲從絞例擬絞監候秋後處決等因具題奉

旨李椿會依擬應絞著監候秋後處決餘依議欽此
同治九年秋審發塚見棺摸竊爲從雖已四次惟幫同下手僅止二次李椿會應緩決

謹按發掘墳塚之案例以見一屍棺爲一次不

得以同時同地連發多塚者作爲一次此起聽
從發塚雖止四次惟統計鑿棺抽竊已至十餘
次之多雖僅止在外瞭望亦難不實是以改實

聽從發掘小功伯母墳塚鑿棺抽竊

直隸涿州案

一起宋老琥聽從發掘小功伯母劉氏墳塚鑿棺抽竊一案將宋老琥依例擬絞等因具題奉

旨三法司核擬具奏欽此該臣等會看得宋老琥卽宋鈺屏先未爲匪同治四年十一月十五日宋老琥與素識之李四遇道貧難李四稔知宋老琥小功伯母劉氏故後棺內殮有首飾起意邀允宋老琥偷刨得贓分用是夜李四攜鐵鍬宋老琥持鐵斧偕至劉氏墳前李四用鍬刨開墳土露出棺木宋老琥用斧在棺前鑿孔用手摸出銀簪三枝仍將墳土填好將簪押錢分用逃逸經劉氏之夫宋振川查知報州詣勘票差捕役曹銘帶同散役胡名王澱奎躡緝六年初一日曹銘等途遇宋老琥攏前提拏宋老琥情急起意拒捕拔刀砍傷曹銘左胎膊左肱肱右手腕右手大指並將胡名右手中

宋老琥

指王澱奎左顛頰砍傷當被地方協同營汛將宋老琥拏獲送案審供不諱曹銘等傷均平復經順天府尹以常人發塚罪已加嚴卑幼有犯尊長應否加重之處咨請部示經刑部以常人發塚鑿棺抽竊爲從業已加至絞候卑幼有犯尊長亦屬無可再加行令妥擬去後茲據該督遵照具題除發塚鑿棺抽竊爲首罪應絞決之李四緝獲另結外宋老琥卽宋鈺屏合依發塚見棺鋸縫鑿孔抽取衣飾爲從絞例擬絞監候秋後處決等因具題奉

旨宋老琥卽宋鈺屏依擬應絞著監候秋後處決餘依議欽此
同治九年秋審聽從發塚鑿棺抽取首飾僅止一次卽其刃傷捕役亦係輕罪不議宋老琥卽宋鈺屏應緩決

聽從發掘小功尊屬墳塚鑿棺抽竊經縣派役往拏復拒捕刃傷三人情節較重姑以發掘功

服尊屬頂塚見棺舊例罪止擬軍新例從嚴擬絞已屬由輕加重定案既與凡人同科絞候秋審未便較凡人辦理獨嚴至刃傷捕役三人亦由被拏情急所致且該犯脫逃係在未經到官之先與被獲後脫逃逞兇拒捕者不同似尙可以幫同鑿棺未至三次酌入緩決記核 照緩

賊犯遺火燒斃事主一命

河南長葛縣案

一起樊牛行竊遺火燒傷事主楊氏身死一案將樊牛依例擬斬等因具題奉

旨三法司核擬具奏欽此該臣等會看得樊牛與楊氏同村無嫌光緒二年四月二十三日樊牛因貧難度起意行竊是夜獨自攜帶火煤走至楊氏門首翻牆進院撥門未開楊氏與夫兄王聚保驚覺起捕樊牛撩棄火煤上草堆越牆逃逸王聚保等追捕無蹤俱各睡歇不期遺火被風吹燃草堆延燒楊氏臥室王聚保喊經村眾將火撲滅楊氏燒傷殞命報驗獲犯審供不諱除不能禁弟為匪之犯兄及失察牌甲傳責外樊牛合依賊犯遺火燒斃事主一命者照因盜威逼人致死律斬例擬斬監候秋後處決等因具題奉

旨樊牛依擬應斬著監候秋後處決餘依議欽此

火賊身受
盜盜搶竊門成案

長

樊牛

光緒四年秋審行竊遺火燒斃事主一命並非該犯意料所及事出無心樊牛應緩決

因盜威逼人致死例實至遺火燒斃事主照因盜威逼致死之案道光三年奏定章程以其出於無心聲明若燒斃一命者可以酌入緩決二十三年江蘇八本張沅二十五年河南十四本張禿子二十六年山東七本張春均照緩在案近年查無恰合成案然章程云可以酌緩不日俱入緩決自應仍核情節輕重分別辦理或慌忙遺落或撩棄空地不期延燒或將火息滅不期風吹復然顯出無心者尚可緩決若撩火於必燒住房之地仍得入緩恐開盜犯之避就增事主之冤慘此起事主僅住房五間草堆卽在

屋前遺火草堆勢必延燒住房縱燒事主出於該犯意外其欲令事主趕緊撲滅不暇追趕當在該犯意中若謂攜帶火煤不便越牆慌忙撩棄不及致詳豈該犯獨能攜帶火煤翻身入院乎未便以前有緩案遂概入緩致與章程不符因盜遺火燒斃事主之案以其出於無心若燒斃一命可酌入緩此起遺火草堆延燒房屋致斃事主一命非必顯出有心似可入緩 照緩

禾譜
卷五

三

秋讞輯要卷六

目錄

雜項成案

計二十八起

木商捏稱奉

旨採辦木植並冒充

園工監督

李洗炤

偽造印信誑騙多賊

魯遇堂等

私雕印信冒充差官包攬稅釐

王斌材

私鑄銅錢十千以上

周可義等

法術治病致斃人命

趙什升

聽從斂錢聚眾抗糧

丁漑來

實在光棍

郝泳滢

聽從聚眾挾制官長

陳棕器

聽從聚眾罷市並夥犯拒捕殺人在場助勢

余浙江老等

革書挾嫌捏造告病文書投遞圖害本管巡檢復赴京誣告

李炳煌

挾嫌捏造劣跡書寫匿名公啟赴各衙門投遞

王菴培

誣告致死一家二命

夫強姦未成毆死本婦妻圖脫夫罪誣告其父調姦子媳致

斃

張 濬

平空誣竊訛詐拷打人致死

李 氏

平空訛詐致被詐之人自盡

賀 菴 杰

平空訛詐致被詐之人自盡

張 添 得

鄉約挾嫌教令竊賊誣扳買贓夥同差役鎖拏盤問致令自

盡

李 要 笙

糧差索詐花戶錢文嗣因口角揪扭稱欲稟究致令悔懼自

盡

金 琢 夫

陳 車

假差嚇詐致被詐之人自盡

王 淮

罪囚聽從越獄拒毆禁卒一死一傷

鄧守得

故殺問擬斬候解審途逃被獲

楊楚弼

從搶傷人間擬斬決被糾反獄守法未動

吳禿仔

遣犯越獄脫逃被獲

吳阿浩

已勾斬犯於未奉部文以前被匪劫放守法未逃

申蟻秀

聚眾中途打奪解審發回監禁軍犯因而傷差

劉莒立

聽從私雕假印誑騙得贓因首犯被獲解案聚眾中途打奪

並未傷差

帥直漳

挾讎放火延燒鄰屋

陳 剛

捉人勒贖

魯得廣等

矜緩比較成案 計十九起

毆死不孝有據之妻

蕭揚筒

毆妻倒地因其牽罵翁姑復用刀砍傷身死

周 控

父已受傷救護斃命金刃三傷二致命一透內腸出一透膜

于大小

見父受傷救護斃命金刃致命二傷一透內一穿透

金 升

見父受傷擁護斃命金刃一傷

苑 練

父被共毆僅受一傷趨護致斃並未下手毆傷伊父之人

賈城淋

死者與伊母互毆致傷擁勸斃命

王滯澗

被扭掙扎同跌落河兇犯經救得生

吳萌江

幼孩鬪毆斃命死者年長六歲

胡知方

因戲捏傷下部身死

丁起沅

因戲推跌撞傷疔瘡身死

沈象顏

因戲致人溺水身死

焦旦

鬪毆誤殺旁人

郭三

擅殺而誤殺其人之子

陳傑格

事主致斃到官在押脫逃持刀逞兇之竊賊

劉憬立

團丁奉派飭拏火器擅殺假官搯詐拒捕傷差罪人

杜超羣

擅殺竊放用水罪人

理傑七

男子先被雞姦後經悔過拒絕復被逼姦殺死姦匪

張歡狗

毆致命而非重傷越九日因風身死

李根材

秋讞輯要卷六

雜項成案

木商捏稱奉

旨採辦木植並冒充

園工監督

直隸

司

一起李洸炤詐傳

詔旨一案該臣等審得李洸炤販運木植生理先在臨淮軍營報捐知府未得部照領有實收旋亦焚燬嗣在漢鎮挑築隄工被人控告未結同治十二年六月間李洸炤來京賣花板與前任內務府大臣誠明署堂郎中貴寶筆帖式成麟認識適值興修

圓明園誠明向李洸炤詢問採買大木情形李洸炤因思若到四川等省進山伐木用工本銀三千兩可報值銀一萬兩旋向貴寶說願報効十萬兩銀木植分年呈交經貴寶帶見堂

維項成案

李洸炤

官允令呈請核辦李沆炤隨與成麟出京行至湖北探知進山伐木非三年不能出山工本太重復至廣東香港定買洋商菴忌洋木付定洋十圓寫立合同後菴忌病故原木被債主分散事遂罷議時法商播威利亦有木值出賣李沆炤無錢游移未買成麟欲藉此補缺聲稱可向親戚湊借銀兩遂向定買成麟先取木樣回京李沆炤至福州與播威利議定買木三船共洋尺三萬五千尺每尺洋銀一圓五角五分統合木價銀五萬四千二百五十圓先付定洋十圓寫立合同餘俟到津付價交木十三年五月間李沆炤至津播威利將第一船木植運到李沆炤即赴內務府呈報木植數目捏開洋尺五萬五千五百餘尺浮報價銀三十萬兩李沆炤實無錢買木報効成麟亦未借得銀兩運到木植又不合用遂與洋商互控奏奉

諭旨將李洸焯革職交審究出李洸焯刻有奉

旨採運

圓明園木植李銜條並製有奉

旨採辦旗號又追出定買菴忌木植洋文合同一紙飭照繙譯內

有

圓明園李監督代

大清

皇帝與阿多富菴忌香港商人立約字樣等情審供不諱查李洸

焯捏稱奉

旨採辦木植並冒充

園工監督接詐傳

詔旨及詐稱內使近臣二罪均應擬斬應從一科斷其捏報木植

係屬輕罪自應從重問擬除成麟奏請革職外李洸焯合依

欽定大清會典事例 卷一百一十五 雜項成案

李洸焯

詐傳

詔旨者斬律擬斬監候秋後處決等因具奏奉

上諭李洗焯卽著照所擬斬監候秋後處決該部知道欽此恭逢

恩旨

恩詔奏明不准援減援免並聲明該犯所供報捐知府係屬一面之詞並無憑據卽使屬實亦係有職無任不得與現食俸祿之員相提並論將該犯照向辦章程歸入常犯冊內辦理

光緒元年秋審詐傳

詔旨情殊藐法李洗焯應情實

偽造印信誑騙多賊 四川資陽縣案

一起魯遇堂偽造印信誑騙多賊張寶山同謀分贓代為雕刻
一案將魯遇堂張寶山均依例擬斬等因具題奉

旨三法司核擬具奏欽此該 臣等會看得魯遇堂張寶山均先未
為匪魯遇堂係已革代書張寶山刻字生理在魯遇堂家借
住光緒二年閏五月間魯遇堂因貧憶及王忠敬劉盛儒買
業係素識之李近亭許宅普作中契尙未稅起意誑騙稅銀
令張寶山私雕假印並往向李近亭等告知前情囑代王忠
敬等稅契得贓分用張寶山李近亭許宅普均貪利允從初
五日李近亭許宅普向王忠敬劉盛儒詐稱與戶房熟識令
將契紙稅銀交伊等代投王忠敬卽措銀二十一兩七分劉
盛儒措銀三十兩連契紙一併交李近亭等手收轉交魯遇
堂各散是夜魯遇堂尋出舊存門牌一張蓋有資州印信一

顛令張寶山取出雕刀木板將門牌上印花空下反貼板面照樣雕刻完全魯遇堂取出印色將假印在契上蓋用鎖在箱內約俟李近亭等來家取契將銀俵分卽經訪聞獲犯審供不諱此案計贓五十一兩零爲數已多訊係魯遇堂起意張寶山同謀分贓代雕假印應按例均以爲首論除李近亭許宅普依爲從例擬流王忠敬等擬杖外魯遇堂張寶山均合依僞造印信誑騙財物爲數多者斬例擬斬監候俱秋後處決等因具題奉

三魯遇堂張寶山俱依擬應斬著監候秋後處決餘依議欽此光緒四年秋審魯遇堂起意僞造假印張寶山同謀雕刻行用得贓均屬藐法難寬魯遇堂張寶山俱應情實

私離印信冒充差官包攬稅釐 江西德化縣案

一起王斌材假官誑騙得贓犯該軍流一案將王斌材依例擬絞等因具題奉

旨 三法司核擬具奏欽此該 臣等會看得王斌材籍隸湖南係遣

撤營勇光緒二年八月間王斌材復赴江南投營僱倩族人

王得賸挑送行李路遇素不認識之龔復懇談及亦赴江南

當勇彼此結伴同行至湖北漢口鎮投歇飯店王斌材自往

船行託行戶王培沅搭船適有盛洸照先託王培沅僱就羅

金亮船隻裝運貨物往江南銷售議明關稅釐金均歸羅金

亮代完連船價共錢一百二十千文王培沅即向王斌材告

知可以搭坐王斌材因盤費無多起意詐稱副將冒充差弁

包攬稅釐得錢使用即與王培沅商允轉向羅金亮捏說有

差官搭船若肯幫錢包討稅釐羅金亮誤信為真議定自漢

大 欽定四庫全書 刑部 雜項成案

王斌材

口鎮至江南討過關卡出銀四十兩王斌材慮無憑據關卡難過起意偽造護照委劄憶及前在軍營曾見江南提標中軍王參將官銜關防式樣並探知武昌關盤查嚴密必須護照內蓋有府印方能過關復起意偽造武昌府印信隨私自寫就王參將官銜關防潛赴武昌府考棚照牆揭取告示印花一併攜至劉財禧刻字店央允劉財禧代爲雕刻王斌材復託王培沅轉向羅金亮先騙得洋銀九兩四錢換錢付給王培沅錢三吊獨自走至劉財禧店內取回刻就假印關防銜戳謝給劉財禧錢四吊買備副將燈籠旗幟及油硃紙張墨刷等件攜回王培沅行內將燈旗交給王培沅送往船上張掛自在行內寫就委劄護照分別蓋用銜戳關防印信填註委弁王潰庭字樣並另寫副將銜帖攜回飯店藏放箱內王斌材將船已搭就欲冒充差官包攬稅釐可得錢文之言

向王得贖等告知令王得贖等充作親兵許分錢文並檢出舊存號衣二件令王得贖等分穿王得贖等不知偽造關防印信情事亦卽允從王斌材卽令王得贖等穿上號衣一同下船羅金亮將船駛至武昌關口王得贖等執持護照投驗關卡巡丁見係官船又照內蓋有武昌府印信不知真假亦未留難羅金亮將船開駛沿途釐卡王斌材俱令王得贖等用副將銜帖前往討過嗣抵江西九江關王斌材仍令王得贖龔復懋執持假照委劑上岸討關卽經該縣等訪聞獲犯審供不諱除王得贖龔復懋依爲從例減等擬徒羅金亮擬杖劉財僖擬徒病故王培沅緝獲另結外王斌材合依無官詐稱有官並未造有憑劄但係圖騙一人圖行一事犯該軍流者絞例擬絞監候秋後處決等因具題奉

旨王斌材依擬應絞著監候秋後處決餘依議欽此

火獸身夏
卷之六
雜項成案

五

王斌材

光緒五年秋審假官並未造有憑劄誑騙得贓不及十兩王
斌材應緩決

撤遣營勇私雕印信冒充職官詐騙得贓情節
較重惟假印誑騙銀不及十兩本罪止應擬流
業因詐稱有官加重擬絞未便再予從嚴其捏
造係屬委劄與捏造部頒劄付不同定案既照
並未造有憑劄問擬秋審自應原緩記緩候核

照緩

私鑄銅錢十千以上 湖北江夏縣案

一起周可義周擴亭聽從伊洸才起意夥同胡大中等私鑄銅錢數在十千以上一案將周可義周擴亭均依例擬斬等因具題奉

旨三法司核擬具奏欽此該 臣等會看得周可義周擴亭均先未為匪同治十一年四月間周可義周擴亭與伊洸才胡大中盧菴真伊洸瀟葛得懋田利禾陳萌椿遇道貧難伊洸才起意邀允周可義等私鑄小錢獲利均分伊洸才胡大中伊洸瀟葛得懋田利禾陳萌椿六人各出資本收買廢銅製備錢模鐵罐鐵鉗鐵竿各項器具在胡大中家安設爐座分派伊洸才周可義周擴亭盧菴真掌鉗鑄錢田利禾陳萌椿收買廢銅運錢出售伊洸瀟葛得懋數錢胡大中管帳另雇周如堯俞老四伊洸懋袁洸早桂幫怔桂中受何運懋彭倡沅王

才潰九人抽拉風箱挑水打炭燒火打雜磨錢每人日給工錢並不夥同分利十八日開爐鼓鑄將銅鎔化鑄成私錢三十餘千賣給監生萬如蘭八千餘錢二十四千一百文交田利禾等運出銷售卽經該縣訪聞會營獲犯審供不諱除私鑄銅錢十千以上爲首罪應擬斬之伊洸才病故匠人罪應擬斬之盧世眞並伊洸滿等俱緝獲另結胡大中依爲從例改發駐防給官兵爲奴周如蕘等均依受雇例擬徒保正余崇沅擬杖均援免外周可義周擴亭均合依私鑄銅錢數在十千以上匠人斬例擬斬監候秋後處決事犯在

因心旨

恩詔以前係私鑄銅錢不准援減援免應照奏定章程酌入秋審緩決辦理等因具題奉

旨周可義周擴亭俱依擬應斬著監候酌入秋審緩決餘依議欽

此

光緒二年秋審周可義周擴亭均應緩決

和歌山府志

法術治病致斃人命 奉天司

一起趙什升與端治病致傷根英兒身死一案將趙什升依例擬絞等因具題奉

旨刑部議奏欽此該 臣等會議得趙什升與年十四歲幼女根英

兒素無嫌隙根英兒係趙什升堂姑趙氏之女趙什升行醫生理光緒三年十二月間根英兒染患瘋病狂歌亂舞十八日根英兒之父梁正發延令趙什升醫治趙什升往視見病勢凶險邪祟占身商允梁正發預備鋤刀兩把震嚇妖邪梁正發令堂弟梁正旺素好之旗丁和色布馮雙葆幫同照料是夜趙什升在屋內點燃香燭令梁正發趙氏將根英兒仰面按捺坑上解開胛前衣服又令和色布馮雙葆分持鋤刀首尾鋒刃挨近根英兒肚臍自持鋤刀出屋跳舞請神梁正旺在前喝導趙什升緩步走至根英兒身前諷誦咒語禱祝

神靈舉刀用背向根英兒腹上刀背搯打冀圖妖邪畏避不期用力過猛腹上鋤刀舊鑿折斷致傷根英兒肚臍血流腸出當時殞命訪驗獲犯審供不諱查根英兒係趙什升堂姑之女應同凡論除和色布等擬杖外趙什升合依端公道士人等作爲異端法術醫人致死者照闕殺絞例擬絞監候秋後處決等因具題奉

旨依議欽此

光緒五年秋審異術醫人致死趙什升應情實

邪術醫病斃命向來多人情實此起用鋤刀治病因刀有舊鑿被搯折斷致斃人命非伊意料所及且死係無服表妹與平人不同稍有可原惟究係邪術斃命之案可否援緩謹記出恭候
堂定 改緩

聽從斂錢聚眾抗糧 安徽懷遠縣案

一起丁漑來聽從成棕筍斂錢聚眾抗糧一案將成棕筍依例擬斬立決丁漑來擬絞等因具題奉

旨刑部速議具奏欽此該 臣等議得丁漑來並成棕筍均先未爲匪丁漑來向充地保誤公革退同治十三年夏秋之間縣境雨水不調高阜低窪之區閒有受旱被淹該縣吳洵稟經藩司委員會勘收成五分三釐實係勘不成災稟司詳奏剔災徵熟至十月後秋收已畢連旬陰雨淮水稍長縣民成棕筍起意藉求免漕糧爲名哄誘鄉民斂錢漁利商允丁漑來並陳延禧胡錫聰分赴各堡各斂得錢二三十千不等陸續自行花用成棕筍卽同陳延禧捏寫聯名公呈由縣赴府續報被災求免完漕經該府縣明白批示未准嗣吳洵訪有刁民斂錢抗糧情事親赴各鄉曉諭催徵成棕筍因錢已花用漕

不能免難以對眾卽於十二月十六日糾邀陳延禧胡錫聰前往面求恐人少不能挾制復逼脅同堡文生陳步儼吳登魁從九銜陳珂監生楊滌灝並哄誘鄉民四五十人同至吳洵寓所成棕筍與陳延禧上前求免吳洵開導理論成棕筍等見難邀准卽喝眾將隨役趕散逼令鄉民同擁吳洵上轎赴府陳步儼等畏累各散成棕筍等復通知丁漑來誘帶鄉民十餘人同至鳳陽府城西關逼令吳洵進府代求該道府等聞信出城彈壓查拏成棕筍等畏懼各散旋經差緝獲犯審供不諱除聽從斂錢聚眾抗糧罪應擬絞之胡錫聰畏罪自盡陳延禧緝獲另結陳步儼等擬杖援免外成棕筍合依刁民約會抗糧聯謀斂錢聚眾至四五十人尙無闕堂塞署並未毆官者照光棍爲首斬例擬斬立決丁漑來合依爲從絞例擬絞監候秋後處決事犯在

恩詔以前係聚眾抗糧不准援免等因具奏奉

旨成綜筍著卽處斬餘依議欽此

光緒二年秋審除成綜筍正法外革保聽從斂錢誘脅鄉民
挾官抗糧丁漕來應情實

實在光棍 直隸遵化州案

一起郝泳瀼聽從郝鉞高添材設法索詐官民張貼揭帖一案
將郝泳瀼依例擬絞等因具奏奉

旨刑部議奏欽此該 臣等議得郝泳瀼先未爲匪郝泳瀼族人郝
鉞先因阻撓差徭斂錢構訟審依驀越赴京告重事不實例
量減擬徒遇

赦援免釋放光緒元年十月間郝鉞聞該州差徭蒙奏明分別裁
減商允郝泳瀼並高添材于肯堂乘機嚇詐錢文在郝鉞家
設局郝泳瀼等編造揭帖捏稱本年糧差俱可減免係郝鉞
控告之力應令酬謝派令四鄉有地各戶按畝出錢不准減
少又添邀曹得汶郝銳庭幫寫揭帖赴鄉張貼並令王義米
聰幫斂錢文陸續共斂得制錢一萬餘千經州訪聞飭拏郝
鉞卽與郝泳瀼等糾集四百餘人赴

陵寢工次醕親王前圍繞呈訴未經接收旋將郝鉞郝銳庭曹得汶米聰拏獲訊供看管郝泳瀼往視郝鉞囑令糾眾人城打奪郝泳瀼回向高添材告知鳴鐘聚眾有郝泳禾郝泳詳郝泳浚郝泳汰郝泳昂郝鈺高海高八高碌察李百齡等三十餘人隨郝泳瀼等前往沿途添邀五六十人持械徒手不等至城內各班房查我郝鉞等未遇復赴快役段得城家搜查高添材郝泳瀼各用刀棍將散役李萬幅陳怔砍毆成傷並將家具砸毀院牆拆倒一時人多手雜不知何人搶去衣物經兵役將郝泳瀼拏獲高添材回村復鳴鐘聚眾書立合同約會鄉民不准完納糧租並糾集數百人赴陵寢工次恭親王醕親王前圍繞越訴當被拏獲審供不諱查郝鉞商同高添材郝泳瀼等張貼揭帖設法索詐官民聚眾奪犯傷差並於附近

陵寢重地與高添材各自起意先後聚眾滋事與光棍無異郝鉞高添材均應以爲首論郝泳濼從張貼揭帖聚眾奪犯應照爲從問擬除光棍爲首之郝鉞高添材先行正法爲從罪應絞候之于肯堂病故郝銳庭曹得汶依爲從例量減擬流米聰等擬杖郝泳禾等緝獲另結外郝泳濼合依惡棍設法索詐官民張貼揭帖情罪重大實在光棍爲從絞例擬絞監候秋後處決等因具奏奉

旨依議欽此

光緒三年秋審聽從嚇詐斂錢復聚眾奪犯傷差藐法難宥郝泳濼應情實

聽從聚眾挾制官長 陝西鳳縣案

一起陳棕器聽從白淦聚眾四五十人挾制官長一案將白淦依例擬斬立決陳棕器擬絞監候等因具奏奉

旨刑部速議具奏欽此該_臣等議得陳棕器先未爲匪白淦素性兇惡人皆畏懼先因帶刀遊蕩鎖繫巨石期滿釋放同治七年二月間該署縣李毓璘因地方收成歉薄窮黎乏食求賑邀同紳士設局勸捐賑濟收得捐錢隨收隨散並無存餘嗣李毓璘因散賑無資帶同紳士從九品職銜俞顯名差役郭沅等十餘人親赴河口一帶續勸賑濟俞顯名沿途索取肉食米麩并供支夫馬口糧錢五十餘千文皆由各地方零星湊給鄉民因被騷擾眾議沸騰白淦憶及先年曾被紳役稟官鎖押心懷不甘起意糾毆俞顯名郭沅洩忿並將李毓璘擡送府城藉圖挾制卽商允陳棕器書寫傳帖約眾會議滴

與余二娃王剛王世幅並聶墩忠汪芳賢李春華謝順舉楊景春龔泳詳桂大蕘唐秀儒張重科馬自有馬汶輝撞遇白淫向述前情逼令入夥陳棕器從旁怂恿聶墩忠等均畏惡勉從陳棕器隨將寫就傳帖付給聶墩忠汪芳賢李春華分途傳送四月初七日白淫探知李毓璘帶同俞顯名郭沅等在進口關催傳捐戶卽帶領陳棕器余二娃等前往沿途逼脅不識姓名鄉民六十餘人同往李毓璘寓所門外吵鬧李毓璘聞聲出看白淫喝令余二娃王剛王世幅同鄉民揪住李毓璘衣襟推入轎內嚷稱送府請換好官將轎擡走行至木平河邊有不識姓名數人下河探水不期水深淹斃四人余二娃等畏懼各散鄉約康大順將李毓璘扶回維時張重科馬自有馬汶輝同鄉民將俞顯名郭沅捆縛按地亂毆何人毆傷何處人多手雜未經看清張重科因郭沅混罵氣忿

用手指空瞎其兩目各散稟經該撫將李毓璘等奏參革審
陳棕器等復以前情並添砌俞顯名勒索錢文等情赴該督
行營呈控飭府提犯審供不諱俞顯名傷醫平復郭沅兩目
成篤除聽從聚眾至四五十人罪應擬絞之余二娃並張重
科等病故王剛王世幅緝獲另結聶墩忠汪芳賢李春華均
于陳棕器爲從絞罪上減等擬流李毓璘改發黑龍江効力
贖罪謝順舉等分別擬杖俞顯名不准納贖免其發落郭沅
照例收贖仍革役不識姓名鄉民免傳外白淫合依刁民假
地方公事強行出頭逼勒平民聚眾至四五十人尙無鬪堂
塞署並未毆官者照光棍爲首斬例擬斬立決陳棕器合依
爲從絞例擬絞監候秋後處決等因具奏奉

旨白淫著卽處斬餘依議欽此

同治九年秋審除白淫斬決外刁民聽糾挾制本官實屬濟

惡藐法陳棕器應情實

光棍爲從之案秋審向俱入實此起聚眾四五
十人挾制官長該犯聽從書寫傳帖逼脅鄉民
滋鬧殊屬藐法雖尙無闖堂塞署及下手毆官
情事究難不實記候核 照實

聽從聚眾罷市並夥犯拒捕殺人在場助勢

案

一起余浙江老彭譜庭曹六指聽從馮瑞州老聚眾罷市並夥犯拒捕殺人在場助勢一案將馮瑞州老依例擬斬立決余浙江老彭譜庭曹六指俱擬絞監候等因具奏奉

旨刑部速議具奏欽此該_臣等議得余浙江老彭譜庭曹六指與

素識之馮瑞州老卽導盧均在江西浮梁縣景德鎮爲燒盃窯戶做造盃坯度日馮瑞州老充當工首平日兇橫人多畏懼該處工匠食飯俱用糙米歷久相安無異光緒二年閏五月閒馮瑞州老因令窯戶增添工資不遂起意糾同做坯工匠往向窯戶換食白米借事滋鬧希圖挾制勒加工錢當與余浙江老彭譜庭曹六指相商余浙江老等允從馮瑞州老復糾允各窯坯匠余滄瑤邵親西袁疇沅陳來亭曹祐葆馮

火款耳夏

卷六

雜項成案

七

余浙江老等

黑葆余幫仔余兔葆方發禧江細得陳細沅張萬巖余葆林
王花仔張奴狗方拐仔袁冬狗余倒街余老二胖仔詹鎮初
江從其入夥隨同滋鬧寫立向窯戶換食白米知單通知各
坯匠均須同往如不去者定行捉人燒屋坯匠王的葆江六
矮仔余谷雨洪臘梨及各坯匠均被逼脅勉從二十三日馮
瑞州老帶同余浙江老等並王的葆等及不記姓名各坯匠
一共百數十人往向窯戶勒換白米王的葆江六矮仔余谷
雨洪臘梨畏懼潛回窯戶洪怔南等不允換米馮瑞州老與
余浙江老等即將各窯做瓷器具打毀分攜尖刀砍取茅竹
削成竹矛一齊上街逼令各店鋪罷市聲稱如有不從放火
殺害該鋪戶等見人多勢兇各自將店關閉不敢開張經分
防同知會督汛弁兵役帶同保甲巡丁前往開導馮瑞州老
等不服抗拒該同知喝拏巡丁方葆仲方金葆方芋頭馬志

檜上前捕捉馮瑞州老卽督令余澹瑤等各用刀矛拒毆方
葆仲等格開方葆仲刀戳余澹瑤心坎方金葆刀戳邵親西
心坎方芋頭刀戳袁騰沅左脇馬志樾刀戳陳來亭左脇曹
佑葆馮黑葆余幫仔趕攏幫拒曹佑葆刀戳方葆仲心坎馮
黑葆刀戳方金葆肚腹余幫仔用刀割傷方芋頭左乳戳傷
臍肚左並戳傷馬志樾左脇巡丁馬碌仝王德葆方致後上
前喝拏曹佑葆等用刀拒毆馬碌仝等格開馬碌仝用槍割
傷曹佑葆左額角項頸左並戳傷右脇王德葆方致後各用
矛槍戳傷馮黑葆余幫仔咽喉維時余免葆方發禧江細得
陳細沅張萬巖各用竹矛向巡丁徐發旺倪矮仔方作棣方
蟻葆方有仝拒毆徐發旺等格開徐發旺刀戳余免葆肚腹
倪矮仔刀戳方發禧肚腹方作棣刀戳江細得咽喉方蟻葆
刀戳陳細沅肚腹方有仝刀戳張萬巖咽喉先後各倒地余

滙瑤邵親西袁疇沅陳來亭並方葆仲方金葆方芋頭馬志
榭及曹佑葆馮黑葆余幫仔余兔葆方發懌江細得陳細沅
張萬巖均移時殞命余浙江老彭譜庭曹六指與在逃之余
葆林等均到場附和喊鬧經該縣會營督帶兵役馳抵該處
截拏馮瑞州老始率眾退散報驗獲犯審供不諱除拒斃巡
丁罪應絞決之曹佑葆馮黑葆余幫仔已被格殺爲從罪應
擬絞之逸犯余葆林等緝獲另結王的葆等擬杖格斃曹佑
葆等之巡丁馬碌仵等照例勿論外馮瑞州老卽導盧合依
刁民借事罷市擅自聚眾至四五十人尙無闐堂塞署並未
毆官者照光棍爲首斬例擬斬立決余浙江老彭譜庭曹六
指均合依爲從絞例擬絞監候秋後處決等因具奏奉

旨馮瑞州老卽導盧著卽處斬餘依議欽此

光緒四年秋審除馮瑞州老正法外聽從眾眾逼勒罷市抗

官拒捕復於拒殺巡丁時均在場附和喊鬧余浙江老彭譚
庭曹六指俱應情實

革書挾嫌捏造告病文書投遞圖害本管巡檢復赴京証
告 湖北監利縣案

一起李炳煌捏造巡檢告病文書投遞希圖陷害一案將李炳
煌比律擬絞等因具題奉

旨三法司核擬具奏欽此該 臣等會看得李炳煌卽李從權與胡
逢盛李恢先俱充當湖北監利縣分鹽巡檢衙門書識各因
誤公經該管巡檢王體仁先後革退李炳煌復報捐監生領
有執照光緒二年正月閒李炳煌會遇胡逢盛李恢先談及
被革緣由李炳煌心懷忿恨憶及家中存有前署巡檢用贖
空白印文一紙申封一角起意捏寫王體仁告病文書赴藩
司衙門投遞希圖陷害胡逢盛亦因懷恨應允李恢先被脅
勉從李炳煌取出空白印文申封卽以王體仁自因患病申
請委員接署詳咨開缺等情作就偽稿令胡逢盛照贖封固

李炳煌

將稿底焚燬攜帶僞文與胡逢盛李恢先一同起程三十日抵省李炳煌自執僞文赴藩司衙門投遞旋各逃避經前署藩司行經荊州府委驗王體仁並無疾病飭令照常供職飭緝獲犯送經王體仁暫關空屋擬卽備文解審李炳煌乘間越牆逃走愈加忿恨起意赴京誣告復捏以王體仁藉端詐贓縱孫開晴並雇倩流犯夥開小押扣取重利等情作就呈詞進京赴步軍統領衙門具控咨交革審供認不諱查李炳煌用印信空紙捏寫巡檢王體仁告病文書投遞希圖陷害核與投匿名文書告言人罪無異自應比律問擬除胡逢盛李恢先均依爲從律擬流胡逢盛知法犯法加等擬軍李恢先尙知畏法減等擬徒外李炳煌卽李從權應比照投匿名文書告言人罪者絞律擬絞監候秋後處決雖供母老丁單毋庸查辦留養等因具題奉

旨李炳煌卽李從權依擬應絞著監候秋後處決餘依議欽此
光緒五年秋審革書挾嫌捏寫空白印文投遞圖害本管巡
檢復赴京誣告心殊狡詐惟係比律問擬究與實犯匿名告
言人罪有閒情稍可原李炳煌卽李從權應緩決

挾嫌捏造劣跡書寫匿名公啟赴各衙門投遞 直隸司

一起王菴培捏寫唐定奎罪狀赴各衙門匿名投遞一案將王菴培依律擬絞等因具題奉

旨三法司核擬具奏欽此該 臣等會看得王菴培籍隸安徽向不

務正曾赴臺灣投効提督唐定奎營內派管火藥局旋因辦理不善經唐定奎撤去差使驅逐回籍王菴培心懷不甘起意誣讎傾陷即捏造唐定奎侵吞餉銀並縱子調姦等劣跡編成詩詞公啟寫信五封末寫名另肅隨便裝一他人拜客名片均不記姓名於光緒元年冬間二年春間先後託過路人寄投兩江總督沈葆楨直隸總督李鴻章巡閱長江侍郎彭玉麟並都察院暨總理各國事務衙門經御史奏奉

諭旨飭交沈葆楨嚴查唐定奎被訐各款均無其事聲明飭緝捏造之人從嚴懲辦嗣王菴培來至直隸即經訪獲審供不諱

火獸異要 卷二 雜頁或案

王菴培

王菴培合依投匿名文書告言人罪者絞律擬絞監候秋後處決等因具題奉

旨王菴培依擬應絞著監候秋後處決餘依議欽此

光緒四年秋審挾嫌污讎投遞匿名文書告言人罪情殊險詐王菴培應情實

誣告致死一家二命 直隸三河縣案

一起張灤因誣告致郭城功郭有起畏累服毒自縊各身死一案將張灤依例擬絞並聲明親老丁單等因具題奉

旨三法司核擬具奏欽此該 臣等會看得張灤卽張幅灤與郭城

功及其嗣父郭有起均素好無嫌郭城功係張灤妻兄郭有起係張灤妻伯嗣張灤因貧欲將伊妻郭氏價賣郭氏未允張灤卽以餓死之言向逼郭氏無奈允從張灤託李汝佐並馬三媒說將郭氏價賣與馬六爲妻得受身價錢二百千文赴京花盡郭城功聞知欲控因找尋張灤未遇寢息同治十二年十月初七日張灤意欲回家尋工慮及郭城功查知不依起意誣賴抵制找至郭城功家反說郭姓不應將伊妻價賣並向討人郭城功理論張灤不服持刀嚇唬郭城功取木棍將刀格落毆傷張灤左右臙肘經人勸歇張灤被毆不甘

卽以郭城功價賣侯妻向討被毆等詞赴縣捏控傳訊供詞各執分別取保飭醫差傳媒證質訊未到郭城功因被誣控受累聲言不如早死經其母劉氏用言勸慰詎郭城功愁急莫釋至十三日夜潛服信毒身死報縣驗訊郭有起因年老無人養贍訟事未結亦愁急莫釋至十五日夜投繯殞命報驗審供不諱查張滌因誣告致郭城功並其嗣父郭育起服毒自縊各身死例無誣告致死一家二命治罪明文應從一科斷郭城功係張滌妻兄郭有起係張滌妻侄均應同凡論除馬六李汝佐馬三均擬杖援免外張滌卽張幅滌合依誣告人因而致死被誣之人委係平人絞例擬絞監候秋後處決事犯在

恩詔

恩詔以前係誣告人致死父子一家二命不准援減援免仍照奏

定章程酌入秋審緩決辦理據供母老丁單是否屬實俟秋
審時照例查明取結報部核辦等因具題奉

旨張灤卽張幅灤依擬應絞著監候秋後處決餘依議欽此

光緒三年秋審張灤卽張幅灤應緩決

誣告人致死父子一家二命業因恭逢

恩詔酌入緩決未便再准留養謹記候核 照緩不

准留養

夫強姦未成毆死本婦妻圖脫夫罪誣告其父調姦子媳
致斃 吉林案

一起李氏誣告伊父李幅有並景琛強姦周氏未成立時毆傷
身死一案緣李氏係李幅有之女嫁與景琛爲妻周氏係李
氏胞弟李才之妻景琛與姊丈趙添美同院居住趙添美與
李氏通姦景琛知覺因趙添美常有資助並未禁止同治七
年二月間趙添美與李氏續姦被周氏撞遇李氏恐其在外
聲張密囑景琛將周氏姦污杜口五月十一日下午周氏至
景琛家借油李氏讓周氏在屋暫坐假裝赴地趕猪景琛進
屋關門向周氏求姦周氏不允景琛將周氏衣袴撕破強姦
周氏嚷罵景琛氣忿用木棍將周氏左肩甲左右胳膊右脛
肘左右膝朋左右後肋左右臀毆傷倒地李氏回屋周氏肆
罵景琛喝令李氏用木棒毆傷其鼻梁左肩甲左右手背周

氏不能動彈景琛與李氏將周氏背負送回周氏向其翁李
幅有胞兄周順容訴知至半夜時周氏因傷殞命景琛聞知
畏懼與父景保付找向李幅有李才央求令李才承認正兇
許給李才錢三百千文另娶妻室李幅有應允景琛又託人
向周氏之父周才調處許給錢文作爲殯殮之費周才不依
報驗提訊李幅有供出景琛強姦實情李氏恐景琛獲罪央
懇戚誼秦氏設謀救夫秦氏教令李氏捏以李幅有向周氏
調姦不從將周氏毆死煩刑書陳少南代寫呈詞許俟事後
酬謝陳少南添砌李幅有許給周才錢四百千因向景琛借
貨不遂申通誣捏各情令李氏呈控審認不諱除秦氏依誣
告人死罪未決律擬流加徒監禁三年免其實發陳少南依
誣告爲從律係書吏加等擬流李幅有等擬以杖笞趙添美
等緝獲另結周氏附請

旌表外景琛合依強姦未成將本婦立時殺死斬例擬斬立決李氏合依子告父但誣告者絞律擬絞立決惟查李氏捏控伊父向子媳調姦不從毆打致死訊係聽從秦氏教令與罔顧倫常自行干犯者有閒且係婦女無知救夫情切核與從前辦過謝姚氏之案情事相同可否援案改爲絞監候之處恭候

欽定等因具題奉

旨景琛著卽處斬李氏改爲應絞著監候秋後處決餘依議欽此
同治九年秋審除景琛處決外誣告父母援案改爲監候李氏應情實

謹按此起因姦釀命復捏詞誣告伊父調姦子媳致斃名分攸關是以照實惟究由圖脫伊夫罪名所致且非該氏起意應仍照向辦成案於

黃冊內粘籤聲敘

照實聲敘

平空誣竊訛詐拷打人致死 湖北房縣案

一起賀世杰平空訛詐拷打致傷張發早身死一案將賀世杰依例擬斬等因具題奉

旨三法司核擬具奏欽此該 臣 等會看得賀世杰與張發早素不認識賀世杰素性兇橫人皆畏懼同治十二年正月二十日張發早至妻母袁氏家探望袁氏給與雜糧用箕背負回歸行至中途飯店投宿適賀世杰踵至見張發早箕內糧食起意誣竊訛詐得錢花用當向詐稱所負糧食係屬竊賊張發早分辯並向告知前情賀世杰不理解的繫篋麻繩將張發早揜按並將其兩手扭至背後用繩捆縛仆弔枋上拾起地上竹條亂毆致傷張發早右顛頰左右胯左右臀逼令認竊張發早哭喊叫罵賀世杰復取石磨壓在張發早背上聲言必須給錢方肯解放經鄰人胡大經等走至喝阻將石磨移下

解放捆繩問知情由將賀菴杰扭獲張發早至二十四日殞命報驗審供不諱賀菴杰合依刁徒無端肇釁平空誑詐拷打致死者斬例擬斬監候秋審時入於情實等因具題奉旨賀菴杰依擬應斬著監候秋審時入於情實餘依議欽此恭逢

恩旨

恩詔不准援減援免

光緒元年秋審賀菴杰照例應情實

平空訛詐致被詐之人自盡

山西太原縣案

一起張添得平空訛詐致張賒仔跳崖身死一案將張添得依例擬絞等因具題奉

旨三法司核擬具奏欽此該臣等會看得張添得與無服族弟張賒仔素好無嫌張添得自幼雙瞽素性兇橫人皆側目光緒二年閏五月間張賒仔之子張七斤戲將分居堂妹炕放銀簪藏匿玩耍旋經告知尋獲十九日張添得聞知稔知張賒仔懦弱可欺起意訛詐得錢使用找向張賒仔捏稱伊家從前遺失銀耳環錢帖均係張七斤竊藏令張賒仔賠錢七千文並稱如不賠還定將其父子送官究治經張天文勸歇張賒仔因被張添得平空訛詐無錢賠償又恐到官受累與妻蘇氏均愁急氣忿商同向張添得拚命經人與其子用言勸慰詎張賒仔等愁忿莫釋至二十一日張賒仔乘閒至村外

投崖跌傷殞命蘇氏亦上張添得房上跳落院內跌傷報驗
審供不諱蘇氏傷經平復張添得合依刁徒平空訛詐致被
詐之人自盡者絞例擬絞監候秋後處決等因具題奉

旨張添得依擬應絞著監候秋後處決餘依議欽此

光緒四年秋審刁徒平空訛詐致被詐之人自盡尙無拷打
及串差倚勢兇橫重情張添得應緩決

平空訛詐致被詐之人自盡 四川中江縣案

一起李要笙平空訛詐致羅怔得自縊身死一案將李要笙依例擬絞等因具題奉

旨三法司核擬具奏欽此該 臣等會看得李要笙與羅怔得素識無讎光緒三年二月二十三日李要笙因貧難度稔知羅怔得爲人老實起意訛索得錢使用獨自走至羅怔得家內捏稱伊家被竊查明贓物係其購買必須給錢方可無事羅怔得分辯李要笙不依吵鬧經倪遠妙攏勸李要笙遂稱明日如不給錢定要告官究追走散羅怔得卽向其母楊氏告稱並未買贓平空受此冤枉不如尋死楊氏用言勸慰詎羅怔得被詐情急卽於是夜潛赴雷逝代業內柏樹上自縊殞命雷逝代瞥見屍身慮及報官拖累起意私埋匿報解下屍身挖坑掩埋訪驗獲犯審供不諱除雷逝代擬杖外李要笙合

依刁徒平空訛詐致被詐之人自盡者絞例擬絞監候秋後處決等因具題奉

旨李要笙依擬應絞著監候秋後處決餘依議欽此

光緒五年秋審刁徒平空訛詐致令自盡尚無串差倚勢毆打重情李要笙應緩決

刁徒平空訛詐致被詐之人自盡情節較重惟指稱買贓索詐係屬空言尚無串差倚勢及拷打重情姑記緩候核 照緩

鄉約挾嫌教令竊賊誣扳買贓夥同差役鎖拏盤問致令
自盡 安徽泗州案

一起金琢夫誣竊嚇詐致被詐之高日昂服毒身死一案將金
琢夫比例擬絞等因具奏奉

旨刑部議奏等因欽此該 臣等議得金琢夫與高日昂同村無嫌
金琢夫充當鄉約高日昂開雜貨鋪生理金琢夫屢向高日
昂賒買雜貨未允同治五年十一月間有金大沅攷偷竊王
氏寄存廟內木植兩根賣錢花用王氏報案飭差袁洪查緝
金琢夫查係金大沅攷偷竊當將金大沅攷拏獲帶至家內
因挾高日昂不允賒買雜貨之嫌起意教令金大沅攷誣扳
高日昂買贓希圖連累洩忿金大沅攷允從六年正月十四
日袁洪持票前往金大沅攷卽以木植賣與高日昂向告袁
洪同金琢夫將高日昂鎖至金琢夫家盤問高日昂不認袁

洪出外查訪詎高曰昂畏累情急乘閒將身帶治病洋藥吞服毒發殞命報驗審供不諱查金琢夫因挾高曰昂不允賒買雜貨之嫌教唆賊犯金大沅致誣扳買賊致令服毒身死律例並無治罪明文自應比例問擬除袁洪依誣竊嚇詐爲從例擬流金大沅致病故外金琢夫應比依誣良爲竊捆縛嚇詐逼認致令自盡絞例擬絞監候情節較重應歸入秋審辦理等因具奏奉

旨依議欽此

同治九年秋審挾嫌教令誣買賊賊與誣竊嚇詐有閒且死由畏累案係比例問擬金琢夫應緩決

挾死者不允賒買雜貨之嫌起意教令賊犯誣扳死者買贓夥同差役將其鎖拏至家盤問以致死者畏累情急自盡情殊刁惡雖無詐贓拷

打重情未便率緩記候核 改實

六
雜項成案

三

金家夫

糧差索詐花戶錢文嗣因口角揪扭稱欲稟究致令悔懼
自盡 安徽懷遠縣案

一起差役陳車向黃兆蕾嚇詐致令自縊身死一案將陳車依
例擬絞等因具奏奉

旨刑部議奏欽此該 臣等議得陳車與黃兆蕾素不認識同治六
年十一月間陳車奉票催辦漕糧因人地生疏稟派熟悉地
方之馮希朗相幫花戶黃兆蕾應完漕糧四斗三升屢催未
完陳車稟縣批飭帶追嗣陳車與馮希朗遇見黃兆蕾欲行
帶走黃兆蕾仍央稍緩陳車起意向黃兆蕾索得飯食錢二
千六百文與馮希朗花用黃兆蕾旋即措錢自行將糧完納
尙未掣獲糧串亦未向陳車等告知十二月初四日陳車等
卯期緊迫欲將黃兆蕾帶縣催追黃兆蕾答稱糧已完納陳
車等不信索看糧串黃兆蕾揪住陳車彼此扭結經人勸散

陳車曠說黃兆當恃蠻毆差定須稟究黃兆當恐到官受累
悔懼莫釋卽於是夜赴屋後樹上自縊殞命訪驗審供不諱
查陳車藉端向黃兆當索詐飯食錢文黃兆當並無欲死之
心迨因口角揪扭陳車稱欲控其毆差始行自盡核與因詐
賊斃命稍覺有閒自應仍照舊例問擬除馮希朗依竄役嚇
詐斃命爲從減等例擬流外陳車合依竄役嚇詐致斃人命
不論賊數多寡絞例擬絞監候等因具奏奉

旨依議欽此

同治九年秋審死由畏累並非詐賊所致陳車應緩決

差役詐賊斃命之案現定新例不論賊數多寡
擬絞立決較舊例僅止絞候罪名爲嚴此起該
犯因死者欠糧未完乘機詐得飯食錢文嗣死
者將糧完納未向該犯告知仍欲帶縣催追彼

此揪扭該犯稱欲稟究致死者悔懼自盡定案
時以死者被詐之時並無欲死之心迨該犯稱
欲控其毆差始行自盡將該犯仍照舊例定擬
免其立決秋審衡情究係差役嚇詐致斃平人
之案似未便率行議緩記候核 改實

禾諫車夏

三

假差嚇詐致被詐之人自盡 直隸清苑縣案

一起王漑假差嚇詐致張四九自戕身死一案將王漑依例擬絞等因具題奉

旨三法司核擬具奏欽此該 臣 等會看得王漑與張四九素識無嫌王漑先充捕役誤公斥革光緒元年十月間王漑素好之郝洛明園地轆轤被竊因見張四九井上轆轤相似疑係原賊當向張四九之父張義查問討要被張義斥罵走散十一月初六日郝洛明被斥不甘找向王漑訴述前情央令設法將轆轤要回王漑素知張義懦弱起意嚇詐聲言不如假充差役將其鎖拏張義畏懼必肯花錢並可要回轆轤洩忿郝洛明允從王漑又邀允乞丐張瀛假充散役自充頭役令張瀛攜帶鐵鍊木棍與郝洛明同至張義家門首呼喚無人卽令張瀛進內與張義撞遇張瀛欲將張義鎖拏張義不服分

辯張義長子張大成上前救護張灑用木棍毆傷張大成顛
門左手背張義氣忿與張大成張四九將張灑毆跑追趕王
淮與郝洛明聞曠正欲進院見張灑被逐出門知事不成慮
被看破王淮曠稱毆伊散役定將其父子稟官拏究經人勸
散張義不知王淮已經斥革慮被稟拏張四九更覺膽小卽
稱無故被差鎖拏毆打尙欲稟官究治將來必致受累難以
爲人明是郝洛明誣賴陷害欲與拚命張義等正在畏慮未
經理會詎張四九愁急莫釋初七日帶刀至郝洛明家門首
自戕咽喉殞命報驗審供不諱除郝洛明病故張灑並行竊
正賊緝獲另結外王淮合依詐充差役妄拏平人嚇取財物
被詐之人因而自盡者絞例擬絞監候秋後處決等因具題
奉

旨王淮依擬應絞著監候秋後處決餘依議欽此

光緒四年秋審假差嚇詐致令無辜良民自盡情法難寬王
淮應情實

假差嚇詐之案向以死者是否無辜爲兇犯實
緩界限此起革捕假差嚇詐平人欲將死者之
父鎖拏並將死者之兄毆傷復嚇稱送究致令
死者愁急自盡情節較重雖尙無捏造簽票情
事實難不實記候核 照實

利調車馬

卷一

三

罪囚聽從越獄拒毆禁卒一死一傷 山西霍州案

一起鄧守得聽從越獄脫逃拒傷禁卒閻東來身死一案將鄧守得比律擬斬等因具奏奉

硃批刑部議奏欽此該 臣等議得鄧守得卽介休三與閻東來先

不認識閻東來充當霍州禁卒鄧守得因疊次糾竊人家錢物擬軍與趙城縣解州審勘斬犯王五管及另案絞犯劉沅茂仔黃淀幫同禁內監郭顯仔因聽從鄧守得行竊犯案收禁外監同治十年七月間該州公出二十六日晚吏目楊翔慶帶同刑書高席珍進監收封驗明刑具完固封鎖監門回署是夜四更風雨交作閻東來與禁卒杜鈺濱困倦睡熟劉沅茂仔起意商允鄧守得王五管脫逃當各扭斷鐐銬掇落內監門各逃出院黃淀幫喊捕劉沅茂仔用輒毆傷黃淀幫偏右腦後又用鐵錘毆傷其右肩甲閻東來等驚醒趕捕鄧

守得用輒毆傷閻東來偏左左肩甲左胎膊並毆傷杜鈺潰脊背各倒地鄧守得劉沅茂仔用撥落門扇靠牆立腳上房爬越圍牆脫逃郭穎仔亦乘閒隨同逃出高席珍聞喊報官帶領丁役並更夫郭中林暨王玉管原解王桂林開啟監門進內警見王五管上房爬牆欲出王桂林等上前捕捉王五管用輒毆傷王桂林左額角連左太陽左手腕並郭中林左耳額顛越牆逃逸黃淀幫移時身死閻東來至二十九日殞命勘驗獲犯供認不諱查鄧守得原犯疊竊擬軍越獄脫逃拒傷禁卒閻東來身死比律罪應擬斬其聽從越獄將杜鈺潰拒傷罪止擬絞應從重問擬除罪應斬梟之王五管正法罪應擬軍之郭穎仔病故高席珍等擬杖援免劉沅茂仔緝獲片結外鄧守得卽介休三應比依犯罪逃走拒捕殺所捕人者斬律擬斬監候秋後處決事犯在

恩旨以前惟情罪較重毋庸查辦等因具奏奉

旨依議欽此

同治十三年秋審罪囚聽從越獄拒毆禁卒一死一傷藐法
難寬鄧守得卽介休三應情實

刑部
雜項成案

鄧守得

故殺問擬斬候解審途逃被獲 湖北襄陽縣案

一起楊楚弼解審中途脫逃被獲一案將楊楚弼依例擬斬改
為立決等因具題奉

旨三法司核擬具奏欽此該 臣 等會看得楊楚弼與王有禧素識
無嫌同治十二年三月間王有禧賒欠楊楚弼煙土錢三千
文屢索未償四月初四日楊楚弼至王有禧家催索前欠王
有禧央緩楊楚弼不允王有禧混罵楊楚弼回詈王有禧取
刀向砍楊楚弼奪刀過手砍傷其左顙頰王有禧彎身拾棍
楊楚弼趕攏連砍傷其頂心並砍傷髮際王有禧撞頭拚命
楊楚弼砍傷其偏左並連砍傷顙門倒地王有禧臥地辱罵
並稱傷痊報復楊楚弼忿極頓起殺機又用刀連砍傷其咽
喉登時殞命報驗獲犯將楊楚弼審依故殺律擬斬監候兇
差董尚升謝榮升解省審勘並添撥兵役王品沈華李瑞林

大快軍臣 雜項成案

三

楊楚弼

劉幅高護解前進十二月初七日行至中途投宿飯店董尙升等將楊楚弼連木籠擡放屋內一同看守是夜三更時楊楚弼乘董尙升等睡熟扭斷繚鐐頂開籠板扭落門鎖開門逃逸董尙升等驚覺追捕無跡報勘詳緝董尙升等親屬協同差役將楊楚弼捕獲審供不諱除董尙升等依解審斬犯疎脫限內拏獲減等擬徒減杖援免外楊楚弼合依解審斬犯中途脫逃原犯斬監候秋審應入情實者改爲立決例應改爲斬立決事犯在

恩旨

恩詔以前係故殺擬斬脫逃被獲不准援減援免應准免其逃罪仍入秋審辦理等因具題奉

旨楊楚弼依擬應斬著免其立決入於秋審辦理餘依議欽此

光緒二年秋審遲忿故殺楊楚弼應情實

從搶傷人問擬斬決被糾反獄守法未動 直隸保定府案

一起吳禿仔聽從結夥持械搶奪拒傷事主李純古平復被糾反獄守法未動一案將吳禿仔依例擬斬等因具奏奉

旨刑部議奏欽此該 臣 等議得吳禿仔先因疊竊犯案擬軍配逃

同治九年十一月初四日吳禿仔與素識之張二小李猴膀李五壯吳虎崔洛情遇道貧難張二小起意糾允吳禿仔等搶奪是夜同夥六人各持刀械偕至村外適李純古同族姪李紹思坐車行抵該處李猴膀上前攔住車輛李純古等下車喊捕吳禿仔用刀背毆傷李純古頂心張二小用桿子毆傷其左臂膊左跨左腳腕右手指李純古等畏懼逃避吳禿仔等各搶得錢物俵分逃逸報驗獲犯將吳禿仔依聚眾持械搶奪例擬斬立決解省審勘具題聽候部覆同另案斬犯王倉鮑馬郭二李通銀穆漬李五張發水齊三張小七張五

巴胡連指杜二王牛兒劉汝關七吳秉証戴幅有楊二王二
洪二羈禁府監光緒元年九月二十五日王倉起意糾允鮑
馬等反獄吳秃仔守法不從王倉等聲稱如敢走漏消息先
行致死吳秃仔畏懼不敢噴聲王倉等同夥二十人約定夜
間動手是晚該司獄沈炳奎帶同刑書顧本進監收封驗明
各犯刑具完固將王倉等二十一犯收入西籠其餘案犯收
入東籠令內監禁卒梁庭懷高昆李明樊文馬慎李士濬小
心防守封鎖監門回署顧本向不在監值宿三更時王倉等
將籠門扳落取磚砸毀鏽錄木杓梁庭懷聽聞喊捕被王倉
用手掐住咽喉用繩拉勒致傷咽喉項頸擦磕傷額顱高昆
等聞聲幫捕王倉喝令夥犯一齊動手各用斷折鏽錄木杓
磚塊將梁庭懷高昆李明樊文拒傷各倒地王倉鮑馬郭二
李通銀復用麻繩將馬慎捆縛勒斃砸開吳秃仔鏽錄木杓

逼令同逃吳禿仔假意應允乘閒躲開喊嚷救人王倉等撞開房門出院李士濬在屋聞聲接應王倉等復砸開東房門將李士濬毆斃因黑夜亂毆不記何犯致傷何人外監禁卒阮順等同更夫王二等聞喊查問王倉等擁出門外逢人亂毆阮順等不能進前王倉等擣取堦石砸毀獄門蜂擁出獄越城逃逸報驗獲犯審供不諱梁庭懷等傷均平復查吳禿仔聽從結夥持械搶奪拒傷李純古平復罪應斬決其被糾反獄未動尙知畏法自應量減問擬除糾眾反獄拒殺獄卒罪應斬梟之王倉鮑馬郭二李通銀穆潰李五張發水齊三張小七張五巴胡連指杜二王牛兒劉汝均先行正法梟示梁庭懷高昆李明樊文於王倉等斬罪上減等擬徒阮順等均擬杖搶奪拒傷事主爲首之張二小並關七等均緝獲另結外吳禿仔應於搶奪之案聚眾不及十人數至三人以上

但經持械並傷事主者斬立決罪上量減為斬監候秋後處決事犯在

恩旨

恩詔以前係聽從結夥持械搶奪拒傷事主由立決改為監候不准援減援免等因具奏奉

旨依議欽此

光緒二年秋審原犯搶奪拒傷事主業因在監被逼反獄守法未逃免其立決法難再寬吳禿仔應情實

遣犯越獄脫逃被獲

江蘇奉賢縣案

一起遣犯吳阿浩越獄脫逃被獲一案將吳阿浩比例擬絞等因具題奉

旨三法司核擬具奏欽此該_臣等會看得吳阿浩先因聽從夥劫事主陳洪海家在途看船事後分贓獲案審依共謀爲盜夥犯因別故不行事後分贓例擬遣改軍監禁待質遇

赦不准援免禁卒衛鶴夏慶提牢書夏思誠更夫石三陳和向係依法防範光緒元年三月間連夜大雨積水入監該典史飭衛鶴等隨時疎消二十四日夜狂風大雨衛鶴等因屛水勞倦先後睡熟吳阿浩獨自起意越獄脫逃乘間扭斷鐐銬撬起木籠用斷銹在柵檻下爬土鑽出潛至圍墻下挖洞逃逸經石三等尋查一同追拏無蹤稟勘飭緝旋經該典史會同緝獲審供不諱查吳阿浩原犯共謀爲盜因別故不行事後

分贓擬遣與免死盜犯脫逃被獲例應正法者不同應以平常遣犯論例無遣犯越獄作何治罪明文應比照軍流問擬除衛鶴夏慶夏思誠均依不覺失囚律於逃囚遣罪上減等擬徒石三等擬杖外吳阿浩應比依犯罪囚禁在獄僅止一二人乘間穿穴踰牆脫逃原犯軍流律應加等者改爲絞例擬絞監候秋後處決等因具題奉

旨吳阿浩依擬應絞著監候秋後處決餘依議欽此

光緒四年秋審軍犯一人越獄並未預謀糾夥業已加等吳阿浩應緩決

已勾斬犯于未奉部文以前被匪劫放守法未逃

陝西蒲

城縣案

一起已勾斬犯申蟻秀於未奉部文前被匪劫放守法未逃一案將申蟻秀可否扣除量子末減等因具奏奉

旨刑部議奏欽此該臣等議得申蟻秀先因謀殺斬城身死審依謀殺律擬斬監候彙入光緒三年秋審情實於八月二十日奉

旨勾決嗣蒲城縣刀匪糾眾爬城劫獄申蟻秀被脅不從在獄並未逸出該撫疏稱申蟻秀守法未逃不無可原可否將申蟻秀罪名量子末減等因具奏經刑部查得申蟻秀原犯係謀殺人擬斬已入秋審三次因恭逢

恩旨停勾本年仍入情實業經奉

旨勾決未便率照因變逸出自行投歸之例輕議減等惟該犯守

大獄尋

卷下 雜項成案

申蟻秀

法未逃究在未奉

勾到之前且係被脅不從尙知畏法情稍可原自應照歷辦成案酌量問擬申蟻秀應照原犯斬監候罪名酌入秋審緩決請旨定奪所有該撫聲請減等之處應毋庸議等因具奏奉旨依議欽此

光緒四年秋審申蟻秀應緩決

聚眾中途打奪解審發回監禁軍犯因而傷差
湖北恩施

縣案

一起劉萑立聚眾奪犯拒傷差役陳正新平復一案將劉萑立依律擬絞等因具題奉

旨三法司核擬具奏欽此該臣等會看得劉萑立先未爲匪劉萑立

胞兄劉汶炳因京控張崇德等侵吞積穀等情提省委審將劉汶炳依棍徒擾害例擬軍發回監禁聽候部覆劉萑立擬杖先行責釋同治十一年十月間劉萑立自省回家向其母蔡氏告知劉汶炳問罪情由蔡氏思子朝夕啼哭劉萑立勸解不釋恐母年邁憂鬱成疾探知劉汶炳已由省起解不日即可到縣起意糾人中途將兄奪回以安母心隨向胞弟劉萑熾堂弟劉萑明劉萑來胞姪劉志城並素好之李開舉朱登連告知情由央允相幫嗣劉汶炳由前途遞解至建始縣

經該縣僉差陳正新高鴻禧蘇新榮移營撥兵于文魁黃文遂轉解前進十一月初二日劉莒立探悉前情稔知由建至施必由黃泥泉地方經過遂邀齊劉莒熾等一其七人劉莒立與劉莒熾各帶柴棍鐵尺李開舉攜帶鐵頭木擔餘俱徒手一同前往攔奪朱登連因腹痛轉回劉莒立同劉莒熾等卽在該處樹林等候陳正新等押解劉汶炳走至劉莒立瞥見喝令劉莒熾等一齊上前自用刀背將連手解役陳正新毆傷倒地砍斷鐵鍊將劉汶炳奪走高鴻禧等擁護劉莒熾李開舉各用鐵尺木擔將高鴻禧蘇新榮拒傷劉莒明等在場助勢並未動手當各分途逃逸稟驗獲犯審供不諱陳正新等傷均平復除劉莒明劉志城均依尊長率領卑幼毆差奪犯隨從之卑幼未傷人例擬徒援免劉汶炳等緝獲另結外劉莒立合依官司差人捕獲罪人聚眾中途打奪因而傷

差人者絞律擬絞監候秋後處決事犯在

恩旨

恩詔以前係奪犯傷差爲首不准援減援免等因具題奉

旨劉菖立依擬應絞著監候秋後處決餘依議欽此

光緒二年秋審奪犯傷差擬絞劉菖立應情實

聽從私雕假印誑騙得贓因首犯被獲解案聚眾中途打

奪並未傷差 江西義甯州案

一起帥直漳聚眾奪犯未傷人一案將帥直漳依例擬絞等因具題奉

旨三法司核擬具奏欽此該 臣等會看得帥直漳先未爲匪同治四年六月間帥直漳與游燦頭陳沈李菖和並劉才瀟吳勢漳盧新玉李家升李得厚張美詳馮道貧難游燦頭稔知該州連界地方有捻匪滋事經州勸諭各鄉辦團游燦頭起意商允帥直漳等私雕州印捏造勸捐團費票簿騙錢分用游燦頭揭得牆上告示用油紙描摹印模央允刻字匠陳煥荏雕刻陳煥荏當照原樣雕成假印一顆游燦頭付給工錢二千文復令陳沈買備紙張印色造就奉州勸捐團費票簿蓋用假印與帥直漳等前赴陳古孫等家勸捐陳古孫等信以

爲實各給錢自三四百至六七百文不等共騙得錢五千三百文俵分花用經州訪聞勒差周富等踴緝五年二月初二日周富拏獲游燦頭解州審辦帥直漳聞知恐游燦頭到案供出實情起意奪犯央允族人帥勢金並劉恩贊幫奪許俟事後酬謝一共三人追至中途帥直漳見周富押帶游燦頭在前行走喊同帥勢金等趕上將游燦頭奪放逃逸周富等追捕無及稟州勒緝獲犯並究出陳洸另犯夥同游燦頭等偽造印信誑騙稅契得贓等情審供不諱查帥直漳因游燦頭犯案被獲起意糾眾中途打奪罪應擬絞其聽從私雕假印誑騙得贓罪止擬徒應從重問擬除游燦頭依偽造印信誑騙財物錢不及十千例擬流陳洸李萑和依爲從例陳煥荏依僅受些微價值代爲私雕並無同謀分贓情事例均擬徒陳洸另案擬結帥勢金病故劉才富等緝獲另結外帥直

漳合依官司差人捕獲罪人但經聚眾奪犯雖未傷人首犯亦照傷人律絞例擬絞監候秋後處決等因具題奉

旨帥直漳依擬應絞著監候秋後處決餘依議欽此

同治九年秋審糾眾奪犯並未傷差帥直漳應緩決

聚眾奪犯未傷人之案例係由輕加重如糾夥未至十人秋審向俱入緩此起聽從私雕假印誑騙得贓因首犯被獲解案起意中途打奪情節較重惟糾夥僅止三人並未毆傷差役其聽從私雕假印誑騙係屬輕罪尙可不以之加重記緩候核

挾讎放火延燒鄰屋 吉林案

一起陳剛挾讎放火延燒房屋一案緣陳剛素不務正同治三年隻身赴呼蘭地方東昌凌子等屯傭工與官屯人范小把認識往來范小把常向陳剛借貸錢文十年十一月二十七日陳剛乏錢使用向范小把借錢一二千文范小把不允陳剛忿恨是夜二更時候走到范小把場園用煙袋火放在穀草垛上燒燬穀草兩垛秫秸一垛又有陳有祿充當屯中會總常向屯眾聲言不准留陳剛在屯存住陳剛懷恨起意放火燃燒洩忿因李得曾在陳有祿家傭工有隙找向商允幫同放火十一年三月二十三日夜陳剛與李得攜帶火煤至陳有祿門首一同跳進院裏各用火煤塞入草囤走出因火未甚著僅將房屋延燒一孔當經撲滅二十四日陳剛復向素與陳有祿不睦之干石洛五魏木匠告說陳有祿素日可

惡邀令幫同放火于石洛五等因與陳有祿鄰人顧興得有
讎亦欲燒燬洩忿彼此商議停妥是日日巳刻分攜火煤偕至
顧興得院內于石洛五魏木匠走入東房陳剛在北各將火
煤塞入房簷草內正值風大火起延燒鄰人陳金英任委匠
房屋各散報勘獲犯究出陳剛另犯聽從管幅等行竊三次
並管幅李寬燒燬黃玉等家場園各一次等情審供不諱查
陳剛挾讎放火延燒顧興得等房屋罪應擬斬其燒燬范小
把場園及另犯行竊均屬輕罪應從重間擬除挾讎放火未
傷人爲從罪應擬軍之于石洛五魏木匠並李得等緝獲另
結管幅依挾讎故燒場園柴草等物爲首例擬流不准援免
外陳剛合依挾讎放火燒燬房屋未傷人爲首斬例擬斬監
候事犯在

恩詔以前係挾讎放火燒燬房屋爲首不准援減援免惟所燒鄰人房屋究係延燒所致應照奏定章程酌入秋審緩決辦理等因具題奉

旨陳剛依擬應斬著監候酌入秋審緩決餘依議欽此

光緒二年秋審陳剛應緩決

捉人勒贖 廣東新安縣案

一起魯得廣商同魯燕合魯亞亮羊生傅亞澳擄捉符亞芹等勒贖一案將魯得廣魯燕合魯亞亮羊生傅亞澳均依例擬絞等因具題奉

旨三法司核擬具奏欽此該 臣等會看得魯得廣魯燕合即魯燕
滔魯亞亮羊生傅亞澳均先未為匪魯得廣駕船營生雇魯
亞亮羊生傅亞澳並張亞四張九妹張老行譚亞起譚亞勝
魯亞七伍亞俊充當水手同治七年八月間魯得廣與魯燕
合遇道貧難魯得廣稔知捕魚船戶近因魚汛暢旺均有銀
錢積蓄鄉愚畏事起意商允魯燕合前往擄拐勒贖得贖分
用並向魯亞亮等告知邀令幫同擄捉魯亞亮等俱各允從
共夥十二人駕坐魯得廣船隻開行十四日駛至渡口魯得
廣瞥見符亞芹麥亞中等漁艇兩隻在彼捕魚魯得廣向符

亞芹捏呼買魚駛船泊攏令譚亞起譚亞澐魯亞七伍亞俊
在船看守自與魯燕合等走過漁艇將符亞芹並符亞琮李
大義擄捉回船麥亞中並麥亞齊王亞廖趕救魯得廣喝令
魯燕合等將麥亞中等一併擄捉回船連符亞芹等分禁艙
底駛赴僻處停泊給與飯食輪流看守並無陵虐情事勒令
通知親屬備銀取贖經符亞芹等親屬符世英等湊銀一百
一十兩交魯得廣手收魯得廣將符亞芹等放還贖銀與魯
燕合俵分魯亞亮等因有水手工食並未分用九月初六日
魯得廣復起意商允原夥擄捉勒贖將船駛至港口適有王
七寶在彼捕魚魯得廣將船泊攏王七寶漁艇令譚亞起等
在船看守自與魯燕合等走過漁艇將王七寶並王三欄王
二川擄捉回船分禁艙底嗣魯得廣添雇水手魯東澳魯亞
登章晚仔捏稱接載客貨魯東澳等信以爲實十月二十八

日魯得廣見有張那合王那勝駕艇在港口捕魚復起意擄捉勒贖並邀魯東澳等人夥魯東澳等畏懼不允魯得廣仍商允原夥將船泊攏令譚亞起等在船看守自與魯燕合等走過漁艇將張那合王那勝擄回關禁魯得廣見前面尙有漁艇兩隻起意一併擄捉令魯燕合等將船駛攏魯得廣與魯燕合等擁過張雷棟漁艇將張雷棟並張三城王五仔王大奉王開萌擄捉並將同幫漁艇張大幅張大淦許中厚王三中一併擄捉回船分禁艙底給與飯食輪流看守並無陵虐情事亦未勒贖得贓經縣訪聞獲犯起出被擄之王七寶等十四名訊釋提犯審供不諱除聽從擄捉三次以上罪應擬絞之張亞四張九妹張老行並魯東澳魯亞登病故章晚仔擬杖援免譚亞起等緝獲另結外魯得廣魯燕合卽魯燕涓魯亞亮羊生傅亞澳均合依廣東省捉人勒贖之案被捉

數在三人以上擄捉已至三次同時並發罪應遣軍者加擬絞例擬絞監候俱秋後處決事犯在

恩旨以前惟招解在後毋庸查辦傅亞澳據供母老丁單惟係捉人勒贖情節較重應不准其留養等因具題奉

旨魯得廣魯燕合卽魯燕溫魯亞亮羊生傅亞澳俱依擬應絞著監候秋後處決餘依議欽此

同治十三年秋審除魯燕合卽魯燕溫魯亞亮羊生傅亞澳擬以緩決外糾夥擄捉至三次以上內一次勒贖得贓已逾百兩前後擄捉數至二十人之多該犯迭次起意爲首情殊兇暴未便因例係由輕加重與從犯均擬緩決魯得廣應情實

矜緩比較成案

毆死不孝有據之妻

江西萬安縣案

一起蕭揚篙致傷伊妻高氏身死一案將蕭揚篙依律擬絞等因具題奉

旨三法司核擬具奏欽此該臣等會看得蕭揚篙與妻高氏素睦無嫌同治七年五月閒蕭揚篙出外傭工因母郭氏患病囑令高氏在家侍奉湯藥高氏俟蕭揚篙出門卽私回母家十三日蕭揚篙工畢回歸向郭氏問知前情當將高氏訓責高氏不服頂撞蕭揚篙用拳毆傷其左後肋左右脊膂高氏拾石蕭揚篙舉腳嚇踢鞋尖適傷其左後脇倒地移時殞命報驗審供不諱蕭揚篙合依夫毆妻至死者絞律擬絞監候秋後處決等因具題奉

旨蕭揚篙依擬應絞著監候秋後處決餘依議欽此

同治九年秋審死係不順之妻蕭揚箐應緩決

死者因該犯外出不爲病姑侍奉湯藥輒私回
母家原揭取有屍親人等供詞卽屬不孝有據
向俱入矜自應備矜 改矜

毆妻倒地因其牽馬翁姑復用刀砍傷身死
河南鹿邑縣
案

一起周拴砍傷伊妻戴氏身死一案將周拴依律擬絞等因具
題奉

旨三法司核擬具奏欽此該_臣等會看得周拴娶妻戴氏素性倔
強每與翁姑頂撞周拴屢訓不悛因此不睦同治七年六月
二十二日周拴攜鐮刀赴地割草戴氏亦赴地看守莊稼戴
氏向周拴索要布疋周拴不理戴氏斥罵周拴回詈戴氏撒
潑撕毆周拴生氣用鐮刀砍傷其左後肋脊背戴氏奪刀周
拴砍傷其右肋倒地戴氏牽馬周拴父母周拴復用刀砍傷
其臍肚小腹至二十四日殞命報驗審供不諱周拴合依法
毆妻至死者絞律擬絞監候秋後處決等因具題奉
旨周拴依擬應絞著監候秋後處決餘依議欽此

同治九年秋審死係不孝有搗之妻周拴應請入矜

致斃妻命金刃五傷三致命二透內三骨損二
在倒地後勘傷較重惟死者不聽教訓復撒潑
撕毆辱罵翁姑實屬不順該犯殺非有心亦無
憎嫌詐賴別情至死者牽罵翁姑已在該犯將
其砍傷之後向不議矜只可原緩記候核 照
緩不入矜

父已受傷救護斃命金刃三傷二致命一透內腸出一透

膜 山東夏津縣案

一起于大小扎傷于學勤身死一案將于大小依律擬絞等因具題奉

旨三法司核擬具奏欽此該 臣等會看得于大小與無服族祖于學勤素睦無嫌同治七年五月間該莊公議按戶出工修圍禦賊初十日于學勤未往工作于大小之父于青莪斥說其非于學勤不服混罵于青莪回詈于學勤用刀砍傷于青莪左耳輪左脊脊于大小聞鬧攜槍趕至救護用槍將刀格落扎傷于學勤左肋于學勤撲毆于大小情急用槍扎傷其胸膛右脇倒地至十一日殞命報驗審供不諱于大小台依同姓服盡親屬相毆至死以凡論鬪殺者絞律擬絞監候秋後處決等因具題奉

大武官 於緩比較成案

于大小

旨于大小依擬應絞著監候秋後處決餘依議欽此

同治九年秋審衅起救父扎有急情于大小應緩決

救親斃命之案如見父受傷情切救護者雖互
鬪亦有人矜成案此起金刃三傷二致命一透
內腸出一透膜論傷固重惟確因見死者將伊
父砍傷救護起衅自應備矜記候核 改矜

見父受傷救護斃命金刃致命二傷一透內一穿透直隸
雄縣案

起金升扎傷梁廣山身死一案將金升依律擬絞等因具題
奉

旨三法司核擬具奏欽此該臣等會看得金升與梁廣山鄰村無
嫌同治五年八月十五日梁廣山與弟梁廣海赴地收穫稔
梁金升年甫八歲之幼弟金羣至梁廣山地內順指稔梁穗
一莖玩耍梁廣山等瞥見辱罵並以如再往竊定行毆斃之
言恐嚇金羣撩棄稔梁穗哭喊回家金升之父金汰詳聞知
氣忿往向梁廣山等評理彼此爭吵經人勸散梁廣山等傍
晚回歸路經金汰詳門首梁廣山復向指名嚷罵金汰詳被
言不甘擲槍出向不依梁廣山等迎毆金汰詳用槍向扎梁
廣海用木棍毆傷金汰詳左手背梁廣山用禾叉扎傷金汰

詳額顛左眉叢上唇吻左右手指梁廣海復用棍毆傷金汰
詳左顛頰並將槍格落金汰詳拾槍被梁廣山用腳踢傷下
部用叉扎傷右臂膊並被梁廣海用棍毆傷左後肋金汰詳
負痛退避適金升由地工作回歸瞥見趨護梁廣山用叉扎
傷金升右臀劃傷脊背梁廣海用棍毆傷金升左後脇左臀
金升拾槍撲扎復被梁廣山用叉扎傷頂心左胎膊左膝左
脇肋並在牆上擦傷左肱肘金升情急用槍還扎致傷梁廣
山左乳並肚腹穿透左後脇劃傷右顛頰倒地至十六日殞
命報驗審供不諱除梁廣海擬笞外金升合依鬪毆殺人者
不問手足他物金刃並絞律擬絞監候秋後處決等因具題
奉

旨金升依擬應絞著監候秋後處決餘依議欽此

同治九年秋審衅起護父扎由情急金升應遵照通行酌入

可矜

見父受傷救護斃命之案雖互鬪原應入矜此
起金刃致命二傷一透內一由肚腹穿透左後
脇另劃一傷勘傷綦重惟死者兄弟二人將該
犯之父扎毆十餘傷之多該犯瞥見擁護迭被
毆扎致傷該犯拾槍還扎確由情急抵禦所致
衡情不無可原究係致命穿透之案未便議矜
尙可原緩記候核 照緩不入矜

見父受傷擁護斃命金刃一傷

直隸獻縣案

一起苑練扎傷傅丙肆身死一案將苑練依律擬絞等因具題奉

旨三法司核擬具奏欽此該_臣等會看得苑練與傅丙肆同村無嫌該村有公共蒸籠兩具歸苑練之父苑詳與傅丙肆經管出貨得錢充公光緒元年三月間村人劉二城向傅丙肆借用一具並無賃錢亦未歸還七月十八日苑詳攜帶木柄禾叉路過劉二城家場地窩鋪適劉二城與兄劉大城並傅丙肆肆在鋪閒談苑詳卽向劉二城討還蒸籠劉二城與傅丙肆均斥說多管苑詳分辯與劉二城互詈劉二城用鐵鋤撲毆苑詳用禾叉柄將鋤格落戳傷劉二城左顙頰咽喉右手心劉二城拾鋤將叉格落毆傷苑詳左肋偏左傅丙肆亦取鐵槍扎傷苑詳顙門左腿左手指左右臙肘時苑練在地工作

聞鬧趨至瞥見擁護傅丙肆舉槍撲扎苑練閃避乘勢奪槍嚇扎適傷傅丙肆右乳倒地劉大城趕擁奪槍苑練用槍劃傷劉大城左手指劉大城拏木棍毆傷苑練右臙朋左膝傅丙肆移時殞命報驗審供不諱劉二城等傷經平復除劉二城等分別擬笞外苑練台依鬪毆殺人者不問手足他物金刃並絞律擬絞監候秋後處決等因具題奉

旨苑練依擬應絞著監候秋後處決餘依議欽此

光緒四年秋審衅起護父奪槍嚇扎一傷適斃卽另傷一人亦屬輕罪不議苑練應緩決

救親斃命之案如犯親受傷雖互鬪亦入可矜
此起犯父身迭受傷且衅起理直該犯情切救
護自應照章備矜 改矜

父被共毆僅受一傷趨護致斃並未下手毆傷伊父之人

直隸三河縣案

一起賈城淋扎傷王泳繕身死一案將賈城淋依律擬絞等因具題奉

旨三法司核擬具奏欽此該_臣等會看得賈城淋與王泳繕素識無嫌賈城淋之父賈良作賣乾粉營生王泳繕已故胞兄王泳得在日賒欠賈良作乾粉錢文未還光緒元年八月初四日王泳繕偕王泳得之子王暢通與賈良作途遇賈良作令王暢通代父償欠王暢通索看帳簿賈良作未經攜帶斥說有意狡賴致相罵詈王暢通用拳毆傷賈良作鼻梁互相揪扭王泳繕幫護賈城淋在地割草瞥見趨護王泳繕向賈城淋撲毆賈城淋情急用鎌刀嚇扎適傷其小腹倒地移時殞命報驗審供不諱除王暢通擬笞外賈城淋合依鬪毆殺人

者不問手足他物金刃並絞律擬絞監候秋後處決等因具
題奉

旨賈城淋依擬應絞著監候秋後處決餘依議欽此

光緒四年秋審衅趨護父嚇扎一傷適斃賈城淋應緩決

王嶋通與叔王泳繕共毆賈良作業已鼻梁受
傷該嶋瞥見趨護將王泳繕扎斃可否照救親
人矜記候核 照緩不入矜

死者與伊母互毆致傷攏勸斃命 四川崇慶州案

一起王滯隆等共毆楊萬東身死一案將王滯隆依律擬絞等
因具題奉

旨三法司核擬具奏欽此該 臣等會看得王滯隆與楊萬東素識
無嫌彼此田界毗連同溝灌溉嗣王滯隆因溝水泛漲空缺
田坎由楊萬東田內放水楊萬東慮恐冲毀田禾屢催王滯
隆築修未理光緒元年八月二十七日楊萬東至王滯隆家
向王滯隆之母楊氏催築田坎楊氏斥說不應催逼楊萬東
不依嫚罵楊氏回詈楊萬東用木棍毆傷楊氏左臂膊左腕
肘左手腕楊氏用刀抵格刀尖劃傷楊萬東額顙並錄傷其
右眉叢右頤頰楊萬東用棍毆傷楊氏額顙王滯隆聞聲攏
勸楊萬東斥罵幫護用棍向毆王滯隆奪棍毆傷其左右額
角楊萬東奪棍王滯隆用棍毆傷其額顙楊萬東扯頭拚命

王滯濬情急用棍嚇毆適傷其顛門倒地至九月十五日殞命報驗獲犯審供不諱查楊萬東身受各傷惟後被王滯濬毆傷顛門為重應以擬抵除楊氏依刃傷人律擬徒援免並免收贖外王滯濬合依其毆人致死下手傷重者絞律擬絞監候秋後處決等因具題奉

旨三滯濬依擬應絞著監候秋後處決餘依議欽此

光緒四年秋審毆非預糾傷由抵禦死越旬餘王滯濬應緩決

查咸豐十一年奏定章程救親情切者無論傷痕多少是否互鬪均入可矜此起該犯因聞死者與伊母毆打忙攏拉勸死者斥罵幫護用棍向毆其為情切救母可知且伊母身受多傷該犯棍由奪獲案雖互鬪似可備矜謹記候核

照照緩不入矜

大獸得更
矜緩比較成案

臣

王滯隆

被扭掙扎同跌落河兇犯經救得生 四川漢州案

一起吳萌江掙跌陳柳經落河身死一案將吳萌江依律擬絞等因具題奉

旨三法司核擬具奏欽此該 臣等會看得吳萌江與陳柳經素識無嫌吳萌江代胞姪吳良青借用陳柳經錢三千文未償光緒二年五月十三日吳萌江在河邊與陳柳經撞遇陳柳經向索代借錢文吳萌江央緩陳柳經不依嫚罵吳萌江回詈陳柳經扭住吳萌江髮辮揜按吳萌江掙扎不期河坎土鬆被躡崩陷陳柳經站立不穩失足連吳萌江帶跌落河吳萌江經救得生陳柳經被溺殞命報驗獲犯審供不諱除吳良青擬杖外吳萌江合依鬪毆殺人者不問手足他物金刃並絞律擬絞監候秋後處決等因具題奉

旨吳萌江依擬應絞著監候秋後處決餘依議欽此

光緒四年秋審身先被扭死由跌溺吳萌江應緩決

被拉並未還手同跌落河兇犯幸而得生向有
入于可矜成案此起死者扭住伊髮接按該犯
掙扎不期同跌落河該犯幸而得生自應備矜
可矜

幼孩鬪毆斃命死者年長六歲 湖南東安縣案

一起胡知方戳傷胡應幅身死一案將胡知方依律擬絞等因具題奉

旨三法司核擬具奏欽此該 臣等會看得胡知方與無服族人胡應幅素睦無嫌光緒元年六月二十六日胡知方見胡應幅在公共墳山砍柴攏向斥阻胡應幅混罵致相爭鬧胡應幅用刀向砍胡知方奪刀過手胡應幅撲向撞頭胡知方情急用刀嚇戳適傷其偏右倒地移時殞命報驗投首審供不諱胡知方合依同姓服盡親屬相毆至死以凡論鬪殺者絞律擬絞監候秋後處決等因具題奉

旨胡知方依擬應絞著監候秋後處決餘依議欽此

光緒三年秋審刀係奪獲嚇戳一傷情非欺陵胡知方應緩決

刑部核擬具奏欽此

是

胡知方

幼孩殺人之案如死者年長兇犯四歲以上又
理曲逞兇恃長欺侮者准照丁乞三仔之案隨
本減流如與例稍有未符定案時仍擬絞候者
秋審酌量入矜此起該犯犯事時年甫十五死
者已二十一歲因伐祖墳樹株被斥用刀向砍
實屬理曲逞兇該犯奪刀嚇截一傷適斃似可
備矜 改矜

因戲捏傷下部身死 安徽五河縣案

一起丁起沅戲殺王士嬉身死一案將丁起沅依律擬絞等因具題奉

旨三法司核擬具奏欽此該臣等會看得丁起沅與王士嬉素好無嫌彼此時相戲謔光緒元年五月初九日丁起沅與王士嬉同坐閒談丁起沅扭住王士嬉兩手頑耍王士嬉順勢將丁起沅按倒掙脫兩手在其項頸腋肢搔癢丁起沅掙不脫身用手戲向王士嬉下身抓捏不期手勢過重致傷其下部倒地至初十日殞命報驗獲犯審供不諱丁起沅合依因戲殺人以鬪殺論鬪殺者絞律擬絞監候秋後處決等因具題奉

旨丁起沅依擬應絞著監候秋後處決餘依議欽此

光緒三年秋審傷由戲捏死出不虞丁起沅應緩決

二、矜緩比較成案

字

丁起沅

因戲推跌挫傷疔瘡身死

江蘇嘉定縣案

一起沈象顏戲殺張延淋身死一案將沈象顏依律擬絞等因具題奉

旨三法司核擬具奏欽此該臣等會看得沈象顏與張延淋素好無嫌彼此時相戲謔光緒元年七月二十九日沈象顏在橋邊洗足張延淋飲醉走至戲拍沈象顏肩甲沈象顏轉身見張延淋面帶醉容因其耳患疔瘡聲稱如欲瘡愈必須戒酒張延淋拉沈象顏同往沽酒再飲沈象顏知係酒後戲言用手戲推不期張延淋醉後站立不穩側跌致牆角挫傷其右耳輪連耳竅並挫傷舊疔瘡至三十日殞命報驗審供不諱沈象顏合依因戲殺人以鬪殺論鬪殺者絞律擬絞監候秋後處決等因具題奉

旨沈象顏依擬應絞著監候秋後處決餘依議欽此

陰後比較成案

沈象顏

光緒四年秋審傷由戲推死出不虞沈象顏應緩決

因戲致人溺水身死 山東泗水縣案

一起焦旦戲殺陳得身死一案將焦旦依律擬絞等因具題奉旨三法司核擬具奏欽此該_臣等會看得焦旦與年十一歲之陳得同莊無嫌光緒二年六月十六日焦旦陳得同至水灣洗浴彼此噴水玩耍嗣焦旦從水內摸出鐵釘向陳得戲擲陳得閃避致岸邊石塊磕傷右額角失足跌入深水喊經屍父前往撈救無及被淹殞命報驗審供不諱焦旦合依因戲而殺人以鬪殺論鬪殺者絞律擬絞監候秋後處決等因具題奉

旨焦旦依擬應絞著監候秋後處決餘依議欽此

光緒四年秋審傷由於戲死出不虞焦旦應緩決

水滸傳車馬
卷二

三

鬪毆誤殺旁人 山東淄川縣案

一起郭三誤傷韓得寬身死一案將郭三依律擬絞等因具題奉

旨三法司核擬具奏欽此該_臣等會看得郭三與韓得寬素識無嫌光緒二年五月初四日郭三向韓得寬族兄韓得普索討欠錢韓得普無錢回覆郭三不允韓得普斥說薄情口角勸散是夜韓得普因郭三索欠緊急赴郭三門首喊罵郭三聽聞順攜防夜鐵鎗走出向韓得普嚇扎韓得普閃避適韓得寬趨至拉勸正至韓得普身後郭三因黑夜看視不清致誤扎傷韓得寬左膀倒地移時殞命報驗審供不諱除韓得普擬杖外郭三合依因鬪毆而誤殺旁人以鬪殺論鬪殺者絞律擬絞監候秋後處決等因具題奉

旨郭三依擬應絞著監候秋後處決餘依議欽此

光緒四年秋審傷由於誤死出不虞郭三應緩決

擅殺而誤殺其人之子 四川富順縣案

一起陳灤格誤傷周一桃身死一案將陳灤格依律擬絞等因具題奉

旨三法司核擬具奏欽此該_臣等會看得陳灤格與年甫二歲周一桃之母張氏素無嫌隙陳灤格向佃張氏房屋同院居住有郭二與陳灤格並張氏均素識往來陳灤格之妻鄧氏見面不避同治六年五月間郭二至陳灤格家詢知陳灤格外出當向鄧氏調姦鄧氏聲稱房屋窄小慮恐陳灤格回家撞見郭二向張氏借屋與鄧氏通姦並許謝給錢米張氏貪利應允陳灤格並不知情七月初七日郭二與鄧氏在張氏堂屋同坐說笑陳灤格回家撞見知有姦私趕攏喊拏郭二逃跑陳灤格追拏不獲轉向鄧氏盤出前情陳灤格當將鄧氏斥罵卽往張氏家時張氏搥背周一桃站在堂屋陳灤格斥

說不應容止俟我獲郭二一同送究張氏不服嫂罵陳滌格
回詈張氏攜刀向砍陳滌格奪刀砍傷張氏額門偏左張氏
撲向抓毆陳滌格砍傷張氏左胎膊左肩甲張氏抓住陳滌
格胸襟拚命陳滌格掙不脫身情急用刀嚇砍不期張氏頭
往右側陳滌格收手不及誤砍傷周一桃偏右連額門張氏
鬆手倒地磕傷周一桃右額角張氏長子周一體與鄧氏聞
鬧攏勸陳滌格用刀劃傷周一體鼻梁左眼胞並砍傷鄧氏
額顛腦後周一桃至十六日殞命報驗獲犯審供不諱張氏
等傷均平復除郭二病故張氏擬杖鄧氏擬以杖決枷贖給
屬領回聽其去留外陳滌格合依鬪毆而誤殺其人之子依
鬪殺科罪鬪殺者絞律擬絞監候秋後處決等因其題奉

旨陳滌格依擬應絞著監候秋後處決餘依議欽此

同治九年秋審傷由誤中死出不虞情非欺陵陳滌格應緩

決

誤殺向不入矜以其緩決一次後卽准減等也
至誤殺其人之子例不准一次減等遇有情節
實可矜憫者亦應一體酌入可矜以昭平允此
起該犯因死者之母容止伊妻與人通姦向斥
爭鬧如將死者之母致斃自應照擅殺律定擬
今將死者誤行砍斃定案時因誤殺以鬪殺論
照因鬪誤殺其人之子例擬絞秋審衡情究與
因別故爭鬪誤斃其子者不同若因死係其人
之子不得一次查辦未免向隅似應將該犯酌
入可矜俾得與別項誤殺之案均歸一次減等
仍記候核 改矜

事主致斃到官在押脫逃持刀逞兇之竊賊 直隸南皮縣 案

一起劉憬立擅殺劉了頭身死一案將劉憬立依律擬絞等因 具題奉

旨三法司核擬具奏欽此該 臣 等會看得劉憬立即劉所與劉了頭同姓不宗鄰村無嫌劉了頭素不務正時常偷竊咸豐十一年十二月初四日夜劉憬立家被賊竊去衣物劉憬立驚覺起捕賊已攜賊逃逸劉憬立瞥見落後一賊認係劉了頭喊同村人追趕無蹤劉憬立報縣勘緝旋獲劉了頭訊認糾邀于馬等四人行竊劉憬立家衣物屬實將劉了頭管押嗣劉了頭在押脫逃劉憬立疑係賄縱以劉了頭糾搶捕役賄縱等詞控經道府飭縣詳緝同治四年五月閒劉憬立之弟劉憬中在地工作劉了頭持刀經過聲稱劉憬立不應控其

火獄昇更 卷六 矜緩比較成案

卷

劉憬立

糾搶向劉憬中尋覓劉憬中畏兇逃回閩五月十六日劉了頭攜刀至劉憬立家門首嚷罵稱欲拚命劉憬立聽聞出向理論劉了頭用刀向扎劉憬中攔勸劉了頭用刀扎傷劉憬中頂心左乳倒地復向劉憬立趕扎劉憬立情急順取鈎杆抵格被劉了頭扎傷顛門劉憬立丟棄鈎杆奪刀復被扎傷右手腕劃傷右手心右手二指劉憬立奪刀撩棄劉了頭撲毆劉憬立拾鈎杆扎傷其頂心右眼睛腦後左臂膊左膝肋右腳腕並用鈎背毆傷其左手腕劉了頭仍向撲毆劉憬立掉轉鈎杆用木柄毆傷其頂心偏右顛門左腳腕左腿肚劉了頭倒地混罵劉憬立撩棄鈎杆取木簡毆傷其右肩甲右臂膊左手背脊背並劃傷右耳根右腿移時殞命報驗審供不諱查劉了頭行竊劉憬立衣物並持刀逞兇係屬罪人劉憬立將其致斃應照擅殺科斷除于馬等緝獲另結外劉憬

立即劉所合依罪人已就拘執而擅殺以鬪殺論鬪殺者絞律擬絞監候秋後處決等因具題奉

旨劉憬立即劉所依擬應絞著監候秋後處決餘依議欽此

同治九年秋審死係行竊罪人到官在押脫逃復持刀逞兇致被刃傷兄弟二人劉憬立即劉所應可矜 緩不入矜

團丁奉派飭拏火器擅殺假官搯詐拒捕傷差罪人

四川

合江縣案

一起杜超羣擅殺劉步澧身死一案將杜超羣依律擬絞並聲明親老丁單等因具題奉

旨三法司核擬具奏欽此該臣等會看得杜超羣與劉步澧素無讎隙杜超羣充當團丁劉步澧與丁潰同路遊蕩同治六年五月閒劉步澧憶及沿河常有硝磺船隻過境起意邀允丁潰假充盤查私販硝磺委員搯詐銀錢分用劉步澧捏稱候補府經歷丁潰扮作家丁投歇客店適都司孫庭槐稟飭營書簡同興採辦硫磺一千筋雇劉洪順船隻裝運十六日劉步澧查知令丁潰將劉洪順喚至店內劉步澧稱其船裝私磺欲拏究辦劉洪順分辯劉步澧斥說狡賴定須拷打劉洪順向懇劉步澧聲稱如能給銀五十兩方可無事劉洪順見

劉步灃強橫將銀四兩二錢交劉步灃手收餘約回船取給
劉步灃令丁潰同劉洪順赴船取銀劉洪順向簡同與述悉
情由簡同興向丁潰扭獲送縣票差劉福傳劉步灃赴質劉
步灃不服劉福攏拏劉步灃拔刀砍傷劉福額顛稟經該縣
飭派杜超羣漆占鰲楊才李青往拏杜超羣攜裝就藥砂烏
鎗漆占鰲等徒手同至店內捕拏劉步灃逃走杜超羣等追
及劉步灃奪鎗杜超羣將鎗點放砂子轟傷其咽喉胸膛連
心坎左乳肚腹左肋右肋透過右後肋倒地杜超羣等將劉
步灃送縣曰不能言語至傍晚殞命委驗審供不諱查劉步
灃假官搯詐拒捕傷差杜超羣奉派飭拏卽有應捕之責其
將劉步灃放鎗轟斃應按擅殺問擬除丁潰依詐官圖騙擬
軍例爲從減等擬徒外杜超羣合依罪人不拒捕而擅殺以
鬪殺論鬪殺者絞律擬絞監候秋後處決據供父老丁單是

否屬實應俟秋審時照例查明取結送部核辦等因具題奉旨杜超羣依擬應絞著監候秋後處決餘依議欽此

同治九年秋審死係假官搯詐罪人杜超羣應緩決再該犯原供親老丁單俟查覆至日再行核辦

雖係火器殺人惟死者假官搯詐拒捕傷差實屬罪人既照擅殺定擬自應入緩結到並准留養記候核 照緩

擅殺竊放田水罪人 江西分宜縣案

一起鍾傑七擅殺林燭六身死一案將鍾傑七依例擬絞並聲明府老丁單等因具題奉

旨三法司核擬具奏欽此該臣等會看得鍾傑七與林燭六鄰村無嫌彼此田畝毗連光緒元年六月閒林燭六懶車田水在田墜空窩私放鍾傑七田水蔭田放畢塞窩鍾傑七不知疑係相鼠鑽窩漏乾當邀在逃族人鍾麥丁將水車滿二十八日鍾傑七與鍾麥丁並在逃族人鍾燦汶砍柴回歸就近赴出巡邏適林燭六又因田禾無水用槍掘開原窩竊放鍾傑七田水灌蔭鍾傑七撞見喝問林燭六攜槍逃跑鍾傑七氣忿喊同鍾麥丁等趕上捉拏林燭六用槍亂戳鍾燦汶用刀戳傷其右太陽右脇鍾麥丁用刀戳傷其左脊背劃傷左手腕林燭六用槍戳傷鍾傑七左肩甲鍾傑七奪槍戳傷其左

臂膊左腿倒地林燭六滾罵稱欲毀苗報復鍾岱七氣忿起
意致死復用槍戳傷其偏左腦後咽喉右耳垂連耳根並肚
腹左脇胸膛連心坎擦傷左腿後當即殞命報驗獲犯審供
不諱查林燭六身受各傷惟後被鍾岱七戳傷胸膛等處爲
重林燭六竊放鍾岱七田水係屬罪人鍾岱七將其致斃應
按擅殺擬抵除鍾麥丁等緝獲另結外鍾岱七合依罪人不
拒捕而擅殺以闕殺論闕殺者絞律擬絞監候秋後處決據
供伊母年老家無次丁是否屬實應俟秋審時照例查明取
結送部核辦等因具題奉

旨鍾岱七依擬應絞著監候秋後處決餘依議欽此

光緒四年秋審擅殺竊放田水罪人鍾岱七應緩決母老丁
單取結送部辦理 准其留養

男子先被鷄姦後經悔過拒絕復被逼姦殺死姦匪 山西
太平縣案

一起張歡狗擅殺張二白娃身死一案將張歡狗依律擬絞等
因具題奉

旨三法司核擬具奏欽此該 臣等會看得張歡狗與張二白娃同
姓不宗素好無嫌同治元年六月間張二白娃雇張歡狗在
家工作晚間同炕睡宿張歡狗睡熟張二白娃將張歡狗鷄
姦張歡狗回家向伊兄張悶狗告述張悶狗氣忿往尋張二
白娃不依未遇當向張歡狗訓斥禁止張歡狗愧悔將張二
白娃拒絕卽與張悶狗赴外傭工未回光緒元年六月十五
日張歡狗歇工回家赴隣村探親與張二白娃途遇張二白
娃令張歡狗赴空窑續姦張歡狗不允斥罵張二白娃攏將
張歡狗摟住不放張歡狗圖脫情急順拔身佩解刀扎傷其

右後脇張二白娃鬆手奪刀張歡狗又用刀扎傷其右乳倒地經村人郭通貴趨至勸歇詢明情由張二白娃移時殞命報驗審供不諱查張歡狗先被張二白娃鷄姦後經悔過拒絕有張問狗等供證可憑自應按例問擬張歡狗合依男子先被鷄姦後經悔過拒絕確有證據復被逼姦將姦匪殺死者照擅殺律絞例擬絞監候秋後處決等因具題奉

旨張歡狗依擬應絞著監候秋後處決餘依議欽此

光緒三年秋審死係逼姦罪人張歡狗應緩決

毆致命而非重傷越九日因風身死 陝西邠州案

一起李根材毆傷魏有堂身死一案將李根材依律擬絞等因具題奉

旨三法司核擬具奏欽此該 臣等會看得李根材與魏有堂同村無嫌李根材受雇與魏有堂家幫工並無主僕名分光緒元年七月二十四日李根材割草挑回魏有堂因割草甚少斥說偷懶李根材不服分辯魏有堂生氣取木楸毆傷李根材左胎膊李根材順抽木擔格傷其偏右逃跑李根材慮恐告官受罪央人帶向報禮息事魏有堂傷輕漸已結痂行動如常旋因牛犢跑走追趕掙破傷口進風至八月初三日因風殞命報驗審供不諱查李根材毆傷魏有堂致命偏右雖越九日因風身死仍應按律擬抵李根材合依鬪毆殺人者不問手足他物金刃並絞律擬絞監候秋後處決等因具題奉

旨李根材依擬應絞著監候秋後處決餘依議欽此

光緒三年秋審格毆傷輕死由抽風李根材情有可矜

致命而非重傷越九日因風身死定案時因未
及十日不得隨本減流向有入矜成案 可矜

右刑部秋審處祕書也外閒向無傳本卽同官刑曹苟非與於秋讞之任者未有能窺其隻字也吾晉

撫軍剛公官刑部最久秋讞之役公恆與之是編其手

輯也初刻於粵藩因板片繁重未入行篋乙酉之冬由滇

遷晉旣受篆奏請設課吏館講律令試僚屬以案牘得

旨嘉許五閱月而全律卒業至是乃出是編授晉祥晉祥受而

讀之竊以爲學者治律之後熟復此書雖天地之大人情

之變紛紛紜紜不可殫究其獄成而入於秋讞者要不出

情實緩決可矜三端以律例衡其法以是書準其情未有

不如網之在綱裘之挈領也豈獨秋讞之主臬哉凡作吏

者皆能枕藉一編以爲模範治獄之道思過半矣惜原本

所存無多不敷分布晉祥請重付梓以廣其傳公領之

都爲六卷其一卷曰志略曰條款皆摘錄前賢名論舉所

以爲實與緩與矜者區而別之瞭如指掌也二三四五六卷曰成案皆擇其情之有關出入者表而出之可以類推也雖不足以賅全律而全律之妙用具見於茲矣以昔人未傳之祕俾人人傳之無少諱其公溥之量爲何如其爲功於全律又何如也梓旣成爰述其巔末於卷尾以質諸公且告同志焉時

光緒十二年歲次丙戌六月之吉護理山西冀甯道太原府知府沈晉祥謹跋